

D. E.

# CHRISTIANA


HVMILITATE;

ADVERSVS STOICORVM

DECRETA ET PARADOXA,

LIBRI DVO.

Auctore R. P. IOANNE BOVRGHESIO  
olim Duaci S. Theologiae Professore,  
Societatis IESV.




DVACI;

Ex Typographia BALTAZARIS BELLERI,  
sub Circino aureo, Anno 1633.

---

*Cum Gratia & Privilegio.*





AMPLISSIMO,  
AC PER QVAM REVERENDO  
IN CHRISTO  
PATRI AC DOMINO.  
D. PHILIPPO CAVEREL,  
ABBATI S. VEDASTI.



ÆP E tibi  
opinor, lecta  
est (Admo-  
dum R. D)  
S. Augusti-  
ni ad Diosco-  
rum, etsi pau-  
lo antea Episcopa, quâ propo-  
sitas sibi ab eo curiosas quæstiones  
ex Dialogis Tullij de Anaximen,  
Anaxagora, nec ab Episcopo de-  
cere tractari, nec ab homine Chri-  
† 2 stiano

## EPISTOLA

ftiano vtiliter difci refpondet; prolixè tamen hoc ipfum, quod hisce duobus libellis continetur, argumentum edifferit, de fummo bono, aut eius parte, collocare debeat in corpore, animo, an Deo. Quod fi didiceris neque fumum bonum, nec aliquam partem fummi boni omnino effe in corpore, duo reftabunt, quorum in vno, vel ambo- bus fit. Si autem adieceris, & didiceris hoc idem de animo, quod de corpore, quid aliud iam nifi Deus occurret, in quo fumum hominis bonum conftitutum fit? non quò alia bona non fint, fed fumum id dicitur quò cuncta referuntur. Eo enim fruendo quisque beatus eft, propter quod cætera vult habere; cum illud iam non propter aliud, fed propter feipfum diligatur. Et ideo finis  
ibi



## DEDICATORIA.

ibi dicitur, quia iam quo excurrat,  
 & quo referatur non invenitur, ibi  
 requies appetēdi, ibi fruendi secu-  
 ritas vbi trāquillissimum gaudiū,  
 optimę voluntatis. Demonstrat  
 deinde S. Augustinus, Academi-  
 cos, qui ijdem sunt Platonici,  
 Stoicis & Epicureis maximè re-  
 stitisse, ijsque refellendis ope-  
 ram, atque omnem disputandi  
 contentionem adhibuisse; occul-  
 tatâ tamen sententiâ suâ, quòd ve-  
 ritatem comprehensam non habe-  
 rent. Quantum pertinet ad quæ-  
 stionem de summo hominis bo-  
 no; remouè personas hominum,  
 atque ipsam disceptationem con-  
 stitue; profectò reperiēs duos er-  
 rores inter se aduersâ fronte col-  
 lidi, vnum constituentem in cor-  
 pore, alium constituentem in ani-  
 mo summum bonum; rationem  
 autem veritatis, quâ summum  
 † 3 bonum

## EPISTOLA

bonum nostrum Deus esse intelligitur, vtrique resistere, sed non prius docentem vera, quàm falsa dedocentem. Idipsum rursum adiunctis personis constitue, reperies Epicureos & Stoicos inter se acerrimè dimicantes; eorum verò litem conantes diiudicare Platonicos, occultantes sententiam veritatis, & illorum vanam in falsitate fiduciam conuincentes, & redarguentes; sed non, sicut illi errorum suorum, ita Platonici verè rationis personam implere potuerunt. Omnibus enim defuit Diuinę Humilitatis exemplum, quod oportunissimo tempore per Dominum nostrum IESUM Christum illustratum est: cui vni exemplo, in cuiusvis animo ferociter arrogantis omnis superbia cedit, & frangitur, & emoritur. Quare mirum non est,

## DEDICATORIA.

est, ad Euangelicæ lucis claritatem euanuisse sectas istas Epicureorum ac Stoicorum, iamque penitus obmutuisse; Platonica quoque gentis Philosophos (ut pluribus ibidem prosequitur S. Augustinus) inuictissimo vni Regi Christo pias cervices submis-  
sisse. Sed mirum sanè est, ab erudit-  
is hodieque viris emortuos Stoicorum cineres foueri atque ex-  
suscitari, vnde aliqua contra fidem Christianam scintilla exci-  
tetur, ait idem S. August. quo tamen authore si volumus uti,  
non alia nobis ad capeffendam & obtinendam veritatem via mu-  
nienda est, quàm quæ munita est ab illo, qui gressuum nostro-  
rum tanquam Deus videt infirmitatem; ea autem est prima hu-  
militas, secunda humilitas, ter-  
tia humilitas, & quoties inter-

## EPISTOLA

rogarer, hoc dicerem; sicut Rhetor ille nobilissimus, cum interrogaretur, quid ei primum videretur in eloquentiæ præceptis observari oportere? pronuntiationem dicitur respondisse; cum quæreretur, quid secundo? eandem pronuntiationem: quid tertio? nihil aliud, quam pronuntiationem dixisse; si interrogarer & quoties interrogarer de præceptis Christianæ Religionis, nihil me aliud, nisi humilitatem respondere liberet. Huic humilitati saluberrimæ maximè aduersatur quedam, ut ita dicam, imperitissima scientia, dum nos scire gaudemus, quid Anaximenes, quid Anaxagoras, quid Pythagoras, quid Democritus senserint, & cætera huiusmodi, ut docti eruditiq; videamur, cum hæc à verâ doctrinâ, & eruditione longè absint.

# DEDICATORIA.

sint. Ecce tibi, Reuerende Admodum Præsul, breue velut, præfationis loco, compendium horum libellorum, purè, sincerè, absque fūco & Phaleris de Christiana Humilitate conscriptorum. Atque, vt scriptionis quoque rationem ac formam breuiter explicem, ex Stoicâ Philosophiâ ac disciplinâ mutuata, commodè S. Hieron. Epist. ad Magnum Oratorem Romanum, à quo proposita fuerat ei quæstio, aut potius per eum à Ruffino, qui Calphurnius illi Lannarius dicitur; Cur in opusculis suis sæcularium litterarum exempla proponeret, & candorem Ecclesiæ Ethnicorum sordibus pollueret? Commodè, inquam, & prolixè respondet, allatis compluribus veterum Patrum, ac Scriptorum testimonijs, ipsiusmet Apostoli Pauli, qui scribens ad Titum Epi-  
meni.

## EPISTOLA

menidis abusus est vaticinio; & in aliâ epistolâ, Menandri ponit senarium; & apud Athenienses, in Martis curia disputans, Aratum testem vocat: Ipsius & genus sumus. Ac, ne parum hoc esset, ductor Christiani exercitus, & orator inuictus pro Christo causam agens, etiam inscriptionem fortuitam arte torquet in argumentum fidei. Didicerat enim à vero David, extorquere de manibus hostium gladium, & Golie superbissimi caput proprio mucrone truncare: Legerat in Deuteronomio, Domini voce præceptum, mulieris captivæ radendum caput & supercilia, omnes pilos & ungues corporis amputandos, & sic eam habendam in coniugio. Quid ergo mirum, si & ego sapientiam sæcularem propter eloquij venustatem, & membrorum pulchritudinem, de ancilla atque

captiva

# DEDICATORIA.

captiua, Israëlitidem facere cupio?  
 Hæc pro se, ac pro me quoque, si  
 pateris, D. Hieronymus: vt planè  
 confidam, non secus ac nuper Ca-  
 tonem meum Christianum, ita &  
 hos aduersus Stoicorum decreta,  
 ac Paradoxa libellos Ampl. T.  
 non ingratos fore, ac modestos  
 subinde monitores, vt quam amat  
 eximiè virtutem humilitatis, porro  
 pergat excolere, ac tueri tot inter  
 res præclarè gestas, quarumque  
 omnium authorem agnoscis Diui-  
 nam in te liberalitatem ac muni-  
 ficentiam, cuius honori ac glo-  
 riæ laudum tuarum omnium  
 celebritatem animo gratissimo  
 transcribis, illud accinens Regij  
 Vatis: *Tu autem Domine susceptor  
 meus es, gloria mea, & exaltans ca-  
 put meum.* (Apud Bonos iura Pie-  
 tatis) ad humilitatem referri pos-  
 se videtur. Nam aduersus Deum  
 Reli-

## EPISTOLA

Religio, Pietas, Obseruantia, Humilitas eadem est virtus: Aduersus superiores obseruantia, Pietas, Humilitas, quæ ex Apostoli consilio omnes sibi superiores existimat, eisque defert ob excellentia in eis dona & munera, non differunt, Aduersus pares, & inferiores Commiseratio, Clementia, Mansuetudo, Pietas dicitur, quæ proinde iungitur Humilitati: *Discite à me*, ait Dominus, *quia mitis sum, & humilis corde*. Et Sapiens: *Fili, in mansuetudine opera tua perfice, & super hominum gloriam diligaris. Quanto magnus es, humilia te in omnibus, & coram Deo inuenies gratiam, quoniam magna potentia Dei solius, & ab humilibus honoratur*. Plura non addam ad gratiam aliquam hisce libellis, vel ab argumenti dignitate & necessitate, vel à S. Augustini, cuius potissimum sententijs

Matt. 11.  
v. 29.

Ecc. 3.  
v. 19.



# DEDICATORIA.

tentijs conflati sunt, authoritate conciliandam. Deum precabor vt Reuerend. Admodum D. T. extremam hanc senectutem cumulationibus semper meritorum augmentis locupletet, ac denique, cum centesimam expleris ætatem, pari corona cælestis gloriæ, atque opulencia fælicitatis æternæ remuneret. Duaci 27. Septembris anno 1633.

Admodum Reuerendæ D. T.  
Addictissimus in Christo  
seruus

IOANNES BOVRGHESIUS.

## SVMMA PRIVILEGII.


**E**Go infra scriptus Societatis IESV in Gallo-belgica Prouincialis iuxta Priuilegium à Serenissimis Principibus nostris, eidem Societati concessum, quo Bibliopolis omnibus prohibetur, ne libros ab eiusdem Societatis hominibus compositos, absque Superiorum permissione imprimant, permitto Baltazari Bellero Typographo Duacensi, vt libros duos P. IOANNIS BOVRGHESII è Societate IESV quorum primus est Cato Maior Christianus, siue de Senectute; Alter est de Christiana Humilitate, ad sex annos proximos imprimere, & liberè distrahere, possit. In quorum fidem has manu propriâ subscriptas & officij nostri, sigillo munitas dedi, Duaci 25. Septembris. Anno 1633.

IOANNES LOBBETIVS.

## APPROBATIO.

**L**iber iste, de Christiana Humilitate  
aduersus Stoicorum decreta & pa-  
radoxæ, auctore R.P. IOANNE BOVR-  
GHESIO è Societate IESV olim Duaci  
S. Theologiæ Professore, non elegan-  
tius quam solidius, inanem Stoicæ Phi-  
losophiæ fastum, naturæ vires cum insi-  
gni Diuinæ gratiæ iniuria supra modum  
extollentis, comprimit; gratiæ Christi  
Reparatoris necessitatem beneficium-  
que ex vero demonstrat; hisque duabus  
vijs ad Humilitatem, propriam Christia-  
norum virtutem, cum raritate tum ne-  
cessitate pretiosissimam, compendiose  
deducit. Quambrem auctoritate R.<sup>mi</sup>  
D.<sup>ni</sup> Episcopi Atrebatensis mihi hac in  
parte commissæ, probo vt publici boni  
causa typis mandetur. Datum Duaci 12.  
Octobris, Anni 1633.

**PHILIPPVS DV TRIEV**  
*è Societate IESV S. Theolog.*  
*Doctör, Episcopali auctoritate*  
*Censor constitutus.*





D E

# CHRISTIANA

HVMILITATE

ADVERSVS STOICORVM

DECRETA ET PARADOXA.

LIBER PRIMVS.

---

## CAPVT PRIMVM.

*Disputatio Apostoli cum Epicureis,  
& Stoicis à S. Augustino  
explicata.*



STAT tomo sexto operum  
Sancti Augustini Tractatus  
de Epicureis & Stoicis, cuius  
in Indiculo meminit Possi-  
dus, de lectione Actuum Apo-  
stolorum, vbi Epicurei, &

ici cum Apostolo Paulo contulerunt;  
cuiusque disputatio gratâ quâdam varietate  
A repeti-

repetitur sermone decimo tertio de verbis Apostoli.

Ex priore tract. mutuabimur hoc potissimum capite; proximo autem ex posteriore sermone. Principiò aperiendus est triplex horum Philosophorum ex Dei ignoratione profectus error. Nam scitè Tertullianus; Cui veritas cognita sine Deo? Cui Deus sine Christo?

Vnus est; Quod, cum omnis de beatâ vitâ foret contentio, viderunt quidem hominem corpore & animâ constare, & aut corpore, aut animâ beatum esse oportere; sed non aduertunt hominem sibi met ipsi causam beatæ vitæ esse non posse, cum ab vno Deo Conditoris possit ac debeat homo & corpore & animâ perfici, ac beatâ vitâ cumulari. Ob eam causam, Athenis, vbi Philosophorum disciplinæ studio & contentione feruebant, inquit S. Augustinus, duæ dumtaxat eorum sectæ, id agente Diuina providentia, cum Apostolo contulerunt, Epicureorum, & Stoicorum: Nihil est enim in homine quod ad eius substantiam pertineat atque naturam, præter corpus & animam; horum duorum in vno, hoc est in corpore, Epicurei posuerunt beatam vitam; in altero, id est anima, Stoici, præstantiori, ac digniori parte.

Quantum ad hominem pertinet, si ab illo sibi est beata vita, nihil restat præter corpus & animam, aut corpus est causa beatæ vitæ, aut anima; si plus quæris, ab homine recedis. Omnino ab homine recedendum est: non enim ab illo sibi est beata vita, sed à Deo, ad quem

quem vnum corporis & animæ conditorem,  
 atque vtriusq; remuneratorē cogitatione pro-  
 pre diendum est. Nempe vt à quo vitā habet, ab  
 eodē vitā beatam assequatur; vt libimet homo  
 principiū existendi non fuit, nec à seipso cæpit;  
 ita nec sibi finis vltimus esse, neque in se de-  
 nere potest: si ex se ipso beatus foret, Deus  
 foret, aut Deo par, nullo indigens, à nulla  
 superiore natura dependens, quod inter Stoi-  
 corum paradoxa maximè est paradoxum. Tria  
 itur spectanda sunt, corpus, animus, Deus;  
 horum trium quæ sit causa beatæ vitæ, non  
 potest esse ambiguum; Id enim est causa bea-  
 vitæ, quod est summum hominis bonum,  
 cuius eius extremus, quo adepto planè exs-  
 retur, ac conquiescat.

Alter error Philosophorum, ex eadem Dei  
 tus ignoratione, cum Deum bonorum ope-  
 m remuneratorem, ac scelerum vindicem  
 uissimum minimè cogitarent, nec illis de  
 morum nostrorum immortalitate planè  
 istaret. Etenim Epicurei pernegant im-  
 mortalitatem; Stoici, vt ait Tullius, vsuram  
 æ nobis largiuntur tanquam cornicibus,  
 mansuros aiunt animos, semper negant;  
 hoc effectum est, vt beatam vitam inter æ-  
 nnas mortalis huius vitæ reperire se posse  
 fiderent, cum tamen hæc vita mors po-  
 dicenda sit, quam vita, & in eam tot in-  
 modis obnoxiam, totque miserijs refer-  
 cadere non possit status omnium bono-  
 aggregatione perfectus, quæ definitio est  
 tæ vitæ; sed neque in ea est status, cum  
 sit in transitu ac decursu; neque potest esse

Tuscul. 1.

finis extremus, & vltima meta, ad quam tendamus, studiaque omnia referamus, quam consequatur altera planè sempiterna: nihil enim nos de animorum immortalitate, adeoque corporum exsuscitatione dubitare patitur fides Christiana. Non potest esse beata vita, quæ non sit omnibus malis libera, omnibusque bonis cumulata; quare quæ non sit æterna, & de æternitate secura, atque, vt præclare S. Augustinus: Beata vita non est, nisi quæ caret omni fallacia, atque miseria. Nemo beatus est, nisi qui vivit in æternum, sine vlllo timore, sine vlla fallacia. Quàm oderit anima falli, perspicuum est ex eo, quod qui mente alienata ridet, plorantur à sanis; si duo ista proponantur, ridere & flere, nemo est, qui non eligat ridere; si duo ista falsi & verum tenere, verum tenere, & tantum præualeat inuictissima veritas, vt eligat homo sana mente flere, quam alienata ridere. Ibi ergo in illa patria veritas erit; si dolor erit, vita non erit, neque enim vita dicenda est sempiternus immortalisque cruciatus: Ideo Dominus non appellat vitam, quam habituri sunt impij, quamuis in igne victuri vitam non finiunt, ne pœnam finiant; *vermis eorum non moritur, & ignis non extinguitur*. Adolescenti quærenti quid opus facto ad beatam vitam: respondit Dominus: *Si vis ad vitam ingredi* non addidit beatam (quia misera nec vita dicenda est) nec æternam, quia vbi mortis timor, nec vita dicenda est; ergo vita quæ hoc nomine digna est, non est nisi beata, & non est beata, nisi æterna, & de æternitate secura.

Mar. 9. 43.

Matth. 19.  
17.

Tertius



Tertius error Stoicorum proprius, hisce libellis præcipuè coarguendus; quod Deum, qui est omnium nobis bonorum author, virtutis atque honestatis in animis nostris primam originem non agnoscerent, à quo illa velut à primo fonte deriuaretur, & per Christum Dominum mediatorem, ac Diuinæ gratiæ conciliatorem benignè communicaretur: sed inflati superbia virtutem à se ipsis habere esse prædicarēt, ac gloriarētur: à se ipsis soli pendere vellent, ac se quosdam mortales Deos facientia, ac virtute sua beatos æstimarent. Quare & ipsam virtutem, vnicum ac summum bonum appellabant, cum potius sit via & ratio illud assequendi, non ipsa beata vita, sed efficiendæ beatæ vitæ singulare quoddam instrumentum, ideoque præcipuum Deidiotum, præ cæteris omnibus æstimandum. Ex Christianæ philosophiæ decretis à Deo virtus omnis emanat, vt à primo principio, ad Deumque vt ad vltimum finem recurrit ac reuertitur. A Deo per Christum illa nobis flagitanda est, & de ea iam adepti Deo per Christum gratiæ referendæ. Deus idem omnis virtutis author & remunerator, finis atque principium. His præmissis, constituite vobis ante oculos Epicureos, Stoicos, & Apostolum, & quod etiam potui dicere, Christianos.

Quid dicitis Epicurei? quæ res faciat beatam vitam? Respondent: voluptas corporis.

Quid dicitis Stoici? Respondent: virtus animi.

Quid tu Apostole, & Christiani? Donum Dei. Quod Epicurei tam absurdo tenerent errore id fuit causæ quòd animam vnà cum

corpore, ac prius interire crederent, remanente cadauere, post efflatum spiritum perseverantibus aliquamdiu lineamentis; Anima verò, dissipata velut aura, mox euanesceret; quam tamen sectam porcorum magis, quam hominum, amplexatos quosdam, non re, sed sola nuncupatione Christianos, doluit Apostolus.

Ex hoc enim numero erant corrumpentes mores bonos colloquijs malis, ac dicentes: manducemus & bibamus, cras enim moriemur. Moriemur quidem; sed non omnino, nec toti moriemur: comes enim morienti aut vita erit, aut pœna. Nemo dicat: quis in te reuersus est, diues ille purpuratus serò redire voluit, & permitti non potuit, stillam sitiens inquisiuit, qui esurientem pauperem fastidiuit, Christianis nihil de animorum immortalitate ambigentibus, illo retento certissimo: Cras enim moriemur, si non hodie; subiungendum fuerat: ieiunemus, oremus, & donemus, ad alteram nos vitam beatam oratione, ieiunio, atque eleemosyna comparemus.

Omisis ergo Epicureis, fortè cum Stoicis non indecens luctamen erit, honestum certamen erit cum ijs, qui in animo, præstantiore hominis parte, beatam vitam collocarunt; Verum enimvero ab ijs cauere nos monet Regius

Pl. 48. 7.

Vates, *Qui confidunt in virtute sua: & in multitudine diuitiarum suarum gloriantur.* Vt Epicureus in corpore ponens beatam vitam, in se spem posuit; ita Stoicus in animo, re quidem meliori, sed tamen & ipse in se, & in homine spem posuit; at maledictus omnis, qui spem ponit

onit in homine; Est virtus animi, res lauda-  
 ilis, prudentia mala & bona discernens, iu-  
 itia sua cuique distribuens, temperantiali-  
 idines refrenans, fortitudo molestias æqua-  
 imiter sustinens: lauda, Stoice, quantum po-  
 es; sed dic, vnde habes? non virtus animi te  
 eatum facit, sed qui tibi virtutem dedit, qui  
 tibi velle inspirauit, & posse donauit; virtus  
 te delectat, scio; sitis, sed virtutem tibi ma-  
 are non potes; si tibi curæ sit ostendere fon-  
 tem vitæ, fortè deridebis. Dicis enim apud  
 de ista rupe bibiturus sum accedat virga, &  
 manet aqua. Iudæi ligna petunt, sed tu, Stoice,  
 Iudæus non es, scio; Græcus es, & Græci sa-  
 pientiam quærent; nos autem prædicamus  
 Christum crucifixum, Iudæis scandalum, Græ-  
 cis stultitiam. Scandalizetur Iudæus, subfan-  
 et Græcus; sed ipsis vocatis Iudæis & Græcis  
 Christum Dei virtutem, & Dei sapientiam.  
 iam non irrides rupem, agnosce virgam, Cru-  
 cem, Christum fontem, & si sitis, bibe vir-  
 titem, esto fonte saginatus, gratiarum actio-  
 es fortasse ructabis; quod ab illo habes, non  
 tibi dabis, sed in erustatione exclamabis: di-  
 gam te virtus mea. iam non dicēs: animus  
 meus facit beatum, non eris inter illos, *Qui* RO. 1. 21.  
*gnoscentes Deum, non sicut Deum glorificauerunt, &c.* sed eris inter illos, de quibus Re-  
 us Psalter. *Domine in lumine vultus tui ambu-* PG. 38. 17.  
*bunt, & in nomine tuo exultabunt tota die, &*  
*iustitia tua exaltabuntur, quoniam gloria vir-*  
*tutis eorum tu es.* Virtutem quærebas? Dic:  
 Domine virtus mea. Beatam vitam quærebas?  
 Dic: *Beatus homo quem tu erudieris Domine.* PG. 91. 12.

Beatus populus, cuius non voluptas carnis, non virtus propria, sed cuius Dominus Deus eius. Hæc est patria beatitudinis, quam omnes volunt, sed non rectè quærunt; nos autem ad talem patriam non vobis viam quasi corde nostro machinemur, & erraticas semitas moliamur, venit inde via, Christus Dominus, author & Dux viæ cælestis; de quo ad calcem tractatus; Latuit Philosophos via, quia Deus superbis resistit. Lateret & nos, nisi venisset ad nos. Ideo Dominus, Ego sum, inquit, via. Piger viator venire volebas ad viam, ad te venit via: Quærebas quò ires, Ego sum veritas & vita, non errabis quando is ad illum per illum.

Ad beatam vitam rectissima certissima-  
que via est, humilitatis Christianæ, qua no-  
bis Christus in omni vita ac morte præiuit,  
ac præluxit.

CAPVT



## CAPVT II.

*Stoicos viuere secundum carnem ex  
Apostolo, & quales ab eo  
descripti sint.*

**V**T hoc caput cum priore nectamus,  
idemque prosequamur argumentum ex  
S. Augst. Contulerunt cum Apostolo qui-  
dam Philosophorum Epicureorum secundum  
carnem viuentes, & Stoicorum quidam se-  
cundum animam viuentes, qui se remouentes  
à carne, & totam spem beatitudinis in anima  
constituentes, posuerunt summum bonum in  
virtute sua. Vocem psalmi in vobis affectus  
pietatis agnouit, scitis, nostis, agnouistis quo-  
modo irrisi sunt in sancto psalmo, *Qui confi-* 48.7.  
*dunt in virtute sua*; nec illi, nec isti secundum  
Deum viuentes; contulit cum illis Aposto-  
lus secundum Deum viuens. Dicebat Epicu-  
reus: mihi frui carne bonum est. Dicebat Stoi-  
cus: mihi frui mea mente bonum est. Dicebat  
Apostolus: *Mihi autem adharere Deo bonum est.* Pl. 72.28.  
Dicebat Epicureus: beatus cuius est in fructu  
voluptas carnis eius. Dicebat Stoicus: immo  
beatus, cuius est in fructu virtus animi eius.  
Dicebat Apostolus: beatus cuius est nomen  
Domini spes eius. Errat Epicureus: falsum  
est enim esse hominem beatum, cuius est in  
fructu

fructu voluptas carnis eius; fallitur & Stoicus; falsum est enim, & omnino mendacissimum, beatum esse hominem, cuius est in fructu virtus animi eius.

Beatus est ergo, cuius est nomen Domini spe eius, & quia illi vani sunt & mentiuntur, & non respexit, inquit, in vanitates & insanias mendaces. *Ergo fratres debitores sumus non carni, ut secundum carnem vivamus*, sicut Epicurei; sed etsi secundum se ipsam sibi voluerit anima vivere, carnalis erit, carnem sapit, de carne non surgit, non est enim quemadmodum inde surgat: qui brachium porrectum iacenti non tenet; brachium interpretari licet Christum Dominum mediatorem, de quo Isaias: *Et brachium Domini cui reuelatum est?* cuius oblatam gratiam quæ non complectitur animam, quæ non illi adhæret, eiusque ope non se erigit, atque attollit ad Deum, iaceat necesse est carnis inuoluta cœno, eiusque desiderijs & affectibus implicata; cum enim non sibi sufficiat anima, nec se ipsa contenta esse possit, cum pro ea qua valet intelligendi, atque appetendi vi, quodammodo infinita, se ipsam exple-re, ac satiare nequeat, necesse est aut sursum ad Deum, summum bonum suum, se erigat, atque conuertat, aut ab eo desciscens, atque auersa, ad carnem, inferiora quæ bona, delabi se, abripique patiat; atque ut eodem illo sermone ratiocinatur S. Augustinus, etsi vivere secundum carnem est malum, non est tamen  
 « caro malum; Nam & ipsa Dei creatura est, ab  
 « eo condita, à quo & anima; nec illa, nec illa pars  
 « Dei, sed illa, & illa creatura Dei; Deus sum-  
 « mū bonū est, anima magnū bonū, sed non sum-

mum, caro paruum, & infimum bonum; ani-  
 ma media, viuens inter summum bonum, &  
 paruum bonum inferior Deo, & carne supe-  
 rior: quare non viuit secundum summum  
 bonum; sed viuit secundum paruum bonum?  
 hoc planius dicitur: quare non viuit secundum  
 Deum, sed viuit secundum carnem? Debitrix  
 est carni, vt secundum carnem viuat? Caro  
 debet secundum ipsam viuere, non ipsa se-  
 cundum carnem. Ipsa viuat secundum ipsam,  
 quæ viuit de ipsa; certè vnaquæque secundum  
 hoc viuat, vnde viuit. Vnde viuit caro tua? de  
 anima tua. Vnde viuit anima tua? de Deo  
 tuo. vnaquæque harum secundum vitam  
 suam viuat: caro enim non est vita, sed ani-  
 ma carnis est vita. Anima non est sibi vita, sed  
 Deus est animæ vita, tunc rectè caro viuit se-  
 cundum animam, si anima viuat secundum  
 Deum, secundum se ipsam viuere non potest,  
 quia non est sibi vita, non est ipsa sibi suffi-  
 ciens, cum aliorum eam abripiat, in exhausta  
 quædam vis intelligendi, atque appetendi,  
 aut ad superius bonum Deum, cuius causa est  
 condita, aut si ab eo sauertat, ad inferius, ad  
 carnem, quæ ipsius animæ causa condita erat,  
 quam regendam ei Deus commiserat, ac cu-  
 randam, sed ad gloriam, obsequiumque suum,  
 vt sese denique vltimo fine, ac summo bono  
 perfrueretur. Aut ascendat aut descendat in-  
 telligendo, atque amando anima necesse est;  
 aut Deo sese submittat atque ab eo tota pen-  
 deat; aut carni, ac sæculo sese implicet; aut  
 summis, aut imis delectetur, in eoque velut  
 cæno sus immunda volutetur; medio loco  
 consistere

consistere non potest. Immo verò à Deo Con-  
 ditori seruire neglexerit, efficique cælestis ac  
 Diuina; necesse est carni fœdissimæ seruiat,  
 totaque terrestris ac carnalis euadat; tanta est  
 carnis corruptio, tanta in sensibilia bona pro-  
 pensio, vt mox anima peruertatur, atque in-  
 ficiatur, intelligendi facultas obscuretur, ap-  
 petendi obtundatur, & veluti mancipium ad-  
 dicatur carni. Sic factum est, fratres mei, in-  
 quit, S. Augustinus. Accepit homo corpus  
 In Ps. 145. \* tanquam in famulatum, Deum autem Do-  
 \* minum habens, corpus seruum, habens supra  
 \* se Conditorē, infra se quod sub illo conditum  
 \* est. In medio quodam loco rationalis anima  
 \* constituta legem accepit, hære superiori,  
 \* regere inferiorem. Regere non potest inferio-  
 \* rem, nisi regatur à meliore. Trahitur ab infe-  
 \* riore, deseruit ergo meliorem. Non potest re-  
 gere quod regebat, quia regi noluit à quo re-  
 gebatur. Nisi anima sese subdat Deo, cuius  
 assiduâ eget ope gratiæ, subdere sibi carnem  
 non poterit, sed Deo id permittente, rebellis  
 ac recalcitrans in anima, caro dominatum sibi  
 ac tyrannidem vindicabit.

Alteram rationem, ob quam homo secun-  
 dum se viuens viuere dicatur secundum car-  
 nem, adfert S. Augustinus ex vlitata phrasi  
 Scripturæ, qua per synecdochen pars pro to-  
 to sumitur, vbi enim dictum est: Quid faciat  
 mihi homo: ibi dictum est: Quid faciat mihi  
 caro; & alibi passim: Verbum caro factum est;  
 videbit omnis caro salutare Dei. Quare non  
 dubitat Apostolus ad Galatas inter opera  
 carnis recensere, Idolorum seruitutem, vene-  
 ficia,



cia, inimicitias, contentiones, æmulationes, iras, rixas, dissensiones, sectas, inuidias, quæ uidem peccata carnalia dicuntur, non opere uidem omnia, & expletione voluptatis, quæ amatur ex carne, sed origine, & radice, quod à carne, natura vitiatà peccato originis, animaq; am propemodù effecta carnali proficiſcantur.


Non dubitaret igitur Apostolus dicere Stoicos viuere secundum carnem, qui secundum se ipsos, non secundum Deum uiuerent, & dum naturam vitiatam sequuntur, ut aiebant, optimam Ducem, dum carnis obsequuntur concupiscentiæ, in hæc ferè vitia, aliæque carnis flagitia scœdiora sese præcipientes induerunt.

Quamobrem, generatim omnes quidem Philosophos, sed præcipuè tamen ac speciatim Stoicos, describere mihi videtur Apostolus ad Romanos; *Qui cum cognouissent Deum, non sicut Deum glorificauerunt, aut gratias egerunt sed ena-* cap. 1. 21.  
*nuerunt in cogitationibus suis, & obscuratum est inspicere cor eorum; dicentes enim sese sapientes, stulti facti sunt; si quidem falsa sapientia, vera stultitia est. Quid est, dicentes se esse sapientes, nisi à se habere, se sibi sufficere?*

Ex rebus creatis, atque huius vniuersitatis descriptione Deum conditorem deprehendere potuerunt, & verò non pauci eorum deprehenderunt, sed hanc veri Dei notitiam nunquam propalarunt, & popularibus sese erroribus accommodarunt, ut sint inexcusabiles, qui veritatem Dei in iniustitia detinuerint, quos inter illustris ille Senator populi Romani ait S. Aug. 6. de Ciuil. 10.  
 de Seneca, colebat quod reprehendebat, agebat quod arguebat, quod culpabat adorabat, idque propter

propter leges ciuium, moresque hominum, eò  
 damnabilius, quod ille quę mendaciter agebat,  
 sic ageret, vt eum populus veraciter agere exi-  
 stimaret. Illud: *Non sicut Deum glorificauerunt,  
 aut gratias egerunt*; præcipuè conuenit in Stoi-  
 cos libimet omnia tribuentes, apud quos vti &  
 Pelagianos ex eis ortos, nec orationi, nec laudi  
 Diuinæ, nec actioni gratiarum locus erat. Mitto  
 dicere quas in pænas inciderunt, Idololatriæ &  
 flagitiorum aduersus naturā, de quibus ibidem  
 fit sermo. Sequētibus quoque verbis dico Stoi-  
 cos designari, superbos, elatos, inuentores ma-  
 lorū sine affectione, sine misericordia, qui sum-  
 mam in ἀπάθεια laudem ac supremum velut  
 apicem sapientiæ constituerent; sed inanis, ac  
 falsæ sapientiæ, veręque stultitiæ is fuit summus  
 apex. Non defuturos verò Stoicorum amula-  
 tores, ac sectatores, vt quos iam dixi Pelagia-  
 nos, aliosq; Hereticos prædicit, atque eos egre-  
 giè describit Apostolus. *Hoc autem scito, quod in  
 nouissimis diebus instabunt tempora periculosa:  
 erunt homines se ipsos amantes, cupidi, elati, super-  
 bi, blasphemæ, parentibus non obediētes, ingrati,  
 scelesti, sine affectione, sine pace, criminatores, in-  
 continētes, immiles, sine benignitate, proditores,  
 proterui, tumidi, & voluptatum amatores magis  
 quam Dei habentes speciem quidem pietatis, vir-  
 tutem autem eius abnegantes, verbo vno, simulati,  
 & externa larua, ac ipse Christiani, re ipsa,  
 atque opere coniunctim Epicurei & Stoici,  
 omni luxu ac fastu contaminatissimi.*

2. ad Tim.  
3. 1.



## CAPVT III.

*Se&lam Stoicorum deteriorem esse se&la  
Epicureorum, hos Sadducais, illos  
Phariseis æquiparandos.*

**T**Ractatum suum tomo sexto concludit  
S. August. in hæc verba; Hæc est do-  
ctrina Christianorum, non planè conferen-  
da, sed incomparabiliter præferenda immu-  
diti& Epicureorum, superbi& Stoicorum. Ex  
quo Sancti Patris dicto colligitur, quantum  
inter hæc vitia, immunditiam ac superbiam  
interest, tantum inter Epicureorum se&lam,  
& Stoicorum interesse. Est quidem intempe-  
rantia fædius vitium hominum æstimatione;  
At Diuino iudicio longè grauius, & detestabi-  
lius est superbia, quæ Dei ipsius Maiestatem  
protervè petit, seseque ei, velut acie ac fronte  
directa impudenter opponit: cum intempe-  
rantia, quæ mortalis huius corporis imbecil-  
litas est, atque adumbrata quædam necessitas,  
facilius indulgeatur. At videte, cuiusmodi sint  
e& se&tæ, quàm probrosæ, quàm detestandæ,  
quæ vitia summopere fugienda, veluti suprema  
quædam bona, complectantur, ac suis se&tato-  
ribus pro scopo, ac fine vltimo totius vitæ,  
summis studijs prosequenda proponant. O  
turpem labem prophanæ Philosophiæ! Epi-  
curei

curei gulæ, atque luxuriæ; Stoici superbiæ omnis atque arrogantia vexilla, ac trophea velut exigunt, ad eaque homines tanquam ad beatam vitam, concitant, & omni disputationum contentione propellunt. Quàm diuersa, & ab ijs vitijs abhorrens, Christiana Philosophia; quæ nihil vnquam cuiquam corporis indulgendum voluptati, sed vni seruiendum necessitati; & verò corpus moderata quoque pænitentiarum asperitate macerandum, & in animi seruitutem redigendum esse censet! tum nullam æquè virtutem, atque animi demissionem & humilitatem, in proprii iudicii, suæque voluntatis abnegatione, commendat; vt expugnata carnis sensuumque rebellionē, abdicataque propria voluntate, liber animus totum sese Deo subijciat, atque impendat, ad eum cognoscendum & amandum, quoad vitam mortalis huius conditio patitur; tum & clarè in altera vita perfruendum comparet, idoneumque se probis, & honestis moribus, dignumque reddat.

Vtraque sanè secta, & Epicureorum & Stoicorum, ex amore sui met inordinato nata videtur; Inordinatum dixi, quod Dei Conditoris amor non subijciatur, nec ex eo oriatur, nec ad eum referatur. Æmulus hic est amor sui amoris Diuini, quod se ipsum sibimet pro scopo, ac fine constituat; Cum Deus idem nobis sit essendi principium & finis, à quo habemus vt omnino simus, tum vt iusti, ac virtute præditi, denique beatissimus, æquum est vt in illum, tanquam primam originem & metam extremam, omnis virtus, omnisque amor

amor honestus referatur. A Deo est & præsens & honesta vita, & futura beata; quam vtramque si nobis proximisque optamus, ad vnius Dei, eius largitoris, obsequium, honorem, cultum, amoremque conciliandum, optare debemus.

Quare huic maximè Diuino amori, & cultui, velut basi ac fundamento, nititur omnis Christiana Philosophia; indeque originem ducit omnis virtutis exercitatio, & in eundem ipsum finem est referenda. Inordinatus autem amor sui id efficit, vt semetipsum homo sibi pro fine statuatur, cum ignorance, aut obliuione ferè perpetuâ Dei Conditoris. Ex Epicureorum sententiâ, homo sibi finis est secundum corpus; Ex Stoicorum, secundum animum. Illic imperat corpus; hic animus subijci Deo recusatur; & illa quidem corporis dominatio seruitusque animi turpior existimatur; hæc tamen animi rebellio aduersus Deum, denegataque subiectio, ac seruitus, atrocior est, & detestabilior, cum maiore Diuini Numinis coniuncta dedecore. An non id est omnino peruersum, atque iniquum, vt animus sibi dominationem in corpus Dei munere vindicet, & Dei tamen in se Conditoris supremam potestatem, atque authoritatem aspernetur? Quamquam constare nullo modo potest animi in corpus dominatio, si quam Deo debet, subiectionem deneget. Non potest animus imperare corpori, qui Deo auctori suo non obsequitur. Accedit quod Stoicus non sibi tantummodo vult esse scopum, ac finem bonorum; sed principium, & prima velut causa,

B

prima-

primaque radix & origo; à se solo vult pendere, sibi sufficere, nullius ope indigere, à se sibi sapere, à se, ac per se omnia posse. Est igitur, uti dixi, luxuria maioris infamiae; at superbia grauioris culpæ: Illa nos ad brutarum animantium vilitatem abijcit; *Homo, cum in honore esset, non intellexit; comparatus est iumentis insipientibus; & similis factus est illis.* At hæc demonibus nos similes efficit, demonumque Principi Lucifero succenturiat, qui dicebat: *Ps. 48. 13. In calum conscendam, super astra Dei exaltabo solium meum &c. Et, similis ero Altissimo.* Ex quâ comparatione perspicitur quantò Stoicorum secta deterior existat, etsi apud homines Epicureorum turpior habeatur. Intemperantia bene curatum Epicuri de grege porcum; Arrogantia diabolum de Stoicorum porticu conflatur, ac reddit. At Christiana virtus humilitas, charitasque Deo similem, Deumque quemdam creat participatione diuinorum morum ac donorum.

Quemadmodum Sadducæos, qui dicunt non esse Resurrectionem, nec Spiritum vultum, rectè censueris Epicureos; ita Phariseos Stoicis comparaueris; quibus sanè cum Phariseis Christo Domino Saluatori longè maior semper extitit contentio, quàm cum Sadducæis, quos vnâ responsione coarguit, nescientes scripturas, neque Dei virtutem; cum Pharisei semper agnitæ veritati palam obistentes, doctrinæ se ruius tot illustribus miraculis confirmatæ, tot clarissimis Sanctæ Scripturæ testimonijs corroboratæ, professi sint acres aduersarios, quibus iure merito multiplex;

plex Væ dirisissimum sit imprecatus; Homines superbi, atque elati, qui in se confidebant tanquam iusti, & aspernabantur cæteros, hypocritæ, sepulchris dealbatis similes, arrogantes, obstinati, atque impenitentes; quo etiam ex capite videri potest Epicureorû secta tolerabilior, cum facilius ad pœnitentiam ac virtutem perducî se paterentur Epicureorum similes, publici peccatores; Stoicorum verò similes scribæ & Pharisei in errore persisterent obstinati; Itaque Phariæis ait Dominus: *Quia Publicani & meretrices præcedent vos in regnû Dei. Venit enim ad vos Ioannes in via iustitiæ & non credidistis ei: Publicani autem, & meretrices crediderunt ei.*

Matth. 21.  
31. 32.

Quamobrem non est ea laus, sed vituperatio, quod apud Hebræos Phariseorum sectæ, illa Stoicorum apud Græcos sit maximè consentanea; neque item ea laus, sed vituperatio summa & condemnatio, Cynicos originem dedisse Stoicis, & dogmata ferè conuenire: Nam ea dogmata necesse est, vt verecundiæ, sic & veritati inimica, hominum generi noxia esse atque pestifera, quæ Philosophos eos ad impudentiam canum vsque redegerint: Nec vnus Cicero, id est vulgus, vt ait vir eruditus in litteris, sed omnes rectè sentientes Philosophi, & Theologi inclamabant; Cynicorum natio tota eiicienda est: est enim inimica verecundiæ, sine quâ nihil rectum esse potest, nihil honestum. Patres verò Cappucini veræ virtutis, inopiæ, patientiæ, & quod antiquis defuit, ait ille, pietatis exemplar; non æquo ferent animo, me quidem authore, Cynicis se comparari, etiam si pietatem excipias, &

verecundiam; quarum illam æuum illorum abnuït, hanc institutum. Excipienda foret omnis virtus: non enim Cynicorum inopiâ, & simulata patientia, vera virtus fuit, inanis gloriolæ causâ suscepta. Non ferent se religiosi Patres vlla contagione, ac communione dogmatum istorum infici, è quibus velut fontibus, aut lacunis magè putidis, impietas, atque impudentia profluxerunt. Ex veritate pietas, ex humilitate pudor, & verecundia nascitur; at impietas, & impudentia ex errore & stultitia Stoicorum, ac Cynicorum arrogantisimâ. Pietatis custos, ac nutrix, eademque verecundię soror, & Mater est humilitas; quâ virtute maximè præstant Capucini, qui non in se, sed in Domino bonorum omnium authore gloriantur; quibus illud psalmi scitè accommodaueris, quod Philosophis Christianis tribuit S. Augustinus. *Dominus in lumine vultus tui ambulabunt, & in nomine tuo exultabunt totâ die: & in iustitiâ tuâ exaltabuntur. Quoniam gloria virtutis eorum tu es.* Tales erant Sapientes Apostoli, non de Stoicâ, sed de porticu Salomonis, ab ipsa Dei Sapientiâ primitus instituti.

Psa. 88.  
17. 18.

CAPVT






## CAPVT IV.

*Ex Stoicorum dogmatis ortas hæreses;  
cur ea tamen eruditis nonnullis  
hodieq; ~~p~~robentur.*

**N**ihil mirum, si ex Stoicorum doctrinâ progerminatæ sint hæreses, cum hæreticorum omnium Mater sit superbia, teste S. Augustino, qui & alibi ait: Non fecerunt hæreses, nisi magni homines, sed quantum magni, tantum mali montes, qui non susciperent pacē, sed dissensionē à Diabolo Patre suo; montes naufragosi ac confragosi. Vocat eosdem feras calami seu arundinis; latentes in humidis, & obscuris lacunis, & tauros propter superbiam durę & indomitæ ceruicis; Item tauros ceruicatos, & superbos; quod æquē conuenit in Stoicos, quos ipsa disciplina reddebat asperiores, duriores oratione, & moribus, qui pro summa virtute propositam sibi haberent tumidam animi confidentiam, & peruicaciam. Non excutio hic veteres historias, & hæreses Gnosticorum; quid eorum deliramenta de materiâ ingentâ &c. cum Stoicorum Philosophia haberent commune.

Quod pertinet ad institutum, hæreses Originis, Iouiniani, Pelagij, proseminatas ex Stoicis, vnus nobis author, Diuus Hieronymus



mus, luculentè demonstrabit, epistolâ ad Aui-  
 “ Ætum, recensitis aliquot Origenis erroribus;  
 “ Cum hæc dicat, nōne manifestissimè Gen-  
 “ tium sequitur errores, & Philosophorum de-  
 liramenta simplicitati ingerit Christianæ? A.  
 Stoicis mutuatus est Origenes omnes ratio-  
 nales naturas, Angelos, hominesque vnus  
 cum Deo esse substantiæ, animas nostras par-  
 tes esse Diuinæ naturæ, relegatas in hæc cor-  
 pora, velut carcerem & sepulchra, iuxta Græ-  
 cum etymon *σῶμα* corpus, idem quod *σῆμα*  
 monumentum; dictas *ψυχὰς ἀπὸ τῆς ψύχου*,  
 quòd de cælestibus ad inferiora venientes ca-  
 lorem pristinum amiserint. Animas Stoici  
 quemadmodum & astra animata, igneæ esse  
 naturæ, & auræ Diuinæ particulas, ex Dei na-  
 turâ decerptas esse fabulabantur.

De Iouiniano libro secundo aduersus illum;  
 “ Miror quomodo Serpens lubricus, & Proteus  
 “ noster in variarum se mutet portenta forma-  
 “ rum. Qui enim in coitu, & saturitate Epicu-  
 “ reus est, subitò in retributione meritorum  
 “ Stoicusefficitur; Hierosolymam Cythio, Iu-  
 “ dæam Cypro, Christum Zenone commutat.  
 “ Si non licet à virtutibus paulatim declinare, &  
 “ omnia peccata sunt paria, eiusdemque crimi-  
 “ nis reus est, qui panem esurienti surripuerit,  
 “ & qui hominem occiderit; tu quoque maxi-  
 “ morum scelerum reus teneberis; &c.

De Pelagio, eiusque sectatoribus, ad Cte-  
 siphontem. Quæ enim potest alia maior esse  
 “ temeritas, quàm Dei sibi, non dicam simili-  
 “ tudinem, sed æqualitatem vindicare, & breui  
 “ sententiâ omniū hæreticorum venena com-  
 plecti,

plecti, quę de Philosophorum, & maximę,,  
 Pythagorę, & Zenonis Principis Stoicorum,,  
 fonte manarunt? Et infra: Pulchrę quidam,,  
 nostrorum ait; Philosophi, Patriarchę Hære-,,  
 ticorum, Ecclesię puritatem peruersâ macula-,,  
 uere doctrinâ, & nesciunt illud dictum de hu-,,  
 manâ fragilitate: Quid gloriatur terra, & ci-  
 nis? Pelagianorum errores, quos eâ Epistolâ  
 damnat Hieronymus, & sequentibus tribus  
 libris ex Stoicorum disciplina, præcipui sunt;  
 Hominem posse esse sine peccato, nulla pertur-  
 batione posse commoueri; Non egere in om-  
 nibus auxilio Diuinę gratiæ; Naturam, quam  
 summis semper laudibus efferunt Stoici, nihil  
 læsam in primo parente; neque vllum esse pec-  
 catum in cæteros homines origine deriuat-  
 um.

De *ἀνταρσία* Euagrius Ponticus Hyperbo-  
 rita, qui scribit ad Virgines, scribit ad Mo-  
 nachos, scribit ad eam, cuius nomen nigredi-  
 nis testatur perfidię tenebras; edidit librum  
 & sententias *ἐκ ἀνταρσίας*, quam nos impas-  
 sibilitatem, vel imperturbationem possumus  
 dicere, quando nunquam animus vlllo pertur-  
 bationis vitio commouetur, & vt simpliciter  
 dicam, vel saxum, vel Deus est. Melaniam  
 notat hic Hieronymus, de qua, Ruffino, Dydi-  
 mo, & alijs Origenistis, Baronius ab eis exor-  
 tos inquit Pelagianos; vtrique sanę à Stoicis  
 originem duxisse videntur. Pelagij studiosum  
 fuisse Nestorium indicat Baronius; cum ini-  
 tio sui Episcopatus curasset hæreticos à Theo-  
 dosio publicis edictis exagitari, Pelagianorum,  
 qui tum maximę vigeabant nullam habuit men-  
 tionem.

Ad ann.  
 Chr. 428.

tionem. Vt Pelagium impulit superbia ad Christi Domini gratiam denegandam; ita Nestorium eadem impulit superbia ad Diuinam Christi Personam, Sanctissimæque Dei Matris dignitatem abrogandam. Huius erant blasphemæ voces; Nemo Mariam Deiparam vocet; Nam Maria homo erat, atque ab homine Deus nasci non potest. Ego eum qui spatijs mensuris, hoc est bimestri, & trimestri, & ita deinceps adoleuerit, Deum certè non appellauero. Displicuit homini superbo Dei propter nos hominis effecti non admiranda modò, verum & imitanda singularis humilitas. Quod D. Hieronymus disputans de virtutum connexionem, Stoicorum sententiam sequitur, & ait eos in plerisque nostro dogmati concordare, quodque per similes Stoicorum sententiæ in Ambrosio, aut alio quopiam Patre, Origenis studiose comperiuntur, ea causa est, quod in bonum sensum, veritati ac pietati congruentem, multæ Stoicorum sententiæ pertrahi possint, multaque ab eis commodè dicta ac præcepta sint, ad mores instituendos, maximè si quis in meliorem ea partem ex Christiana interpretetur intelligentia. Qua nempe ratione à Stoicis ipsis multæ laudantur Epicuri præclaræ sententiæ; qualis illa, qua pronuntiat non posse iucundè viui, nisi sapienter, honestè, iusteque viuatur; nec sapienter, honestè, iuste, nili iucundè; aut quoties ad contemptum rerum terrenarum, moderatamque corporis curam adhortatur; cum de paupertate non metuenda disputat, quod natura paucis est contenta, de morte contem-  
nenda

nenda, in quâ nihil sit mali; de tolerando dolore, qui, si grauis breuis; si diuturnus, leuis de ægritudine lenienda, cæterisque perturbationibus, minus quidem constanter, ac congruenter principijs suis, at non minus fortiter, & eleganter quàm Stoici. Non diffiteor Stoicorum disciplinam externa specie magis ad virtutem accommodatam videri, cum nihil bonum nisi honestum, nihil malum nisi turpe censent; solam virtutem in bonis habendam, ad bene beatæque viuendum satis habere præsidij, seipsâ contentam esse; quæ sanè magnificè dicuntur, & quodam sensu verè & Christianè, si quis veram virtutis vim ac rationem teneat, eamque ad Deum, vt ad originem, ac finem suum referat; At Stoicorum sensu, peruersè, & malignè, eoque maiore periculo, quod latens intus superbix atque arrogantix venenum obscurius ac tectius, eo velut aurco vase magnificorum verborum, & quasi mellea quadam eloquentix suauitate circumlito, propinatur. Quemadmodum à Peripateticis Stoici, non tam re, quam verbis discrepare creduntur; ita Christiani cum Stoicis in plerisque consentire verbis, sed re & sensu dissidere, deprehenduntur. Nihil verò admodum à Peripateticis, aut cæteris Philosophis eximium, aut valde diuersum, quod ad morum disciplinam pertinet, Stoicos tradidisse comperiet, qui rem ipsam penitus inspexerit, verborumque phaleras, & integumenta detraxerit. Verùm esto, valeat institutio Stoicorum ad contemptum rerum omnium terrenarum; quamquam & hîc laqueus incautis iniici potest: ille etenim dam-

natus

natus error Pelagij; diuitem non posse salutem assequi, nisi diuitijs abdicatis, ortus videri potest ex Cynicorum, vel Stoicorum disciplina. Valeat, inquam, hæc institutio ad solius virtutis æstimationem, ac prosecutionem, præ omnibus bonis: nihil tamen valet, neque præsidij quicquam confert ad suimet contemptum, ad depressionem, & humiliationem sub Deo Conditore, quæ virtutum omnium basis est, ac fundamentum. Quapropter illud D. Iacobi

Iac. 2. 10. rectè hic accommodaueris: *Quicumque autem totam legem obseruauerit offēdat autem in vno*, tã necessario præsertim instituendæ vitæ principio, ac fundamento, *factus est omnium reus*. Atque vt appareat quantopere exorbitarit, atque à fine suo consequendo aberrarit externa Philosophia: compendio redigam quibus maximè gradibus ad Deum finem vltimum, & summum bonum provehamur, quos si quis attentius inquirat, quinque esse comperiet. E quibus; Primus est, mundi contemptus. Secundus, corporis subiectio. Tertius, Animi moderatio. Quartus, Virtutum exercitatio. Quintus denique, Dei contemplatio, fructio, & possessio. Quæ sunt infra nos omnia despicienda sunt, ac proculcanda, pro nihiloque ducenda; opes, honores, dignitates, copię, facultates, quidquid homine minus est, & inferius. Tum ad corpus coerendum, animoque subigendum, progressus est faciendus. Nihil vnquam voluptatis causa corpori est indulgendum, sed eius vni necessitati seruiendum. Quin verò pænitentię, & austeritati moderatæ danda est opera quoad valetudo patietur, & caro cum vitijs, ac concupiscentijs

piscantijs crucifigenda. Inde ad animum tran-  
 quillandum, ac pacandum adlaborare nos  
 oportet, compressis vitiorum passionibus, ac  
 perturbationibus, abnegatâ propriâ volunta-  
 te, iudicioque in fidei obsequium, & captiui-  
 tatem redactio, ac rectæ ratiocinationis semper  
 incluso limitibus, & hos intra suimet amore, si  
 non extincto, at represso, & coërcito. Deinde  
 gradus est faciendus ad virtutum, maximè  
 Theologicarum, Fidei, Spei, Charitatis, qui-  
 bus Christiani sumus; & infusarum, Pruden-  
 tiæ, Iustitiæ, Religionis, exercitationem. Po-  
 stremo Contemplationi vacandum, harum  
 maximè virtutum præsidio, qua Dei in ani-  
 mis nostris cognitionem, & amorem in dies  
 augeamus, illoque summo bono, quoad fert  
 hæc vita mortalis, perfruamur: hæc enim est  
 inchoata quædam, & imperfecta summi boni  
 possessio, proximè ad alteram in immortali vita  
 completam vndeque, ac bonorum om-  
 nium aggregatione absolutam accedens. Ab  
 hac inchoatione beatæ vitæ, perfectionisque,  
 ac sapientiæ Christianæ summo culmine, quàm  
 longè absuit externa omnis Philosophia, quæ  
 vix primum, secundumve gradum conscende-  
 rit vnquam! Nam nec mundum contemnere,  
 nec corpus edomare, nec animum reprimere,  
 seque despiciere, nec vlli omnino virtuti utili-  
 ter operam dare, quis potest; qui non ante  
 Deum suum Conditorum agnouerit, eiusque  
 supplex opem implorarit; qui non summæ  
 eius Maiestati sese, qua par est animi demissio-  
 ne, submiserit? Verum, vt ad Stoicos regredia-  
 mur; Scio multos hodieque viros in litteris

eruditos,

eruditos, plurimum Senecæ, atque Epicteti, qui Stoicorum sunt Principes, lectione delectari; ex qua se non mediocrem fructum capere, fortesque, & magnos animos haurire existimant. Atque, ut ad hoc Stoicorum Philosophiæ studium nos incitent, in ea hæresi commemorant magna nomina, Homerum Principem ingeniorum, Socratem, Platonem, & primores illos Romanos, Tiberones, Catones, Varrones, Traesium, Petum, Helvidium, Rubellium, Plautum, Tacitum, Antoninum Imperatorem: ex quibus nonnulli sibi mortem fortissimè, dic verius sædissimè, consciverunt; de quibus quid censendum, ex S. Augustin. potius quam ex me lectorem malim ediscere. Hoc genus fortium, cauendum, metuendum, auersandum, non imitandum; præsumendum, non de corpore, non de opibus, non de genere, non de honore. (omnia enim ista quis non videat temporalia, fluxa, caduca, volatica) sed præsumendum de iustitia sua.

O fortes, quibus Medicus opus non est! fortitudo ista non sanitatis, sed insanix est. Nam & phreneticis nihil fortius: valentiores sunt sanis; sed quantò valentiores vires, tantò mors vicinior. Auertat ergo Deus ab imitatione nostra fortes istos: Timendum enim ne eos quisquam velit imitari; Dominus autem humilitatis, particeps nostræ infirmitatis, donans participationem suæ Diuinitatis, ad hoc descendens, ut viam doceret, & via fieret, maximè nobis suam humilitatem commendare dignatus est: Quantò  
latius



fatius hoc vti Magistro Dei Filio, cælesti Doctore hominibus à Deo Patre dato, & ex sacris Euangelijs, aut Sanctorum Christi Sectatorum monumentis, atque historijs, virtutum exempla, ac documenta petere, quàm in obsoleta ac sepulta Stoicorum Philosophia, ab erroribus, atque obscuritatibus eruenda, tempus contere; cum ex ea præsertim ad hæreses procliuis sit gradus? Malim ego certè Sancti Augustini confessiones, aut Thomæ à Kempis de Christi imitatione librum, quam Senecam aut Epictetum, diurna, nocturnaque versare manu; maiore sanè sensu, ac fructu pietatis id fecerim.



## CAPVT



## CAPVT V.

*Humilitatis virtutem ne de nomine  
quidem Philosophis notam fuisse,  
& quid ea sit.*

**H**umilitatem abiectiōis, quæ sit in vitio,  
vel infortunio, norant Philosophi; sed  
non virtutem humilitatis, quæ sit laude ac  
commendatione digna, quæ sponte suscipiatur  
ob honestatem. An non id mali dæmonis, su-  
perbiæ Principis, artibus malignis effectum  
est, ut ipsum quoque nomen humilitatis ob-  
scuraretur, & nunquam pro virtute, sed pro  
vili dumtaxat abiectaque sorte ab Authoribus  
prophanis vsurparetur vel, cum illi labora-  
rent ignoratione veri Dei, modestiam qui-  
dem, & animi modérationem quandoque  
laudabant; sed non æquè virtutem humili-  
tatis, coram suprema Dei Maiestate suimet  
vltroqueam honestissimamque dimissionem?  
S. August. tractans illum psalmi trigesimali  
primi versum. *In diluuiō aquarum multarum.*

Ps. 31. 6.

“ Quid est diluuium aquarum multarum? Mul-  
“ tiplicitas variarum doctrinarum. Multæ aque  
“ variæ doctrinæ, Dei vna, non sunt multæ, sed  
“ vna, siue Sacramenti Baptismi, siue doctrinæ  
“ salutaris, de qua per Spiritum Sanctum dici-

Prou. 5.

tur: *Bibe aquam de vasistuis, & de puteoribus*

1. NO. 1. 1799

*fontibus*; Quæ est illa aqua? Illa vera,  
 quæ manat de intimo fonte puræ venæ veri-  
 tatis; Quæ est illa aqua, fratres, nisi quæ do-  
 cet coniteri Domino? *Dixi pronuntiabo ad-* Pf. 31. 5.  
*uersum me iniustitiam meam Domino. Ego dixi* Pf. 40. 5a.  
*Domine miserere mei, sana animam meam quia*  
*peccavi tibi.* Hæc aqua confessionis peccato-  
 rum, hæc aqua humilitatis cordis, hæc aqua  
 vitæ salutaris, abijcientis se, nihil de se præ-  
 summentis, nihil suæ potentæ superbè tribuen-  
 tis, hæc aqua in nullis alienigenarum libris est,  
 non in Epicureis, non in Stoicis, non in Ma-  
 nichæis, non in Platonis. Vbicumque etiam  
 inueniuntur optima præcepta morum, ac dis-  
 ciplinæ; humilitas tamen ista non inuenitur.  
 Via humilitatis huius aliunde non manat, à  
 Christo venit; hæc via ab illo est, qui cum es-  
 set altus, humilis venit. Quid enim aliud docuit  
 humiliando se, factus obediens vsque ad mor-  
 tem, mortem autem crucis? Quid aliud do-  
 cuit soluendo quod non debebat, vt omnes à  
 debito liberaret? Quid aliud docuit baptiza-  
 tus, qui peccatum non fecit? Crucifixus, qui  
 reatum non habebat? Quid aliud docuit nisi  
 hanc humilitatem? Non immerito ait: *Ego* Ioan. 14.  
*sum via, veritas, & vita;* in hac ergo humilita-  
 te propinquatur ad Deum, quia prope est Do-  
 minus ijs qui obtinuerunt cor. Et sanè si quis  
 Euangelicam percurrat historiam, non aliam  
 magis virtutem, quam humilitatem verbo, &  
 exemplo docuisse, ac commendasse Saluato-  
 rem nostrum comperiet, eiusque vitam à pri-  
 mo conceptu ad supremum vsque spiritum non  
 nisi perpetuum quoddam humilitatis exem-  
 plum

plum, ac documentum extitisse: Qua etiam de causa plurimum semper obstitit Scribis, & Phariæis, hominibus superbis & arrogantibus, dictum illud suum crebrò repetens, atque inculcans: *Omnis qui se humiliat exaltabitur; & qui se exaltat humiliabitur.*

Luc. 14.

Matth. 11.

25.

Apud Mattheum; Gratias agit Patri, quod sacra mysteria abíconderit à sapientibus, & prudentibus, & reuelarit ea paruulis: omnesque ad eam suam prælectionem, quam eandem appellat, iugum suauis, & onus leue, gratiæ ac legis Euangelicæ, peramanter inuitat *Venite ad me omnes, qui laboratis, & onerati estis & ego reficiam vos &c. Discite à me quia mitis sum, & humilis corde: & inuenietis requiem*

Matt. 11.  
28.

Mat. 23. 2.

*animabus vestris.* Quærentibus discipulis: *Quis putas maior est in regno calorum? Adnoscens IESVS paruulum, statuit in medio eorum, & dixit: Amen dico vobis, nisi conuersi fueritis, & efficiamini sicut paruuli, non intrabitis in regnum calorum. Quicumque ergo humiliauerit se sicut paruulus iste, hic maior est in regno calorum.*

Appositè D. Basiliius hom. de Humilitate.

“ Vniuersam namque Domini dispensationem  
 “ ad humilitatem nos instruere deprehendimus.  
 “ Cum infans esset; mox in spelunca, non lecto,  
 “ sed præsepi imponitur. Deinde in domicilio  
 “ Patris & Matris pauperculæ enutritur, sub-  
 “ ditus matri, & illius sponso; docetur audiens,  
 “ quorum non egebat; interrogatus verò & in-  
 “ terrogando admirabilem declarabat sapien-  
 “ tiam. Subditur Ioanni, & Baptismum à ser-  
 “ uo suscipit Dominus. Nemini aduersario-  
 “ rum resistit, neque inenarrabilem suam po-  
 “ testatem

testatem in quemquam vibrat, sed quasi po-  
tentioribus cedit, & potestati temporariæ po-  
tentiam quâ illa habebat, permittit. Principi-  
bus Sacerdotum in forma rei sistitur, ad Præ-  
sidem ducitur, & iudicium illius sustinet, &  
cum posset calumniatores suos arguere, silen-  
tio tolerat illorum calumnias. Conspuitur à  
seruis, ac vilissimis pueris; Morti traditur,  
eique hominum iudicio turpissimæ. Ita ho-  
minem omnia ab ipsa natiuitate ad mortem  
vsque exercuerunt. A primo spiritu vsque ad  
extremum anhelitum nullam æquè virtutem,  
atque humilitatem spirauit, exemploque to-  
tius vitæ & mortis, suis sectatoribus commen-  
dauit.

Rectè ergo Hieronymus. Prima virtus  
Christianorum est humilitas; prima planè &  
origine, & dignitate, & necessitate, prima  
eadem & suprema, principium & fastigium,  
fundamentum & culmen totius ædificij spi-  
ritalis, si Diuina fuerit informata charitate,  
vt mox aperietur. Ceterum vt ad id quod ini-  
tio proposui, regrediar; Humilitas externis  
Philosophis nota quæ sem est, prout eadem est  
vilis, abiectio, deiectio ab externo facta  
principio, vt loquitur S. Thomas, quâ ra-  
tione etiam in sacris litteris nonnunquam vsur-  
patur; At non vt est animi virtus, vt ab inter-  
no profecta principio, vt suipsius est volun-  
taria ac sponte facta demissio. Quare nec ab  
externis Authoribus expectanda est definitio  
Humilitatis, sed à nostris & SS. PP. requi-  
renda. Basilii in 2. cap. Isaiæ sic definit: Hu-  
milis est depositio vani sensus, qui ab elatione

Epist. ad  
Eustoc.

vanę de se existimationis proficiscitur. In regulis breuioribus, quęstione centesimā nonagesimā octauā. Humilitas est, cum quis ceteros

omnes seipso superiores existimat, ex Apostoli præscripto, *Phil. 2.* Bernardus epistolā ad

Henricum Episcopum Senonensem: Humilitas

est contemptus proprię excellentię, vt super-

bia est appetitus excellentię. De gradibus hu-

militatis. Est virtus, qua quis verissimā sui

cognitione sibi vilescit. Verum cum hęc sui-

iplius cognitio perfecta esse non possit, nisi

collatione sui factā cum Deo conditore, recte

Gen. 18. adieceris: coram Deo, instar Abrahami Pa-

27. triarchę, cum diceret; *Loquar ad Dominum*

*meum, cum sim pulvis & cinis.* Itaque Rusbro-

chus lib. de principalibus virtutibus, sic definit:

Humilitas est animi demissio, id est, interna

quędam cordis, & animi profunda coram cel-

sisima Dei Maiestate inclinatio, & submis-

sio, quam & iustitia imperat, & cor Diuino

amore succensum, vrgente charitate, non po-

test omittere. Mater humilitatis quandoque

est iustitia latius & generatim sumpta, vt re-

ligionem, pietatem, obseruantiam, gratitu-

dinem, obedientiam aduersus Deum, & supe-

riores amplectitur; quandoque charitas ex

Dei contemplatione, diuinarumque eius per-

fectionum ardentiùs inflammata. Pertinet ad

voluntatem quidem Humilitatis virtus, vt

pars modestię, & temperantię; sed præ-

supponit in intellectu duplicem cognitio-

nem, & æstimationem, tum suimet, tum


Dei Conditoris; Cum quis considerans suum

defectum, ait S. Thomas, tenet se in infimis,

secun-

secundum suum modum; Humilitas, qua <sup>ibid. ad 17</sup>  
 ratione est specialis virtus, præcipuè respi-  
 cit subiectionem hominis ad Deum, pro-  
 pter quem etiam alijs humiliando se subijcit.  
 Nemo sibi notus, cui Deus ignotus est, ac  
 quò quisque Deum clariùs, eò se quoque  
 perspectius nouit vilem, humilem, abie-  
 ctamque eius summi Numinis creaturam.  
 Quare duplicem hanc cognitionem sui, ac  
 Dei, duplicem quis rectè primariam ra-  
 dicem humilitatis, duplicemque eius velut  
 cardinem nuncuparit.





## CAPVT VI.

*Stoicos ignorasse duplex hoc principium Veritatis, & humilitatis.*

**Q**Uemadmodum superbia nascitur ex errore, & ignorantia, totaque mendacio constat, & vt atramento sepia, sic inuoluitur, atque obtegatur falsitate; Sic contra, veritate nititur humilitas, & tum ex sui, tum ex Dei cognitione gignitur, atque illustratur. Quod Stoici nequese, neque Deum agnoscere, vt par erat, Authorem suum; haud probatu difficile est: Nam tametsi non condemnentur Atheismi, Mundumque, aut animam mundi, Æthera, vel Ignem Deum confinxerint; tamen à cognitione veri Dei, primi principij rerum omnium, atque vltimi finis, Conditoris ac moderatoris huius vniuersi, hominumque prouidentissimi Rectoris, & Patris, abfuerunt longissimè: neque videntur in eo contemplando, atque agnoscendo, multum operæ ac studij posuisse. Nam de perfectionibus Diuinis, & attributis, Sapientiâ Potentiâ, Bonitate, Prouidentîâ, Immensitate, Æternitate, Immutabilitate, atque Infinitate, &c. altum est apud eos silentium; nec virtutis illum authorem, ac largitorem; neque honestę vitæ ex virtute



tute traductæ remuneratorem, aut sceleratæ vindicæ futurū aliquando cogitabant. Sublata Prouidentia, Fato omnia regi, atque administrari, ipsumque fatum, rerum accausarum inuitabilem necessitatem, errore stultissimo, delirabant; quam, & naturam ipsam comunem ac generalem, Deum censebant, velut chaos quoddam inducentes, effectus cum supremâ causâ permiscentes, ac confundentes.

Quare, nec illud vulgare, præ foribus inscriptum Templi Delphici, *Nosce te ipsum*, assequuti sunt, aut vt assequerentur elaborarunt; cum nec suam originem à Deo deducerent, nec eundem Deum, extremum finem, quod esset omnis vita referenda, cogitarent.

De primi Parentis creatione in originalis iustitiæ sælici statu, eiusque lapsu, & peccato, quod in omnes posteros origine traducitur, ex qua velut prima scaturigine manarunt omnes ærumnæ nostræ; deque multiplici statu naturæ, integræ, vitiatæ, ac corruptæ, denique per Christum instauratæ, nihil sunt suspicati; Qui ergo seipsum nosse potuerunt, qui duo in se primaria Dei beneficia, Creationis, ac Redemptionis, omniaque eius, seu naturæ, seu gratiæ dona, ac munera penitus ignorarent? De conseruatione, ac Prouidentia Diuini eiusdem Numinis, qua nos, donaque sua in nobis tueatur, cuius-cuiusque modi, gradus, & ordinis, & de destinatione nostra ad dona gloriæ, finemque supernaturalem, per eiusdem ordinis media, nihil, ne suspicando quidem, sunt assequuti. Quare non in summa tantum Naturæ suæ ignorance, sed in multiplici planè

versabantur errore ; cum naturam illam sum-  
 mis laudibus efferrent , & tanquam optimam  
 Ducem , ac Magistram sequendam esse trade-  
 rent ; & verò etiam , pro Deo Authore , commu-  
 nem ac generalem naturam vsurparent . Quæ  
 non incommodè fortè dicerentur , aut beni-  
 gnæ certè in partem acciperentur , si natura  
 mansisset integra , atque incorrupta , quemad-  
 modum à Deo primitus erat condita , atque  
 instituta , singularibusque eius gratiæ munita  
 præsidij , ac prærogatiuis iustitiæ originalis  
 exornata ; At cum primi parentis inobedientia  
 læthalibus sauciata plagis , cæcitate , malitia ,  
 concupiscentia tota propè depravata sit , à  
 recto bonoque abhorrens , ad malum maximè  
 proclivis , ac propensa , sibi met ipsa rebellis ,  
 ac repugnans ; cum neque Deo obtemperet  
 ratio , neque rationi pars appetitus inferior ;  
 lamentanda magis , quam laudibus immodicis  
 efferenda natura est : neque iam ad Deum dux  
 optima , aut magistra vitæ , aut Dei imagine  
 excellenter insignita Deum refert ; sed vehe-  
 menter obscurata , semetipsam amans , ac spe-  
 ctans , sibi dux in præceptis longissimè abscedit  
 à Deo , atque in omnia vitia , ac flagitia sponte  
 proruit . In cæteris quidem animantibus , in-  
 stinctus , quo permouentur , Authori naturæ  
 tribuitur , & rectè illæ viuunt , dum cōuenienter  
 naturæ viuūt , seruātq̃ ; homologiā Stoicorū ; At  
 hominis natura libera est , & sui cōpos , seq̃ ; ipsā  
 regit , ac mouet in finem à se sibi præstitutū , per  
 ea , quæ congrua sibi adsciscit , media ; tum  
 variæ sunt , pro cuiusque indole , propensiones ,  
 variaque studia , instituta , & negotia ; quare nec  
 semper

imper idem velle, ac nolle quispiam potest, aut debet; vt diuersissimæ se offerunt vitæ huius mortalis opportunitates, ac necessitates. In ceteris animantibus nulla tanta est diuersitas stationum, nec illæ laude, aut vituperio dignæ sunt, cum careant arbitrij libertate, nec tam se agunt, quam aguntur in fines suos. Idem in omnibus viget vniformis impetus naturæ, & tenet quoddam, ac rude vestigium libertatis, è consuetudine dimanans; At homini intelligenti, plena consistat perfecta que libertas, omnisque eius ratio, ex deliberatione suscepta, aut virtutis iudicium meretur, aut in vitij dedecus incurrit; ut honestatis, aut turpitudinis inuritur nota. Neque tamen vnquam sibi plenè sufficit, nisi à superiore regatur principio, Deo suo, cuius bene gratiæ, & sanctarum inspirationum in omnibus eget, siue malis euitandis, siue bonis, ac virtutibus exercendis: Nam, vt de externis siue ob-  
staculis, ipse sibi homo vehementer obstat, ac secum maximè pugnat; si ratio, ipsaque superior in virtutis bonum propendet, inferior appetitus in vitium, ac peccatum trahit; de qua quidem interna rixa, pugna, & corruptione naturæ, differetur inferius. Vnum modo Paulinum audiamus, laudatum à S. Augustino, non minus religiosa humilitate, quam natoria olim dignitate conspicuum, ex Romano Senatore Monachum Christianum, ad quem cum imaginem sui pictam expetens misisset Seuerus Sulpitius, sic ille respondet, ræclarum in eo quoque genere vanitatis arguendæ, & docendæ humilitatis exemplum (Eius epistolæ fragmentum hoc refert,

“ & laudat S. August.) Pauper ego & dolens, qui  
 “ adhuc terrenæ imaginis squalore concretus  
 “ sum, & plus de primo, quàm de secundo Adam  
 “ carnis sensibus, & terrenis actibus refero;  
 “ Quomodo audebo me tibi pingere, cum cæ-  
 “ lestis imaginis inficiator prober corruptione  
 “ terrena? Vtrimque me concludit pudor, eru-  
 “ besco pingere quod sum, non audeo pingere  
 “ quod non sum, odi quod sum, & non sum quod  
 “ amo; sed quid misero mihi proderit odisse  
 “ iniquitatem, & amare virtutem; cum potius  
 “ idagam, quod odi, nec elaborem piger id po-  
 “ tius agere, quod amo? ipse discors & intesti-  
 “ no bello distrahor, dum spiritus aduersus car-  
 “ nem, & caro dimicat aduersus spiritum, &  
 “ lex corporis lege peccati legem mentis impu-  
 “ gnat. Infelix ego, qui in me venenatum ini-  
 “ micæ arboris gustum, nec Crucis ligno digessi!  
 “ Durat enim mihi illud primi Adami virus pa-  
 “ ternum, quo vniuersitatem generis sui Pater  
 “ præuaricatus infecit. Hinc illæ lacrymæ, hæc  
 “ origo mali, hinc pugna illæ molestissimæ, ac  
 “ periculosissimæ dimicationes internæ, prauæ  
 “ concupiscentiæ; Hæc seges amplissima demis-  
 “ sionis, atque humilitatis, quæ Christianæ  
 “ menti semper obuersari debeat; *Ecce enim in*  
 “ *iniquitatibus conceptus sum, & in peccatis conce-*  
 “ *pit me Mater mea*; Quam humilitatis præci-  
 “ puam materiam, atque radicem, Stoici ne  
 “ suspitione quidem attigerunt; At verò Chri-  
 “ stiani Philosophi semper obuiam, altiusque  
 “ memoriæ gerunt infixam; ac modò Dei opti-  
 “ mi maximi Conditoris eximia in se recolunt  
 “ beneficia, supremamque eius clementiam, ac  
 “ benefi-

Rf. 50. 7.

beneficentiam cum sua conferunt in omnem  
 genere, naturæ, ac gratiæ, rerum indigentia,  
 & miseria; modò se magis etiam à Deo, quàm  
 lux, & radij solares à sole pendere cogitant;  
 modò velut ad ditissimi Patris familias ianuam  
 mendici quotidianam stipem efflagitant; mo-  
 dò de acceptis beneficijs gratias agunt, omnia-  
 que bona sua eius largitati gratissimis animis  
 accepta referunt, gaudent quæ sub ea summa  
 Maiestate ac celsitudine deijcere sese, obno-  
 iasque eius Numini, viles, & abiectas creatu-  
 ras profiteri. Quis sanè secum animo recogit-  
 et Deum infinitum, æternum, immensum,  
 inmutabilem, per se, ex se existentem ac bea-  
 tum, summè sapientem, bonum, ac potentem,  
 honorum omnium pelagus inexhaustum, ex  
 quo omnia creaturarum participata bona di-  
 stanant, ac largissimè profluunt; se verò inter  
 rationales creaturas extremam, egentissimam  
 rerum omnium, sexcentis ærumnis corporis,  
 & quæ animæ confectam, quæ ex sese nihil sit,  
 nihil sciat, nihil omnino possit, clementissi-  
 ma tamè Dei benignitate sustentetur, ac donis  
 eius cumuletur supra meritum, supra votû; hæc  
 inquam, quis secum animo recogitet, & non  
 obstupescens sese velut in infinitum deijciat,  
 vilipendat, ac confundat; inde supremam Dei  
 Maiestatem adorans, ac summo quo possit  
 amore, atque honore prosequens; hinc animo  
 iubenti ac gratissimo suam ex aduerso vili-  
 tatem, & abiectionem profitens, ac submit-  
 tens? vt infinitum quoddam interuallum inter  
 se, Deumque clarè recognoscit; ita nihil du-  
 bitet in infinitum se sub Deo deijcere, eius-  
 que

que causâ, & respectu infra omnes omnino creaturas amandare, omnibusque, cum se dabit occasio, aut necessitas, utilitasue Diuinæ gloriæ, ac laudis exiget, Dei causa se proculcandum, & proterendum substernere?

“ Huc illa pertinet S. August. brevis precatio:  
 “ Nouerim te, nouerim me, vt oderim me, &  
 “ amem te, exaltem te, & humiliem me: Qua  
 “ eadem precatone noctes integras exhauriebat  
 “ S. Franciscus: Nouerim te, nouerim me: Quis  
 “ enim estu dulcissime Domine Deus meus? &  
 “ quis ego miserrimus, vilissimus, abiectissimus  
 seruus tuus? &c. Qua duplici contemplatione,  
 Diuinarum inde perfectionum ac beneficio-  
 rum supremæ Dei Maiestatis, hinc extremæ  
 hominis vilitatis, ingratitude, ac miseriæ,  
 deuotionem excitandam esse tradit S. Thomas;  
 eadem nos humilitatem, quæ deuotionis pa-  
 rens, aut soror, aut filia est haud illi absimilis,  
 gignendam ac confirmandam contendimus.

Ad hunc sanè modum Sanctus Pater  
 meus Ignatius iubet, ad compunctionem  
 excitandam, quæ germana proles est humili-  
 tatis, cogitare, quid sit Deus, quem offendi,  
 collatis comparatisque perfectionibus attri-  
 butis Deo, vt proprijs, cū oppositis meis vitijs,  
 atque defectibus, summam eius potentiam,  
 sapientiam, bonitatem, ac iustitiam, cum  
 extremâ meâ infirmitate, ignorantia, malitia,  
 & iniquitate conferendo; quæ vulnera sunt  
 naturæ ex primi parentis inflicta peccato, sed  
 quæ nostrorum adiectione peccatorû, mirum  
 quantum increuerint, in diesque etiam auge-  
 cant, ac grauiora semper euadant.

CA:



## CAPVT VII.

*De præstantiâ Virtutis Humilitatis,  
eiusque necessitate.*

Vbet S. Pater meus Ignatius præcedente puncto, si contritioni excitandę velim opem dare, considerare meipsum, quisnam, aut ualis sim, additis exemplis, quę me in maiorem mei contemptum trahant, vt si mecum reputem, quantulus sim ad omnium hominum coetum comparatus, quid deinde sit vniuersa multitudo mortalium, si cum Angelis, caetisque omnibus conferatur; Post hæc attendendum est, quid rei sit tandem, quicquid creatum, præ ipso Deo Creatore; Iam quid omnino ego vnus esse possim? Demum spiciam corruptionis mei totius prauitatem, animæ atque corporis fæditatem, ac me tantum vlcus, siue apostema esse ducam, ex quo tanta sanies peccatorum, tantaque lues vitiorum defluerit.

Ex qua sanè consideratione, non ipsa modò contritio, & contritionis comes parietur humilitas, intima ac profunda mentis demissio iam supremâ Dei Maiestate; verum eius quoque virtutis summa dignitas, ac necessitas uicescet, dum per eam suus cuique naturæ locus, ac gradus assignatur, rectusque ac rationi consen-

consentaneus stabilitur ordo, vt Diuinum Numen, infinito quodam spatio, suis omnibus creaturis anteponatur, & verus humilis infra eas omnes sese abijciat, extremumque ac nouissimum sibi vindicet locum, Deo imprimis Conditori, tum propter Deum cæteris omnibus sese subdat, ac supponat creaturis. Ac quemadmodum teterrimum est superbix vitium, quod sese opponit Deo, omnemque re-  
ctum ordinem peruertit, dum vult præminere, ac statum suum transgredi, cæterorumque vitiorum habetur radix & origo, quæ ex suimet inordinato gignuntur amore; sic ex aduerso honestissima virtus, & præstantissima est Humilitas, quæ nos Deo subijcit, imò & propter Deum, omni creaturæ præcellenti, quod eximijs Dei donis ornata sit, nosque extremo contentos loco quietos, pacatos, achilares, & in Diuinâ semper acquiescentes voluntate, amplius etiam, si fieri possit, ad Dei gloriam, abijci atque humiliari paratos efficit; quod sanè generosæ mentis est, res creatas omnes infra Deum despicientis, & Deum vnum impensè atque ardentè amantis, ac reuerentis.

Serm. 4.  
de Aduen.

Distinguit S. Bernardus duplicem humilitatem, cognitionis alteram, alteram affectionis, quæ dicitur cordis: Priore discimus, quod nihil sumus, & hanc discimus à nobis ipsis, & ab infirmitate propriâ; Posteriore calcamus gloriam mundi, & hanc ab illo discimus, qui exinaniuit semetipsum, formam serui accipiens; qui etiam quæsitus ad regnum, fugit; quæsitus ad tanta probra, & ignominiosum  
suppli-



applicium crucis, sponte obtulit semetipsum.  
 De eadem duplici specie humilitatis agit serm.  
 quadragesimo secundo in Cantica. Est Nar-  
 lus humilis herba, quam & calidæ ferunt natu-  
 re, qui herbarum vires curiosius explorarunt,  
 & ideo per hanc videor mihi non inconuenien-  
 ter hic veræ virtutem humilitatis accipere,  
 ed quæ sancti amoris vaporibus flagret; quod,  
 propterea dico, quoniam est humilitas, quam  
 non nobis veritas parit, & non habet calorem,  
 & est humilitas, quam charitas format, & in-  
 flammat; Atque hæc quidem in affectu, illa  
 in cogitatione consistit; Etenim, si tu temet-  
 ipsum intus ad lumen veritatis, & sine dissimu-  
 latione inspicias, & sine palpatione diiudices;  
 non dubito, quin humilieris & tu in oculis  
 uis, factus vilior tibi ex hac vera cogitatione  
 ui; quamuis necdum fortasse id esse patiaris  
 non oculis aliorum. Eris igitur humilis, sed de  
 opere interim veritatis, & minimè adhuc de  
 amoris infusione: Nam si veritatis ipsius, quæ  
 te tibi veraciter atque salubriter demonstra-  
 uit, sicut splendore illuminatus, ita affectus  
 amore fuisses; voluisses procul dubio, quod in  
 te est, eandem de te omnes tenere sententiam,  
 quam ipsam apud te veritatem habere cognos-  
 cis; sanè, quod in te est dixerim, quia ple-  
 rumque non expedit innotescere omnibus  
 omnia, quæ nos scimus de nobis. Hæc Ber-  
 nardus; qui cum priorem necessitatis appellet,  
 posteriorem voluntatis, sat indicat hanc po-  
 steriorem dumtaxat veræ virtutis laudem ac  
 nomen obtinere; & ut loquitur, hanc volunta-  
 tiæ humilitatis speciem, non redargutione ve-  
 ritatis

ritatis, sed charitatis infusione creari, quia cordis est, quia affectionis, quia voluntatis. Quàm præstans igitur ea virtus est, quæ aut charitas est, aut charitati semper annexa! quæ calorem ac vitam à charitate mutuatur! Quâ parte se Deo subijcit, à Religione sciuncta multis non videtur; quâ se cæteris hominibus propter Deum, excellens quædam est aut pietas, aut obseruantia, aut à charitate profecta modestia; Hæc attenta Dei Maiestate, sui quæ vilitate, coram eo supplex humiliatio, suprema mihi patriæ videtur adoratio; coram sacratissimâ Virgine ob præcellentissimâ Dei dona, quibus eminet, & incôparabilem summamque Dei Matris dignitatem, hyperduliæ; coram cæteris Sanctis, duliæ, vel obseruantia sacrae cultus eximius. Videtur & perquam facilis, & expedita ratio Deum præsentem rebus in omnibus creatis agnoscendi, ac venerandi, si quis hos humiliationis internæ crebriores actus exerceat, ac frequentet. Hæc S. Bernardi distinctio duplicis humilitatis, in alium quoque sensum commodè traduci possit, vt quædam sit humilitas penitentiarum, ex consideratione peccatorum, & vitiata naturæ, non ijs modò peccatis coinquinatæ, sed ad eadem maximè quoque procliuis, praua concupiscentia, perturbationum quæ morbis fædè & misere laborantis, quæ humilitas in Christo Domino, B. Matre, cæterisque innocentibus, SS. Angelis, & Beatis locum non habeat; quædam verò sit humilitas innocentium propria, quæ ex consideratione nihili sui, tum naturæ, tum gratiæ, tum meritum bonorum

orum omnium oriatur; cum & SS<sup>a</sup>. Christi  
saluatoris Anima, & B. V. Mater, omnes-  
que Sancti agnoscant & profiteantur, quæ  
unt in eis eximia dona, & bona omnia, à gra-  
uita Dei benignitate deriuari, nihilque suum  
ille in quo glorientur, sed Dei esse munera  
ratuita, cui sit laus, & omnis gloria adscri-  
enda. Quare & ea humilitas, quam informat  
haritas, semper à veritate gignitur, & pœ-  
nitentibus ad Deum verè conuersis, quæ fuit  
ognitionis, euadit affectionis humilitas. Sed  
la præcipua est plurimi que æstimanda humi-  
tas, quæ ab exemplo Christi Domini duci-  
ar, qui sese propter nos ad infamia quæque  
cobra, ac dedecora; ad mortem ipsam crucis  
dedit ignominiosissimam. Ac quemadmo-  
dum qui in superbiæ Principis, ac mundi ca-  
ris militant, gloriam, & exultationem  
suum homines summo studio conquirunt, &  
petunt; ita qui seridè Christum Dominum  
quuntur, ac sub eius crucis, & humilitatis  
xillo nomina dederunt, suimet contemptum  
denter amant, apud homines latere, negligi,  
spici, vilipendi cupiunt; adeo, vt (si fieri  
posset absque offensa Diuinæ Maiestatis, &  
proximorum scandalo) optarent pati contu-  
delias, falsa testimonia, sannas, & omnis ge-  
neris iniurias, quin & amentes ac stulti repu-  
ri, nulla tamen ad id data occasione, eo quod  
iqua ex parte Christum Dominum imitari,  
que affectari, longo licet post interuallo, ve-  
ementer exoptent eius amore succensi, eius-  
que vestibis atque insignibus indui, quibus  
se salutis nostræ induit causa; vt præclare mo-  
net

net S. P. Ignatius.

Reg. 11.  
Sum.  
constitut.  
Exc. 4.  
§. 44.

in Pj. 118.  
tract. 15.

Iob. 1. 21.

Iob. 2. 10.

4. Reg.  
20. 11.

Hic planè supremus est humilitatis præstantissimæ gradus, ad quem nos eximia Christi Domini charitatis, & humilitatis coniunctim exempla, ac documenta prouocant. Reperio apud S. August. duplicem præterea humilitatem; Vnam, qua quisque humiliat se, confitendo peccata sua; aliam, qua quisque humiliatur aliqua tribulatione, vel deiectione, quam meruit eius superbia; aut qua exercetur eius patientia; quæ quidem posterior humilitas, si non respuatur, sed acceptetur propensa voluntate, Deo sese subdente, valere potest ad meritum, vt valuit in B. Iob humili ac patiente Propheta, cum diceret: *Nudus egressus sum de utero matris meæ, & nudus reuertar illuc: Dominus dedit, Dominus abstulit: sicut Domini placuit, ita factum est; sit nomen Domini benedictum.* Ad vxorem pessimam, Satanæ consiliariam: *Quasi una de stultis mulieribus locuta es, si bona suscepimus de manu Dei, mala quare non suscipiamus?* Sed prior confitens vitio peccata, potior est, & eam habet prærogatiuam, vt nos Deo reconciliet, deperditamque eius gratiam instauret ac renouet. Per eam, dum petitur, remissio peccatorum obtinetur; neque perfecta esse potest contritio, quæ non humilitate nitatur. Tantum valuit ipsius Achab impij Regis humiliatio, quamquam haud omnibus numeris absoluta, Deum vt iratum tamen placaret, ac propitiaret. Est igitur humilitas instauratrix gratiæ, & charitatis violatæ reparatrix. Est & eiusdem conseruatrice, optimæque nutrix, incrementorum eius in dies amplio-

mpliorum à Deo conciliatrix; quâ de re com-  
 onefaciunt duo nos Apostoli, Petrus & Ia-  
 obus; *Deus superbie resistit, humilibus autem dat*  
*gratiam.* Tutissimus virtutum omnium portus,  
 x Balio; virtutum omnium caput, ex Am-  
 rosio, quæ totum velut quoddam actionum  
 ostrarum fouet corpus; in quâ vna consistit  
 mnis Christiana disciplina, ex Augustino,  
 ui librum de Virginitate sacra quidem in-  
 ripit, at integrum de humilitate perscripsit:  
 Istenim humilitas pudicitie custos, & integri-  
 tis thesaurus, si subdatur animus Deo, &  
 imo quoque corpus ac caro subijcietur:  
 reuiter, omnium virtutum fundamentum  
 re dicitur humilitas, non molò quia præ-  
 mptionem ac superbiam remouet, quo nul-  
 m habet virtus maius obstaculum, quodque  
 um veluti pectoris aperiat Deo, ac vacuum  
 hibeat, omnibus eius gratie donis impluen-  
 m, atque implendum; sed quod, cum Deo  
 s subijciat, eidem nos adiungat, atque age-  
 atinet.

Ipsè Deus fundamentum est fundamento-  
 n, cui dum perfectè subijcimur, inhæremus,  
 od fundamentum in summo & cælo est, non  
 humo & imo. Nam ad cælum ædificamur  
 ti præclare S. August.) & quemadmodum  
 adamentum corporeæ fabricæ in imo est, sic  
 adamentum spiritalis fabricæ in summo est:  
 uare, quando hic humiliantur, qui Deum  
 nent, humiliati non cadunt, quia altitudo  
 rum ipse est Deus: Nam quò se perfectiùs  
 miliant, atque subijciunt Deo, eò sese illi ar-  
 us astringunt, intimiusque coniungunt.

D

Mira

1. Pet. 3. 3.

Iac. 4. 6.

in Pl. 1. 18.  
serm. 20.

in Pl. 86.

in Pl. 36.

conc. 1.

Mira hæc est indoles siue humilitatis siue ipsius Dei, vt humilitate propinquetur ad Deum: sis humilis, si vis, vt Deus altus vicinetur; si te humiliaueris, appropinquabit ad te; si te excelsum feceris, longinquabit à te. Humile cor de cælo adducit Deum, vt proximus fiat. Altus est Deus, humilia te, & descendet ad te; quin verò cor humilitate sursum abripitur in cælum ad Deum, vt terrenis omnibus, seque etiam ipso despecto, vnum Deum suspiret, amet, ac pro destinato scopo actionum omnium honestarum propositum semper habeat, ac mente circumferat. Sursum habere cor ad seipsum, superbia; ad Deum, humilitas. Quæ quidem eximia virtus mihi quoque videtur illum primæuum ac beatum originallis innocentia statum postliminio reuocare, nec sine quodam gratiarum fœnore redintegrare; dum mentem ac rationem Deo, & eius ope ac beneficio corpus animo, rationique, partem inferiorem sensus & appetitus subijcit; dum per eam charitate informatam, cæterarumque virtutum chorum ac comitatum, quoad licet in hac vita mortali, Deo, summo bono nostro, ac fine vltimo, perfruimur; quæ cum sit beata vita, summa sapientia, ac perfectio hominis Christiani, quid ad humilitatis commendationem vberius, atque amplius à me proferri queat?

Quò magis excrescit in animis nostris humilitas, eò quoque magis excrescit Diuina Charitas, magisque decrescit & imminuitur praua cupiditas, capitalis eius aduersaria. Si penitus extirpari, atque extinguì nequit cupiditas,

piditas, amorque sui; at vehementer assidua reprimatur humilitatis exercitatione: augetur e contra, & vehementius inflammatur Charitas & amor Dei, recteque dicitur Humilitas, & Mater, & filia Charitatis, aut adhærescens illi comes perpetua. Etenim quod Deum impensius amamus, extollimus, ac magnificamus, eò nos ipsos magis oderimus, humiliemus, vilipendamus oportet, & à cæteris mortalibus haberi despectui cupiamus. Quod Dei maior est aduersum nos bonitas, clementia benignitas, misericordia; nostra verò aduersus illum ingratitudo, peruersitas, infidelitas, grauior; eò & ille magis est amandus, honorandus, exaltandus; nos verò deiiciendi, deprimendi, ac detestandi sumus. Hoc sanè postulat omnis æquitas, & hoc est præstans huius præstantis virtutis officium.

Vt, dum per superbiam ac priuatum amorem erigimur, Deus, ita dicam, in nobis humiliatur ac deprimatur; ita, dum per humilitatem exinanimur atque deiicimur, Deus in nobis extollitur atque exaltatur. Itaque humiliari nostrum, Dei est exaltari, & vice versa; non secus ac è duabus staterę lancibus, dum vna deprimatur, erigitur altera. Quæ sanè causa est, cur verus humilis tantopere se deprimi ac despici gaudeat, ad Dei gloriam & honorem; vt superbus gaudet honore se affici, etiam cum Dei contemptu. Sed de præstantiâ & officijs huius virtutis sæpe adhuc erit differendi locus. Iam de eius necessitate.

Præter ea, quæ de gratiæ necessitate dicentur, nihil hic plenius dici potest, quam quæ

Ep. 56. habet Sanctus Augustinus, epistola ad Dios-  
 corum: Nisi humilitas quaecumque benefece-  
 ris & præcedat, & comitetur, & subsequuta  
 fuerit, & proposita quam intueamur, &  
 apposita cui adhæreamus, & imposita quâ  
 reprimamur, iam nobis de aliquo bono  
 facto gaudentibus totum de manu extor-  
 quet superbia; Vitia quippe cetera in pec-  
 catis, superbia verò etiam in rectè factisti-  
 menda est: Quod & alias frequenter inculcat:  
 Nullum enim aliud est vitium periculosius,  
 nullum damnosius, nullum (quæ naturæ no-  
 stræ corruptio est) familiarius, non domesti-  
 cum modò, sed planè intestinum; primum  
 quod nos oppugnat, postremum quod expu-  
 gnatur; aduersus quod dimicatio prope con-  
 tinua, rara & sera, & nunquam omnino secu-  
 ra victoria. Nam, vt aduertit idem S. Augu-  
 stinus; Vbi lætatus homo fuerit in aliquo bo-  
 no opere, se etiam superasse superbiam, ex  
 ipsa lætitia caput erigit, & dicit: Ecce ego  
 vivo, quid triumphas? Et ideo vivo, quia  
 triumphas. Non est igitur præmaturè de su-  
 perbia deuicta gloriandum, sed mox in subsi-  
 dium humilitas aduocanda, quæ totum Deo  
 bonum opus adscribens exclamet: *Non nobis*  
 Ps. 113. *Domine, non nobis: sed nomini tuo da gloriam.*





## CAPVT VIII.

*De summo Bono, & Fine ultimo, ad quem omnia referenda, ipse ad nullum; quis sit ex Christianorum & Stoicorum sententia.*

**V**eritas vna est ac simplex; Mendacium multiplex ac varium. Christianorum sententia est, summum bonum ac finem nostrum esse Deum Opt. Max. cuius causa conditi sumus, in quo vno mens nostra conquiescat, perfecteque satietur & expleatur, vt nihil præterea desideret. Stoicorum de summo bono ac fine ultimo variæ sunt sententiæ, neque satis apertæ & explicatæ; nam veritatem, quam velut per vmbra affectabantur, verborum ambagibus obscurarunt, multaque parum ei consentanea protulerunt, si ad vnguem Theologicum resecantur; quæ tamen ipsa in meliorem partem accipi, & recto aliquo sensu ad veritatem reuocari possunt. Plurimorum sententia est, summum bonum & finem vltimum esse, conuenienter Naturæ viuere; Epicteti, conformiter, seu concorditer Naturæ, quo spectat illud Horatij:

Viuere naturæ si conuenienter oportet.

At de qua Naturâ intelligunt? si de ea, quæ

in originalis iustitiæ, atque innocentie primæno statu à Deo fuerat instituta, non omnino perperam: Nam ad Deum, à quo erat condita, & tot excellentibus gratiæ donis, ac præsidij instructa dirigebatur; Si de naturâ primi Parentis peccato vitiata, & necdum plenè per Christum instauratâ, & saluatâ, in qua remanet adhuc prauæ concupiscentiæ formes, cum secum ipsa pugnat, ac dissidet; tum minimè Naturæ, sed Gratie Christi conuenienter est viuendum, & Naturæ per Christi Gratiâ repugnandum; iuxta illud Scriptu-

Gen. 4. 7. *Sub te erit appetitus tuus, & tu dominaberis*  
 Gen. 8. 21 *illis; sensus enim & cogitatio humani cordis in malum prona sunt ab adolescentiâ suâ. Et illud Christi Domini: Qui amat animam suam, perdet eam.*

Jo. 12. 25.

Apud Diogenem, Zeno Stoicorum princeps explicat; secundum vnâ rationem, & concordem sibi viuere; Apud Clementem Alexandrinum; in recta ratione & ratiocinatione, in electione eorum, quæ sunt secundum Naturam; Apud Stobæum non additur, Naturæ, sed absolutè, finem esse conuenienter viuere, seu ipsam conuenientiam, *ὁμόλογίαν*; quod idem esse aiunt, atque secundum virtutem viuere: Nam virtus conuenientia constat, inquit Seneca. Accedit, vt perfecta virtus æqualitas sit, ac tenor vitæ, per omnia consonans sibi. Quid est sapientiâ? semper idem velle, atque idem nolle, licet exceptiunculam illam non adijciam, vt rectum sit, quod velis; non potest cuique semper idem placere, nisi rectum, Sed imprimis regula ac finis non assigna-

Ep. 74.

Ep. 20.

assignatur, ad quem recta ratio & ratiocinatio dirigenda sit; quæ sit mensura rectæ & convenientis electionis; ad quem illa scopum collineare debeat. Deinde cætera, licet in speciem magnifica, tamen obscura sunt, & implexa, parumque sibi consentanea; cum ad *ἀμείβειν* referri videantur, & in hac ærumnoia vita, quæ tot præpò casibus, atque euentibus obnoxia est, quot sunt eius momenta, nequeant obtineri. Cum re mutare consilium, prudentis est. Nunquam ita quisquam bene subductâ ratione ad vitam fuit; quin res, ætas, vsus semper aliquid adportet noui. Neque idem semper est tempus, nec eadem semper rerum conditio, ipsius sanè corporis (vt de animo sileamus) fouendi ac sustentandi perpetuæ sibi sunt succedentes ex ordine varietates. Vt in bono constantia ac perseuerantia laude digna est; ita vituperanda in malo peruiacia, & obstinatio. Vt Dei proprium ac Beatorum est, idem bonum semper velle, ac nolle malum; Diabolicum verò semper idem velle malum, & nolle bonum; ita hominum, pro hoc mortalitatis statu, modò bonum, modò malum, modò velle, modò nolle.

Summa illa sapientia summaque fælicitas sit, nolle semper malum, semper velle bonum; quod sine summo Dei beneficio nemo consequetur. Alij Stoici contendunt addendum, Naturæ; Cleanthes, communi, Chrysippus, communi & propriæ, seu humanæ; Natura duce aberrari nullo modo posse; Naturam ducem optimam, tantquam Deum, sequendam, eique parendum. Communem Natu-

ram Deum intelligunt, aut communem  
vniuersi legem, & rectam rationem per om-  
nia permeantem; Propriam, rationalem, re-  
ctâ & perfectâ ratione vtentem in electione  
aut reiectione eorum, quæ ex naturâ. Denique,  
finem esse aiunt, secundum virtutem viuere.  
Tullius 2. de finibus: Stoicis finis est, consenti-  
re Naturæ; quod esse volunt, è virtute, idest  
honestè viuere; quod ita interpretantur, vi-  
uere cum intelligentia earum rerum, quæ na-  
tura eueniunt; eligente ea reiicienteque con-  
traria; Quod idem esse aiunt Viri eruditi, ac  
Deum sequi ac imitari, cum Deus sit natura  
communis & propria: Nam animum bonum  
& rectum quid aliud voces, ait Seneca, quàm  
Deum in humano corpore hospitantem? Bo-  
nus vir sine Deo nemo est. Quare finis vlti-  
mus partim in Dei sequela, partim in assimi-  
latione situs sit, planius ac breuius diceretur, in  
humilitate, qua te supremo Numini subijcias,  
in obedientia, qua Diuinis eius iussis ac mo-  
nitis obtemperes, si te vilem sub Deo crea-  
turam agnoscas & subternas, si tuam volunta-  
tem Diuinæ per omnia subijcias atque accom-  
modes, si Diuinos mores, quoad licebit, imi-  
tatione proxima confecteris. In hunc pium  
sensum traduci possunt Stoicorum dicta, &  
præclara sanè continent adiumenta ac media,  
quibus summum bonum, & finem vltimum  
assequamur, hac in vita mortali, quoad licet,  
inchoatè & imperfectè; in altera demum im-  
mortali planè consummatè.

Verùm non explicauit disertè finem ipsum,  
& summum Bonum; & suspicari quis possit,  
Stoicos,

Stoicos, nescio qua dementia, & insana prorsus superbia, semetipsos Deos quosdam finxisse mortales, animasque rationales censuisse particulas quasdam velut è natura Diuina decerptas, velut scintillas quasdam igneas, abscissas ex Deo, neque extra se finem vltimum summumque bonum collocasse. Aut si benignius interpretari velimus, rectam rationem in homine dicemus participationem quandam Diuinæ lucis ac veritatis, iuxta illud psalm. *Signatum est super nos lumen vultus tui.* Ps. 4. v. 7. Cui rectæ rationi conformitas ac congruitas ipsa, est virtutis honestas, vt vitij malitia & turpitudine, disconuenientia ac discrepantia cum recta ratione. Verum enimvero hæc recta ratio, in animis nostris inserta diuinitus ab Authore naturæ, ab eodem dirigenda, & infusæ fidei, aut inspirationis piæ lumine collustranda, ne exorbitet, aberret atque cæspitet, eiusque omnis rectæ rationis vsus in Dei Conditoris, cuius est donum honorem, & gloriam suapte conditione reuocatur & refertur, vt abusus in eiusdem Diuini Numinis offensam ac contemptum suapte natura redundat. Quapropter virtus omnis, vt à Deo manat tanquam à primo principio, sic ad Deum tanquam ad finem vltimum referenda est.

Deum igitur, vt ex his Stoicorum salebris emergat oratio, solum esse summum bonum nostrum, ac finem extremum, etsi probatione non eget, tamen S. Augustini præstantissimi Doctoris auctoritate ac ratione probemus, cum illum versum psal. edisserit: *Beata gens, cuius Dominum Deum eius.* Inter alia sic ait;

in Ps. 34.  
serm. 2.

ait: Cum enim beatus fueris, melior utique  
eris, quàm cum miser es; fieri autem non po-  
test, ut res deterior te faciat meliorem. Ho-  
mo es, deterius te est quicquid cupis, quo  
beatus esse desideras. Aurum, argentum,  
quælibet corpora, quibus inhias acquirendis,  
possidendis, fruendis, inferiora sunt te. Tu  
melior es, tu fortior es, & utique vis melior  
esse quàm es, cum beatus esse vis quia miser es.  
Melius est enim utique beatum esse, quam  
miserum. Vis esse meliore te, & quæris, per-  
quiris per quæ id fiat, deteriora te. Quicquid  
quæsieris in terrâ, deterius est quàm tu.

Intuere cælum & terram, non tibi sic hæc  
pulchra corpora placeant, ut eis fieri beatus  
velis. In animo est quod quæris. Ipso animo  
tuo quære quid sit melius.

Iam ergo superest, ut quæras, quid sit me-  
lius quàm animus tuus. Quid erit obsecro,  
nisi Deus tuus? Non iuuenis aliquid melius  
animo tuo, quia cum fuerit perfecta natura  
tua, Angelis æquabitur. Iam supra non est  
nisi Creator. Erige te ad illum, noli despe-  
rare, noli dicere: multum est ad me.

Aurum, etsi volueris, fortè non habebis.  
Deum, cum volueris, habebis: quia & ante-  
quam velis, venit ad te: & cum auersâ volun-  
tate esses, vocauit te: & cum conuersus esses,  
terrui te: & cum territus confiteris, consolatus  
est te. Iste est qui tibi præstitit omnia ista,  
qui fecit ut esses, qui cùm his, qui tecum sunt,  
etiam malis præstat solem, præstat pluuiam,  
præstat fructus, fontes, vitam, salutem, tan-  
tas consolationes, seruat tibi aliquid quod  
non

non det, nisi tibi; Quid est autem, quod tibi  
 seruat, nisi se? Pete aliud si melius inueneris, se  
 tibi seruat Deus. Auare, quid inhias cælo &  
 terræ? Melior est, qui fecit cælum & terram:  
 ipsum visurus, ipsum habiturus es. Totus hic  
 commentarius exscribendus foret, sed bre-  
 uitati consulendum.

Vulgatum illud eiusdem S. Augustini: Quan-  
 tumcumque sis auarus, sufficit tibi Deus tuus.  
 Excedat cor vestrum omnia visa, excedat in-  
 tentio vniuersas cogitationes vestras solennes  
 ex carne, eductas ex sensibus carnis, & imagi-  
 natas nescio quo phantasmate. Totum ab  
 animo reiicite, &c. Ita desiderabitis quoddam  
 bonum; Quale bonum, omnis boni bonum,  
 vnde omne bonū, bonum cui non addatur quid  
 nisi ipsum bonum; Nempe illud, de quo Moyse: Exod.  
*Ego ostendam omne bonum tibi.* Quod experie- 33.12.  
 batur Sanctus Franciscus, identidem illud no-  
 ctibus integris versans ac repetens: Deus meus,  
 & omnia; Quod continet eminenter omnia,  
 & maiori iucunditate suorum mentes com-  
 plet, quàm si rerum omnium compotes existe-  
 rent; quod & de Sapientiâ dicitur: *Pretiosior*  
*est cunctis opibus: & omnia, qua desiderantur,* Pro. 3.15.  
*huic non valens comparari.* Vt sol vnus magis  
 illuminat, quam cæteræ omnes stellæ & mun-  
 di luminaria; ita vnius Dei possessio longè  
 magis, quàm cæterarum rerum, mentem im-  
 plet atque exsatiat. Vt manna ciborum om-  
 nium suauitatem ac condimentum; ita Deus  
 deliciarum omnium perfectionem ac pleni-  
 tudinem continet, atque exhibet. Ad ima-  
 ginem quippe Dei facta rationalis anima cæ-  
 teris

Serm. de  
Dedicat.  
l. 10.  
conf. c. 10

c. 40.

teris omnibus occupari potest, repleti non potest: Capacem enim Dei quicquid Deo minus est non implebit, aptissimè S. Bernardus. Augustinus: Fecisti nos ad te, & inquietum est cor nostrum, donec requiescat in te.

“ Cum in hęcero tibi ex omni me, nusquam erit  
“ mihi dolor & labor, & viua erit vita mea tota  
“ plena te. Nunc autem, quoniam quem, tu im-  
“ ples, subleuas eum; quoniam tui plenus non  
“ sum, oneri mihi sum (Omnis copia, quæ  
“ Deus meus non est, egestas mihi est) Ne-  
“ que in his omnibus, quæ percurro consulens  
“ te, inuenio tutum locum animæ meæ, nisi in  
“ te, quocolligantur sparsa mea, nec in te quic-  
“ quam recedat ex me. Et aliquando intromit-  
“ tis me in affectum multum inusitatum, in-  
“ trinsecus, ad nescio quam dulcedinem, quæ  
“ si perficiatur in me, nescio quid erit, quod  
“ ista vita non erit. Pertinet id ad prægustatio-  
“ nem quandam futuræ vitæ, & summi boni,  
“ quoad hæc mortalis vitæ conditio patitur, in-  
“ choatam consequutionem, de quâ proximo  
capite differendum.

CAPVT





## CAPVT IX.

*De duplici consequutione summi Boni,  
ac Finis vltimi; dupliciq;  
Beata vita.*

**E**Rat inter Stoicos Peripateticosque dissensio verborum magis, quàm sententiarum; An esse posset Beata vita, & non semper eadem beatissima? Peripatetici, qui finem hominis vltimum statuebant, secundum naturam viuere, id est, adhibitâ virtute frui primis à natura datis, aiebant, virtute quidem constare beatam vitam, sed non beatissimam, nisi cætera accederent naturę commoda, externaque bona, sine quibus hæc vita traduci non potest. Stoici, qui beatam vitam in solâ virtute staterent, quæ vt illis placet, crescere non potest, nec vlla bonorum accessione cumulari (nihil enim in bonis censent, nisi virtutem) negabant beatam vitam esse posse, quæ non foret eadem semper beatissima; quò spectabat illa beatæ vitæ definitio; seclusis malis, cumulata bonorum complexio. Qui sunt Beati? qui sunt in bonis, nullo addito malo; sed aberrabant vtrique vehementer, qui beatam vitam præsentem dumtaxat in hoc mortali corpore spectabant, & futuram alteram, non modò non certa spe, & expectatione, sed ne suspitione quidem

quidem vlla conſectabantur .

Præſens vita non modò non beatiffima, ſed ne beata quidem , ac prope nec vita dicenda eſt , cum ſit curſus ad mortem, tot malis reſerta, tot ærumnis, periculisq̃ue expoſita, vt magis deploranda ſit, ac lugenda, patienter magis, quàm hilariter traducenda; futura etſi eſt beatiffima, tamen & ipſa latè patet variosq̃ue gradus obtinet, vt beato beator quis eſſe poſſit . Nihil aliud eſt, Beata vita, quàm ſummi boni, & finis vltimi conſequutio, quâ deſiderium omne rationalis naturæ compleatur, eadẽ honeſtiſſima, iucundiſſima, ſecuriſſima, perpetua & ſempiterna . Nam eas ſecum affert, expetitq̃ue conditiones; tamen hæc ipſa conſequutio ſummi boni varia eſt, & magnam habet amplitudinem, vti poſt explicabitur.

Vt duplex eſt vita, mortalis hæc præſens, aliquando interitura, altera futura immortalis, in ævum omne duratura; ita duplex eſt Deum, ſummum bonum noſtrum ac finem, aſſequendi ratio; prior inchoata, atque imperfecta; lumine naturæ, aut fidei ſuper infuſe crebrâ erectâ, & attentâ Dei contemplatione, a ævumq̃; Fidei, Spei, Charitatis, Religionis, Humilitatis, aliarumque virtutum, quæ tendant in Deum, exercitatione comparata; Poſterior perfecta, & conſummata lumine gloriæ, clarâ Dei viſione nunquam interrupta, ſummè intenſa, & perpetua, ac continenti charitate, numeris omnibus expleta, quæ Deum clarè conſpectum teneat, ac compleſtatur. Prior ratio licet honeſtatem habeat annexam, non æquè tamen iucunditatem, ſecuritatem

tem, ac perpetuitatem, quas omnes conditiones amplectitur posterior, eadem honestissima, iucundissima, sempiterna. Atque vt hæc vita præsens refertur ad futuram, ita prior ratio, quâ Deum assequi conamur ac contendimus, tota refertur ad posteriorem, quâ plenè iam eo possesso potiemur ac perfruemur.

Quare si duplex quoque statuatur Beata vita, duplexque beatitudo, id constare debet, priorem omnino ad posteriorem referendam, ex eâque dimetiendam; Quo gradu proximè hæc ad eam accedit, eò censenda perfectior est, quò nos illi propiores & similiore, eò quoque beatiores efficit.

Id inter naturas rationis capaces, & expertes interest; quod illæ summi boni ac finis ultimi sint capaces, intelligendo, atque amando, illoque potiri, ac perfrui possint; beatæ, si perfruantur; miseræ, si ab eius omni spe exciderint, aut tantisper, dum adhuc eo non potiuntur; Nam Beatitudo est adeptio finis ultimi, inchoata spe, perfecta re ipsa; Miseria summa ab eo excidisse, non parua sanè, nec contemnenda, nondum attigisse, spemque ac metum inter periclitari.

Si dixeris Beatitudinem esse omnium bonorum, secluso omni malo, complexionem, aut statum omnium bonorum aggregatione perfectum; tamen ex summi boni adeptione id natura sua quodammodo consequens est. Ac quemadmodum ex Deo clarè viso consequitur ardentissima charitas, tranquillitas, pax & iucunditas quædam infinita, corporis immortalitas, & omnium bonorum accumulatio; ita ex

ita ex Deo per contemplationem fidei, & charitatis amorem hac in vitâ possesso, licet inchoatè, atque imperfectè, consequitur maxima pax animi, tranquillitas, iucunditas, securitas; tum & corpori Deus prouidet, quia paruo admodum eget natura, paruoque contenta est.

Sed ut id, quod cœpimus exequamur; Differunt naturæ intelligibiles ab expertibus rationis, quod illę sine ac bono summo fruuntur, expertes in finem quidem dirigantur ab intelligentibus, & Deo ipso Conditorē naturę; se l eo perfrui non possint, nec propriè dicendæ sint miseræ, aut beatę. Quod præclare tradit S. Augustinus: In omnibus autem naturis producendis, earum Deus author, atque effector alium à seipso diuersum sibi propositum scopum habere non potuit. Etenim *Omnia propter semetipsum operatus est Dominus*; Irrationales rationabilium causâ, ad earum sustentationem, opportunitatem, atque oblectationem; rationales verò sui causa, ob gloriam suam, honorem, subiectionem, obedientiam, cultumque deferendum, ut in eum omnia studia sua facta, dicta, cogitata, vitæque instituta conferrent.

Atque ut iam dicta compendio repetamus: duplex naturæ rationali tempus est constitutum, duplexque operandi modus, quo Deum suum demereatur ac consequatur. Prius tempus est præsentis vitæ, velut experimenti ac probationis cuiusdam, cum periculo non assequenti, tempus militiæ ac pugnæ, contentionis ac conatus, cursus ac viæ nondum assequutæ

assequutæ metam ac quietem; Posterius est futuræ vitæ, velut expletâ iam probatione, militiâ, pugnâque, ac contentione cursus, adeptâ iam mercede, victoriâque reportatâ, quiete ac securitate perfectâ; sine vlllo metu ac periculo. Prior operandi modus, per Fidem, Spem, Charitatem, sed viatoris in incerto adhuc, ac fluctuanti salo nauigantis, nondum in portu. Posterior hominis portum ac viæ metam iam assequuti, per claram visionem & Charitatem Deum comprehendentis, de æternitate beata certi ac securi.

Duplex igitur quoque statuatur Beatitudo summi Boni, & finis vltimi assequutio; Duplex beata vita, spei ac rei, fidei obscuræ & claræ visionis, præsentis temporis in labore ac contentione, futuræ æternitatis in præmio & mercede; Idque constet, priorem hanc viæ atque exilij viatoris, ad posteriorem Patriæ ac comprehensoris termini referendam beatitudinem.



## CAPVT X.

*Quæ bona? quæ mala? quæ adiaphora?  
commoda, vel incommoda? pro-  
ducta? reiecta? quæ neutra?*

**P** Eripatetici tria bonorum genera statuebant, Animi prima, secunda corporis, externa tertia, tantamque esse præstantiam, & amplitudinem virtutis, ut ea sola constaret beata vita, quod ita exiguae essent cæterorum bonorum accessiones, ut quemadmodum stellæ in radio solis, sic istæ in virtutum splendore, ne cernerentur quidem; si in altera libræ lance virtus statueretur, terram ea lanx & maria deprimeret.

Non tamen nulla sunt, etsi parua, inquietabant, hæc momenta commodorum naturæ, ac corporis, externaque bona, quin, quod quis eis bonis plenior est, eò quoque beatior existere dicendus est. Semper ex eo quod maximas partes continet, tota res appellatur; ut quæstuosa mercatura, fructuosa aratio dicitur, non si altera semper omni damno, altera omni temporis tempestate vacua, sed si multò maiori ex parte; ita vita non solum si vndique referta bonis, sed si multò maiori ex parte bona propendent, beata rectè dicitur.

Cæterùm bona dicuntur, quæ secundum  
natu-

naturam, mala quæ secus. Stoici non tam re,  
quàm voce dissentientes, in speciem magni-  
ficentius contendebant, nihil bonum nisi  
honestum; nihil malum nisi turpe; Virtutem  
solum esse vnicum & summum Bonum; Cæ-  
tera; adiaphora, media; interiecta; indiffe-  
rentia, minime in bonis numeranda, nec bo-  
na nec mala, quòd neque ad fælicitatem, ne-  
que ad infælicitatem conducerent; sed eo-  
rum tamen quædam esse secundum naturam;  
vt sanitas, robur; sensuum integritas; quæ-  
dam præternaturam, vt morbus; imbecilli-  
tas, mutilatio; quædam neutra, vt imagina-  
tio ta is, vel visum; & hæc nec appetitum,  
nec declinationem habere: Alia quæ estimati-  
onem habeant, producta; promotæ præci-  
pua; vt ingenium, sanitas. Alia quæ deesti-  
mationem, vt stupor, morbus; reiecta, reij-  
cienda, discernenda; Hæc illa Zenonis cele-  
brata *προηγουμένα καὶ ἀποπροηγουμένα*; commoda &  
incommoda; vtraque extra nos, quia extra  
animum: Bona illa sunt vera, quæ ratio dat, Senec. Ep. 74.  
cætera, opinione bona sunt. Itaque commo-  
da vocentur, & (vt nostra lingua loquar) pro-  
ducta: sumenda; non expetenda; reijcienda,  
non fugienda, seu secernenda.

Quæ omnia S. Augustin. rectissimè censet 9. de ciuit. c. 4.  
verborum certamini, non rerum examini de-  
putanda: meritoque ridet Plut. sumenda, non  
expetenda: Apta naturæ, non tamen bona;  
Inutilia, tamen commoda.

Apud Tullium, Piso Peripateticus de Stoi- 9. de fin.  
cis: Vt reliqui fures earum rerum, quas ce-  
perunt signa commutant; sic illi vt sententijs  
E 2 nostris

noſtris pro ſuis vterentur, nomina tanquam rerum notas mutauerunt. Si Stoicis concedis vt virtus ſola, ſi adlit, vitam efficiat beatam, concedis etiam Peripateticis: Quæ enim mala illi non audent appellare; aſpera autem, & incommoda, & reiſcienda, & aliena naturæ eſſe concedunt; ea nos mala dicimus, ſed exigua, & porro minima. Quare ſi poteſt eſſe beatus, qui eſt in aſperis reiſciendiſque rebus, poteſt is quoque, qui eſt in paruis malis.

Quemadmodum in ſenatu ſemper eſt aliquis, qui interpretem poſtulet; ſic iſti nobis cum interprete audiendi ſunt. Bonum appello, quicquid ſecundum naturam eſt; quod contra, malum &c. Cum omnia, quæ illi comoda certè dicunt eſſe, & ſumenda, & eligenda, & præpoſita, quæ ita definiunt, vt ſatis magno æſtimanda ſint. Hæc igitur cum ego tot nominibus à Stoicis appellata, partim nouis & commentitijs, vt iſta producta & reieſta, partim idem ſignificantibus (Quid enim intereſt expetas, an eligas? mihi quidem etiam lautius videtur quod eligitur, ad quod delectus adhibetur) ſed cum ego iſta omnia, bona dixerò, tātum refert quàm magna dicam, quàm valde expetenda; ſin autem nec expetenda ego magis, quàm tu eligēda, nec illa pluris eſtimanda ego, qui bona, quàm tu, qui producta appellas; ōnia iſta neceſſe eſt obſcurari, nec apparere, & in virtutes, tãquam in ſolis radios incurrere.

Metelli vitam negant Stoici beatiorẽ quàm Reguli, præponendam tamen: nec magis expetendam, ſed magis ſumendam, &, ſi optio eſſet, eligendam Metelli, reiſciendam Reguli.

Ego



Ego beatiorem hanc appello, nec vlllo minimo momento plus ei vitæ tribuo, quàm Stoici. Quid interest, nisi quòd ego res notas notis verbis appello, illi noua nomina quærunt, quibus idem dicant.

Qui doces (idem Tullius) paratiorem me ad contemnendam pecuniam fore, si illam in rebus præpositis, quàm si in bonis duxero? fortioremque in patiendo dolore, si eum asperum & difficilem perpeffu, quàm si malum dixerò? Reijciendum asperum, contra naturam, difficile perpeffu, triste, durum; hæc copia verborum est, quod omnes, vno verbo malum appellamus.

In eandem sententiam Sanctus Augustinus, sed plenius, & pressius. Quid interest, vtrum aptius bona vocentur, an commoda; dum tamen, ne his priuetur, non minus Stoicus, quàm Peripateticus pauescat, & palleat, non æqualiter appellando, sed æqualiter æstimando? Que mala, Stoici Philosophi miror qua fronte mala non esse contendunt, quibus fateantur, si tanta fuerint, vt ea sapiens vel non possit, vel non debeat sustinere, cogi eum mortem sibi met inferre, atque ex hac vita emigrare: nam efficitur non solum mala, sed intolerabilia mala existere. Vnde tantus superbix stupor est in his hominibus, hic se habere finem boni, & seipsis beatos fieri putantibus; vt sapiens illorum, qualem mirabili vanitate describunt, etiamsi excæcetur, obsurdescat, obmutescat, membris debilitetur, doloribus crucietur, & si quod aliud talium malorum dici,

aut cogitari potest, incidat in eum, qui sibi mortem cogatur inferre. Hanc in huiusmodi malis vitam constitutam eos non pudeat beatam vocare; O vitam beatam, quæ ut finiatur mortis quærit auxilium. Fortè hic erat quoque Stoicorum error, ut hominem vna sui parte censerent, Anima, non corpore; solumque animi bonum spectarent, non corporis. Tunde, aiebat ille, Anaxarchimanticam: nam Anaxarchum non percutis.

Cum homo non tantum anima, sed & corpore constet, à quo plurimum pendet animus in functionum suarum ac potentiarum usu, cumque corporis ægritudo & dolor in animum quoque transeat, cumque debilitet & varje afficiat, non satis est si animo virtus insit, nisi & sua corpori constet, integritas sensuum ac membrorum, valetudo, robur, & cætera virium animi ac functionum adiumenta. Tum verò negari non potest, quin & amicitia, & virorum proborum conuietus ac societas per se sit expectanda, & in bonis numeranda. Institutio & doctrina, per quam maximè virtus paratur haud exiguum est animi bonum. Sed externorum quoque bonorum commoda vitæ hinc sustentandæ necessaria sunt, &, si quis rectè utatur, exercendæ, atque excolendæ virtutis instrumenta. Non potest hæc vita sine cibi, potus, somni, quietis, exercitationisque præsidio commodè traduci; quamquam præponderet velut in imminens virtus, & ad bene beateque viuendum maximum pondus habeat.

habeat. Quod dicunt Stoici; Virtutem sufficere ad beatam vitam, sed non ad vitam; Sapientem se contentum esse ad beatè viuendum, sed non ad viuendum (ad hæc enim multis illi opus est, non tantum animo sano, & erecto, ac despiciente fortunam) Paradoxum est intellectu difficile. Nam qui constare potest beata vita, si non constet ipsa vita? si fundamentum subruat, quomodo subsistent parietes, & stabit impostum tectum?

Quod si vita præsens tota referatur ad alteram, quam à Deo, piorum operum remuneratore, speramus, quam rectè factis promereri contendimus; si ex illa futuræ beatitudinis regula bonorum malorumque discretio fiat, tum in bonam partem Stoicorum dicta licebit interpretari; cuiusmodi est & illud Ambrosij: Nihil bonum scriptura, nisi quod honestum, asserit, virtutemque in omni rerum statu beatam iudicat, quæ neque augeatur corporis bonis, vel externis, neque minuatur aduersis. Hæc eodem sensu non planè erit improbanda, quam Aristo Chius, Pyrrhus, & alij inducebant, indifferentia; qui ita in sola virtute & vitio omnia ponebant, vt, rerum delectu sublato, cætera pro nihilo haberent, & inter optimè valere, & gravissimè ægrotare, nihil prorsus dicerent interesse.

Ad idem pertinet, quod scribit Seneca; Ep. 12. Omnis res, quæ non habuit decus, additâ virtute sumit. Cubiculum lucidum dicimus, quod idem obscurissimum est nocte; dies

illi lucem infundit, nox eripit; sic istis, quæ à nobis indifferentia dicuntur, diuitijs, honoribus, regno; & contra morti, exilio, malæ valetudini, dolori malitia aut virtus dat Boni, vel Mali nomen. Hæc ore ac verbis Senecæ, velut à veritate expressa sententia. Sed de extremo fine nostro, & adiumentis ad eum comparandum vberius differentem Sanctum Ignatium, Christianæ Philosophiæ non postremum ducem & doctorem, audiamus.



CAPVT



## CAPVT XI.

*Principium, seu fundamentum Exercitiorum S. Ignatii; & de rebus, quibus fruendum, vel vtendum.*

**C**reatus est homo ad hunc finem, vt Dominum Deum suum laudet, & reueretur, eiq̃ue seruiens tandem saluus fiat.

O principium nunquam animo memori deponendum, ex quo rerum eligendarum, atque agendarum conclusiones saluberrimæ deducantur! Principium omnis boni consilij, sanæq̃ue ac rectæ electionis scopus, ad quem omnia vitæ studiorumq̃ue nostrorum instituta referantur! Ergo Dominus Deus noster, Creator, idem est finis noster extremus, summumque bonum, cuius adipiscendi causa conditi sumus, adde, & per Christum redempti, cæterisque tum naturæ, tum gratiæ beneficijs affecti, ac donis instructi; vt eum cognoscamus, timeamus, amemus, adoremus, ei nos subijciamus, obsequentes diuinæ eius legi, parentes animo propenso, prouidentię, ac voluntati rebus in omnibus acquiescentes: tum demum, in alterâ vitâ immortalis, qua velut mercede rectè factorum ab eo cumulabimur, eo clarè viso plenè ac perfectè possessò perfruamur, ac potiamur.

Reuereri

Reuereri Deum, idem est, quod humiliare se summè coram Deo, suppliciter illum adorare, seruire, λατρεύειν. Ex amore, ac timore mixtus est reuerentiæ affectus; ex quo illi delata laus attributorum eius potentiae, sapientiae, ac bonitatis infinitae, clementiae, iustitiae, benefactorum deprædicatio, gratiarum actio, adoratio, deuotio, omnesque Religionis actus Numini eius, accedunt gratissimi. Atque hæc est inchoata quædam Dei fruitio, ac possessio quoad patitur vitæ huius mortalis conditio, quoad se porrigere potest virtutum Christianarum Fidei, Spei, & Charitatis, Religionis, Humilitatis, Obedientiæ, cæterarumque exercitatio. At perfecta Dei possessio, visioque clara, & quæ eam consequetur omnium bonorum complexio, seclusis omnibus malis, alteri demum vitæ reservatur. Frustra Beatam vitam Philosophi hic quæsierunt frustra illâ ὁμολογίαν, ἀπάθειαν, consummatam & perfectam sapientiam ac virtutem Stoici sibi depinxerunt; quæ demum in alterâ vitâ tanquam merces virtuti hac in vitâ, ne dicam ærumnolissimæ, certè laboriosissimæ, rependetur. Reliqua supra terram sita, creata sunt hominis ipsius causa, ut eum ad finem creationis suæ prosequendum iuuent. Sola natura rationalis, ut iam dictum est, finis vltimi capax est, beatitudinis, si eum assequatur, miseriæ, si ab eo excidat; cæteræ expertes rationis ab homine intelligente ad eum finem dirigendæ sunt; vnde sequitur vtendum iis, vel abstinendum eatenus esse, quatenus ad consequutionem finis, vel con-

ferunt;

ferunt, vel obsunt. Encertissimam amulsim  
& regulam, pænes quam diiudicetur, quæ  
res in bonis numerandæ sint, nimirum quæ  
ad propositi finis assequutionem conferunt;  
quæ secus in malis, nempe quæ obsunt, vel ni-  
hil conferunt, inutiles, ideoq; malæ quia otio-  
sæ. Neque verò vlla est, etli minima creatura,  
quæ non homini adminiculo esse queat ad co-  
gnosendum & amandum Deum; Nulla enim  
res est, in qua non extat aliquod Dei vestigium,  
non eluceat Diuina, virtus, potentia, bonitas,  
sapientia: nulla, quæ non in numero, pondere,  
mensurâ condita sit; quæ non suam habeat spe-  
ciem, formam, modum, ac statum, ordinem-  
que, quo sit inter cæteras optimè digesta ac  
collocata.

Iam si quæ potest in rebus indifferentia  
mente præcogitari, ea demum est priusquam  
illæ ad extremum referantur & comparen-  
tur finem, nec perperam dictum est à Socrate,  
summam esse sapientiam, bona malaque di-  
stinguere, factâ collatione cum vltimo fine,  
& habita ratione eius, qui sibi finem habet  
propositum; nam euenire potest, vt vni bo-  
num comparatione finis eiusdem, alteri malum  
existat; vni seruiat opportunè ad assequendum,  
alteri obstat, sitque non adiumento, sed impe-  
dimento. Quapropter ait S. Ignatius, debemus  
absque differentia nos habere circa res creatas  
omnes, vt illæ quidem libertati arbitrij nostri  
subiunguntur, & non sunt prohibitæ (Nam quibus-  
dam, interiecto voto, aut speciali lege, pote-  
runt esse prohibitæ) ita vt, quod in nobis est,  
neque diuitias paupertati, neque honorem  
contem-

Senec.  
Ep. 71.

contemptui, neque vitam longam breui præferamus, sed consentaneum est ex omnibus eademum, quæ ad finem ducunt, eligere, ac desiderare. Non vulgaris ea sanè virtus, nec multis perspecta sapientia. Quare fundamentum hoc idem fastigium, ac culmen omnis perfectionis censeriqueat: nempe, quod aiunt Philosophi, id quod primum est in intentione, postremum est in executione.

Pf. 138.  
12.

Ad hunc indifferentiæ perfectæ peruenerat apicem S. Iob, uti demonstrat S. Aug. illum versiculum explicans: *Sicut tenebra eius, ita & lumen eius*. In hac nocte, in hac mortalitate vitæ humanæ habent homines lucem, habent homines tenebras; lucem prosperitatem, tenebras aduersitatem; sed ubi venerit Dominus Iesus, & habitauerit animam per fidem, & promiserit aliam lucem, & inspirauerit & donauerit patientiam, & monuerit hominem non delectari prosperis, ne frangatur aduersis; incipit homo fidelis indifferenter uti mundo isto, nec extolli quando res prosperæ accedunt, nec frangi quando res aduersæ sunt, sed ubique Dominum benedicere, non solum quando abundat, sed etiam quando amittit; non solum quando sanus est, sed etiam quando ægrotat, ut sit in illo vera ista cantatio; *Benedicam Dominum in omni tempore, semper laus eius in ore meo*. Totum hunc commentarium exscriberem nisi me reuocaret breuitas mihi proposita; suffecerint quæ ad extremum habet, iam non nouimus malum, nisi offendere Deum, & non perducere ad illa, quæ promisit; nec nouimus bonum, nisi promereri Deum, & perducere

Pf. 133. 1.



duci ad illa, quæ promittit: Quid illa bona  
 mundi huius, & mala mundi huius? Indiffe-  
 renter habeamus, quia iam suscepti ab utero  
 Matris nostræ Babylonix, cuius uteris con-  
 suetudo, indifferenter ea habentes dicimus;  
*Sicut tenebra eius, sic & lumen eius.* Nec sæli-  
 citas huius sæculi nos beatos fecit, nec aduersi-  
 tas miseros. Opus est iustitiam tenere, fidem  
 diligere, sperare in Deum, diligere Deum  
 & proximum. Post istos labores habebimus  
 indefessam lucem, habebimus diem sine occa-  
 su. Transit quicquid est in ista nocte lucidum,  
 & tenebrosus. Huc pertinet communis illa  
 Magistri, ac Theologorum ex S. Augustino  
 sumpta rerum omnium diuisio. Res aliæ qui-  
 bus fruendum, aliæ quibus utendum; quæ  
 eadem est diuisio, ac finis & mediorum. Solo  
 Deo fruendum, qui solus animum ad suam  
 imaginem conditum, cum sit infinitæ capaci-  
 tatis, explere potest; cæteris rebus utendum  
 tanquam vehiculis quibusdam, & adminiculis,  
 quibus ad Deum perducamur. Ex usu linguæ  
 Latinæ Frui, est fructum capere ex re aliqua,  
 siue ad ulteriorem finem referatur, siue secus;  
 Vti, est assumere rem quampiam propter aliud  
 siue voluptas ex ea re capiatur, siue non; Ex  
 usu tamen S. August. & Theologorum, Frui  
 est propriè re aliqua delectari propter seip-  
 sam, ita ut voluntas amantis in ea conquies-  
 cat tanquam fine extremo, & summo bono;  
 Vti est rem propter aliud, quo sit fruendum,  
 in operationem assumere, siue res ea delectet,  
 siue non; dummodo in ea tanquam fine ultimo  
 non conquiescat. Quare S. August. ait ho-  
 minem

Psa. 138.

12.

1. de doct.

Christ. 22.

31. 32.

11. de

ciuit. 15.

l. 15. 10.

de Trinit.

c. 10. &amp;

11.

1. de doct.

22.

minem, nec se, nec alio quopiam frui debere, sed vti tantummodo, quia nec se, nec alium propter se diligere debet, sed omnem tum sui, tum proximi amorem referre ad incommutabile bonum, Deum Opti: Maxi:

Jerem.  
17.5.

*Male istus qui spem ponit in homine.* Prævaricatorum Angelorum, & primorum Parentum ea superbię ruina fuit, quod seipsum frui voluerint, inspecta pulchritudine sua; & non illud totum naturę suę bonum, quod delectabantur, mox in Deum Authorem retulerint, qui bonum in ilis naturę superadicta gratia cumularat, ad quam illi non aduerterunt. In eo pervertitur humanum omne officium, si rebus, quibus vtendum est, frui velimus, & è contra, vti, quibus fruendum. Nec est alia, inquit, S. August. hominum vita vitiosa, & culpabilis, quam malè vtens, & malè fruens: Bonorum igitur è contra vita laudanda & expetenda, bene vtens mundo, & benè fruens Deo.

1. de Tri-  
nitat. 10.

CA-



## CAPVT XII.

*Sola virtus sufficit ad Beatam Vitam, satis habet praesidij ad bene beateque viuendum sensu Christianorum, non Stoicorum.*

**P**Ræclara laus ea virtutis & commendatio, vt à Christianis quidem explicatur, vera est ac germana; vt à Stoicis, falsa ac fucata; quare verbis conuenimus, sententijs dissentimus: nam Beatam vitam, non intelligimus præsentem temporariam, quæ tota est in fluxu, ac decursu, nusquam sibi cohærens, ac constans, varia semper & incerta, pluribus malis quàm bonis referta, sed futuram expectamus æternam, permanentem, stabilem, sui semper similem, atque æquabilem, omnibus bonis cumulatam, absque vilo malo, ad quam vna ac certa ratio perueniendi, virtus est Christiana. Habet virtus satis præsidij ad bene hic, honestè, iustè, & sanctè viuendum, & quoniam illi debetur æterna merces beatæ vitæ, mox ad beatè viuendum in æternitate atque immortalitate ipsius quoque corporis Dei beneficio exsuscitati; sed non habet satis præsidij ad vitam hic beatam in præsentia, & mortali corpore præstandam; Quemadmodum

dum qui viam insistit, atque in motu versatur; et li rectè ac constanter ambulet, nondum tamen attigit metam, & quietem; ita qui perfecta etiam virtute fungitur, nondum beatà vita fruitur, ad quam ducit. Virtus etiam perfecta & absoluta, via est dumtaxat, non meta beatæ vitæ. *Dum sumus in corpore, peregrinamur à Domino*, nec adhuc eum cernimus, ac tenemus; sed adspiramus ac tendimus ad eum: non re, sed spe beati sumus; totaque felicitas huius vitæ in eo sita, quod ad felicitatem alterius vitæ contendat, ac perducatur; quod ex Dei munere, certissimoque promisso eam rectè factis promereatur; quod exercitationi virtutum hac in vita præsentis tanquam merces in altera vita futura summi boni fruitio debeatur. Vtimur itaque hac vitâ, perfruemur altera; Vtimur hic virtutibus, illic virtutum præmio potiemur; Versamur hic in contentione, ac cursu ad brauium auferendum, in acie ac pugna ad victoriam & triumphum reportandum, in fatigatione ac labore ad quietem consequendam, hic probamus nos Deo, varicque ab eo exercemur, ut probati in æternum eius regnum adsciscamur, & beatæ vitæ corona donemur, hic miserijs atque ærumnis æternas mercamur ac comparamus fælicitates, pro mæstitia lætitiâ, pro ignominia gloriam, pro morte vitam relaturi. Neque verò parum aptè dixit

2. Cor.  
5. 6. j

in Ps. 86.

S. August. Sæculi homines infæliciter fælices sunt, Martyres autem fæliciter infælices; erant enim ad tempus infælices, sed in æternum fælices; sic omnes pij in ærumnis politi fæliciter sunt

citer sunt infælices; & qui bonis huius vitæ circumfluunt improbi, summâ cum infælicitate sunt fælices; fæliciter infælix fuit Lazarus mendicus vlcerofus, & infæliciter fælix diues Epulo, qui fuas epulas cum æternâ flammâ commutauit. Breuiter quò laborioſior ac miſerior hæc vita præſens, ſi quis piuea re-  
 cte vtatur, eò beatior exiſtit, non in re, ſed in ſpe. Circumfluant in hanc vitam omnia, quæ Peripatetici mala, Stoici dicunt aſpera, rei-  
 cienda, incommoda, morbus, paupertas, exilium, orbitas, debilitas, dolor, ignominia, non officient virtuti, ſed proderunt ad vitam æternam promerendam, non erunt bene-  
 vtenti mala, & incommoda, reiſcienda; ſed bona, commoda, præponenda, & eligenda. Quò vberior copia miſeriarum, eò & am-  
 plior meritorum, ac præmiorum ſeges.

Sit idem Chriſtianus Sapiens inſtar Tobie cæcus, exul, egens, debilis; inſtar S. Iob or-  
 batus omni prole, in egeſtate ſumma, grauif-  
 ſimo vlcere coopertus, deſertus ac deriſus à ſuis omnibus, in ſterquilinium redactus; ta-  
 men ſpe & expectatione beatæ vitæ ſe conſo-  
 labitur, eaque certa ſpe & expectatione beatus erit. *Non contriſtabit iuſtum, quicquid ei acci-*  
*derit.* Erit animo pacatus, ac tranquillus, in  
 humilitate ac ſubiectione, Diuiniq; Numi-  
 nis acquieſcens prouidentia.

Eſt quidem virtus per ſe honeſta, laude di-  
 gna, & expetenda, detracta omni alia utili-  
 tate, quam ſecum ipſa non afferat, ſine vllis  
 præmijs fructibusq; externis; ſed non ſine  
 eo fructu, qui virtuti innatus eſt atque inter-

nus, sine ea utilitate, quæ sciungi non potest, qua nos Deo Authori nostro, & rectæ rationi congruos, & consentaneos reddit; fructus officij, ipsum officium est, quia decet, quia rectum, quia honestum, quia naturæ rationali, quæ tota refertur in honorem Conditoris sui, consentaneum. Cuius animum infedit vera virtus, cum Deo submittit; tum secum, ac cum proximo congruenter adaptat; quæ laus magna est Dei Conditoris, à quo natura rationalis ad eum modum est instituta, ac finem, varijsque tum naturæ, tum gratiæ præditijs instructa, quibus ad tam præstantem perfectionis apicem perduceretur.

Non alium ob finem expetitur atque exercetur Christiana virtus, quam uti nos Deo fini nostro adiungat, aut ad eo fruendum idoneos reddat, ac comparet. Virtutes theologicæ, Fides, Spes, Charitas, & ijs annexa Religio, Humilitas, Obedientia, Deo nos adiungunt. Morales, Prudentia, Iustitia, Temperantia, Fortitudo, nos ad id munus comparant; dum seclusis erroribus, affectibusque moderatis animum vacandum Deo liberum atque idoneum reddunt; quamquam & morales, infusæ sint in nobis altioris Divinique Ordinis, dum ratio illustrata fide præscribit, quid Christianos, amicos Dei, filios & heredes regni eius celestis agere sit rectum, & consentaneum, ad optimi sui Conditoris, & Patris gloriam; acquiratæ verò non se ultra limitem rectæ rationis, atque humanam proferant honestatem. Cæterum, quibuscumque virtutibus utendum est, uti monet sapiens. *Quibus  
utitur*

*utilius nihil est in vita hominibus.* Minimè verò fruendū, cum non sint ipsæ summū bonum nostrū, nec finis extremus; Esto sint ipsa via certissima, atque vnica ratio eius assequendi; imò verò & ipsa adeptio, & possessio; quod de operatione perfectæ virtutis tradidit Aristoteles; Beatitudo formalis (non tamen obiectiua, quæ Deus est) finis quo, vti loquuntur, qui distinguunt accuratius, non cuius gratia: hic enim finis cuius gratia, Deus est, vti ipse homo est finis cui, seu subiectum, & causa materialis, non effectiua beatitudinis; quæ omnia apud externos Philosophos confusa sunt. Apud nos, vno Deo fruendum, cæteris omnibus vtendum; quod non ita per se principaliter amandæ sint virtutes, vt excludatur finis vltior, & totus amor in ijs configatur; sed sunt ad Deum auctorem, remuneratorem, obiectumque suum primarium, scopumque, ac finem vltimum dirigendæ. Demus Stoicis summum Bonum in animo constituendum esse, quâ parte homo cæteris animantibus excellit; demus cæteras, quas enumerant, virtutis prærogatiuas; quod nostri sit arbitrij, nec casu detur, aut adimatur; quod nulla vis excutiat; casus aut fraus subducatur; quod non perueniat ad indignos, & malos; quod eiusmodi sit bonum, quo quis malè nequeat vti, nec deterior vnquam euadat; quæ & aliæ prærogatiue virtutis haud reiiciendæ sunt, præter illam, quod nostri sit arbitrij, si solius intelligas, & Diuinam beneficentiam atque opem secludas, à qua maximè nobis virtus prouenit; non efficiunt

tamen, ut virtus sit ipsa summum bonum; Deo eius auctore ac fine secluso. Et quis non intelligat, ipsam virtutem sibi met finem esse non posse; cum ad subiectum quoque suum, hominem nempe, perficiendum atque ornandum referatur? Itaque virtus hominis causa comparatur, nec in eam fertur amor benevolentiae, sed concupiscentiae; cum sit bonum expers vitae, atque intelligentiae. Iam verò multò minùs efficiunt eę praerogativae, ut sola virtute constet beata vita; cum praesentes ærumnas atque miseras, quibus in hoc mortali corpore cōflictamur atque immergimur minimè secludat, nec ea, quæ dicuntur prima naturæ, semper conferat. Qua de re copiosissimè S. August. aduersus Peripateticos, quæ eadem valent aduersus Stoicos, solis verbis discrepantes. Quis enim dolor

19. de  
ciuit. 4.

“ contrarius voluptati, quæ inquietudo contra-  
 “ ria quieti in corpus sapientis cadere non po-  
 “ test? Membrorum certè amputatio, vel debi-  
 “ litas hominis expugnat incolumitatem, de-  
 “ formitas pulchritudinem, imbecillitas sanita-  
 “ tem, vires lassitudo, mobilitatem torpor,  
 “ ac tarditas: Status quoque corporis atque  
 “ motus, cum decentes sunt, & congruentes,  
 “ internaturę prima numerantur. Sed quid si  
 “ aliqua mala valetudo membra tremore concu-  
 “ tiat, si vsque ad ponendas in terram manus  
 “ dorsi spina cuructur, & hominem quodammo-  
 “ do quadrupedem faciat?

“ Quid ipsius animi primigenia, quæ ap-  
 “ pellantur bona, ubi duo ponunt propter  
 “ comprehensionem perceptionemque veritatis  
 sensum,



sensum, & intellectum; quid si quis efficiatur  
 cæcus, & surdus, & ex morbo etiam insa-  
 nus, si phrenesi laboret, si dæmonum pa-  
 tiatur incursus? Denique perceptio verita-  
 tis qualis & quanta est in carne, quando legi-

mus; *corpus enim quod corrumpitur, & grauatur*  
*animum, & terrena inhabitatio deprimit sensum*  
*multa cogitantem?* Impetus, vel actionis appe-

Sap. 9.  
v. 15.

titus, græcè *ὁρμή*, quem & primis naturæ de-  
 putant bonis, nonne & qui geruntur insano-  
 rum illi miserabiles motus, & facta, quæ  
 horremus, quando peruertitur sensus, ratio-  
 que sopitur? Quis inter has ærumnas beatæ  
 vitæ locus esse possit? Quid præsidij virtus ad  
 eas omnes tolerandas, aut potius extermi-  
 nandas à beatâ vita conferre possit? Quid ad  
 hæc Peripatetici, vel Stoici, qui nullam nisi  
 præsentem vitam beatam agnoscerent? nisi  
 fortè illam animi sui confidentiam, & secu-  
 ritatem opponant, quam appellant *εὐθυμία*  
 tranquillitatem, quæ sit ipsa beatâ vita; sed  
 quî potest cum hisce tot incommodis, ne di-  
 cam externis malis, consistere? An non est su-  
 perbiæ plena præsumptio, quæ tantum abest,  
 vt sit virtus, ac beatâ vita; vt in plurimum

officiat; *Quia Deus superbis resistit, humilibus*  
*autem dat gratiam*, Animi quæ perfectam pa-

1. Pet. 5.  
v. 5.

cem & tranquillitatem? At verò Christianis  
 expedita est ratio, qui beatam vitam expe-  
 ctant, immortalem, omnibus malis liberam,  
 omnibus bonis cumulata, & præsentis vitæ  
 damna, atque incommoda in illius futuræ  
 lucra atque emolumenta conuertunt. Quare  
 etsi deficient omnia, quæ in primis naturæ

bonis numerantur, modò Dei gratia, vera-  
 que virtus, Fides, Spes, Charitas, Religio, Hu-  
 militas, atque Obedientia aduersus Deum non  
 desit, sola erunt virtute contenti, sola virtute  
 beati, simul, inquam, vt dictum est, & miseri &  
 beati, quoque miseres, eò beatiore, certa  
 spe atque expectatione futuræ beatitudinis. Sed  
 ad August. redeamus. Porro ipsa virtus; quæ  
 non est inter prima naturæ, quoniam eis po-  
 stea doctrina introducente superuenit, cum  
 sibi bonorum culmen vindicet humanorum;  
 quid hic agit, nisi perpetua bella cum vitijs,  
 nec exterioribus, sed interioribus? nec alie-  
 nis, sed planè nostris & proprijs? Prudentia,  
 quæ bonæ discernit à malis, aut nos in malis,  
 aut mala in nobis esse testatur. Temperantia,  
 quæ refrænât libidines, ne mens in flagitia  
 consentiat, quamdiu viuimus, in intestino  
 bello nos esse proclamat, & ad æternam pacem,  
 & victoriam adspirare, quâ demum consta-  
 bit beata vita. Iustitia, cuius est sua cuique  
 tribuere, vnde efficitur iustus ordo naturæ,  
 vt anima subdatur Deo, & animæ caro, &  
 per hoc & anima & caro Deo; nonne demon-  
 strat se in hoc opere adhuc laborare potius,  
 quàm in huius operis fine requiescere? Tantò  
 minùs anima subditur Deo, quantò minùs  
 Deum in ipsis suis cogitationibus concipit; &  
 tantò minùs animæ subditur caro, quantò  
 magis aduersus spiritum concupiscit. Quam-  
 diu ergo nobis inest hæc infirmitas, hæc pestis,  
 hic languor, quomodo iam salui? Et, si non  
 salui, quomodo beati? Fortitudo euidentis-  
 sima est testis malorum, quæ compellitur  
 pati.

patientia tolerare. Quæ mala, vt supra, intolerabilia cogunt sapientem Stoicum libimet manus adferre, atque de hac Beata vita decedere. Exigit sanè Beata vita, quæ nomen id propriè mereatur, vt sit status omnium bonorum aggregatione perfectus, in quo nihil sit, aut esse possit mali, aut asperi, quod naturæ rationali repugnet. Nam si quid patiatur mali, non quiescit; sed emergere nititur, & ad alium transire statum, qui sit expers omnis mali. Ob eam causam Beata vita debet esse sempiterna, & de ipsa æternitate secura: nam quò maius est ipsa bonum, eò maius malum foret id amittere, aut in perpetuo eius amittendi metu, ac periculo versari. Quies & satietas in omnium bonorum aggregatione, esse non potest, nisi adsit securitas ea bona nunquam amittendi, aut vlla ex parte imminuendi. Testis hic nobis prodeat ipse Tullius, solo lumine naturæ ac rationis illustratus, qui aduersus Stoicos æquè, ac Epicureos, & omnes omnino Philosophos, sequæ ipsum pro veritate testimonium dicat. Si amitti vita Beata potest, beata esse non potest. Quis enim confidat semper sibi illud stabile, & firmum permanfurum, quod fragile ac caducum sit? Qui autem diffidit perpetuitati bonorum suorum, timeat necesse est, ne aliquando amissis illis sit miser. Beatus autem esse in maximarum rerum timore nemo potest: neque enim in aliqua parte, sed in perpetuitate temporis vita Beata dici solet; neque appellatur omnino Beata vita, nisi confecta atque absoluta. Nec potest quisquam aliàs beatus esse, aliàs

miser; qui enim existimabit se posse esse miserum, beatus non erit. Cum ergo omnis virtus vitæ, tametsi perfectissima, securitatem eam minimè conferat; cum imminui, ac deperdi possit; satis apparet, nec ipsam esse beatam vitam, nec eius efficiendæ solam, sufficientemque causam. Vnde enim de ipsa virtute non amittenda, aut non imminuenda securitas? Omnis nostra virtus, quæ hîc quidem obtinetur, inchoata est, & imperfecta; vt de ea semper tuenda, atque augenda sollicitus sit animus: quare per eam perfectapace ac tranquillitate non potietur.





## CAPVT XIII.

*An Deo seruiendum sit mercedis  
intuitu?*

**E**X dictis id videtur consequi, cum beata vita sit expectanda à Deo virtutis remuneratore, & ille eam nobis conferat tanquam mercedem, vitę hęc honestè ex virtute traductæ. Contra, videtur virtus per se expetenda, & tantus esse splendor honestatis, vt per se alliciat, mercede non indigeat. Amor Dei gratuitus retributionem non quærit. Vt hic nodus dissoluatur, adhibenda distinctio est mercedis, quæ ex Deicultu, & seruitute queat expectari: aut enim merces illa est ipse Deus: aut, quod eodem recidit, operatio, quâ Deo iungimur, visio & fruitio Dei: aut aliquid præter, & extra Deum. Priori modo fatendum est, posse nos, & debere seruire Deo mercedis intuitu. Tantum abest, vt id sit hominum imperfectorum (quod obijciunt Hæretici) vt sit maximè perfectorum, in quibus Spes Theologica virtus, præcipue excellit; quæ est expectatio futurorum bonorum ex Dei gratia & bonis operibus.

Rectus ordo postulat, vt media in finem referantur: finis autem cultus Dei, & seruitutis in hac vita ei delatæ, est vita æterna. Tota  
vita

vita nostra tendit in eam beatitudinem. Non foret ordinata Dei seruitus & vita nostra, si in eum finem minimè referretur. Tales Dei cultores in sancta scriptura perfectissimi quiq; recensentur: Abraham, cui Deus ait. *Ego protektor tuus sum, & merces tua magna nimis.* Moses, de quo ad Hebræos; *Aspiciebat in remunerationem.* David. *Inclinavi cor meum ad faciendas iustificationes tuas &c. propter retributionem.* Apost. Paulus. *Reposita est mihi corona iustitie Propter spem, qua reposita est vobis in calis.* Denique Princeps Apostol. omnium nomine. *Eccè nos reliquimus omnia &c. quid ergo erit nobis?* Quare quod inculcant SS. PP. Deum gratis amandum & colendum cum exclusione mercedis ac præmij, intelligitur de alia mercede extra Deum aut de mercede temporali, non æterna. Noli ad præmium diligere Deum, ipse sit præmium tuum, August. Gratis ametur, vt operis, quo ministratur illi, pretium sit, esse cum illo. In psalm. 72. vult à Deo non aliud præmium expectandum, quàm ipsum Deum. *Quid enim mihi est in calo & à te, id est præter te, quid volui super terram? Deus cordis mei, & pars mea, Deus in æternum! Clamavi ad te Domine: dixi, Tu es spes mea, portio mea, in terra viventium.* Quid enim dabit amanti se, nisi se? Item conc. II. in ps. 118. Ita vult nos gratis Deum colere, vt Deum non colamus, nisi propter Deum, vt sui cultus ipse sit merces. In Ps. 134. Hoc est gratis amare, & sic amare debemus, vt ipsam pro mercede desiderare non desinas, qui solus te satiet. Sermon. 100, de diuersis: *Gratis amemus: Dominum enim amamus, quo nihil melius inueni-*

Gen. 15.

v. 1.

Hebr. 11.

v. 26.

Ps. 118.

v. 112.

2. Tim. 4.

v. 8.

1. Coloss.

1. v. 5.

Matth. 19.

v. 27.

Tract. 3.

in Io. 8.

51.

Ps. 72.

v. 25. &amp;c.

26.

inuenimus. Ipsum amemus propter ipsum, & nos in ipso, tamē propter ipsum. Quibus verbis explicat, quid sit gratis amare. Amat Deum gratis, qui in amore Dei, præter, & extra Deum nihil quærit. Sed de casto Dei amore pluribus alio libro, cuius ille bona pars tituli est, & argumenti, Nihil diuersum à S. August. tradit S. Bernardus libro de diligendo Deo, cap. 3. & serm. 83. in Cant. Verus amor se ipso contentus est, habet præmium; sed id quod amatur; non requirit præmium, quod nempe sit diuersum à Deo, & infra Deum. Posteriori igitur modo, si mercedis nomine aliquid extra Deum intelligitur, non licet Deum intuitu mercedis colere: nam magna fieret iniuria illi summo Bono, si quid ei tanquam præstantius anteponeretur. Non foret e laudanda, sed vituperanda, & vitiosa Dei dilectio, turpis foret, non honesta, quæ Deo velut medio ad alium finem vteretur; sordida foret, mercenaria, indigna Deo, damnata in scripturis; de Hypocritis Matth. 6. *Receperunt mercedem suam.* de Sacerdotibus Mosaicis. Malach. 1. *Quis est in vobis qui claudat ostia, & incendat altare meum gratuito?* cap. 3. v. 14. *Dixistis: Vanus est, qui seruit Deo: & quod emolumentum, quia custodimus præcepta eius.* &c. In quem locum Hieron. In præsentī sæculo mercedem pro Dei exigunt seruitute, ideo non recipiunt. Solet à subtilioribus Theologis in quouis amoris actu duplex eius ratio, & veluti duplex actus distingui, concupiscentiæ, respectu boni, quod optamus; & beneuolentiæ, respectu subiecti, cui illud bonum optamus. Quare cum nobis Deum Opt.

Max.

Matth. 6.

v. 5.

Malach. 1.

v. 10.

Ma. aut eius visionem & fruitionem optamus, videri possit comparatione Dei amor esse concupiscentiæ, nostri autem beneuolentiæ; sed cum amor noster, si est ordinatus, oriatur ex amore Dei, ad eumque tanquam ad finem referatur, amor omnis concupiscentiæ aduersus Deum oriri debet ex amore beneuolentiæ eiusdem; quodque nobis bene esse volumus, quod beatitudinem optamus, quod nos amamus, id ad Dei gloriā, & laudē, eiusque; in nobis amorem cumulumandum referri debet. Quare gratis amamus Deum, cum nihil præter ipsum amemus, cum & nostri ipsorum amorem ad Deum referamus. Non enim nos ipsi nobis possumus esse vltimus finis, sed Deus ipse est vltimus finis, qui non referatur aliò, & ad quem omnia referantur.

Queretaliquis, An propter immortalitatem, gloriam, sanitatem, aliaque corporis bona, quæ in futura vita expectantur, liceat Deo seruire? Respondetur, si ad illa bona, tanquam ad finem propriè dictum, referantur opera, quibus Deo seruimus, inordinatam esse eam seruitutem: nam oportet finem medijs esse præstantiorem. Est enim finis, optimum respectu mediorum: At bona corporis, quantumuis præstantia, longè sunt infra dignitatem iustitiæ, etiam imperfectæ, quâ Deo seruimus in hac vita; si non sit sermo de fine propriè dicto, sed bono quodam comitante & accessorio, quem finem secundarium vocant, cuius consideratio moueat ad colendum Deum, à quo tale bonum expectatur, tum licet colere Deum ob illa, siue sint æterna, siue temporalia bona; cuiusmodi est



est sanitas, panis quotidianus, aëris temperies, pax, & tranquillitas Reip. quæ non sunt, nisi propter Deum petenda, & in Deum referenda; nec arguit imperfectionem iustitiæ huiusmodi rerum expectatio, nisi quando quis sine illis non diligeret Deum, aut non æquè, sed minùs; quod Satan S. Iob exprobrat. *Nunquid Iob frustra timet Deum?* Alioquin posse illa à Deo expectari constat exemplo Abrahæ. *Domine quid dabis mihi? ego vadam absque liberis.* Et Iacob Patriarchæ. *Si fuerit Dominus mecum, &c.* Et ipsiusmet Christi Domini. *Proposito sibi gaudio sustinuit crucem.* De mercede æterna definit Tridentin. Temporalia verò bona omnia constat à solo Deo postulanda atque expectanda. Quare sit hæc conclusio; Vnum Deum querendum, ac pro scopo habendum, tum in hac mortali vita, tum in altera futura immortalī, auctorem & effectorem omnium hominum beatitudinis; siue quam hic assequi possint, inchoatam & imperfectam; siue, quam postea sperent, perfectam & consummatam. Solus enim Deus summum nostrum bonum tum præsentis, tum futuræ vitæ. Iam ab hac obiter interiecta breui digressionē Theologica, regrediamur ad Stoicos.

Iob. 1. v. 9  
Gen. 15.  
v. 2.  
Gen. 28.  
v. 20.  
Heb. 12.  
v. 2.  
Sess. 6. c.  
11. &  
can. 31.

## CAPVT



## CAPV T XIV.

*Hactenus irreperitum Sapiensem Stoicum. De proficientibus, & de Sapia Christianorum.*

**I**N eandem vanitatem Stoici, & Pelagiani prolapsi sunt; & quemadmodum hi hominem posse esse absque peccato, neminem tamen fuisse, vel esse, vel etiam futurum esse dictitabant; sic illi Sapiensem perfectum, & consummatum esse posse, neminem tamen hactenus repertum aiebant. De Stoico Sapiente Plutarch. Est verò nusquam gentium, terrarumve, neque fuit. Cicero: Stoici eam Sapientiam interpretantur, quam adhuc nemo mortalis est consequutus. Sed dissentit Seneca, aut secum ipsi pugnant Stoici. Scis quem virum bonum dicam? huius secundæ notæ, in classe proficientium; nam ille alter primæ fortasse tanquam Phoenix semel anno quingentesimo nascitur. Et aubi. Non est quod dicas ita, ut soles, hic Sapiensem nostrum nusquam inveniri. Non fingimus istud humani ingenij vanum decus, nec ingentem imaginem falsę rei concipimus, sed qualem conformamus, exhibuimus, & exhibemus. Rarò forsitan, magnisq̃ ætatum intervallis invenitur, neque enim magna, & excedentia solitum & vulgarem

De pugn.  
Stoico.

In Lælio  
Ep. 42.

De constantia  
Sap. 7.

vulgarem morem, crebrò finguntur. Cæterum hic ipse M. Cato, à cuius mentione hæc disputatio fluxit, vereor ne suprà exemplar sit. Si suprà exemplar Cato, qui sibi mortem consciuit, superbia victus, ne victori Cæsari daretur in triumphum, aut ne videretur ab eo salutem accepisse; si consimiles Stoici Sapientes, homines superbi, ac vitijs cooperiti; Vana certè, fallax, ac falsa est ea Sapientia, fugienda, & execranda. Quemadmodum autem Pelagianos deridet Hieron. Cum ab eis quærimus, qui sunt illi, quos absque peccato putent? nouâ strophâ eludere cupiunt veritatem; se non eos dicere, qui sunt, vel fuerunt, sed qui esse possint. Egregij Doctores, dicunt esse posse, quod nunquam fuisse demonstrant, dicente scriptura. Omne quod futurum est, iam factum est in priori tempore.

Adeum modum derideri quoque possunt Stoici, qui fictitium Sapientem proponunt, cuiusmodi neminem vnquam fuisse confirmant; cumque omnes, præter vnum Sapientem, stultos esse, & insania laborare contendunt, se quoque stultitiæ, & insaniæ condemnent necesse est. Seneca de se veriùs, quàm sincerius ridebat. Epistola 50. Si quando fatuo delectari volo, non est mihi longè quærendus, me video. Iam qui virtutes omnes pares, & connexas; vitia item paria, ac colligata doceant; qui possunt in Sapientia ac beata vita proficientes statuere? Si neque in virtutibus, neque in vitijs oppositis sint gradus, differentesque modi, quis potest esse profectus, aut defectus? Primæ ille notæ Sapiens, quem doctum,

ctum & consummatum vocant, non est in rerum natura, nisi in scriptis & libris, in conceptione & imaginatione vanissima, instar Idearum Platonicarum. Est alius studiosus proficiens, seu procedens, in via Sapientiae progrediens. Nostrum vitium est, qui quod dicitur de Sapiente, exigamus à proficiente inquit Seneca, apud quem proficientium duo aut tria sunt genera. In ipsis Sapientiam sectantibus, magna discrimina esse fateamur necesse est. Alius iam tantum profecit, ut contra fortunam audeat tollere oculos, sed non pertinaciter; Alius in tantum, ut possit cum illa conferre vultum: si iam peruenit ad summum, etiam fiduciae plenus est. Iterum, inter ipsos proficientes sunt magna discrimina. In tres classes, ut quibusdam placet, diuiduntur. Primi sunt qui Sapientiam nondum habent, sed iam in vicinia eius constiterunt. Qui sunt hi, quæris? qui omnes iam affectus, & vitia posuerunt; quæ erant complectenda didicerunt: sed illis adhuc inexperta sui fiducia est. Iam ibi sunt, ubi retro non est lapsus; sed hoc illis de se nondum liquet. Iam contigit illis bono suo frui, nondum confidere. Secundum genus, est eorum, qui & maxima animi mala, & affectus deposuerunt, sed ita, ut possint in eadem relabi. Tertium illud genus extra multa, & magna vitia, sed non extra omnia. Quæ discrimina superbiam omnia redolent, & ad eius apicem, stultam sui fiduciam, deducunt; sed quis illis propior? an qui in primo, an qui tertio gradu versatur? Si rectè inspiciantur, tria nobis genera phreneticorum exhibent, quibus

Ep. 71.

Ep. 75.

quibus cor obscurauerit, & excecauerit inanis ac stulta sui confidentia. Nam cui potest homini liquere, deposuisse se omnia vitia, & affectus? Quamquam nec affectus omnes sunt vitiosi; sunt enim multi virtutis, & pietatis affectus laude digni. Cui satis experta esse potest hæc tanta sui fiducia? Quis verò non in eadem potest vitia ac peccata relabi pro liberi arbitrij potestate, & humanæ mentis inconstantia, & imbecillitate? Si connexa sunt vitia, quis potest esse extra multa, non extra omnia?

Iam quæ tradunt proficientibus præcepta, ex Demetrio videre est 7. de Benef. cap. 1. & 2. Non multum tibi nocebit transisse, quæ non licet scire, nec prodest; inuoluta veritas in alto latet (Sapientiam illam rerum humanarum ac diuinarum, quam nemo mortalis assequutus est, veluti condemnans vti superfluam, minimeque necessariam) Nec de malignitate naturæ queri possumus, quia nullius rei difficilis inuentio est, nisi cuius hic vnus inuentæ fructus, inuenisse. Quicquid nos meliores, beatosque facturum est, aut in aperto, aut in proximo posuit. Si animus fortuita contempsit, si se supra metum sustulit, nec auida spe infinita complectitur, sed didicit à se petere diuitias; si Deorum hominumque formidinem eiecit, & scit non multum ab homine timendum, à Deo nihil; si contemptor omnium, quibus torquetur vita, dum ornatur, eò perductus est, vt illi liqueat mortem nullius mali esse materiam, multorum finem; si sociale animal est, & in commune genitus, Mundum vt vnã domum spectat, & conscientiam suam

suam Dijs aperit, semperque tanquam in pū-  
blico vivit, se magis veritus, quàm alios, sub-  
ductus illis tempestatibus, in solido ac sereno  
stetit, consuminavit scientiam vtilem ac ne-  
cessariam. Reliqua oblectamenta otij sunt. Si  
singula quis excutiat hæc præcepta, non mo-  
dò ad arrogantiam, & vanam sui præfiden-  
tiam, sed ad impietatem quoque, & atheis-  
mum multa spectare comperiet; cum & salu-  
tarem Dei metum, quo maximè pietas conti-  
netur, & ad mortem exitumque ex hac vita  
præparationem, quasi nihil à morte supersit,  
omnem ab animo sapientis ac proficiētis tollat.

Longè diuersa est Sapientia Christianorum,  
de fursum à Deo descendens, donum Dei exi-  
mum, vt eam describit S. Iacobus, diuersa,  
inquam, ab ea, quæ terrena est mundano-  
rum, animalis Epicureorum, diabolica Stoi-  
corum, quæ vel diuitijs & opibus conqui-  
rendis, vel carnis voluptatibus confectandis,  
vel ambitioni ac superbix inseruit; quæ tri-  
plicem comitatur concupiscentiam: oculorum,  
carnis, ac superbiam vitæ; Sed, *primum quidem*  
*pudica est, deinde pacifica, modesta, suadibilis,*  
*bonis, consensiens, plena misericordia, & fructi-*  
*bis bonis, non iudicans, sine simulatione.* Impri-  
mis pudica & casta. Primus hic color in ima-  
gine Dei per peccatum deformata, per sapien-  
tiam instauranda, pudicitix candor inducen-  
dus est, aduersus Epicureos. Pacifica deinde,  
contra Stoicos; cum Deo, cum proximo, cum  
seipso, per humilitatem, & charitatem. Mo-  
desta, moderata, modum seruans in suis fun-  
ctionibus, suadibilis in corrigendis erratis suis;  
Bonis

Iac. 3.  
v. 17.

Bonis consentiens, amando, promouendo, atque imitando aliorum opera bona; plena misericordia, compatiens malis proximi, eaque subleuans, quoad licet; plena fructibus bonis: misericordiae operibus, eleemosynis, ieiunijs, vigilijs, & orationibus; non iudicans de alijs, iudicium non ferens suspicionis aut condemnationis, sine simulatione, aliena ab hypocrisi, sincera, recta intentione, nolens apparere sanctior meliorque, quam re ipsa existat. Ecce praecepta proficientibus prae oculis semper habenda, verae notae Christianae Sapientiae, quae & vulgaribus octo beatitudinibus, septemque Spiritus S. donis egregie possunt accommodari. Ecce timor Domini; <sup>10b. 28.</sup> vel, vt legunt Septuag. Pietas ipsa est Sapientia, <sup>28.</sup> & recedere à malo, intelligentia. Verus Dei cultus, *εὐσέβεια, θεοσέβεια*, vti frequenter expuat S. August.

Quia ratione & explicari potest locus ille <sup>Prou. 12.</sup> Prouerbiorum: *Vbi fueris superbia, ibi erit & consummelia; Vbi autem est Humilitas, ibi & Sapientia*. Cum Animus insigni dono Timoris Dei, ac Pietatis ornatus, totum se subijcit ac substernit Diuinae Maiestati, supremam eam latriam venerans, atque ad omnia eius iussa atque imperata, adeoque consilia mox exequendam se promptissimum offert. Sapientia Christianorum est, nosse quae ad Dei cultum & religionem pertinent: nosse te Deum, qui prima est, altissimaque rerum omnium causa, <sup>10a n. 1</sup> consummata est Sapientia. <sup>v. 3.</sup> *Hac est autem vita aeterna, ut cognoscat te, solum verum Deum, & quem misisti Iesum Christum; quae notitia*  
G 2 sapida

sapida est ab adiunctâ charitate, nihilque differt admodum ab humilitate Christianâ, animatâ atque informatâ charitate.

Cypr. de  
ora. Dom.

Si quis vberioris doctrinæ causâ requirit alia proficientium præcepta, mutuetur ea à S. Cypriano: Voluntas Dei est, inquit, quam Christus fecit & docuit, Humilitas in conuersatione, stabilitas in fide, verecundia in  
 “ verbis, in factis iustitia, in operibus miseri-  
 “ cordia, in moribus disciplina, iniuriam facere  
 “ non nosse, & factam posse tolerare, cum fra-  
 “ tribus pacem tenere, Deum toto corde di-  
 “ ligere, amare in illo quod Pater est, timere  
 “ quod Deus est; Christo nihil omninò præpo-  
 “ nere, quia nec nobis quicquam ille præposuit,  
 “ charitati eius inseparabiliter adhærere, cruci  
 “ eius fortiter ac fideliter assistere, quando de  
 “ eius nomine, & honore certamē est, exhibere in  
 “ sermone constantiâ, quâ cōsitemur, in quæstio-  
 “ ne fiduciâ, quâ congregimur, in morte patien-  
 “ tiâ, quâ coronamur: hoc est coheredem Christi  
 “ esse velle, hoc est præceptū Dei tenere, hoc est vo-  
 “ luntatē Patris adimplere, hoc est per ōnes virtu-  
 “ tū gradus ad sūmū perfectionis apicē attingere.

Sumat & illa ab eximio S. Humilitatis Ma-  
 gistro S. Franc. Assinate. Cū septē primos fratres  
 suos, quos aggregarat, in vniversū orbē prædi-  
 caturus submittere pararet; Ite, inquit, dul-  
 cis Pater ad filios, annuntiâtes hominibus pacē  
 prædicate pænitiâ in remissionē peccatorū.  
 Estote in tribulationib⁹ patiētes, in orationibus  
 vigiles, in laboribus strenui, in sermonibus mo-  
 desti, & in beneficijs grati, quia pro his omni-  
 bus regnum vobis præparatur æternum.

CA.





CAPVT XV.

*Perfectis quoque, quamdiu durat hæc  
vita, proficiendum.*

**C**Ritobulus, apud Hieron. partes Pelagianorum agens, vt conficiat hominem posse esse absque peccato & perfectum, si velit; affert illud Domini ad adolescentem; *Si vis perfectus esse, vade, & vende quae habes.* Et Moylis ad populum; *Perfecti estote in conspectu Domini Dei vestri.* Item Saluatoris iterum ad Apostolos; *Estote perfecti, sicut Pater vester caelestis perfectus est.*

Cui contra opponit Atticus, ex Catholici personâ, locum Apostoli: Non quia iam ac-  
cepi, aut iam perfectus sum; persequor autem, si comprehendam, in quo & apprehensus sum à Christo. Fratres, ego me non arbitror apprehendisse. Vnum autem, posteriorum obliuiscens, ad ea, quæ priora sunt, me extendens iuxta propositum sequor, & ad brauium supernæ vocationis Dei in Christo lesu. Quotquot ergo perfecti sumus, hoc sapiamus; & si quid aliter sapitis, hoc quoque Deus vobis reuelabit. Quo loco, quod Apostolus negat se esse perfectum, & comprehendisse; & mox se perfectis annumerat: Quotquot perfecti sumus; declarat omnem vitæ huius

perfectiorem imperfectione constare, nec minimam illam esse perfectionis partem, si quis se agnoscat imperfectum.

Non agit Apostolus de perfectione patrię, & alterius vitę, cum negat se perfectum, aut comprehendisse, sed de perfectione vię, metaphorā ductā ab ijs, qui cursu certant in stadio, negatque se ad metam peruenisse, se currere adhuc, & progredi, multa sibi deesse, ad quę adspiret, posteriorum oblitus, ad ea, quę supersunt, se extendens; non quod præterita contemnat, sed quod ijs minimè contentus ad præstantiora animum intendat; hocque vult omnes perfectos, id est spirituales, firmiores, sublimioris sapientię capaces, percipientes quę sunt spiritus Dei, animo sentire, quod de se ipse profitetur; se non ita perfectos, quin eis multa adhuc perfectionis fastigia capescenda supersint, etsi iam non sint parvuli, carnales, animales, sed qui spirituales sensus exercitatos habeant, ad discretionem boni ac mali; qui sint perfecti, non absolutè, quibus omnino nihil desit; sed, ut loquitur Hieronymus, secundum modulum fragilitatis humanę; qui ad similitudinem Divinę perfectionis adspirent, etsi longo, & infinito postintervallo, non ad æqualitatem, sed ad imitationem, & similitudinem.

Potest homo cum Dei gratia esse sine peccato grauiore, sine crimine, sed non sine venialibus, & quotidianis peccatis. Potest diligere Deum ex toto corde, ut nihil ei præponat in amore; sed non ita, ut omnes animi vires semper impendat, atque intendat, ut  
nihil

ihil conatus atque intentionis superadijci  
ueat. Potest æstimatione Deum supra omnia  
illegere, et si non semper intensiue.

Quare ex S. Aug. sententiâ, præceptum di-  
gendi Deum magis proponitur vt scopus, ad  
quem conitatur, ac collinemus ad scopum  
tingendum, quàm vt sub peccati pœna nos  
bliget, aut transgressores efficiat. Primus  
le gradus Sapientiæ, Charitatis, Humili-  
atis, adeoque perfectionis omnibus ad salu-  
em necessarius est, vt Deo nihil anteponant,  
neque absint à capitali crimine, vt Deum  
upra res omnes ament, si non supremo quo-  
am ardoris atque intensiōis gradu; at ap-  
retiationis, & æstimationis certo iudicio,  
abilique ac firmâ voluntate; vt Deo sese  
lanè submittant, Diuinæque eius providen-  
æ ac voluntati; nihil eorum, quæ ad pecca-  
um obligent transgredi audeant.

At supersunt alij propemodùm infiniti gra-  
us, quibus in Sapientiâ, Dei que notitiâ, Cha-  
tate, atque Humilitate progrediantur sem-  
er ulterius: vt Deus infinitus est, immen-  
um, inexhaustum bonum; ita velut in in-  
nitum excrecere, atque augeri potest Chri-  
iana virtus, dum in eo cognoscendo, &  
mando noua semper accipit incrementa.  
Cum anima viuât ex Deo, Deumque duo-  
us quasi brachijs complexa, intellectu & vo-  
untate, cognitione & amore comprehendit;  
um perfecta est. Tum nihil illi deest, cui  
Deus minime deest; cum Deum possidet, &  
ossidetur à Deo per infusam gratiam, &  
Charitatem, quæ participatio quædam est

in doctri.  
Christ. 22.  
de perfe-  
ctione iu-  
stitiæ c. 8.

Deitatis : & tamen in hac ipsa Dei possessione sunt varij gradus, per quos sentim anima graditur nouis quotidie splendoribus Diuinæ lucis irradiata, atque inflammata in Deum sese perfectius erigit, illique se arctius, ac firmitus astringit. Tum animæ corpus, mundusque perfectè subiicitur, cum sese ipsa Deo perfectè subdiderit.

Sed hæc ipsa perfecta humilitas, demissioque sub Dei Maiestate, maiorumque suorum, qui Dei locum tenent, auctoritate, sub omni denique creaturâ in quâ Deum quis veneretur, creaturarum eius ipse velut vltima, latissimè patet, & vârios gradus habet, quos proximè exequemur.

Perfecta Charitas Dei & proximi, nullum prætermittens officium Diuini cultus; nullam Pietatis, ac Religionis promouendæ, tum & iustitiæ, & misericordiæ, beneficentiæque in proximum exercendæ præteriens occasionem, habet amplitudinem maximam, multisque ex capitibus excrecere, & augeri potest.

Hinc perfecto Christiano nihil omninò boni deest, quod ad bene, beateque viuendum exigatur; & multa tamen desunt, pro zelo, & deliderio, quo ardet Deo perfectius obsequendi, ad eius gloriam opera noua atque ingentia moliendi, sequæ, ac proximos inpenitus illi subiiciendi, atque vniendi. Huiusmodi Sapientes Christiani, neque præteritis sæculis defuerunt vnquam, nec futuris, ac consequentibus vnquam deerunt Deo propitio, ac benignè providente, verè humiles, ac prudentes in Christo, mundi contemptu, sui que despi-

cientiâ.

cientiâ præcipuè commendandi, charitate, pietate, atque omni virtute perillustres: semper tamen vitrà nitentes, ac progredientes, noua capientes semper augmenta Fidei, Spei, Charitatis, Humilitatis, Obedientiæ, Patientiæ, virtutum cæterarum, quoad metam beatæ vitæ alterius immortalis attigerint. Nunquam dicit Christiana virtus satis est. Amandus Deus sine modo, & si fieri queat, supra modum omnem, omni contentione virium naturæ ac gratiæ.

Atque hoc ipsum de Humilitatis exercitatione pluribus locis persequitur S. August.

In ps. 118.  
v. 3.

Vt sciam quid delit mihi, in comparatione illius, quod est, attendens ista, quæ non ita sunt, & plus mihi videns deesse, quàm adesse, ero humilior ex eo quod deest, quàm elatior ex eo quod adest. Nam qui se putant aliquid habere, cum hic viuunt, superbiendo non accipiunt quod deest, quia magnum putant esse quod adest. Qui enim putat se aliquid esse, cum nihil sit, ipse se seducit; nec isti ex hoc magni sunt. Nam & inflatio & tumor imitatur magnitudinem, sed non habet sanitatem.

Quantumcumque hîc vixerimus, quantumcumque hîc profecerimus, nemo dicat; sufficit mihi, iustus sum, qui dixerit, remansit in via, non nouit peruenire; vbi dixit sufficit, ibi hæsit.

In ps. 69.

Semper tibi displiceat quod es, si vis peruenire ad id quod non es; nam vbi tibi placuisti, ibi remansisti, &c. Cresce, validæ erunt vires tuæ; videbis, quod non poteras; capies, quod non capiebas. Quid ergo? cum videro, quæ

Serm. 11.  
de verb.  
Apost.  
In ps. 130.

ro, quæ non poteram videre, & cepero, quæ non poteram capere, iam securus ero, iam perfectus ero? Non, quamdiu hic vivis, ipsa est perfectio, nostra Humilitas; idque mox confirmat ex Apostolo. Quis audet dicere, quia comprehendit? Ecce Paulus non apprehendit, & dicit: non me arbitror apprehendisse. Et quid ais, ô Paule? Ad huc curro, inquit, ut apprehendam. Adhuc Paulus in via est, & tu te putas in Patriâ?

Breuiter, idem S. August. ad Bonifac. Ad virtutis, quæ hic habetur, perfectionem pertinet ipsius imperfectionis & in veritate cognitio, & in Humilitate confessio.

393. Tractat hoc idem argumentum copiosè S. Bernardus serm. 49. in Cantica, & duplici  
 « epistolâ pereleganti; Altera ad Quirinum  
 « Abbatem Alpensum, cum in extrema senectute  
 « sui ordinis innouationem esset aggressus: Cum consummauerit homo, tunc incipit  
 « iam seni requies, iam corona debebatur merito,  
 « & ecce tanquam nouus in Christo miles noua iterum tibi bella suscitatur. Vera  
 « virtus finem nescit, tempore non clauditur;  
 « indefessum proficiendi studium, & iugis conatus  
 « ad perfectionem, perfectio reputatur; quod si  
 « studere perfectioni esse perfectum est; profectò  
 « nolle proficere, deficere est. Inter profectum  
 « & defectum nihil medium inuenitur;  
 « quo modo ipsum corpus nostrum continuo  
 « aut crescere constat, aut decrescere; sic  
 « necesse est spiritum aut proficere, aut deficere.

341. Altera ad Monachos S. Bertini. Quisquis  
 in ichola

in schola Christi non proficit, eius indignus est magisterio, præsertim vbi sumus, vbi nihil in eodem statu permanet, vbi non proficere, sine dubio, deficere est. Nemo proinde dicat: satis est, sic volo manere, sufficit mihi esse sicut heri ac nudiustertius; in via residet qui eiusmodi est, in scala subsistit, vbi neminem Patriarcha vidit non ascendentem ac descendentem. Qui se existimat stare, videat ne cadat; assidua & angusta via est. Non hic, sed in domo Patris mansiones sunt multæ.

In vtraque Epistola pluribus ostendit, cum qui lento incedat gradu non posse Christum consequi, qui tanquam gigas exultauit ad currendam viam; parum esse si Christum sequaris, nili & consequaris, Illud: in viâ Dei non progredi, regredi est, confirmat Hiero. aptâ similitudine; quemadmodum qui aduerso flumine lembum trahit, si remiserit manus, statim retrahitur, & fluentibus aquis, quò non vult ducitur; sic humana conditio, si paulatim remiserit, discit fragilitatem suam, & multa se non posse cognoscit.

l. j. aduersus Pelag.

CA.



## CAPVT XVI.

*De gradibus Humilitatis.*

2.2.9.141  
ar. 6.

**D**Vodecim enumerantur in regula S. Benedicti, quorum ordinis, numerique rationem ita reddit S. Thomas, vt intelligatur vltimus, duodecimus gradus, omnium esse primarius, idem supremus, ac primus, fundamentum & culmen spiritualis ac religiosæ, beatæque vitæ. Primus est, Corde & corpore Humilitatem semper ostendere, defixis in terram aspectibus. Secundus, vt pauca quis verba & rationabilia loquatur, non clamorosa voce. Tertius, vt non sit facilis ac promptus ad risum. Quartus, taciturnitas vsque ad interrogationem. Quintus, tenere quod habet communis regula Monasterij. Sextus, credere, & pronuntiare se omnibus viliorem. Septimus, ad omnia indignum & inutilem se confiteri, & credere. Octauus, confessio peccatorum. Nonus, pro obedientiâ in duris & asperis patientiam amplecti. Decimus, vt cum obedientiâ se subdat maiori. Vndecimus, vt voluntatem propriam non delectetur implere. Duodecimus, vt Deum timeat, & memor sit omnium, quæ præcipit; hic fons est omnium, & prima radix, animi demissio ex sui vilitate, Dei que Maiestate concepta, sanctus timor filialis, quo Diuinum Numen vir humilis



illis reuereatur, ac supplex adoret, illi se  
 obmittens, omnibusque eius iussis, ac man-  
 datis morem gerere cupiens. Sic itaque expli-  
 cat S. Thomas: Humilitas in appetitu, seu vo-  
 luntate consistit, refranans eius impetum, ne  
 ordinatè tendat in magna, sed sui cognitio-  
 ne reguletur, ac coerceatur; ne se existimet  
 pra id, quod est: & vtriusque principium  
 radix est reuerentia, quam quis habet ad  
 eum. Ex hac interiori dispositione proce-  
 unt, tum quædam externa Humilitatis signa  
 verbis, factis, & gestibus, vt in cæteris  
 quoque virtutibus accidit. *Nam ex visa cognos-* Ecc. 19.  
*cit vir, & ab occursu faciei sensatus.* 16. Tum in-  
 teriores quidam actus, quibus moderatur ap-  
 petitum, ne in propriam excellentiam inor-  
 dinatè feratur, quibusque suum semper re-  
 cognoscat defectum.

Humilitatis radix gradu duodecimo conti-  
 netur. Ne sequatur propriam voluntatem, gra-  
 du undecimo. Vt eam ex arbitrio superioris  
 moderetur, ac dirigat, decimo. Ne ab obe-  
 dientia desistat ob res duras & asperas, nono.  
 proprios defectus agnoscat, ac confiteatur,  
 octavo. Vt inde existimet se insufficientem ad  
 maiora, septimo. Vt alios sibi præferat, sexto.  
 In qui sequuntur exteriora signa continent  
 humilitatis in factis; Ne à viâ communi rece-  
 dat, & singularis videri nolit, quintus est gra-  
 dus. Vt non præuertat ac præripiat tempus  
 loquendi, quartus. Ne excedat in loquendo  
 modum, secundus. Vt in gestibus reprimat ex-  
 cellentiam oculorum, primus. Vt cohibeat  
 iram, aliaque ineptæ lætitiæ signa, tertius.

Constat

Constat autem apud Magistros vitæ spiritualis, inchoandam ab hominis externi compositione, primoque dandam operam, ut proximorum ædificationi seruiamus externa specie, ac modestiâ; quæ tamen, ut firma sit, constans, ac diuturna, ab interiori radice deuotionis ac humilitatis exoritur, oportet. His gradibus conlimiles habemus S. P. Ignatio modestiæ regulas. Gradus vero Humilitatis tres ipse statuebat, qui dici possunt, tres iidem gradus sancti timoris & amoris Dei, ex consideratione summæ Diuinæ Maiestatis, cui subdi nos oportet, pro conditione atque abiectione nostra, exorti. Primus est ad salutem necessarius, ut ne penitus subdam Diuinæ legi obseruandæ, utque ne mundi quidem oblato mihi dominio, vel extremo vitæ discrimine obiecto, transgrediar ex deliberato mandatum vllum Diuinum, aut humanum, quod quidem peccati mortalis vinculo nos obliget. Secundus maioris est perfectionis, ut fixo animo ad diuitias, paupertatem, honorem, ignominiam, breuitatem vitæ, ac longitudinem æquè sim propensus, vbi æqualis est Diuinæ laudis & salutis meæ occasio. Utque nulla, vel humanæ quantecumque felicitatis, vel propriæ mortis conditione proposita adducar vnquam, ut culpam, licet venialem tantum, decernam admittere.

Tertius est modus Humilitatis absolutissimæ, ut priores duos iam adeptus, etiam si nullo superaddito laus Dei par foret, ad maiorem tamen imitationem Christi, eligam potius cum eo paupere, spreto, & illuso, paupertatem,

ertatem, contemptum, & inipientiæ titulum amplecti, quam opes, honores. & sapientiæ æstimationem. Qui tertius gradus contiet amplissimum campum exercendæ semper, & augendæ, & à Deo continuis votis efflagiundæ humilitatis. Ex eiusdem Diuinæ Maiestatis respectu, & donorum ab ea proximis indultorum, intelliguntur & illi tres gradus Glossa consignati: Primus, subdere se maiori, & non præferre se æquali, qui sufficiens est. Secundus, subdere se æquali, & non præferre minori; qui dicitur abundans. Tertius sub se minori, in quo est omnis iustitia; sed eâ parum maiori, quâ Dei in eo dona spectantur, & in nostrâ exiguitate ac vilitate conferuntur. Sanctus Anselmus, libro de similitudinibus, item statuit Humilitatis gradus. Primus, cognoscere se contemptibilem esse. Secundus, de hoc dolere, seu affectu comitari cognitionem, seu contemptus sui causam discernere. Tertius, hoc confiteri. Quartus, hoc persuadere, & velle, uti credatur. Quintus, patienter sustinere hoc dici, & credi. Sextus, patiatur insuper se contemptibiliter tractari. Optimus, ut hoc ipsum amet & gratum habeat, gaudeat suo contemptu ac despicientia. Superbus honore delectatur, sic humilis iectione letatur.

Quare gradus omnes reuocantur, ait S. Hieronimus. ad opinionem, manifestationem, & sollicitudinem propriæ abiectiōnis. Humilis vult, non humilis, sed vilis, & abiectus reputari. Non discrepant sex, quos in honoris amissionem theatrum, explicat Ludouicus Richeomus.

Primus

Matth. 9.

Primus est, reputare nihilum suum, se nihil esse coram Deo. Secundus, inferiorem se cæteris reputare. Tertius, velle humilis esse, & abiectus. Quartus, patienter ferre, si humiliaris. Quintus, quætere occasiones se humiliandi. Sextus, gaudere in abiectiōe sui ipsius.

Ad Phil.  
2. v. 3.

Præcipuè observandus, & usurpandus secundus ille gradus: inferiorem se cæteris reputare (de quo & Apostolus: *In humilitate superiores sibi invicem arbitantes*) quadam ex parte necessarius. Nam cuiquam nos omnino præferre, aut quemquam omnino præ nobis despicere, videtur insignis superbiæ gradus, in Phariæo notatus à S. Augustino, dum ille se præponit Publicano. Attendite, fratres mei, quale genus superbiæ commendet Deus. Verè quale potest subintrare homini iusto, quale potest surrepere bonæ spei, &c.

In ps. 31.  
exp. 2.

Vnde ergo superbus? Non quia de bonis suis Deo gratias agebat, sed quia super alterum se de ipsis bonis extollebat. Tota parabola deinceps pluribus illic explicatur. Et alio psalmo. Quis est superbus? qui in confessione peccatorum non agit penitentiam, ut sanari per humilitatem possit; Quis est superbus? qui illa pauca, quæ videtur habere bona, sibi vult arrogare, & derogare misericordiæ Dei. Quis est superbus? qui etiam à Deo tribuat bona, quæ facit, insultat tamen his, qui illa non faciunt, extollit se super illos.

Ps. 93.

Ex quibus superbiæ gradibus, humilitatis ex aduerso respondentes agnoscentur. Primò præcedere debet confessio peccatorum, salubris

abris pænitentia, quæ valeat ad corrigendum hominem, non ad irridendum Deum. Cum uero post pænitentiam bene viuere cæpit, habet adhuc, quod cogitet, ne sibi tribuat, quod bene facit, sed illi agat gratias, cuius ratia factum est, ut bene viueret, quia illum vocauit, ille illum illuminauit; Ergo iste iam perfectus est? Non, adhuc deest illi aliud. Quid deest? ut non superbiat super eos, qui necdum sic viuunt, quomodo ipse uiuit: si talis fuerit, securus sit.

Id quæ fieri queat saluâ veritate: non enim mendacio ac fallitate nititur humilitas, explicat S. Thomas; quod in homine duo possint considerari; id quod est Dei, & id quod est hominis: Hominis est quicquid pertinet ad defectum, Dei quicquid ad perfectum, saluum, & perfectionem, iuxta illud Osee 13. *rederitio tua Israel: tantummodo in me auxilium habebis.* Humilitas propriè respicit reuerentiam, quâ homo Deo subiicitur; & ideo quiet homo secundum id, quod suum est, det se cuilibet proximo subiicere, secundum quod Dei est in ipso.

Duo sunt cardines ac poli virtutis Humilitatis; Duplex cognitio; sui, & Dei; vilitatis sue, & Maiestatis Diuinæ; Si conferatur quod tuum est, nihilum tuum cum excellentibus Dei donis, quæ sunt in proximo, non erit tibi difficile subiicere te proximo propter Deum, aut Deo ipsi in proximo. Ut si dona Dei in te, cum donis eiusdem in proximo conferas, aut nihilum tuum cum nihilo proximi, id non pertinet ad humilitatem;

H

quam

2.2.q.51.  
ar. 1.  
Glossa.

Osee 13.  
v. 9.

quamquam etsi non dissimules in te Dei dona, suspicari potes in proximo latere maiora, & excellentiora: Si proximum castitate superas, at ille te patientia, temperantia, fortitudine, charitate, prudentia & ipsa longè superat humilitate; fortè latet in te occultum superbæ vitium, quo proximo es inferior. Atque in hoc iudicio, quod est suspensum & conditionatum, nulla subest fallitas, aut error.

1. Petri 2.  
v. 13.

Sic igitur licet inferiores nos existimare quouis proximo, & quod monet alter Apostolorum Princeps, subiecti esse possumus omni humanæ creaturæ propter Deum.



CAPVT.



## CAPVT XVII.

*Amplius differitur de perfectione Charitatis, & Humilitatis.*

**P**erfimes sibi sunt, & arctiore quodam nexu colligatæ virtutum Christianarum hæ duæ principes, Charitas & Humilitas, mutuamque sibi præstant opem; tum vt se tueantur ac conseruent in Dei gratia; tum vt augeantur, & noua in dies capiant incrementa. Charitas, aut gratia est, aut illi semper annexa; ad quam conciliandam plurimum valet humilitas: nam humilibus Deus dat gratiam, qui superbis resistit; dat & perseuerantiam: nam humiles spiritu saluabit. Præcipuum obstaculum gratiæ ac perseuerantiæ, præsumptionem ac superbiam amolitur Humilitas; bonis operibus meriti dignitatem, honestatemque ordinis Diuini Charitas elargitur; Hæc perfectionis culmen ac vinculum, illa velut radix & fundamentum, vtraque prima atque vltima virtutum iure potest existimari: nam nec absque Humilitate Charitas consistere, & in animis nostris altiores agere radices potest; & ea demum Humilitas probanda, quam informarit atque animarit Charitas, quæ ex eius imperio suscepta sit.

Ac quemadmodum iubemur Deum dilige.

H 2

re toto

retoto corde, tota anima, tota mente, hoc est verè, sincerè, non simulatè, & pro viribus, proximum vehementissimè, sicut nos ipsos; ita iubemur nos humiliare sub Deo, & Dei causa sub quoque proximo, in quo Dei imago ac dona relucet eximia, vt monet Apost. *In humilitate superiores sibi inuicem arbitantes.*

Ad Phil.  
2. v. 3.

Quod si quis contendat, omnes animi vires in exercenda charitate impendendas, eandem quis dixerit exercendas in humilitate. Vtraque virtus Deum spectat infinitum, cui adhærere ac submittere nos conuenit absque modo, absque termino, & mensura. Vt nunquam Deum satisfacere; ita nos sub Deo humiliare satis nunquam possumus. Modus amandi Deum, & nos humiliandi, est sine modo, sine vlllo certo limite. Commensuratum infinito nihil magis, aut æquè potest intelligi, quàm id quod modo & mensura caret; quare qua parte Deum infinitum proximè attingunt Humilitas, & Charitas; eatenus in infinitum se proferunt, nec vlllo modo ac limite coërcentur. Etsi virtutes, quæ medijs rationem habent, certa quadam mensura, & mediocritate contineantur; At quæ finem ipsum attingunt summum, infinitum bonum, infinite sunt, & illimitatæ; in immensum excrescere semper nouis in dies augmentis & possunt, & solent. Neque verò desunt vnquam, quæ summa Dei bonitas est, Diuinæ gratiæ noua præsidia, quibus intellectus illustretur, & voluntas inflammetur ad huius vtriusque virtutis excolendæ atque augendæ studium; non desunt cælitus immissæ  
menti



mentinouæ semper illustrationes & inspirationes, quibus amplius quotidie Deus agnoscatur & ametur, ac sub suprema eius Maiestate amplius sese semper homo deijciat.

Idem omnino est totum, integrum, quod perfectum; & hoc, cui nihil deest, ex Aristotele 3. Physicorum definitur. Quare synonyma videri possint Totalitas, Integritas, atque Perfectio; atque idem est diligere, & humiliare se toto corde, quod integro ac perfecto, vt nihil desit.

Sed multiplex hictotalitas, vniuersitasque, ac perfectio spectari potest; Vna quidem absoluta, ex parte Dei Opt. Max. quem respicit Humilitas & Charitas, vt hæc vtraque tanta sit, quantum exigit eius infinita Maestas ac Bonitas; tantum à nobis ametur, quantum est amabilis; ita nos in eius conspectu deiciamus & humiliemus, quantum exigit infinita eius celsitudo; Quem gradum perfectionis omnes creaturæ vires exsuperare, pericuum est: nam à nemine tantum amari potest Deus, quantum amari est dignus, nisi ab ipso Deo; nec Seraphini quidem ipsi tantum reuerentur, ac timent Deum timore reuerentia, quantum timeri meretur, nullaque creatura parem & condignam suprema eius Maiestate reuerentiam deferre potest.

Altera totalitas, seu integritas, desumitur ex parte hominis, vt sese totum, viresque omnes suas impendat in diligendo Deo, aut Humilitatis exercenda virtute; nullam occasionem, nullum tempus, nullum gradum, ac modum Charitatis, aut Humilitatis exercendæ

cendæ prætereat. Hic quoque nemo dubitat, pro conditione huius vitæ mortalis, talem Charitatis perfectionem non esse possibilem; nec à Deo præcipi, vt semper actu Deum, omni contentione virium, quam adhibere possumus, sine vlllo motu contrario, diligamus; hic modus beatæ vitæ ac patriæ conuenit, non viæ. Ac pari modo de Humilitatis exercitatione sentiendum.

Tertia totalitas, atque integritas, quæ conueniat huic vitæ mortali, duplex est; prior, quæ secludit omnia contraria Charitati, vel Humilitati, quæ cum ea pugnant, quibuscum illa consistere nequit; cuiusmodi sunt omnia peccata lethalia, quæ Charitatem interimunt; præsumptio & superbia, quæ directâ fronte Humilitatem impetunt, ac secludunt: atque in eo gradu præcepta est Charitatis, & Humilitatis perfectio, cum sit necessitatis, & sine ea consistere nequeat.

Posterior verò est consilij, & supererogationis, quæ insuper excludit impedimenta omnia, quæ feruorem charitatis, vel promptitudinem Humilitatis remorantur, & efficiunt ne Charitas, aut Humilitas expedita feratur in Deum, aliorsum auersa non nihil, ac retenta mente varijs cogitationibus, atque affectionibus distracta, ne vim omnem suam, contentioneque adhibeat ad Charitatis, Humilitatisque partes omnes explendas. Eiusmodi impedimenta sunt, peccata venialia, resque huius sæculi, & amor sui, dum ei plus quam par est, indulgetur; dum in eo minuendo, & extirpando, non quotidie magis

gis adlaboratur.

Quò pertinent etiam Euangelica consilia, perpetuumque suimet abnegandi rebus in omnibus studium, orationis item assiduæ ad Deum vsurpatio, tum ceterarum virtutum, quæ plurimum valent ad opem Diuinæ gratiæ, quâ maximè eget hæc vtraque virtus, implorandam, exercitatio. Quo sensu negat S. August. præceptum Charitatis hac in vitâ impleri posse: quia, cum est adhuc aliquid carnalis concupiscentiæ, quod vel continendo frænctur, non omnimodo, ex totâ animâ diligitur Deus.

l. de perfe-  
ctione iu-  
stitiæ c. 8.

Ad illam vitam immortalem pertinet; *Dis- Matth. 22.  
liges Dominum Deum tuum ex toto corde*; Ad <sup>v. 37.</sup>  
hanc: *Non ergo regnet peccatum in vestro mor- ad Rom.  
tali corpore*. Ad illam: *Non concupisces*; Ad <sup>6. v. 12.</sup>  
hanc: *Post concupiscentias tuas non eas*. Constat <sup>ad Rom.  
7. v. 7.</sup>  
igitur omnem huius vitæ perfectionem esse <sup>Ecc. 18.  
v. 30.</sup>  
imperfectam maximè ac mancā, si cum alte-  
rius vitæ beatæ perfectione comparetur. Ite-  
rum, creaturæ omnis perfectionem, si ad  
Deum referatur, qui se solus amare potest,  
quantum meretur, esse imperfectam; si ho-  
mines cum Angelis componas, & inter eos  
si inferiores cum superioribus compares, esse  
imperfectos; quod pluribus explicat S. Hiero-  
n. aduersus Pelagianos.



## CAPVT XVIII.

*De passionibus seu perturbationibus  
Animi, siue de ἀπάθεια  
Stoicorum.*

**N**ihil ita videtur officere profectui ac Sapientię, quàm motus animę, quos Gręci πᾶσι appellunt; ex Latinis alij perturbationes, alij affectiones, alij affectus, alij expressius passionibus vocauerunt. Quisquis est, qui moderatione & constantia polleat, ait  
4. Tuscul. Tullius, quietus animo est, sibi quę ipse pacatus; vt nec tabescat molestijs, nec frangatur timore; nec sitienter quid expectans ardeat desiderio, nec alacritate futili gestiens deliquescat: is est Sapiens.

Peripatetici hos affectus moderandos docent, & intra rationis regulam coercendos; cum sint alioquin à natura dati, tanquàm arma atque instrumenta virtutis, tanquàm stimuli & aculei, quę languentem naturam ad res gerendas excitant. At Stoici volunt planè tollendos, tanquàm morbos (quibus, etiam modicis, cendum sit sapienti) tanquàm perturbationes voluntarias, opinionis iudicio susceptas, quarum mater, immoderata sit quędam intemperantia.

9. de Cini,  
c. 9.

S. Augustinus; Aut nihil, aut pænè nihil,  
inquit,

inquit, distat inter Stoicorum, aliorumque,  
Philosophorum opinionem, de passionibus &  
perturbationibus animorum: utriusque enim  
mentem, rationemque Sapientis ab earum  
dominatione defendunt; & ideo fortasse di-  
cunt Stoici, eas in sapientem non cadere, quia  
nequaquam eius sapientiam, qua utique sa-  
piens est, ullo errore obnubilant, aut labe  
subuertunt. Accidunt autem animo salua se-  
renitate Sapientiae, propter ea, quae commo-  
da vel incommoda appellant.

Idem asserit S. Thomas, & fontem erroris  
Stoicorum aperit; quod non discernent in-  
ter sensum, & intellectum, & per consequens,  
nec inter appetitum intellectiuium, & sensi-  
tiuum; unde non discernebant passiones ani-  
mae à motibus voluntatis, secundum quod  
passiones animae sunt in appetitu sensitivo,  
simplices autem motus voluntatis sunt in in-  
tellektiui; sed omnem rationalem motum ap-  
petitiuae partis vocabant voluntatem, passio-  
nes autem dicebant motum progredientem  
extra limites rationis.

Cui sanè obseruationi congruit, quod ait  
Cicero: Mihi in tota ea oratione, quae per-  
tinet ad animi perturbationem, una res vide-  
tur causam continere, omnes eas esse in nostra  
potestate, omnes iudicio susceptas, omnes vo-  
luntarias. Et, cum ab eo definitur: Perturba-  
tio est vel auersa à recta ratione contra natu-  
ram animi commotio, vel breuius, appetitus  
vehementior, ἀλογος κίνησις: irrationalis  
motio.

Quare & in eo quoque peccabant Stoici,  
quod

quod motus, quos vocant Theologi primò primos, inuoluntarios, ante rationis aduertentiam, à secundò primis, voluntarijs, ac deliberatis, in appetitu intellectuuo, non fecerant; omnesque voluntatis motus, deliberatos, ratione & voluntate susceptos esse censebant. Rectius Peripatetici inquebant, eos motus esse à natura, & præter voluntatem exoriri, primùm in parte sentiente, tum & in partem intelligentem transire, verùm si maturè à ratione reprimerentur, ac coërcerentur, non essent mali; in quam sententiam ipsi quoque Stoici veritate compulsi concedebant; etsi prima fronte plurimùm dissidere viderentur. Auctorem do Senecam, cuius hæc sunt testimonia, Vtrùm satius sit modicos habere affectus, an nullos, sæpè quæsitum est; Nostri expellunt, Peripatetici temperant. Et epistola ea tota hos refellit. Et aliàs: Falsa est ista mediocritas, & inutilis, eodemque loco habenda, quo si quis diceret, modicè insanendum, modicè ægrotandum. Affectus omnes in rationali parte esse, ideoque cætera animalia ijs carere, habere tamen similes quosdam illis impulsus, Non educo sapientem ex hominum numero, nec dolores ab illo, sicut ab aliqua rupe nullum sensum admittente, submoueo. Memini ex duabus partibus illum esse compositum. Altera est irrationalis; hæc mordetur, vritur, dolet. Altera rationalis; hæc inconcussas opiniones habet, intrepida est, & indomita. Ipsa tamen ista pars, in repentinis impulsibus, sentiet leuem quandam tenuemque motum. Nam, vt dixit Zenon, in

Ep. 116.

Ep. 85.

1. de Ira,

Ep. 71.

1. de Ira  
16.

no, in

io, in Sapientis quoque animo, etiam cum vulnus sanatum est, cicatrix manet; sentiet itaque suspiciones quasdam, & umbras affectuum; ipsis carebit.

Iterum. Quædam sunt, quæ nulla virtus Ep. 174  
 fugere potest: Admonet illam natura mortalitatis suæ. Itaque & vultum adducet ad tristitiam, & inharescet ad subita, & caligabit si vastam altitudinem in crepidine eius constitutus despexerit. Non est hic timor, sed naturalis affectio inexpugnabilis rationi. <sup>2. de Ira c. 4.</sup>  
 Ut scias, quemadmodum incipiant affectus, ut crescant, aut efferantur. Est primus motus non voluntarius, quasi præparatio affectus, & quædam comminatio; Alterum voluntate non contumaci: Tertius motus est iam impotens, qui rationem uicit.

Non negant igitur Stoici in parte sentiente exoriri hos affectus, ex apprehensione boni aut mali; sed negant in voluntatem & partem rationalem admittendos; eque satis esse, si coërceantur intra limites rationis, sed penitus extinguendos & extirpandos; quod tamen fieri non posse parum sibi constantes admittunt.

Non sunt primi illi motus in nostrâ potestate, & nec secundo quidem primi, donec planè aduertat ratio, & eos aut rejiciat, aut admittat, aut moderetur; quamquam non continuo cedunt rationi, atque eâ repugnante persistunt. Sunt 1) motus naturales, ex sese neutri & indifferentes, qui, prout subsunt imperio rationis, &

nis, & libera voluntate suscipiuntur; capaces existunt bonitatis, aut malitiæ; vel virtutis, vel vitij sunt instrumenta, pro ratione obiectorum, in quibus versantur, dum imperantur à voluntate, vel certè non inhibentur.

1.9. de Cl.  
nit. c. 5.

In disciplina nostra, inquit, S. August.  
“ non tam quæritur; Vtrum pius animus  
“ irascatur, quàm quare irascatur; nec,  
“ vtrum sit tristis, sed vnde sit tristis; nec,  
“ vtrum timeat, sed quid timeat. Et alibi.  
“ Rectus amor istas omnes passiones rectas  
“ habet. Metuunt enim peccare, cupiunt  
14. de Tri.  
“ perseuerare, dolent in peccatis, gaudent  
“ in operibus bonis. Amor omnium prima  
“ est passionum, earum radix & origo;  
“ Quamobrem vitiosæ omnes ab amore  
“ sui immoderato (quem Græci philautiam,  
“ & Stoici fortè intemperantiam, appella-  
“ runt) velut à radice rami, procedunt,  
“ & quò fuerit hic amor sui vehementior,  
“ eò quoque cæteros affectus immoderatiores  
esse necesse est.

Diuiditur autem hic amor sui in duo  
capita, vt duplici parte constamus, cor-  
pore & animo; in curam corporis im-  
moderatam, gulam atque luxuriam; & cu-  
piditatem propriæ excellentiæ, super-  
biam, illique annexa vitia, quæ animum  
inficiunt. Reprimi quidem, & intra ra-  
tionis orbitam coërceri, ad honestumque  
finem dirigi potest hic amor sui, cum  
ope diuinæ gratiæ; sed cum à natura no-  
bis insitus, adeoque necessarius existat, ex-  
tirpari



tirpari, penitusque restingui non potest: ad  
 cum modum, qui sequuntur ex eo, affe-  
 ctus, reprimi, corrigi, dirigi, & ad hone-  
 stas res applicari queunt; at penitus tolli  
 nequeunt: quod voluisse Stoici, si non re  
 ipsa, at verbis & sententijs in speciem ma-  
 gnificis ac tumidis, præsetulerunt. Lactan-  
 tius: Furiosi ergo Stoici, qui ea non tem-  
 perant, sed abscindunt, rebusque à natura  
 insitis castrare hominem quodammodo vo-  
 lunt. Hieron. Affectibus ad perfectum ca-  
 rere, iuxta Stoicos, possibile; iuxta Peri-  
 pateticos, & difficile & impossibile; cui  
 sententiæ omnis Scripturæ Sacræ consentit  
 authoritas.



CA-



## CAPVT XIX.

*De origine perturbationum, Animi  
praua Concupiscentia.*

**S**I fortunatus innocentiae status perdurasset, & quæ à Deo conditore primi Parentes acceperant originariae iustitiae dona, in posteros propagassent; absque rationis ductu & imperio nunquam ullæ exortæ essent passiones, nunquam illæ limitem ab ea præscriptum essent transgressæ; parsque animi inferior paruisset omnino superiori; fuisset inter omnes animi vires maxima consensio, & pax imperturbata,

Verùm, Deo detrectantibus obedire primis Parentibus, & eius, de arboris interdictæ fructu non gustando, mandatum prætergressis, mox similis inobedientiae pœna, inquit S. August. retributa est; quam & alibi reciprocam pœnam talionis appellat; vt aduersus rationem, animique partem superiorem reniteretur, ac rebellaret appetitus; molestissimaque pugna concupiscentiarum ac perturbationum concitaretur; quam neque ratio comprimere, atque exortam sedare, neque præuerrere, & impedire ne concitaretur, omnino posset.

Vt in Republica tres sunt ordinum gradus;  
Vnus

nus, Ecclesiasticorum; Alter, Nobilium, tertius, Plebeiorum, primisque perturbatis, ac Principi suo rebellibus, mirum non est, si tertius amplius etiam tumultuetur, & aduersus illos concitatus insurgat, totaque in artes discissa Respublica incertam perniciem patiat. Ita superiore hominis parte; quæ constat & intellectu Ecclesiasticorum prudentiam referente, & voluntate libera, quâ Nobilium vis & ingenuitas indicatur, Deo rebellante; quid mirum, si plebs vniuersa motuum inferioris partis, atque appetitus, interminum commoueat atque augeat bellum, ed certè molestius ac periculosius, quod est interius, & pertinacius, quoque superiores ordines in eandem abripi dementiam proclivius est? Origo igitur perturbationum animi non alia est, quam originale peccatum.

Cum ex Stoicorum doctrina nescio quid, ad rem & honestatem parum pertinens, Augustino Iulianus obiecisset; primum ait, illi non fauere sectam Stoicorum, qui nullam humani boni particulam in corporis voluptate posuissent; ex quorum opinione Tullius ait, se non putare idem esse arietis, & P. Africani bonum. Tum rectius ex Tullio, opponit, hominem non ut à matre, sed ut à nouerca natura editum in vitam, corpore & nudo, & fragili & infirmo; animo autem anxio ad molestias, humili ad timores, molli ad labores, prono ad libidines; in quo tamen inesset tanquam obrutus quidam Diuinus ignis ingenij, & mentis. Quid ad hæc dicis? Non hoc Author ille malè viuentium moribus dicet effectum, sed

L. J. C. 12.

3. de Rep.

”

sed

“ sed naturam potius accusavit; Rem vidit, cau-  
 “ sam nesciuit: latebat enim eum, cur esset gra-  
 “ ue iugum super filios Adam, à die exitus de  
 “ ventre matris eorum, usque in diem sepultu-  
 “ ræ in matrem omnium; quia sacris litteris  
 “ non eruditus ignorabat originarie peccatum.

Neque mirum, si Stoici eius ignoratione  
 laborantes, naturam immodicis laudibus ex-  
 tollerent, eamque velut optimam ducem ac  
 Magistram sequendam esse prædicarent; qua  
 quidem commendatione naturæ, ut suspicor,  
 & eximia laude Pelagianis occasionem præbue-  
 runt originalis peccati pernegandi, præcipui  
 & capitalis erroris, ex quo cæteri deduceren-  
 tur.

At verò SS. PP. nihil magis inculcant, quàm  
 naturam humanam peccato primi Parentis  
 fuisse vitiatam, redditamque inordinatam,  
 debilem, & infirmam ad bonum, proclivem  
 ad malum, quæ doctrina Catholica definita  
 habetur primis duobus canonibus Arausica-  
 ni Concilij; priore, per offensam præuari-  
 cationis Adæ totum hominem, secundum  
 corpus & animum, in deterius esse commu-  
 tatam; posteriore, nocuisse, tam quoad ani-  
 mam, quàm quoad corpus.

Quæ definito repetita est in Tridentino  
 sess. 5. can. 1. & 2. Et mihi quidem videri  
 solet, quemadmodum mors, ac cæteræ cor-  
 poris ærumnæ, fames, sitis, dolor, labor,  
 morborum examina profluxerunt ex hac ori-  
 ginaria labe; ita prava concupiscentia; per-  
 turbationum, & inordinatorum inevitabilis  
 animi motuum omnis copia, spiritalisque adeo  
 quædam

quædam mors, ita loquar, necessitas peccandi, ex eodem hoc profluvio manasse.

Si non peccasset primus Parens, mors nunquam erat euentura; providente Deo, ut quamdiu illi subiaceret animus, animo quoque corpus perfectè obsequeretur, nec ab interioribus causis dissolui, nec ab exterioribus nocumentum pati posset; sed per peccatum mors introiuit in orbem, in hominumque genus vniuersum peruasit; ita mors spiritalis, animo (sic loqui liceat) peccandi quædam necessitas, per idem hoc originale peccatum intromissa est, destituta natura donis originariæ iustitiæ, speciali que illa Divinæ providentiæ ope atque assistentia, quâ in finem supernaturalem, ad quem erat condita, & gratiæ originariæ donis instructa, suavissimè dirigebatur. Nam & animus, deserto Deo ac neglecto, non illustratus, multis erroribus obcæcatus; densa velut quadam ex sensibus orta caligine circumfusus, quæ vera sunt, honesta, & congrua, non videt; non attendit, aut uti par est, expendit atque diiudicat: tum voluntas ad omne virtutis opus honestum; atque arduum languidior est, atque remissior, ad malum semper, quam ad bonum propensior; denique pars appetitus inferior rebellis prauos exsuscitat concupiscentiæ motus; qui in ipsam voluntatem ac rationem sibi dominationem ac tyrannidem vindicant, ipsâ maximè sensuum corporis titillatione ac voluptate prævalente; Quæ sæpe duplex affertur causa à S. Aug. cur bonum non appetamus; aut quia latet; aut quia non delectat; adeoque maximopere egemus eâ illustratione

lustratione & inspiratione Diuinæ gratiæ Christi, quæ non nisi meritorum eius respectu confertur & ad vitij malum fugiendum, & ad virtutis bonum amplectendum.

Huc pertinent, quæ Theologi disputant de vulneribus inflictis Humanæ naturæ ex originario peccato, quæ quatuor recensent, iuxta quatuor præcipuas animæ potentias. Primum in intellectu est; ignorantia priuatiua rerum agendarum, insuper & positiua, error & pronitas ad sequendos errores, credendumque falsitati. Quod vulnus agnouisse videtur Philosophus, inquiens errorem & deceptionem magis esse hominibus propria, quam eorum contraria: sed ipse quoque causam ignorauit: *Dilexerunt homines magis tenebras, quam lucem.*

Ioan. 3.  
v. 19.

Secundum in voluntate; malitia seu pronitas ad eligendum & committendum malum, non modo per ignorantiam, sed scienter, & contra dictamen rectæ rationis. *Si vos enim sitis mali, &c.*

Matth. 7.  
v. 11.

Tertium in appetitu concupiscibili; vitium, quo mouetur ad ea, quæ sensibus iucunda sunt, & refugit molesta; quod vitium, concupiscentia dicitur.

Quartum in irascibili; per quod inordinatè se habet ad bona ardua prosequenda, mala fugienda, vel repellenda; vocaturque infirmitas; quò renocantur honoris & gloriæ cupido, vindicandi libido, temeritas, desperatio, acedia. *Videns autem Deus, quòd multa malitia hominum esset in terrâ, & cuncta cogitatio cordis intenta esset ad malum omni tempore.*

Gen. 6.  
v. 5.

Sensu

*Sensus enim & cogitatio humani cordis in malum prona sunt ab adolescentia sua.* Seu, vt in Hebræo; à pueritia sua, adeoque infantia & prima conceptione vitiata natura. c. 8. v. 31.

Vulnera hæc optimè explicat S. Thom. per detractiōem bonorum gratiæ, & destitutionem recti ordinis, quo in bonum singulæ potentiæ ab originaria iustitia dirigebantur; quam inordinationem virium animæ; quod inordinatè conuertantur ad bonum commutabile; ait vocari concupiscentiam. 1. 2. q. 8. ar. 3. q. 82. a. 3.

Hieron. q. 8. ad Algas. in illum Apostoli locum: *Concupiscentiam nesciebam*, inquit se intelligere omnes animæ perturbationes, quibus mæremus, & gaudemus; timemus, & concupiscimus; nempe inordinatè, sublato correcto ordine, quem iustitia originaria statuebat.

S. August. vulnera naturæ plerumque duos numerat: ignorantiam, & difficultatem; interdum: ignorantiam agendorum, & concupiscentiam noxiorum; interdum tria: ignorantiam, malitiam, & concupiscentiam; quod tertium sanè potissimum est, & ipsum originalis peccati nomen sibi vindicat tanquam primarius eius effectus, ac sæpissimè carnis item nomine designatur: *Caro concupiscit adversus spiritum.* Et. *Quod natum est ex carne, caro est.* Lex carnis; lex membrorum, fomes peccati, languor naturæ, Tyrannus, quandoque iniquitas, quandoque iniustitia, immunditia, & mors animæ nuncupatur: à S. Fulgentio, impietas. Hominem nasci impietati subditum: Quod & S. August. indicat; hominem nasci De natura & gratia c. 67. r. 1. retract. 9. Gal. 5. v. 17. 10. 3. v. 6. De fil. ad Pet. 28. 30. De pecc. m. c. 9. 8. c. 6. tra lul. c. 3.

nasci cum impia voluntate ; nimirum quòd Deo subiecta non sit , quòd inordinatè feratur in ea , quæ sunt Diuinæ legi & voluntati contraria .

Non est concupiscentia ex Deo , non est ex Patre , sed ex mundo , vt ait D. Ioannes de triplici concupiscentia , mundi nomine intelligens genus humanum primi Parentis peccato deprauatum .

Sess. 5.  
can. 5.

Fatetur Tridentinum in renatis remanere concupiscentiam , vt tamen oporteat eos per Christi gratiam viriliter illi repugnare : quod ait Deum in renatis nihil odisse , nimirum quod faciat eos Deo exosos , & damnationis reos , vt nihil illos ab ingressu celi remoretur ; alioquin concupiscentiam odio habendam , persequendam , oppugnandam , mortificandam , ac crucifigendam , doctrina est SS. Patrum , sumpta ex Apostolo ad Romanos 7. & ad Gal. 5. Priore loco testatur Apostolus odisse se malum , quod carne faciebat , etsi nullo mentis accedente consensu : causam odij subijcit ; quia lex membrorum repugnat legi mentis ; Posteriore , spiritum concupiscere aduersus carnem : quod tum fit , cum homo spiritu Dei adiutus contra concupiscentiam pugnat , illamque domat .

Aug. in  
ps. 35.  
con. 8. in  
ps. 118.  
Greg. 9.  
moral. 28.  
& 29.

v. 5.

August. illud Apostoli ad Coloss. 3. *Mortificate membra vestra , &c.* ad renatorum concupiscentiam extendit . Nec dissimilis est locus in epistola Iudæ : *Odientes & eam , quæ carnalis est , maculatam tunicam .* Et Iob. 9. *Abominabuntur me vestimenta mea , id est , abominabilem facient , vt explicat in eum*

v. 23.

v. 35.

locum



locum Gregorius.

Tradit insuper Trident. Ecclesiam Catholicam nunquam intellexisse concupiscentiam ab Apostolo dici peccatum, quod verè & propriè in renatis sit peccatum; sed quia ex peccato est, & ad peccatum inclinatur; quæ responsio sumpta est ex varijs S. Augustini locis, videturque ratio posterior esse magis propria: nam prior morti, & alijs pœnis conuenit: posterior soli concupiscentiæ, quatenus est fomes peccatorum, excitans prauos motus in nobis, & desideria ad omne genus peccati. Neque tantùm suggerendo sollicitat ad peccatum, quemadmodum malus dæmon; neque tantùm (vt loquuntur) per accidens, & occasionaliter, vt vinum & mulieres; sed per se, suapte naturâ, interius commouendo, & perturbando; ita vt concupiscentiâ commotâ, cum sit aliquid homini impressum, impossibile sit hominem non commoueri; tametsi motus ille sine consensu peccatum non sit, & tum mortificari dicitur, cum ei denegatur consensus, quâ de re proximo capite.



## CAPVT XX.

*De pugná carnis ac spiritus ,  
& continuâ mortificatione  
passionum .*

**P**Vgnam eam describit Apostolus ad Rom. 7. & ad Galatas 5. ex eoque frequenter ac prolixè S. August. speciatim aduersus Pelagium, Stoicorum hac in parte sectatorem, naturæ defensore, & oppugnatorem gratiæ, duplici sermone de verbis Apostoli, duodecimo, & decimo tertio, ex quo iam demonstratum est carnis vocabulo concupiscentiam designari, appetitum sensualem, rationi repugnantem; seu potius totum hominem Deo minimè subditum, & secum pugnantem, & dissidentem; Naturam ipsam, quæ primi Parentis peccato vitiata est, à Deo auersa, in sensibilia bona conuersa non seruato rectæ rationis ordine, corrupta, deprauata, & penitus interuersa; Per spiritum verò, intelligi Spiritum Sanctum, Spiritum gratiæ Christi; de quo Apostolus: Qui Spiritu Dei aguntur, hi sunt filij Dei; ne fortè de spiritu tuo præsumas, ait S. August. ad actiones carnis mortificandas, & superbia pereas, & tibi superbo resistatur, non humili gratia concedatur. Quid tibi prodest quia non eris Epicureus, & eris

eris Stoicus? siue Epicureus eris, siue Stoicus, ,,  
inter filios Dei non eris.

Pugna igitur hæc est intestina maximè ho-  
minis secum dissidentis, ac præliantis aduersus  
concupiscentiæ motus; quibus non consenti-  
re, magna laus est; non habere, perfectio.  
Pugna gratiæ Christi aduersus naturam de-  
prauatam, vt hæc eius ope velut instauretur,  
& in primæum, ex quo excidit, iustitiæ atque  
innocentiæ statum reuocetur. Pugna Char-  
tatis & cupiditatis: Nam cupiditas Charita-  
tis est venenum, ait idem S. Augustinus; di-  
minutio cupiditatis accretio est Charitatis;  
extinctio cupiditatis, absolutio, & perfectio  
Charitatis: quæ in altera demum continget  
vita. Pugna amoris proprii, inordinati, ac  
peruerſi; cum ad sese, tanquam ad finem &  
scopum, quis omnia refert; cum sua com-  
moda quærit Dei cultu neglecto; Amoris Baby-  
lonici, qui vsque ad Dei contemptum deni-  
que progrediatur: Amoris cælestis, ac Diui-  
ni, rectè ordinati, qui Deum vnum pro sco-  
po habeat, eiusque voluntatem ac gloriam  
rebus omnibus, vt i par est, anteponat.

Quare pugna sanè est molestissima, pericu-  
losissima, laboriosissima, perpetua, maxi-  
meque diuturna: sine inducijs vllis armorum-  
ve suspensione, sine vlla quietis parte: summâ  
contentione depugnanda, quoad victoriam  
reportaris: quam non nisi confecto vitæ cur-  
riculo, morteque obita reportabis. Quam-  
diu vita durabit, durabit & pugna, idemque  
erit pugnae, qui vitæ terminus: summeque,  
beatus, si victor; aut summe miser exitus,  
I 4 si viuus

si victus abcesseris.

Commune fuit Philosophis, Stoicis, & Epicureis, ducto altius principio, demonstrare, quàm sui sit amans, natura, quàm suæ cōseruationis, ac propagationis appetēs; vt ipse etiam res inanimæ, ac sensus expertes summo studio se tueantur; vt animantes omnes, ac brutæ pecudes, insuper voluptatis & coniunctionis ad procreandum sint appetentes. Et sanè negari non potest, quin insita velut nobis à natura sit hæc duplex appetitio, ac propensio vehementissima; tum ad indiuiduum cōseruandum: tum ad genus propagandum; eaque maxime pertinet ad corpus, quâ parte pecoribus haud absimiles sumus; At quâ parte mente constamus, & intelligendi facultate ad imaginem Dei conditi, spiritibus Angelicis similes sumus, dignitatis, & excellentiæ tuendæ, atque augendæ vehementer quoque sumus appetentes.

¶ Omne,

Imprimis, ait Tullius, hominis est propria veri inquisitio, & inuestigatio. Itaque cum sumus necessarijs negotijs curisque vacui, tum auemus aliquid videre, audire, ac discere, &c. Huic veri videndi cupiditati adiuncta est appetitio quædam principatus, vt nemini parere animus bene informatus à natura velit, nisi præcipienti, & docenti, aut vtilitatis causa iustè & legitime imperanti: ex quo animi magnitudo existit, humanarumque rerum contemptio.

Quæ sanè multiplex appetitio ac propensio naturæ non foret reprehendenda, nec in vitio ducenda, si Deum imprimis spectaret  
Aucto-

Auctorem, eundemque scopum vniuersæ nature: si ab eo deducta principio, ad eundem yti finem vltimum relata dirigeretur: si intra rectæ rationis terminos conclusa teneretur, eumque retineret ordinem, quem primæua gratia, & iustitia præscribebat originaria. Verùm hoc ordine sublato, sibimet relicta natura, non coercita, nec vilo Dei gratiæ dono, veluti fræno, retenta, Deo imprimis non agnito, ac turpiter ignorato sine eius luce in densis tenebris, adeoque etiam contempto, Diuinæ obedientiæ excusso iugo, tanquam effrænata bellua, præceps ruit in omnia vitiorum, ac flagitiorum discrimina, nec parem, nec superiorem ferens, semetipsam habes pro scopo, blandimentis atque illecebris sensu abducta denique superatur, illorumq; velut ancilla ac ministra, vnde quaque commoda atque oblectamenta conquirat: Mirum igitur non est, si ratio exæcata, voluntasq; libera Deo rectore destituta, sensibus & appetitui turpiter seruire cogatur.

Noli tibi hostes addere, ait quodam loco S. In ps. 120.  
August. Vince eum, cum quo natus es, ad sta-  
dium vitæ huius cum illo venisti, congregere  
cum eo, quæ tecum processit. Aduersus Pelagium.  
Ista rixa non est in te? si nihil in te alteri resistit,  
vide totum vbi sit? si spiritus tuus à carne contra  
concupiscentem non dissentit, vide ne forte carni  
mēs tua tota consentiat, vide ne forte ideò non  
sit bellum, quia pax peruersa est: forte in te totum  
carni consentit, & nulla rixa est. Quam spem  
habes quod possis aliquando vincere, qui nec-  
dum cepisti pugnare? Mali voti homo es, si  
tali

“ tali aduersario non viscarere. Ego fateor tibi,  
 “ quicquid in me rebellat aduersus mentē meam,  
 “ & litigat mecum delectatione contraria, quic-  
 “ quid tale in me est, omnino interficere volo;  
 “ Etsi fortē adiuuante Domino non consentio,  
 “ nolo habere cum quo litigem: Multò est mihi  
 “ optabilius inimicū non habere, quā vincere.

Serm. 13.  
 do verb.  
 Apost.

Hoc est opus vestrum in hac vita, actiones  
 carnis spiritu mortificare, quotidie affligere,  
 “ minuere, frænare, interimere. Quam multos  
 “ enim proficientes non amplius delectant, quā  
 “ antea delectabant? Quando ergo delectabat,  
 “ & non ei consentiebatur, mortificabatur: quia  
 “ iam non delectat, mortificatum est. Calca  
 “ mortuum, transi ad viuum, calca iacentem,  
 “ conflige cum resistente: Mortua enim est vna  
 “ delectatio, sed viuit altera, & illam, dum non  
 “ consentis, mortificas: cum cæpit omnino non  
 “ delectare, mortificasti. Hæc est actio nostra,  
 “ hæc est militia nostra. In hoc agone cum con-  
 “ fligimus, Deum habemus spectatorem: in hoc  
 “ agone cum laboramus, Deum poscimus adiu-  
 “ torem: si enim ipse nos non adiuuat, non dico  
 “ vincere, sed nec pugnare poterimus.

Rom. 6.  
 v. 12.

“ Quid est, ne dominetur mihi omnis iniqui-  
 “ tas? Audi Apostolum: *Non regnet peccatum in*  
 “ *vestro mortali corpore.* Quid est non regnet?  
 “ Obediendo desiderijs eius. Non dixit: Noli ha-  
 “ bere mala desideria. Etsi sint desideria, non eis  
 “ obediatur, nec exhibeatis membra vestra ar-  
 “ ma iniquitatis. Quomodo regnet, qui arma  
 “ non habet? Pars tua, caro tua, concupiscentia  
 “ carnis tuæ, languor rebellat aduersus te. Lan-  
 “ guor iste tyrannus est, si vis te tyranni esse vi-  
 “ ctorem,

orem, Christum inuoca Imperatorem, cuius merito & beneficio diffunditur charitas in cordibus nostris, quæ concupiscentiæ ex diametro aduersatur, eamque debellat & profligat.

Pugna hæc carnis & spiritus, eadem est, uti dixi, quæ est amoris proprii, & diuini; Expugnare debet amor Diuinus amorem proprium. Ac quemadmodum in Eliæ Sacrificio, ignis cælitus emissus à Domino vorauit holocaustum, & ligna, & lapides, puluerem quoque, & aquam, quæ erat in aquæ ductu, lambens; ita Diuinæ Charitatis ignis absumere debet omnes cupiditates, omnes affectiones amoris proprii, ut cum populo humiliati in saccis cadamus, & dicamus: Dominus ipse est Deus, Dominus ipse est Deus; & suauissima eius præsentia perfruamur.

Gloriosissima hæc est inter omnes victoria, amorem proprium superasse; à quo cæteri motus, & affectus oriuntur, qui dum coercentur, veluti quibusdam membris detruncatur amor proprius, armisque, & viribus imminuitur. Neque verò tantummodo hæc passionum mortificatio à charitate efficitur, sed vicissim ad eam augendam, & conseruandam plurimum confert. Charitas per se difficilis non est; cum sit omni gaudio, & suauitate refertissima; At charitati locum velut animi vacuum comparare, eiusque hostem cupiditatem expellere, hoc verò difficile est; atque, ut vir quispiam spiritu Dei plenus dicere solebat, si fieri posset ut in torculari totus homo subijceretur exprimendus, ex omnibus eius neruis, venis, ossibus, medullis,

medullis vix quicquam aliud, quàm immodicus hic amor sui extunderetur, atque exprimeretur; qui tamen omnium malorum affectuum est seminarium.

Adde, quod velut ex hydra, capite vno resecto, mox alia renascuntur; nisi igne Diuini amoris penitus absumantur, ex ea naturæ corruptæ lacuna nunquam non emergunt putride exhalationes, quæ mentis serenitatem obnubilent, atque obscurant. Credite mihi, inquit Bernard. Et putata repullulant, & effugata redeunt, & reaccenduntur extincta, & sopita denuo excitantur. Parum est semel putasse, sæpè putandum est; imò, si fieri possit, semper: quod semper putari oporteat, si non dissimulas, inuenis. Quantumlibet in hoc corpore macens profeceris, erras si vitia putas emortua, & non magis suppressa. Velis nolis intra fines tuos habitat Iebuseus; subiugari potest, sed non exterminari. Non anno vno, sed paulatim consequentibus Dominus Chananæorum germina ex terra Israël deleri voluit, ne bestię aduersus eos incresserent, mala superbix & inanis gloriæ germina: si nullos intra se hostes paterentur, minimè suæ quotidianæ infirmitatis admonerentur.

Serm. 38.  
in Cant.

CAPVT





## CAPVT XXI.

*Qua sint in nobis seminaria virtutum?*

*An virtus homini sit naturalis?*

**M** Tullius virtutes, naturales appellat, seu s. de finis  
non voluntarias, quæ ingenerantur  
suapte naturâ: cuius est generis, docilitas,  
memoria: quæ omnia ferè appellantur ingenij  
nomine, easque virtutes qui habent, ingeniosi  
vocantur. Rectius appellasset virtutes, ipsam  
indolem, & propensionem ad honestas actio-  
nes, & virtutes voluntarias; quæ disciplina, &  
exercitatione comparantur: sunt enim qui-  
dam ad moderationem, ad æquitatem, ad pru-  
dentiam, & alias virtutes veluti naturâ facti  
& compositi, egregiâ quadam indole præ-  
diti.

Idem Tullius ait, iustos nos quidem à na-  
tura esse factos: tantam autem esse corrupte-  
lam malæ consuetudinis, vt ab ea tanquam  
igniculi extinguantur à natura dati, exoriantur  
& confirmantur vitia contraria. Deni-  
que, ait idem: Habemus notiones rerum ani-  
mis impressas, è quibus non principia solum,  
sed latiores quædam ad rationem inuenien-  
dam viæ reperiuntur, anticipationes commu-  
nes, & ingeneratæ: quæ dicantur scintillæ,  
igniculi (nam Stoicis animus, est purior ignis)  
semina,

semina, fomites, impetus ad virtutem.

Ep. 93.

Omnibus natura dedit, authore quidem Seneca, fundamenta, semenque virtutum: Omnes ad omnia ista nati sumus: cum irritator accessit, tum illa animi bona, velut sopita excitantur. Nec alienus est ab hac doctrina S. Thom. qui tradit in hominis ratione inesse principia quædam naturaliter cognita, tam scibilem, quam agendorum, quæ sint semina virtutum intellectualium, & moralium: in voluntate autem inesse appetitum Boni, quod est secundum rationem:

Tob. 4.  
v. 16.

Matth. 7.  
v. 12.

Ea semina, quidam vocant reliquias, alij præcepta generalia legis naturæ: Honestum eligendum esse, turpe fugiendum: Honorandos parentes, remunerandos benefactores: Tale illud Tobia Patris ad filium: *Quod ab alio oderis fieri tibi, vide ne tu aliquando alteri facias.* Et illud Christi Domini: *Omnia ergo quacumque vultis ut faciant vobis homines, & vos facite illis.* Quæ S. Aug. l. 2. de sermone Domini in monte: & Basil. reg. 2. & 3. explicant:

Hæc semina virtutum in statu innocentia magis se exeruissent, maioremque vim obtinissent, accedente præsertim Divino gratia excitantis subsidio, quod iure quodam suo felix ille status exigebat. At nunc vitiatâ naturâ, ac gravissimè in primarijs suis quatuor facultatibus vulneratâ, fieri non potest, quin ea semina valde sopita, propemodumque extincta sint, parumque omnino virium habeant siue ad vitia fugienda, siue ad captandas, exercendasque virtutes. Et mihi quidem videri solet hæc corruptio, vulneratioque naturæ,  
non

non in solâ gratuitorum donorum iustitiâ,  
& innocentia substructione consistere; sed au-  
xiliorum potissimum actualis gratiâ, inspi-  
rantis, & excitantis, naturamque dirigen-  
tis.

Etenim peccando se primus Parens, stir-  
pemque suam reddidit indignam speciali Dei  
providentia, atque assistentia, quâ per immis-  
sas illi statui cōgruas illustrationes, atque inspi-  
rationes à principio regebatur, à præcipitiō vi-  
tiorū arcebatur, & ad exercitationē virtutum  
omnium incitabatur. Nam sicut rectus ordo  
potentiarum animæ, quo perfectè erat ipsa  
Deo subiecta, & cæteræ ipsi facultates obse-  
quebantur, sensusque & appetitus, ac corpus  
rationi famulabatur, non à solis habitibus, ac  
donis gratiæ ac virtutum infusis oriebatur;  
sed à particulari Dei providentia, frequen-  
tiâque sanctarum inspirationum, & illustra-  
tionum; quibus Adami mentem Deus insi-  
dens regebat, illustrabat, ac permouebat ad  
bonum; sic, vice versa, inordinatio, ac puer-  
sio, naturæque rebellio, potentiarum pugna,  
ac rixa prauæ concupiscentiæ, vulnera intelle-  
ctus & voluntatis, &c. tum ex donis subtra-  
ctis, tum ex copiâ sanctarum inspirationum  
denegata videntur existere. Quod omne dam-  
num primi Parentis peccato est adscribendum.  
Quare, ait S. Fulgentius, in primo homine,  
nos amisisse facultatem sanctæ cogitationis.  
Et aliàs; facultatem cogitandi, quæ ad Deum  
pertinent; cui nempe, peccando, renuimus  
esse obsequentes.

Videri sanè potest omnis mali causa & ori-  
go, error

l. de Incor.  
12. & 13.

go, error esse, & ignorantia, seu incogitantia; & ex vulnere intellectus, qui destitutus Diuino lumine versatur in tenebris, & densâ caligine rerum agendarum; reliqua vtriusque, aut triplicis appetitus vulnera consequuta.

Nam veluti rationem appetitiuæ facultates sequuntur; cum illa abundè præluce, & demonstrat iter; sic easdem luce hac magnâ ex parte destitutas, aliorum flectere facillimum est. Non potest voluntas aspernari bonum, si nulla mali specie obscuretur; nec malum appetet vnquam, nisi boni speciem aliquam induat. Licet igitur à nonnullis natura dicatur in puris naturalibus non differre à seipsâ iam lapsâ, nisi quatenus homo nudus differt à seipso spoliato; tamen non sola donorum, & habituum spoliatio, sed verò maximè auxiliorum gratiæ actualis destitutio spectanda est; & appellanda vulneratio.

Alius fuisset ordo Prouidentiae Diuinæ, si condita fuisset natura ad finem naturalem: tum fuisset ei cumulatè prouisum de eiusmodi præsidij, & medijs ad illum finem. Modò condita est ad finem supernaturalem, in gratia, & iustitia originaria, & eiusdem ordinis auxilijs, tum habitualibus, tum actualibus, instructa: quibus orbauit se peccando; penitusque indignam reddidit, quare ad miserissimum redacta statum; omnibus auxilijs destituta, seu naturalis; seu supernaturalis ordinis: sibi relicta, sine ope sui Conditoris ac rectoris, vt sine gubernaculo, ac gubernatore nauis in medio pelago, periclitatur; certè destituta supernaturalibus gratiæ præsidij;

quæ ad

quæ ad salutem Deumque assequendum pertinent, nihil ad eum finem moliri potest. Quapropter hæc auxilia gratiæ, non iam merito Creationis, sed Redemptionis beneficio tribuuntur, omnisque gratia deinceps, & habitum, & illustrationum piarum, vnius Christi Domini meritis est adscribenda.

Accedit, quod peccatis actualibus, quæ non exiguo numero à nobis adjiciuntur, valde imminuatur naturæ bonum, ex ijsque, ut S. Thom. asseuerat, recrudescant, & augeantur prima illa originalia vulnera. Nam quouis peccato mens & ratio valde læditur in agendis, & voluntas induratur, ad malumque quam ad bonum procliuior redditur. Crescit infirmitas, & bene agendi difficultas, sensuum & voluptatum concupiscentia vehementius exardescit. Hoc igitur naturæ corruptæ statu, valde tenuia sunt in nobis virtutum semina maiorque ad vitium, quam ad virtutem procliuitas existit. Longè vberior humiliandi nos, quam gloriandi seges, & materies: Hodieque videt Deus, *quod multa malitia est in terra, & cuncta cogitatio cordis intenta ad malum omni tempore.*

Rectè hæc Pelagio, in Stoicorum castris militanti, obijcit S. August. Ingrate, Medicus quid calumniaris, infirme? *Redime me à calumnijs hominum, & custodiam legem tuam;* Custodiam per redemptionem tuam, non per potestatem meam. Ideo mihi sanitatem, quam nondum habeo, non arrogo; quia Medicum rogo. Tu autem naturæ defensor, quod utinam non esses! non quasi sanæ defensionem falsam

“ adhiberes, sed pro nondum sanâ Medicum ro-  
“ gares; Nunc verò, tu naturæ defensor, vel  
“ potius oppugnator, dum quasi de naturâ sanâ  
“ laudas Creatorem, excludis de languidâ Salua-  
“ torem. Qui creauit, sanat, ruetem per se ipsam,  
“ leuat per se ipsum. Ipsa fides est, ipsa veritas,  
“ hoc est Christianæ Fidei fundamentum. Vnus  
“ & vnus; vnus homo, per quem ruina; alius ho-  
“ mo, per quem structura; per illum ruina, per  
“ hunc structura. Cecidit qui non mansit, erigit  
“ qui non cecidit. Ruit ille, quia dimisit manen-  
“ tem: manens ille descendit adiacentem. A  
“ primoparente Adamo deprauata, corrupta,  
“ & à recto gradu, atque ordine planè interuer-  
“ sa natura est: Ab altero, Christo, fæliciore  
“ parente, reparata, restituta, redintegrata,  
“ nec sine fænore gratiarum. Ab illo vitiatâ  
“ natura propagata: ab hoc in omnes mortales  
“ gratia deriuata. Ille primus author peccati,  
“ mortis, ac damnationis: hic salutis, vitæ, gra-  
“ tiæ gloriæque largitor, & effector. Per illum  
“ mors, & interitus; per hunc vita, salusque  
“ sempiterna. Per Adamum damnati, ac mor-  
“ tui; per Christum saluati, vt de eius meritis  
“ confido, viuemus in æternum.

CA-



## CAPVT XXII.

*Quo sensu Virtutes omnes sint  
inter se connexæ.*

**S**Toicorum hoc fuit dogma, multorumque Philosophorum; Morales virtutes prudentiæ vinculo inter se esse connexas; quod à SS. PP. receptum, & probatum est; sed certo quodam sensu, qui nihil officiat veritati, atque humilitati; qui quidem Catholicorum sensus, longè diuersus sit à Stoicorum sensu, paradoxo planè, ac rectæ rationi repugnante.

Nam imprimis, vt obseruat S. Thom. duplex afferri potest ratio connexionis virtutum; maximè Cardinalium; vt duplex affertur ratio distinctionis earum. Prior, dum sumuntur quasi quædam generales conditiones omnium virtutum, vt discretio pertineat ad Prudentiam, rectitudo ad Iustitiam, moderatio ad Temperantiam, firmitas animi ad Fortitudinem, quæ firmitas non habet laudem virtutis, si careat moderatione, & rectitudine, & discretionem. Cõsimiliter de alijs in orbem discretio seu prudentia debet esse iusta, temperata, & firma &c. Posterior, si virtutes iuxta proprias materias distinguantur, & specialem, quæ in eis elucet honestatem; in eodem tamen

men hærent subiecto : tumque ratio connexionis sumi poterit, p̄nes prudentiam : quæ si perfecta sit, secum omnes trahet, ex Aristotele : in virtutibus infusis & Christianis, p̄nes charitatem, quæ est legis complementum, vinculum perfectionis ; & cui ab eodem Apostolo genus omne virtutum attribuitur.

Sed vtraque ea perfectio, prudentiæ & charitatis, magis pertinet ad absolutam perfectionem ipsius subiecti, cui virtutes insunt, quàm ipsarummet virtutum. Hac duplici ratione virtutes dici possunt connexæ sensu Catholicorum, vti loquitur S. Hieron. participatione, non proprietate, nimirum ob generales eas condiciones, quæ reperiuntur in quaque virtute, quæ diriguntur à prudentia ; in quibus est firmitas animi, quæ respondet fortitudini ; rectitudo & æqualitas cum regula, quæ species quædam est iustitiæ ; denique moderatio & temperatio, similis temperantiæ. Deinde, quia participant idem omnes subiectum, aut eiusdem subiecti perfectione cumulantur, ac perficiuntur : nam etsi extrinseca hæc est perfectio : maior tamen est virtutis cuiusque, si fuerit in eo, in quo & ceteræ reperiuntur, absolutio, quæ habeat adiunctum præsidium ac comitatum cæterarum, quàm si sola ipsa solivaga ac solitaria existeret.

Non requirit tamen vnaquæque virtus, etiam perfecta in summo heroicoque gradu, vt mox dicetur, absolutam eam subiecti perfectionem, neque cæterarum virtutum chorum ac comitatum. Spectarunt hanc vtramque rationem SS. Patres ; præcipuè verò priorem. Hiero-



Hieronymus Critobulo obijcienti in gratiam Pelagij; Et quomodo legimus, qui vnam habuerit, omnes videtur habere virtutes? Atticum facit respondentem; Participatione, non proprietate. Necessè est, vt singuli excellant in quibusdam. Et ad Pammachium virum illustrem, ex senatore monachum, Paulæ generum, affinem Eustochij, Paulinæ maritum: Ep. 16.  
 Quatuor, inquit, virtutes describunt Stoici, ita vbi inuicem nexus & mutuo cohærentes, vt qui vnam non habuerit, omnibus careat: Prudentiam, Iustitiam, Fortitudinem, Temperantiam. Has omnes sic habetis singuli, vt tamen emineatis in singulis; Prudentia in te, in Matre Iustitia, in Virgine Fortitudo, in nuptâ Temperantia prædicatur: Quid enim eo sapientius, qui contemptâ mundi stultitiâ Christum sequutus est, Dei virtutem, & Dei sapientiam? Quid Matre iustius, quæ inter liberos opibus distributis, docuit, diuitias contemnendo, quid filij amare deberent? Quid Eustochio fortius, quæ nobilitatis portas, & arrogantiæ generis consularis virginittatis proposito fregerit, & in vrbe prima primum genus subiugauerit pudicitæ? Quid Paulinâ temperantius, quæ legens illud Apostoli: Honorabiles nuptiæ, & cubile immaculatum nec sororis felicitatem, nec matris continentiam ausa appetere, maluit in humilioribus tuta pergere, quàm pendulo gradu in superioribus fluctuare?

Vt vna domus quadrigam emitteret sanctitatis, & feminarum virtutibus responderent viri, additur comes Pammachius, verus Eze-

cherubim, cognatus, gener, maritus,  
 immo frater amantissimus, quia sancta con-  
 sortia spiritus vocabula non tenent nuptia-  
 rum. Quæ sanè perelegans S. Hieronymi ra-  
 tiocinatio, non nisi latè ac participatione vir-  
 tutes esse connexas conficit, habitâ ratione ge-  
 neralium conditionum, quæ in omni virtute  
 comperiuntur.

Ep. ad  
 Hiero.

Hanc sententiam de connexionione virtutum  
 omnibus Philosophis placuisse ait S. Augusti-  
 nus, eandemque ratione, & exemplo conatur  
 adstruere: Quia Prudentia nec ignava,  
 nec iniusta, nec intemperans esse potest:  
 si quid horum fuerit, Prudentia non erit:  
 quare Prudentia secum alias trahit. Sic & For-  
 titudo imprudens, vel intemperans, vel iniusta  
 esse non potest, &c. Exemplum affert Catili-  
 næ Romani, qui licet omnium incommodo-  
 rum esset patientissimus, vera tamen Fortitu-  
 dine præditus non erat. Nam neque prudens  
 erat ea Fortitudo: mala enim pro bonis elige-  
 bat: neque temperans: quia corruptelis sædis-  
 simis sædabatur: neque iusta: quia contra  
 patriam coniurauerat: ideo nec Fortitudo erat,  
 sed duritia: quæ, ut stultos falleret, nomen  
 Fortitudinis usurpabat.

22. moral.  
 q. 1.

D. Gregorius ostendens virtutes quodam  
 modo connexas, quodam modo non esse, ait  
 Vnaquæque enim virtus tantò minor est,  
 quanto defunt cætera. Vnaquæque virtus sine  
 alijs, aut omnino nulla est, aut imperfecta. Ut  
 de quatuor primis virtutibus loquar: Pruden-  
 tia, Temperantia, Fortitudo, atque Iustitia,  
 tantò perfectæ sunt, quanto vicissim sibimet  
 coniun-

coniunctæ: disiunctæ autem tam perfectæ esse nequeunt, quàm possunt; quia nec Prudentia vera est, quæ iusta, temperans, & fortis non est; nec perfectæ Temperantia, quæ fortis, iusta & prudens non est.

vide Eund  
in ps. 3.  
Pœnit.

Quoad posteriorem rationem; Virtutes ratione subiecti communis ac prudentiæ connexas esse docet Aristoteles: Neque id magnopere interest, an sit generalis & vnica Prudentia; an multiplex vnicuique virtuti respõdens, an sit ratio omnium agibilium in vniuersum, an tantum certi cuiusque generis rerum: nam vt plane sit perfectæ, debet esse vniuersalis, & plures amplecti partiales prudentias, quarum vnaquæque in suo genere sit perfectæ: verum ea perfectio potius est subiecti, in quo sit hæc aggregatio virtutum ac prudentiarum, vt ita dicam, aut in quo vnâ contingat prudentiam extendere se ad obiecta virtutum omnium. Non potest quidem esse electio recta sine prudentia, neque item si malè sit affectus animus ad id quod eligendum est; sed nihil est necesse aut eum rectum affectum, aut prudentiam extendere se ad omnia obiecta virtutum.

3. & 5.  
Ethicor.

De virtute Christianâ id omnino constat, non esse eam perfectam, eâ perfectione quæ à nobis magnopere sit æstimanda, valeatque ad meritum, & Deum conciliandum, nisi sit adiuncta charitati, qua velut informetur atque animetur. Est enim charitas anima, vita, forma virtutum, plenitudo legis, quæ rectam efficit, redditque voluntatem simpliciter, non tantum circa certum genus rerum agendarum; quæ so-

la sufficit ad salutem, sine quâ nulla virtus sufficit. Quare statuunt sacræ litteræ in charitate legis complementum, & ab Apostolo charitati

1. Cor. 13.

v. 4.

Tract. 87.

in Ioan.

cc

cc

Tract. 83.

cc

cc

genus omne virtutum attribuitur: *Charitas patiens est, benigna est: Charitas non amulatur, non agit perperam, non inflatur, &c.* Et præclare S. August. Merito Magister bonus dilectionem sic sæpè commendat, tanquam sola præcipienda sit, sine qua non possunt prodesse cætera bona, & quæ non potest haberi sine cæteris bonis, quibus homo efficitur bonus. Vbi est Charitas, quid est quod possit deesse? vbi autem non est, quid est quod possit prodesse? Quæ indicant Charitatem sine cæteris virtutibus non esse, saltem quoad affectum & animi præparationem; ita vt omnes, quasi in radice, existant in Charitate, quo ad dispositionem bene affectæ voluntatis, ad earum opera tempore & loco exequenda.

Vt multi arboris rami ex vna radice prodeunt, sic multæ virtutes ex vna Charitate generantur. Ita qui Charitatem habet, omnes habet in virtute, & radice; & qui charitatē amittit, omnes amittit quoad ultimam formam & perfectionem, quæ rationem meriti eis, & Christianæ virtutis, honestatem ac dignitatem, confert. Ob eam rationem S. Prosper negat, virtutes cum vitijs habitare posse, & virtutem habitare in animo vitioso. S. Bernardus connexionem hanc vocat suauissimum quendam concentum complexumque virtutum, quò fiat vt altera pendeat ex altera.

l. 3 contra

Collatorē

c. 27.

l. 3. de vit.

Contemp.

1. de conf.

ad Eug.

Serm. 1. de

Annunc.



## CAPVT XXIII.

*Virtutes ex suâ formali ratione, etiam  
perfectæ, & in Heroico gradu,  
non sunt connexæ.*

**A**Ntequam id probetur, Stoicorum sensus maximè paradoxus, plenus absurditatis & falsitatis explodendus est. Nam inde deducebant virtutes inter se cohærere, quòd omnes vnâ virtutem esse censerent, quâ in re secum ipsi pugnabant: nam quâ sunt connexæ, si non sunt plures, sed vna simplex virtus? Plures quidem vocabulis, & appellationibus: sed re ipsâ vnâ censebant virtutem, eius, quæ in animo est præstanti sima, rationis absolutiorem, aut cum ratione consentientem, & perpetuam constantiam.

Ep. 61.

Vna inducitur, ait Seneca, humanis virtutibus regula: vna enim est ratio recta, simplexque. Item, si ratio Diuina est, & nullum bonum sine ratione est: bonum autem diuinum est: nullum porro inter Diuina discrimen est: ergo nec inter bona. In eandem sententiam Apuleius: vnimodam esse virtutem, quòd bonum suapte natura adminiculo non indiget; perfectum autem cum sit, solitudine debet esse contentum.

Videri possunt Stoici stultè, ac superbè Dei  
Condito.

Conditoris vnitatem, ac simplicitatem, omniumque attributorum identitatem, in creaturam transferre voluisse; quasi commodè Diuina bona, quæ in Deo sunt indiuisa ac simplicia, participatione ipsa ac communicatione separari, ac diuidi nequuerint.

*l. de virtu.  
Moral.*

*l. de fini.*

Refert Plutarchus, Zenonem scripsisse, Prudentiam, dum suum unicuique tribuit, esse Iustitiam; dum res eligit, Temperantiam; dum tolerat, Fortitudinem. Nec refert, si quispiam dixerit eum prudentiæ nomine scientiam intelligere; cum in scientiâ virtutes collocaret; sed non rectè delectus rerum Temperantiæ tribuitur, cui voluptatum contemptus fuerat tribuendus. Itaque Tullius id rectius exequitur, & appellatione magis, quàm re ipsa, virtutes secerni demonstrat. Atque hæc coniunctio confusioque virtutum, tamen à Philosophis ratione quadam distinguitur: Nam cum sic copulatæ connexæque sint, vt omnes omnium participes sint, nec alia ab alia possit separari; tamen proprium suum cuiusque munus est, vt Fortitudo in laboribus periculisque cernatur, Temperantia in prætermittendis voluptatibus, Prudentia in delectu bonorum & malorum, Iustitia in suo cuique tribuendo.

*Ep. 91.*

Nihil agetur, ait Seneca, si ignoramus quid virtus sit: vna, an plures: separatæ, an nexæ, ac qui vnâ habet cæteras habeat. Nihil sanè egerunt Stoici, qui virtutem à sua regula, & recta ratione secernendam non viderunt; ideoque vnâ, non plures; connexas, non separatas censuerunt, ex vno errore in alium præcipientes; cum & ipsa recta ratio, prudentiaque multiplex  
consti-

constitui possit, ac debeat, pro vario genere rerum, in quo versatur.

Si cui minùs probetur, Stoicis omnes virtutes vnâ fuisse virtutem; id. certè probatur ex eorum sententiâ; Ad cuiusque virtutis actionem cæteras omnes confluere; ac vim suam conferre; quâ de re Seneca: Cùm aliquis fortiter patitur, omnibus virtutibus vititur fortasse, cum vna in promptu sit, maximeque appareat, Patientia. Cæterum illic est fortitudo; cuius Patientia, & Perpassio, & Tolerantia rami sunt (copia verborum, res eadem) Illic est Prudentia, sine qua nullum initur consilium; quæ suadet, quod effugere non possis, quam fortissimè feras. Illic est constantia, quæ deijci loco non possit. Illic est individuus ille commitatus virtutum. Quicquid honestè sit, vnâ virtus facit, sed de consilij sententiâ.

Ep. 67.

Verùm huic dicto reclamationat experientia. Non enim semper occurrunt, neque inter se connexæ sunt virtutum omnium materies, & actiones; multoquæ minùs ipsæ formales rationes virtutum, honestates ob quas exercentur, confluunt atque inter se cohærent. Non semper incidunt pericula mortis, circa quæ versetur Fortitudo, nec voluptates gustus ac tactus, quas aspernetur, aut moderetur Temperantia, potestque ipsum opus Temperantia, abstinentia, ieiunij, macerationis carnis, exerceri non temperatè, non ex amore. Temperantia, vel eius honestatis laude; sed ex Dei Charitate, aliouè sublimiori fine, ad cæleste Dei regnum promerendum.

Euenire potest, vt vir perfectus & religiosus,  
qui

qui summo studio in Humilitate, Obedientiâ, Patientiâ, Pœnitentiâ, Deuotione paranda se exerceat, nihil de Iustitia, aut Fortitudine multos menses & annos cogitet, qui nempe solitarius agat, extra omnem metum mortis ac periculorum, extraque omnem curarum tumultum; cui cum hoc mundo nihil sit omnino commercij; is nullam certè habeat occasionem exercendæ munificentix aut liberalitatis, in erogando sumptu pecuniarum, aut earum rerum, quæ pecuniâ æstimantur; cui tota cura sit, conservandæ Deo nuncupatæ paupertatis, cum rebus omnibus nuncium remiserit, vt expeditius aliarum se virtutum exercitijs impenderet.

Euenire item potest, vt obseruetur præceptum aliquod Dei, aut superiorum, neque tamen exerceatur, aut acquiratur specialis virtus obedientiæ, ex speciali fine & honestate in eo sita, quòd quis subiiciat se voluntati superioris; si seruet ex alio fine, ex amore Dei, ne Deum offendat; aut metu etiam damnationis, & pœnarum Inferni; aut spe cælestis præmij consequendi. Qua quidem ab experientia ducta non infirma, nec obscura ratione, confirmatur nostra sententia.

Sed primum ex Philosophiâ reuocandum est in memoriam, dispositionem & habitum, in prima specie qualitatis, non differre species sed dumtaxat accidentarie, pro diuerso gradu ac statu; vt tum dicatur habitus, quando difficile amoueri potest à subiecto, ob magnam intensionem, & quando magnam præbet firmitatem, & promptitudinem operandi.

Antequam



Antequam ad eum gradum attigerit, dispositio dicitur, non habitus, nec virtutis nomen obtinet.

Ad opus autem studiosum, siue virtutis, has condiciones Philosophus requirit, vt quis illud faciat sciens & eligens propter ipsum, ob honestatem virtutis, animo firmo, & stabili; quæ videntur illæ ipsæ generales supra memoratæ condiciones. Assignantur præterea tres Virtutum Moralium status; Vnus continentia, in quo passiones sunt vehementes, quibus difficile obliquitur; Alter temperantia, in quo sunt moderatæ, & in ordinem redactæ; Tertius Heroicus, in quo penitus sunt extirpatæ, & quasi sopitæ. In primo videntur dumtaxat mereri nomen dispositionis, in secundo & tertio, habitus & virtutis.

Penitus extirpari non possunt passiones, aduersus Stoicos; possunt tamen ita sopiri, vt molestiam non creent. Hoc constituto, non difficile est probatu; Virtutes, etiam perfectas, & in gradu Heroico, non esse connexas ex sua ratione formali: nam cum sint habitus, qui per proprias operationes acquiruntur, & per contrarias interrumpuntur, possitque quispiam se exercere in operationibus vnius habitus, non alterius, frequentare item actiones vni habitui contrarias, non alteri; sequitur, virtutem vnâ, etiam in statu perfecto, sine altera acquiri posse: posse item vnâ per actiones contrarias amitti, sine cæteris. Nemo enim dixerit, aut omnium virtutum actiones semper esse connexas, aut earum materias semper se offerre.

Deinde

Deinde esto, demus materias omnium virtutum, & actiones esse connexas (quod tamen dandum negat experientia) nihil est necesse, ipsas rationes formales virtutum esse connexas; nec fieri potest, ut quis ex fine, & formali ratione omnium simul virtutum, ob earum honestatem operetur; qui autem exercet opus virtutis ex amore Charitatis erga Deum, solum exercet opus Charitatis, non alterius virtutis, nisi materialiter, ut iam dixi, opus temperatum, ieiunando, sed non temperate ob honestatem ipsius Temperantiae. Cum igitur nec materiae, nec rationes formales virtutum sint connexae, neque simul omnium actiones exerceri queant, satis apparet sensu Stoicorum illas inter se non esse connexas; nec qui vnam habuerit, etiam perfectam, ceteras habere; nec qui vna caruerit, ceteris carere.

Hæc sententia Catholicorum non obscure colligitur ex Scripturis: nam Apostolus, cum de continentia loquitur, dicit: *Vnusquisque proprium donum habet ex Deo: alius quidem sic, alius verò sic.* Multi Castitate conjugali præditi sunt, non tamen integritate virginali; multi Castitatem seruant, tamen iracundi vel ebriosi. In Apocalypsi Angelo Ephesi Patientiæ virtus tribuitur, qui tamen Charitatem primam reliquerat. Ab Apostolo item agnoscitur Misericordia & Liberalitas in pauperes à Charitate seiungi posse, imò & ipse fortitudinis summus actus perpersio Martyrij.

Colligitur præterea ex SS. Patribus. Hieronymus contra Pelagian. negat in vno aliquo homine, dum in hoc mortali corpore vivitur, posse

1. Cor. 7.  
v. 7.

Bern.  
Serm. 38.  
in Canti.

Apoc. 2.  
1. Cor. 13.

Dial. 1.  
c. 7.

posse esse omnes virtutes; contrariam sententiam Philosophorum esse, non Apostolorum; nec sibi curæ quid Aristoteles, sed quid Paulus doceat; Nullum, aut rarum esse Episcopum, qui omnes habeat virtutes, quas in eo requirit Apostolus. Nec tamen, si vnum aut duo desint, iusti carebit vocabulo; Omnem enim habere virtutem eius est, qui peccatum non fecit, nec inuentus est dolus in ore eius. Ibid. c. 8.

Idem Hieronymus: Nunc Deus per partes in singulis est, in alio Iustitia, in alio Castitas, In c. 17. ad Eph. in alio Temperantia, in alio Sapientia, in alio Fortitudo; & difficile est, etiam in Sanctis viris atque perfectis, omnes pariter esse virtutes; Cum autem in fine rerum & consummatione mundi ei fuerint vniuersa subiecta, adimplebitur omnia in omnibus, vt iuxta id quod Deus est, cunctis virtutibus plenus, omnia in omnibus adimpleatur, & sint vniuersi habentes omnia, quæ ante singula singuli possidebant. ”

Augustinus ad Hieronymum, post ea dicta de connexionione virtutum, quæ iam protulimus in contrarium, versâ disputatione eam sententiam impugnat, & denique ait: Si autem (quod puto esse verius, sacrisque litteris congruentius) ita sunt animæ intentiones, vt corporis membra; profectò ita vt quisque illustratione piæ Charitatis affectus est, in alio actu magis, in alio minùs, in aliquo nihil; sic potest dici habere aliam, & aliam non habere, aliam magis, aliam minùs habere virtutem. Vna sanè virtus non est totalis hominis perfectio, sed partialis; sicut vnus Ep. 197.  
sensus

sensus in corpore animantis, non est tota eius perfectio; ut potest unus sensus sine alio haberi; ad eum modum & virtus. Cur nequeat quis esse benè affectus circa ea quæ terrent, non circa ea quæ delectant? & vice versa?

I. de patient. 26.

Docet idem S. Pater, quempiam nondum habere Continentiam, qui tamen & Patientiam habeat, & Misericordiam. In Schismatico moriente pro Fide Christi laudabilem Patientiam agnoscit, à Charitate tamen seiunctam; denique pro custodia Humilitatis, omnes Iustos relinqui obnoxios quibusdam vitijis.

Hom. 13. in Euang.

Gregorius; Aliquos Castitate præeminentes, qui necdum se per bona opera exercent; etsi neget eos Deo placere.

Sent. 7.

Prosper; Una excepta Charitate, omnes virtutes & bonis & malis esse communes.

I. 3. Inst. c. 14.

Lactantius; Reliquas virtutes, ut Fidem, Temperantiam, Probitatem, à Iustitia posse secerni. Bernardus; Magnus est qui tria vel quatuor lilia ædificare poterit in tanta densitate spinarum, & tribulorum quæ sunt germina inueterata maledictionis antiquæ; mecum verò, qui pauper sum, bene agitur, si ab hac pessima segete immaculatum tantillum terræ animæ vindicare extirpando & excolendo sufficiam, unde vnum saltem lilium producere possim. Innocentiæ, Continentiæ, Patientiæ.

Serm. 70. in Cantic. sub finem.

Dicat quispiam, non videri Temperantiam esse perfectam sine præsidio & consortio cæterarum virtutum; Exempli causa, in virgine, cuius pudicitia vel pretio, vel minus ac metu mortis expugnetur; erit ea virgo intempe-

intemperans, non quòd careat virtute Temperantiæ, sed quòd careat virtute Liberalitatis, aut Fortitudinis; magisquæ dicenda erit auara vel timida, quàm intemperans, quæ pretio vel minis, non ipsa voluptate superata, veluti repugnans flagitium admittat intemperantiæ. Respondetur, ad perfectam rationem cuiusque virtutis sat esse, vt quis promptè, firmiter ex ea, sciens atque eligens, operetur, ob ipsammet eius honestatem; quo fine non est necesse Prudentiam in omni genere rerum esse perfectam, nec se extendere ad materias aliarum virtutum. Quare in ea virgine potest esse perfecta Temperantia, tametsi præsidio Liberalitatis ac Fortitudinis destituta. Potest in ea tuendæ integritatis tam firmus intensusque affectus existere, vt vincat omnem auaritiæ & incussi metus tentationem, etsi non ex affectu Liberalitatis & Fortitudinis.

Potest ea quoque tentatio superari ex affectu Charitatis in Deum, aut metu pænarum Inferni. Neque ad perfectam rationem virtutis exigitur, vt nulla planè tentatione superari queat: etsi enim quis ad perfectissimum statum virtutis attigerit, nondum tamen in Dei gratia est confirmatus; Non negamus tamen, extrinsecam quandam virtuti perfectionem accidere ex aliarum comitatu, ac veluti quadam redundantia (vti loquitur S. Thomas) ratione subiecti, cum fuerit omnibus virtutibus cumulatam.



## CAPVT XXIV.

*Virtutes omnes non esse inter se pares;  
nec in eodem, nec in diuersis ho-  
minibus aequales.*

1.2.9.66.

**V**T paucis expediamus, sententia atque  
authoritate S. Thomæ, primùm virtu-  
tes specie differentes non esse pares, apertum  
est; quòd causa semper effectui suo potior ha-  
benda sit, & inter effectus primus ei locus  
attribuendus, qui causæ suæ propinquior  
existat. Constat autem causam, & radicem  
omnis boni in homine, rationem esse; qua-  
re moralium virtutum primam ac prin-  
cipem esse Prudentiam, quæ rationem per-  
ficit; proximum tenere locum Iustitiam,  
quæ est in voluntate; tum Fortitudinem,  
& Temperantiam, quæ sunt in appetitu,  
tum irascibili, tum concupiscibili. Inter  
Theologicas, salua fide dubitari nequit, quin  
excellat Charitas, Fide & Spe præstantior.  
*Nunc autem manent Fides, Spes, Charitas,  
tria hæc; maior autem horum est Charitas.*

Ex Ar. ist.  
Et 1.7.  
ar. 6.

1. Cor. 13.  
v. 13.

Quamuis idem sit obiectum trium virtu-  
tum Theologicarum, Deus Opt. Max. ta-  
men id propius attingit Charitas sine vlla  
imperfectione, nec respicit Deum non vi-  
sum, aut nondum habitum, sed potius  
præsentem

præsentem Deum efficit, tenet, ac completur; iuxta illud. *Qui manet in Charitate, in Deo manet, & Deus in eo.* Neque Fides & Spes causæ sunt Charitatis, nisi dispositiua & remotæ. Deus illam infundens causa est proxima, sed hæc ad Theologos. 1. Ioan. 4. v. 16.

Iam de virtutibus eiusdem speciei, sintne semper pares & æquales, uti Stoici contendebant, adhibenda distinctio est. Si ratio habeatur extensionis, cum Stoicis dicendum, eandem specie virtutem ad eadem obiecta se extendere, si perfecta sit virtus: etsi scientia, vel ars, quæ minùs propriè merentur nomen virtutis, extensione sint variæ; si verò spectetur intensio, seu ratio participantis subiecti, sic contingit virtutem esse maiorem aut minorem, siue in eodem diuersis temporibus, siue in diuersis hominibus; quoniam ad attingendum virtutis medium, quod est secundum rectam rationem, vnus est alio meliùs dispositus, aut propter maiorem assuetudinem, aut meliorem indolem & naturæ temperiem, aut perspicacius iudicium rationis, aut denique maius Diuinæ gratiæ donum, quæ ex quatuor causis præcipua semper, ac primo loco numeranda est, cum omnis virtus sit præstans Dei donum, quod vnicuique donatur, *Secundum mensuram donationis Christi*; Qua in re Stoici falsebantur opinantes neminem esse virtute præditum, nisi qui summè atque optimè dispositus foret ad virtutem; quæ non id exigat, ut medium virtutis attingatur in

Ex Arist.  
Ethi. 2.

puncto quodam indiuisibili, cum sufficiat ad id propinquasse ac prope accessisse; Tum & idem indiuisibile signum vnus promptitudo & propinquiùs attingit quàm alius, quod vtrumque promptitudinis & propinquitatis discrimen in sagittarijs, qui ad certum scopum iaculantur, apparet.

6. de Trin.  
c. 4.

Ex SS. Patribus videri possunt aliqui ad Stoicorum dogma nonnihil accessisse, dum in eodem homine virtutes omnes pares & æquales asseruerunt. S. Augustinus connexioni virtutum æqualitatem adiungit; vt quicumque sunt æquales Fortitudine, sint etiam æquales Prudentiâ; &c. si enim illum præstare dixeris Prudentiâ, sequitur vt Fortitudo huius sit minus prudens, ac proinde non sint æquales Fortitudine.

Rom. vlt.  
super Eze.

Gregorius ad illud: Et mensus est atrium: Fidem, Spem, Charitatem, atque operationem, quamdiu in hac vita viuimus, æquales sibi esse apud nosmetipsos inuenimus. Nam & in quantum credimus, tantum amamus; & quantum amamus, tantum de Spe præsumimus. Inf. Vnusquisque, qui in hoc vitæ exercitio versatur, tantum credit, quantum sperat, & amat; & tantum operatur, quantum credit, sperat, & amat. Mox idem de quatuor principalibus asserit, quas ita in quadro positas esse vult, vt vna aliam non excedat: Vnusquisque tantum prudens est, in quantum temperans, & iustus tantum, quantum prudens, &c.

Verùm quid voluerint hi SS. PP. optimè



mè explicat Sanctus Thomas; Virtutes esse æquales æqualitate quadam proportionis, vt digiti manus sunt quidem inæquales quantitate inter se, sed æquales proportionē; quia crescunt & augentur æqualiter. Ita autem sentiendum de virtutum æqualitate, vt de connexionē; primum esse æquales secundum quatuor conditiones, quæ generatim in omni virtute reperiuntur; quam rationem spectauit S. Augustinus: Deinde esse æquales in eadem radice Prudentiæ, aut Charitatis; vt quanta est Prudentia, tantæ sint morales reliquæ, quæ à Prudentiæ regula pendent; quanta est Charitas, tantæ sint infusæ & Christianæ virtutes; vtq; crescit radix & causa, ita & reliquæ crescant, quæ sunt velut rami ac effectus inde producti. Non quod vna virtus secundum speciem suam, & proprii obiecti rationem non sit dignior & præstantior alterâ, sed quod in radice Prudentiæ & Charitatis, proportionē quadam crescant æqualiter.

Non dubitauit S. Augustin. de bono coniugij, Patriarchas secundum eas virtutes, quas in opere non habuerunt, sed habitu solo & affectu, comparare cum eis, qui eas opere exercuerunt; vt cum Ioannis Virginitate atque Integritate, Continentiam Abrahamæ maritalem. Et sanè potest in quibusdam coniugatis æquè, aut magis etiam intensus amor atque affectus Pudicitæ reperiri, atque in quibusdam Virginibus, quas proinde idem Sanctus

Augustin. toto libro de Virgin. ad humilitatem cohortatur.

In diuersis hominibus iuxta hanc posteriorem rationem & radicem Prudentiæ aut Charitatis, non semper æquales esse virtutes apertum est; cum nec Prudentia, nec Charitas in ijs sit æqualis. In eodem secundum propriam obiecti rationem non esse æquales, docet experientia & ratio: Nam plerisque videmus promptius & delectabilius exercere actum vnius virtutis, quam alterius; nec mirum, quia virtus vt acquiritur, ita augetur atque intenditur actuum frequentia. At contingit à quopiam magis repeti, ac frequentari actus vnius virtutis, quam alterius. Hinc litterę sacrę, atque historię alios præ alijs, Sanctos commendant à certis virtutibus, vt Abraham & Sanctum Petrum ab eximiâ Fide, Ioseph & Sanctum Ioannem à Pudicitia & Castitate, Iob & Tobiam à Patientiâ, Moysen & Daniele à Mansuetudine. Sic in Martyribus animi Fortitudo, in Virginibus Castimonia, in quibusdam Confessoribus deuotio atque humilitas, in alijs alię virtutes excellent: & de quolibet Sancto canit Ecclesia: Non est inuentus similis illi, qui conseruaret legem Altissimi, ob specialem aliquem eius obseruandę modum, & virtutis alicuius excellentiam ac prærogatiuam.

1. contra  
Pelag. 7.

Critobulo apud Hieronymum interroganti; Et quomodo legimus, qui vnā habuerit, omnes habere virtutes? Respondet Atticus, vt ante citauimus: participatione,  
non

non proprietate. Necesse est vt singuli excellant in quibusdam, si totum requiris ab omnibus, tollis rerum diuersitates, & gratiarum distantiam, & Creatoris Artificis Maiestatem. Demonstrat iam supra Timothei discipuli Iustitiam non esse parem & componendam cum Apostoli Magistri eius Iustitia, qui plus omnibus laborauit &c.

Maneat itaque SS. Patrum ratione atque authoritate profligatum hoc quoque dogma Stoicorum.





## CAPVT XXV.

*Vitia omnia nec sunt connexa  
inter se, nec paria.*

**F**Vit hic quoque Stoicorum maximè delirius error, quo ex virtutum connexion ac paritate colligebant, & vitia item connexa inter se, & paria esse oportere. Sed longè alia est ratio vitiorum, ac virtutum: Nam quoad connexionem rectè obseruat S. Augustinus, non esse consequens, si connexæ sint virtutes, vt & vitia connectantur: Neque enim vnum aliquod vitium cætera omnia consequitur, aut antecedit, quo colliguntur.

Ep. ad  
Hiero.

l. con-  
tra Dona-  
tist. 20.

Iam quidem dictum est, Virtutes ex sua ratione formali ac specie non esse connexas; Si connexæ dicantur participatione, non proprietate, quodd in ijs illæ quatuor generales conditiones reperiantur quatuor cardinalibus respondentes, aut quodd in vndeque perfecta Prudentia aut Charitate tanquam in radice colliguntur, quæ colligatio extrinseca est, ex subiecti, cui insunt, perfectione; At verò nullum eiusmodi, vinculum potest excogitari, in quò vitia coniungantur, nisi in omnimoda imprudentia, & amore sui proprio, seu praua cupiditate. Sed hoc est discrimen, quod Prudentia & amor

Dei

Dei colligat ac congreget hominis affectus,  
& à multis ducat in vnum: At amor sui disgre-  
get affectum hominis in diuersa, prout quis se  
amans pro vario mentis errore, diuersa ap-  
petit temporalia bona. Alioquin non incom-  
modè amor Dei, radix virtutum; Amor sui,  
vitiolorum, diceretur.

S. Aug. 14.  
de Ciuit.  
Dei.

Quod obijeere quis possit, D. Gregorium  
asserere superbiam esse omnium malorum ra-  
dicem, & 7. alia vitia ad se trahere, cuius  
animum semel occupauerit; intelligat id  
non semper, neque necessariò, sed frequenter  
euenire, quod vnum peccatum disponat ad  
aliud. Neque superbia radix esse potest Pu-  
fillanimitatis, quæ ei opposita est, sed ple-  
rumque 7. Capitalium. Quò pertinet quod  
iam dictum ex S. Thoma: Amorem Dei, quo  
nascuntur & conseruantur virtutes, esse con-  
gregatiuum, & à multis tendere ad vnum;  
Amorem sui disgregatiuum, & ab vno in  
multa dispergi.

Greg.  
1. mor.

Constat vitia inter se esse contraria, quare  
nec se compati. Extat pulcherrimus sermo  
S. Augustini, de Auaritia & Luxuria, pu-  
gnantibus inter se Dominis, cuius fragmen-  
tum intexendum hoc loco putauì, vt & illud  
appareat, quàm sit amor sui, parens vitio-  
rum, disgregatiuus, vt amor Dei est con-  
gregatiuus; vt hic vnit & congregat, ita  
ille diuidit ac dissipat. Aliquando duæ  
Domine occupant cor, & seruum malum  
dignum seruire talibus in diuersa discindunt.  
Auaritia dicit: Serua; Luxuria dicit: Eroga;  
sub duabus Dominis diuersa iubentibus, di-  
uersa

Serm. 49.  
de diuer.

“ uersa exigentibus, quid facturuses? Habent  
 “ allocutiones suas ambæ. Et quando ceperis  
 “ nolle obtemperare, & in libertatem tuam ire,  
 “ quia iubere non possunt, blandiuntur. Et  
 “ plus sunt cauenda earum blandimenta, quàm  
 “ iussa. Quid dicit Auaritia? Serua tibi, serua  
 “ filijs tuis; si egebis, nemo tibi dabit. Noli ad  
 “ tempus viuere, consule tibi in futurum. Con-  
 “ tra Luxuria: Viue cum uiuis, fac bene cum  
 “ anima tua, moriturus es quando nescis, cui  
 “ relicturus, an sit possessurus ignoras. Tu de-  
 “ mis & subtrahis gutturi tuo, ille fortè cum  
 “ mortuus fueris calicem super te non ponet,  
 “ aut si fortè calicem ponet, ipse inebriabitur,  
 “ ad te nulla stilla descendet. Fac ergo bene cum  
 “ anima tua quando potes, cum potes. Aliud  
 “ iubebat Auaritia; Serua tibi, consule tibi in  
 “ posterum. Aliud Luxuria; Eroga, fac cum  
 “ anima tua benè. Tædeat te, ô liber, in liber-  
 “ tatem vocate, tædeat te talium dominarum  
 “ seruitus: Agnosce Redemptorem tuum, Ma-  
 “ numissorem tuum; Procedat Dominus tuus  
 “ eadem dicturus, contraria non dicturus. Re-  
 “ demptor tuus faciliora iubet, contraria non  
 “ iubet: Serua tibi, sed quo loco habebis, the-  
 “ saurum in Cælo, ubi fur non accedit, neque  
 “ tinea corrumpit. Consule in posterum, in  
 “ quantum posterum? in dies paucos & incer-  
 “ tos? homini fortassis, nec victuro crastino?  
 “ Ad vnum Deum, & ad vnâ æternitatem  
 “ omnia virtutum officia referenda. At vitia  
 “ cum auertunt à Deo, in varias animum crea-  
 “ turas dispergunt, & pugnantibus inter se  
 “ cupiditatibus dissecant, & dispertiuntur.

Quamuis

Quamuis id sit commune omnibus vitijs & eccatis, quod per ea recedatur à regula rectæ actionis, & mens auertatur ab amore summi boni; non tamen fit accessio & conuersio ad unum aliquod bonum creatum, sed ad diuersa, nullam connexionem habentia, imò inter se contraria & pugnancia.

Locus ille: *Quicumque autem totam legem seruauerit, offendat autem in vno, factus est omni reus*: Exponitur à S. Thoma, ratione conuersionis à Deo legislatore, non conuersionis ad commutabilia bona; optimè à S. Augustino, ratione Charitatis, quæ est vinculum perfectionis, & initium totius Legis obseruantia. Iacob. 2.  
10.

Notat Burgenfis hunc fuisse Phariseorum errorem; non damnari eum, qui maiori ex parte Legem seruasset; cum in omnibus opera bona malis permixta comperiantur, saluandos eos, qui maiorem haberent cumulum bonorum operum. Aduersus hunc errorem docet S. Iacobus, cum omniino puniendum, qui in vno deliquerit, factum esse reum totius legis, quia totam obseruare tenebatur. Qui enim dixit: Non mæchaberis, dixit & non furaberis. Cum idem sit Legislator, æquè eius omnia præcepta sunt obseruanda, æquè violatur eius maiestas in vnius, atque alterius præcepti transgressione; non quòd omnia transgredi, ac violare sit necesse. Iam quoad paritatem ac æqualitatem vitiorum, Tullius, Serm. 61.  
de temp. Parado. 3. peccata esse æqualia, sic ratiocinatur: Quod si virtutes pares sunt inter se, paria etiam esse vitia necesse est. Atqui pares esse virtutes,

tes, nec bono viro meliorem, nec temperante temperantiorē, nec forti fortiorē, nec sapienti sapientiorē posse fieri, facillimè potest perspicì. Nos verò negamus id perspicì posse; cum demonstratum sit virtutes esse inæquales, si spectetur earum formalis ex obiecto ratio ac species. Sed esto, virtutes sint pares & æquales, non sequitur id de vitijs, vt ostendit S. Augustinus, quia vbi nulla virtus, ibi nihil rectum; nec tamen non prauo prauius, distorto distortius est: Potest enim à recto plus minusve recedi, sicut in lineis, ita in actionibus; quâ similitudine utebantur Stoici, plenius in Paradoxis libri sequentis refellendi.

Siue dicatur malitia vitij consistere in priuatione rectitudinis, & bonitatis oppositæ virtutis; siue in positivâ disconuenientiâ cum rectâ ratione, & oppositione cum lege Diuina, aut honestate virtutis; haud difficulter explicatur, quæ ratione peccata sint inæqualia, quæ priuant diuersis formis & rectitudinibus, seu honestatibus virtutum, aut inæqualiter, in æquali modo, vel inæquali ex causa magis repugnante; quæ omnes conditiones etsi in priuationibus Physicis non æstimentur, tamen plurimum valere, & momenti habere debent in priuationibus moralibus.

S. Thom. ait peccata esse similia priuationibus in fieri, & non in facto esse; similia esse morbis & ægrotudinibus, non morti, quæ est consummata priuatio vitæ. Verùm hæc ipsa priuatio vitæ, si in genere moris spectetur, magnam habet latitudinem, & variè potest æstimari:



**æstimari:** Non enim omnis mors eiusdem est generis & modi; sic, esto peccatum læthale ut consummata priuatio gratiæ, in qua nihil remaneat oppositę formę ac rectitudinis; tamen non semper eadem est indiuisibilis forma, aut non semper æque eodemve modo tollitur, nec ab eadem causâ, morali quadam æstimatione spectatâ.

Si spectemus oppositionem cum rectâ ratione, aut Diuina Lege, apertius constet eam esse maiorem in quibusdam peccatis, quàm in alijs; & tametsi omnia peccata auertant à Deo, tamen quædam grauius eius Maiestatem offendunt, per quæ nempe magis à Deo receditur, magis eius lex, voluntas, auctoritas negligitur atque despicitur. Vniuersim imparitas hæc vitiorum ac peccatorum, siue in eodem, siue in diuersis hominibus, variè æstimatur: ex obiecto, propensione maiore vel minore, causâ, persona, loco, tempore, modo, alijs circumstantijs.

Sententia Stoicorum damnata pridem est in Iouiniano Hæresiarcha, aduersum quem librum edidit S. Hieronymus. Scripsit item aduersus eundem S. Augustinus. Præter alia testimonia, proferri potest aduersus Iouinianum illud Apostoli: *Audite inter vos fornicatio, & talis fornicatio, qualis nec inter Gentes;* tam nefaria & inaudita. Et illud Domini ad Pilatum: *Qui me tradidit tibi, maius peccatum habet;* Siue quia non ignorarit me sponte obtulisse passioni & morti; siue quia non contentus priuatim occidere, maiore cum infamia per potestatem publicam voluerit è medio

I. de Hære.  
contra  
mend.  
Ep. 15.  
1. Cor. 5. 2

Io. 19. 11.

dio tolli; siue quod ex odio & inuidia maiore Iudei summa contentione, propemodum ab inuito Præsidi damnationem extorserint.

4 Metaph.  
c. 4. tc. 18.

Quod obijciunt Stoici; Verum vero verius esse non posse, nec falsum falso falsius, negatur ab Aristotele; neque enim paria sunt duo & tria, nec æquè falsum dixit is qui quatuor quinque esse putabat, atque is qui mille. Spectanda maior minerve oppositio cum veritate, & tametsi nihil remaneat veritatis in quouis mendacio, manet quædam assimilatio velut vmbra veritatis, quare magis verum dicit &c. Idem de virtutibus docet; audaciam habere similitudinem cum fortitudine, insensibilitatem cum temperantia. Est hæc quoque priuatio moralis, in qua non æquè, non omni modo, non ab eadem causa, non eisdem circumstantijs (quarum omnium moralis quædam æstimatio est) forma semper tollitur, quin amplius etiam auferri queat. Sed plenius hæc in paradoxis.

1. Eth. c. 8.

CAPVT



## CAPVT XXVI.

*Virtutes Stoicorum fuisse superba vitia, ex mente S. Augustini.*

X pluribus S. Augustini locis duos tresve producam, e quibus eius mens ac sententia non obscure colligatur. libro 5. de Ciuit. d. o. (cuius titulus est: Tam turpiter seruire virtutes Humanæ Gloriæ, quam corporis Votati) cum meminisset eius tabulæ, quam picureis pudendam Stoici depingere confitent, cuius & meminit Tullius; Voluptati impe, veluti Reginæ pulcherrimo vestitu & natu in regali folio confidenti, præsto esset virtutes vt ancillulas, quæ nihil aliud agerent, illum suum officium ducerent, nisi vt Voluptati ministrarent; Demonstrat eam tabulam vicis quoque parem pudorem injicere debere, similem, nec satis debiti decoris esse piram, si talis fingatur, vt Virtutes Humanæ Gloriæ seruiant: licet enim delicata munus non sit, inflata tamen est, & multum habet inanitatis. Vnde non ei dignè seruit fortitudo quædam firmitasque Virtutum; vt non provideat Prudentia, nihil distribuat Iustitia, nihil toleret Fortitudo, nihil Temperantia moderetur, nisi vt placeatur hominibus ventosæ Gloriæ seruiatur.

Quem-

l. 5. de  
Ciuit. 20.

Quemadmodum igitur Epicureorum virtutes, non sunt veræ virtutes, nec eo nomine dignæ, quod ad voluptatem referantur, illique turpiter inseruiant; ita & Stoicorum virtutes inanes sunt ac falsæ, quod ad Humanam Gloriam referantur, Deumque sibi scopum præfixum non habeant, ex S. Aug. sententia. Nec illi, inquit, se ab ista defenderint fæditate, qui cum aliena spernant iudicia, velut gloriæ contemptores, sibi sapientes videntur, & sibi placent: Nam eorum virtus, si tamen vlla est, alio quidem modo humanæ subditur laudi. Neque enim ipse, qui sibi placet homo non est. Nisi igitur in Deum referantur virtutes, si se ipsas aut hominem, cui insunt, spectent, vanæ sunt ac superbæ, virtutis laude ac nomine minimè dignæ.

Item 19. de Ciuitate 25. cuius titulus est. Quod non possint ibi veræ esse virtutes, vbi non est vera Religio. Quamlibet enim videatur animus corpori, & ratio vitijs laudabiliter imperare; si tamen Deo animus, & ratio ipsa non seruit, sicuti sibi seruiendum esse ipse Deus præcepit, nullo modo corpori vitijsque rectè imperat. Nam qualis corporis atque vitiorum potest esse mens Domina, veri Dei nescia, nec eius imperio subiugata, sed vitiosissimis dæmonibus corrumpentibus prostituta. Proinde virtutes, quas sibi habere videtur, per quas imperat corpori & vitijs ad quodlibet adipiscendum, vel tenendum, nisi ad Deum retulerit, etiam ipsa vitia sunt potius, quàm virtutes. Nam licet à quibusdam ex verè & honestè putantur esse virtutes, cum ad

ad se ipsas referuntur, nec propter aliud  
petuntur, etiam tunc inflatæ ac superbe  
sunt, & ideo non virtutes, sed vitia iudicanda  
sunt, sicut enim non est à carne, sed supra car-  
nem quod carnem facit viuere; sic non est  
à homine, sed supra hominem quod homi-  
nem facit beatè viuere; nec solum hominem,  
sed etiam quamlibet potestatem, virtutem  
re cælestem,

Et Contra Iulian. Noueris, inquit, non  
fictiis, sed finibus à vitiis discernendas esse  
virtutes; officium est autem, quod facien-  
tum est: finis autem, propter quem facien-  
tum est. Cum itaque facit homo aliquid vbi  
cari non videtur, si non propter hoc fa-  
cit, propter quod facere debet, peccare  
iudicatur. Et post nonnulla, de veris &  
fictis virtutibus: Quicquid autem boni fit  
à homine, & non propter hoc fit, propter  
quod fieri debere vera Sapientia præcipit,  
officio videatur bonum, ipso non recto  
peccatum est.

Prosper. Omnis infidelium vita, pecca-  
tum est, & nihil est bonum sine summo bo-  
no. Vbi enim deest agnitio æternæ & incom-  
mutabilis veritatis, falsa virtus est, etiam in  
ceteris moribus: Quæ verba repetit in ti-  
tulo & carmine de ingratis: Omne etenim  
bonum opus, si semine veræ Iustitiæ careat  
vitiosum est.

Sunt qui S. Augustinum feruore disputa-  
tis abreptum longius processisse existi-  
munt, & nullam sine Fide, Spe, Charitate  
in virtutem agnouisse, adeoque infide-  
lium

hum omnia opera existimasse peccata, quod à fide non dirigerentur in suum finem: nulla autem agnouisse opera indifferentia. Fides intentionem dirigit: intentio bonum opus facit, ut ostendit præfatione in psalmum 31. Consequens igitur est ubi fides non est, nullum sit opus bonum. Verum obseruandum est ex citatis locis, & serm. 13. de verbis Apostoli S. Augustinum in Stoicos potissimum inuehi, & eos reprehendere, quod ad seipsos virtutum officia referrent, & virtutes seipsis contentas esse, secluso omni alio fine, per se expetendas, idque principaliter ut in eis amor fisteret ac defigeretur, quo sensu verissimè sanè dixit superbas esse & inflatas, vitia esse non virtutes, cum ad seipsas referuntur; quia Stoici in ipsis virtutibus extremi finis & summi boni rationem collocabant, Deum earum Authorem ac finem secludentes. Ut à seipsis se habere virtutes opinabantur, & non à Deo; ita in seipsos, non in Deum eas referebant, qui sanè pessimus finis non poterat non vitare virtutum officia; quamuis exterius viderentur fieri ob honestatem ipsarum; tamen reipsa fiebant ob suimet amorem immoderatum, ac vitiosum.

Nemo negauerit Epicureorum, & Stoicorum opera omnia esse peruersa, dum ex eo fine extremo, quem sibi propositum habebant, efficerentur; Cum Deum non agnoscerent, eumque à ratione finis ultimi secluderent; in seipsis eum collocantes, & aut corporis voluptatem, aut suimet complacentiam, & inanem confidentiam ex eis aucupantes, nihil honesti

neſti poterant operis agere, quod non eo-  
uerſo fine contaminaretur.

Sed quemadmodum Chriſtiani, qui Deum  
i finem vltimum ſtatuertunt, non neceſſario  
operin eum omnia ſua referunt opera, ſed  
indè ac quandoq; ita non eſt neceſſe Stoi-  
ſemper in omnibus operibus diſciplinæ ſuæ  
extremum ſibi propoſuiſſe, ſed plerum-  
, & vt in plurimis veritatem haber.

Deinde S. Auguſtinus ſæpè citans illud Apo-  
i: *Omne quod non eſt ex fide, peccatum eſt;* Rom. 14  
per fidem verosimilius intelligitur dicta-  
conſcientiæ, è contrario intelligere vide-  
infidelitatem, vt ex negatione oppoſita  
matio intelligatur, eâ figurâ, quam Græci  
oten appellant, quomodo & Saul dicitur  
xiſſe Dauidem non rectis oculis, vt illud  
tur non ex fide fieri, quod non eâ fit in-  
tione, quam fides dirigat, aut dirigere poſ-  
ſed quam dirigat infidelitas, aut cupiditas:  
uliano interroganti, ſi Gentilis nudum  
uerit, nunquid quia non eſt ex fide, pec-  
m eſt? reſpondet prorsus, in quantum non  
x fide, peccatum eſt; Cuius poſtea ſenſum  
icans, ait: Ipſorum igitur ſunt peccata,  
us & bona & mala fiunt, quia ea non fi-  
, ſed infideli, id eſt, ſtultâ & noxiâ faciunt  
intate, id eſt, malâ intentione, quam recta  
s dirigere nequit.

dem igitur eſt apud Auguſt. opus factum  
recto fine, quod factum prauo & peruer-  
q; infidelium opera ſunt peccata, quæ in-  
itate, & dominante cupiditate detorquen-  
ad peruerſum finem. Bonum eſt, inquit,

aduersus Iulian. vt subueniatur pauperi periclitanti, præfertim innocenti, sed ille qui hoc facit, si amando gloriam hominum magis quam Dei facit, non bene facit; quia non bonus facit; quia non bona voluntate facit. Ablit enim vt dicatur, vel sit bona voluntas, quæ in alijs, vel in seipsâ, & non in Domino gloriatur.

21. de Ci.  
c. 16.

Quod si quandoque charitatem quoque requirit, aut fidem, quæ per charitatem operatur; vt cum vult tentationum victoriam non esse Deo adscribendam, nisi quæ cum Dei amore obtinetur; per Dei amorem & charitatem intelligit amorem virtutis ob suam honestatem; siue, vt aliàs loquitur amorem ac delectationem iustitiæ, vnde id opus referatur in Deum, non actuali semper, & expressa voluntate, sed ex natura operis ipsius quod Deo gratum est, & acceptum: idque sic explicat, contra Iulian. Quod cum facimus (cum toleramus aduersa ad sapientiam acquirendam) idèò veras virtutes habemus, quia verum est propter quod facimus, id est, quia hoc est naturæ nostræ consentaneum, ad salutem & veram sælicitatem. Non enim absurdè virtus ab eis definita est, qui dixerunt: Virtus est animi habitus naturæ modo, atque rationi consentaneus.

Cum deinde negat veras esse virtutes, quæ prodesse non possunt ad consequendam veram beatitudinem, intelligit de ijs, quæ non modò non prosunt actu ob infidelitatem, aut obicem peccati, sed quæ prodesse omnino non possint, eo quod sint vitiosæ, oculo peruersæ



ersæ intentionis obtenebratæ. An placet  
 bi vt veras virtutes auarorum esse dica-  
 us, cum lucrorum vias prudenter excogi-  
 it, cum pro acquirenda pecunia sæua  
 que aspera mala fortiter tolerant? Hoc  
 dem igitur sensu negat Stoicorum virtu-  
 veras esse, vt quæ sint superbæ & in-  
 tæ, & ad se ipsas referantur.

Non opinatur tamen, Stoicos necessariò  
 nes suas actiones referre in illud, quod  
 summe diligendum proposuerint. Vt  
 ti non omnes suas actiones semper in Deum  
 igitur, & quandoque in eis concupiscen-  
 suscitatur quosdam motus voluntatis, qui  
 a referantur in Deum vt finem vltimum,  
 referri non possint, sic & in Infidelibus  
 uralis instinctus in bonum, elicit quas-  
 a actiones, quæ non diriguntur in pra-  
 n finem, sed generatim in amorem boni,  
 ue honesti; ac proinde formari possunt  
 fidem & charitatem, si summum bonum  
 noscatur & diligatur.

Ang. l. de  
 spirit. &  
 litt. 28.

Quemadmodum non ita tenebris igno-  
 tiæ extinctum est lumen mentis huma-  
 , quin de multis rebus rectè saneque  
 licet; ita non tanta luce ac labe vitiorum  
 ecta est, & sædata voluntas, vt omnis  
 nesti scintilla boni, & laudabilis affectus  
 incta sit, ac non interdum, licet inter  
 mmera vitæ huius vitia, sese prodat at-  
 e exerat per actiones quasdam laude di-  
 as.

Quamobrem aduersus Iulianum, mode-  
 M ; rans

rans disputationem suam Sanctus Augusti-  
nus ; Quoniam , inquit , saltem concedis  
opera infidelium , quæ tibi videntur , bona,  
non tamen eos ad salutem sempiternam re-  
gnumque perducere ; scito nos dicere , illud  
bonum sine Dei gratia per Christum , ne-  
mini posse conferri , per quod solum homo  
potest ad æternum Dei donum regnumque  
perduci , sed eam rem iam agamus.



CA:



## CAPVT XXVII.

*nec vitia posse vitari, nec virtutes  
acquiri & exerceri sine auxilio  
Gratia Dei.*

Res gradus humilitatis colligunt nonnulli ex triplici capite, quo deducunt re nos Diuino præsidio, seu in vitijs efficiendis, seu in virtutibus consecrandis; primum, quod homines simus rationis compotes, nihilo conditi; deinde, quod ex Adamo ura peccato vitiata progeniti; denique, quod euecti ad finem supernaturalem ordinis uini, ad quem non nisi per media eiusdem linis attingere possumus.

Ex hoc postremo duplici capite egemus gratia Christi, meritis eius indulta, per quem instaurata natura, & ad eundem finem, quem primitus creata fuerat, restituta. primo capite egemus, concursu causæ primæ, sine qua nihil omnibus animi corporis, & viribus exequi possumus; & fortè adtiones bonas ordinis quoque naturalis, cuius quædam excitatio Diuina requiratur; <sup>Ep. ad Cref.</sup> ò referri potest S. Hieronymi responsio iijcienti Pelagiano; si volueris curuare digitum, mouere manum, sedere, stare, amulare, semper mihi auxilium Dei necessarium

1. Cor.  
10. 31.

rium erit ? Audi ingratus, imo sacrilege, Apostolum prædicantem ; *Sine manducatis, sine bibitis, sine quid aliud facitis, omnia in nomine Domini facite*. Si hæc negas, ingratus es benefactori tuo, & sacrilegus contra eum, qui ea nobis reuelavit; sin autem admittis, non potes gloriari de tuis operibus, quasi à te solo sint, sine Dei auxilio; sed potius, iuxta Pauli sententiam, siue comedas, siue bibas, siue quidpiam aliud agas, omnia debes in Dei gloriam facere, gratias illi agens, quod ad ea peragenda tibi auxilium præstat. Tibi quidem potes & debes peccatum attribuere, quia Dei auxilio abuteris. Verissimaque est sententia Creatoris; *Perditio tua ex te Israel tantummodo in me auxilium tuum*.

Os. 13. 3.

Sed nihil necesse est disputationem de auxilijs gratiæ nos ingredi, summam dumtaxat propositiones aliquot ab eruditioribus Theologis maximè probatas colligam, quæ fundamenta sint & humilitatis Christianæ in animis nostris altius iaciendæ, & falsitatis Stoicorum apertius coarguendæ.

PROPOSITIO PRIMA sit. Sine gratiâ Dei, quæ per Christum nobis communicatur, eius meritorum intuitu, nemo potest seruare omnia præcepta legis naturæ, ne quidem quoad substantiam operum, multò minùs præcepta supernaturalia, aut naturalia quoad modum, quo ordinantur ad vitam æternam. Esto possit aliqua quoad substantiam operum naturæ, aut omnia ad breue tempus, nulla præsertim urgente tentatione; sed diu non potest omnia, etiam in ordine ad finem naturalem. Nam hæc fuit

t hæresis Pelagij. Posse hominem sine gratia Dei seruare omnia mandata legis, vt refert August. hæresi 88. quæ est Pelagij. Et colligitur ex epistola Pelagij ad Demetriadem, sò adscripta Hieronymo vltimo eius tomò: r naturam posse omnia virtutum bona in omnibus esse: quodque in quibusdam fuerint, id per legem naturæ placuerint Deo omnes fieri, quotquot vixerunt ab Adam vsque ad oysen &c. Fundamentum aperit, bonum naturæ integrum in quoque homine remanere, nec liberum arbitrium primi Parentis peccato læsum, aut mutatum; ex cuius falsitate fundamenti corrui error Pelagij, & stabilita manet veritas assertionis Catholicæ.

Plenius tractat hoc argumentum ad Romanis Apostolus, & concludit, omnes Iudæos Græcos esse sub peccato &c. Et capite trauo: *Lex spiritus vita in Christo Iesu liberat e à lege peccati, & mortis. Nam quod impossibile erat legi, in quo infirmabatur per carnem: eus filium suum &c.* Rom. 8. 1. Non solum ostendit impossibilem esse legis impletionem sine gratiâ Christi Redemptoris, sed huius impossibilitatis causam aperit, carnis infirmitatem, naturæ nostræ corruptionem, prauæ concupiscentiæ rebellionem, quæ nisi auxilio Christi coërceatur, & in ordinem redigatur, rationem in suas partes pertrahere consuevit. Quo pertinent & quæ tradit ad Gal. 3. & deinceps: Quales sint homines absque gratiâ Christi, etiam qui sine querelâ, & honestè conuerari videbantur in lege, habemus epistolâ ad Titum. *Etiam enim aliquando, & nos insipientes,* Tit. 3. 5.

pientes increduli, errantes seruientes desiderijs,  
& voluptatibus varijs. in malitiâ, & inuidiâ  
agentes, odibiles, odientes inuicem. Non nomi-  
nat furtum homicidium, cætera crimina lege  
prohibita.

can. 5.

Accedit authoritas Concil. Mileuitani.  
*Quicumque dixerit ideo nobis gratiam iustifica-  
tionis dari, ut quod facere per liberum valemus  
arbitrium, facilius implere possimus per gratiam,  
tquam etsi ea gratia non daretur, non quidem  
facile, sed tamen etiam possemus sine illa implere  
Diuina mandata, anathema sit.*

Et epistolâ ad Innocentium numero 95.  
inter epistolas S. August. testantur PP. ita  
peccato primi hominis extenuatum esse libe-  
rum arbitrium, ut non possit legem implere  
nisi gratiâ Dei adiuuetur. Vide & Araus. can.  
vlt.

PROPOSITIO SECUNDA. Et si viribus natu-  
ræ quis possit aliquomodo Deum diligere, ut  
Authorem naturæ, & finem vltimum natu-  
ralem; non potest tamen super omnia, ex  
toto corde, etiam ut Authorem naturæ,  
multò minùs ut finem supernaturalem.

Dixi aliquomodo dilectione inefficaci;  
non tamen absolutâ, & efficaci; qua quis  
statuat omnibus Dei præceptis obedire, cul-  
tumque Dei rebus omnibus anteferre, quæ  
sola dilectionis nomen meretur. Ita sunt acci-  
sæ vires naturæ peccato primi Parentis, ac  
debilitatum liberum arbitrium, ut nullus iam  
Deum diligere possit, sicut oportet, nisi gra-  
tiâ eius & misericordiâ præuentus ut habet  
vlt. can. Araus. vbi generatim de quocumque  
opere

herenegat, id à nobis fieri posse sicut oportet, sine inspiratione Spiritus Sancti, multo magis de dilectionis Dei super omnia, omnium præstantissimo pernegaret.

Conc. Mileuitanum. *Verumque Dei do-* can. 4.  
*um est, ut scire quid facere debeamus & diligere*  
*faciamus* Trid. sess. 6. cap. 6. Hominem  
 Deo motum & excitatum eodem adiuuante  
 incipere Deum diligere, quæ dilectio est à  
 Christi, quia pertinet ad salutem ve-  
 ti pietatis inchoatio; Can. 3. *Anathema sit,*  
*si dixerit sine præueniente Spiritus sancti inspi-*  
*ratione, atque eius adiutorio, hominem diligere*  
*Deum posse sicut oportet*; At qui diligit super  
 omnia, diligit sicut oportet, ex toto corde, ut  
 dicitur primum & maximum mandatum. Ita-  
 ue videtur hic actus esse supernaturalis, non  
 ex solâ ratione formali obiecti; verum etiam  
 ex modo, quod sit super omnia, ex toto corde; Ep. ad  
 Vita 107.  
 cuius modus videtur excedere vires naturæ cor-  
 ruptæ. Sic August. liberum arbitrium ad  
 diligendum Deum primi peccati granditate  
 erididimus. Et alio loco si non ex Deo, sed ex  
 nobis est dilectio Dei, & proximi, vicerunt  
 Pelagiani; si autem ex Deo, vicimus Pelagia-  
 nos, Prosper contra Collat. 30. Bernard. de  
 diligendo Deo & alijs.

PROPOSITIO TERTIA. Sunt & alia præce-  
 pta, tum in genere, tum in particulari, quæ  
 nec singula seruari possunt; quæ propter in-  
 identes difficultates superant imbecillitatem  
 humanam; exempli causa. Mortem oppetere  
 pro iustitiâ in magnis tormentis, à recto non  
 discedere, vehementem carnis tentationem  
 amore

Rom. 7.  
Gal. 3.

amore castitatis superare. *Nam spiritus promptus, caro autem infirma: & quæ habet Apostolus ad Rom. & Galatas de pugnâ carnis & spiritus.*

Quemadmodum homo corpore infirmus, quædam opera difficiliora facere non potest, nisi ad breue tempus, vt pedibus progredi, manibus operari: Statim enim defatigatur, & deficit; quædam ob maiorem difficultatem, & contrarij resistentiam, simpliciter exercere non potest, ne quidem ad punctum temporis; vt currere, clamare, magnum onus leuare, quæ facîle & diu posset validus, & sanus; ad eum modum homo ex infirmitate naturæ corruptæ non potest diu persistere, in obseruatione mandatorum legis naturæ, trahente in diuersum, & oblucente prauâ concupiscentia. Vide Trident. sess. 6. c. 11.

PROPOSITIO. QUARTA. Nulla grauis tentatio inducens ad peccatum, sine auxilio gratiæ Christi potest laudabiliter superari, ex odio peccati, & amore honesti; imò nulla leuis tentatio, si perfectissimè superetur, ex Dei charitate, eâque victoriâ, quæ sit homini conducibilis ad vitam æternam, qui sunt duo modi perfecti.

Potest & tertius modus assignari victoriæ, qui non egeat auxilio gratiæ, cum quis, tanquam clauum clauo, pellit vnâ tentationem altera, dum vni cupiditati resistit victus ab alterâ; vt si quis ab ebrietate & luxu abducatur ab auaritia si quis sibi temperet & ieiunct affectu auaritiæ; quomodo infideles vitia quæ manifestam habent adiunctam turpitudinem,  
aut



at infamiam, honoris cupiditate superauent. Nonnunquam apertissima vitia, alijs incuntur occultis, quæ putantur esse virtutes, in quibus regnat superbia.

Sed de duplici ratione priori, quæ sit laude igna ex odio peccati, & amore honesti, non esse superari grauem tentationem; leuero ex Dei charitate, & eâ victoriâ, quæ conducat ad salutem, colligitur ex eo, quod natura humana, etsi non planè sit impotens ad ea præstanda, quæ sunt legis naturæ; tamen ex corruptione peccati valdè debilis, & infirma est reddita; vt nec gratiora legis mandata seruire queat, nec difficiles proindè tentationes superare, nisi beneficio Christi Redemptoris eius gratiâ adiuuetur, ac corroboretur.

Quæ fortiter ab infidelibus gesta narrantur, ea S. Aug. cupiditati gloriæ tribuenda censet; de qua & Poëta: Vicit amor patriæ, nudumque immensa cupido. Sicut ex illâ arte orationis Dominicæ: Fiat voluntas tua, colligunt SS. PP. ad omnes actus bonos gratiam Dei dari, ita ex illâ: Et ne nos inducas in tentationem, ad omnes tentationes superandas euincunt gratiam Dei esse necessariam: Tum ex communibus rationibus, quas mox proferemus, vtilitate orationis, gratiarum actione, gloriatione, non in nobis, sed in Deo, idem conficiunt. Testimonium Cypriani habet Aug. 4. contra duas epistolas Pelag.

PROPOSITIO QUINTA. Nullum opus morale, ex omni circumstantiâ bonum, & laudabile fieri potest sine auxilio gratiæ Christi, si præfer-

præsertim id opus conducat ad salutem, & referatur ad finem supernaturalem. Alijs verbis eadem enuntiatur assertio: Ad singulos actus bonos, & salutare, gratiam Dei dari per Christum, intuitu meritorum eius; quæ primùm definita est in synodo Palestina (quam Hieronym. Diospolitanam vocat) Liddæ habita, aduersus Pelagium; deinde in Conc. 214. Episcoporum in Africa, de quo Prosper in chronico, & respon. 8. Colligiturque ex scriptura,

Ioan. 15.

1. Cor. 4.

&amp; 12.

2. Cor. 1.

*Sine me nihil potestis facere. Quis enim te discernit? Quid autem habes quod non accepisti? Deus operatur omnia in omnibus. Non sumus sufficientes cogitare aliquid à nobis, quasi ex nobis: sed sufficientia nostra ex Deo est.*

Innumera sunt testimonia SS. Patrum, Pontificum, Innocentij, Zozimi, Cælestini, Leonis primi in Arausicano, Augustini, qui & plurimos citat, Hieronymi, cuius hoc vno testimonio epistola ad Cteliphontem, contenti erimus. Nos accipere quotidie Dei auxilium, nec sufficere semel acceptum; nihil nos boni agere absque Dei auxilio, sed per singula opera, Dei esse bonum, quod agimus; Deumque semper nos adiuuare; nos nihil esse nisi quod donauit Deus, ipse conseruet. Deus semper largitur, semperque donator est; non mihi sufficit, quod semel donauit; Auarus sum in accipiendo beneficia Dei, nec ille deficit in dando, nec ego satior in accipiendo.

Confirmatur & rationibus, quæ sumuntur: primùm ex oratione, & precatione fidelium; qui gratiæ Dei auxilium ad singulos actus bonos efflagitant; alioquin si illo opus non haberemus,

beremus, derisorie & fictitie peteremus, vt notat S. Aug. libro de bono perseuer. c.7. de naturâ & gratiâ. 18. epist. 105. ad Sixtum &c. Vnde Psalmista toties hoc gratiæ Dei auxilium implorat. *Adiutor meus esto: ne derelin-*

Pf. 20.  
Pf. 69.

*quas me. Deus in adiutorium meum intende:*

*Domine ad adiuuandum me festina. Tu mandasti mandata tua custodiri nimis*, id est, valdè. Sed

Aug. in  
Pf. 118.

humilis pietas, vel pia humilitas & fides, non immemor gratiæ, quod adiungat, attendite.

*Vtinam dirigantur via mea*; Vbi audis vtinam,

vocem optantis agnosce, & agnitâ voce optan-

tis, depone superbiam præsumptis. Deinde

rationibus petitis ex gratiarum actione, quam

reddunt pro bonis operibus à se, vel ab alijs fa-

ctis, contentes id totum esse Diuini muneris;

*Tua sunt omnia: & qua de manu tua accepimus,*

*dedimus tibi. In omnibus gratias agite.* Denique

à gloriatione, qua non in se, sed in Deo glori-

antur. *Qui autem gloriatur, in Domino glorie-*

*tur. Non ex operibus, vt ne quis gloriatur: Mihi*

*autem absit gloriari &c. Soli Deo honor & gloria.*

Quò pertinet illa Cypriani sæpius, ab Augu-

stino laudata sententia: In nullo gloriandum,

quando nostrum nihil sit.

**PROPOSITIO SEXTA.** Initium boni operis,

progressus, & consummatio, & totum planè

opus bonum, Dei gratiæ est adscribendum.

*Non potest homo accipere quicquam, nisi fuerit ei*

*datum de Celo. Omne datum optimum de sursum*

*est. Deus enim est, qui operatur in vobis & velle*

*& perficere. Qui cæpit in vobis opus bonum ipse*

*perficiet.*

Cælestinus epistola decretali ad Episcopos

Gal-

1. par. 29.  
14.

1. The.  
3. 18.

2. Cor. 10.  
18.

Gal. 6. 14.  
1. Tim. 1.

17.

Io. 2. 23.  
Iac. 1. 17.

Phil. 2.  
13. & c.

1. 6.

Aran.  
can. 5.

na. 17.

Pf. 16.  
Pf. 67.  
Seff. 6.  
c. 16.

Pf. 12.

Galliæ, c. 11. definiuit, non solum exordia bonæ voluntatis, sed & incrementa probabilium studiorum, idest actionum honestarum, ad Christi gratiam referri oportere. Eius rei figura fuisse dicitur, quod virga Aaron primum germinasse legatur, deinde floruisse, postremo fructus protulisse, hoc est holocaustum, Deo, nulla parte reseruata, à nobis offerendum. *Perfice gressus meos in semitis tuis, ut non moueantur vestigia mea.* Et. *Confirma hoc Deus, quod operatus es in nobis.* Trident. cum dixisset, Christum tanquam caput in membra, & vitem in palmites, in ipsos iustificatos virtutem influere; quæ virtus, ait, bona eorum opera semper antecedit, comitatur, & sequitur. *Et misericordia tua præueniet me, planè comitabitur, & subsequetur me, omnibus diebus vite mee, & ut inhabitem in domo Domini in longitudine dierum.*

Triplex spectari potest cuiusque operis initium, progressus, & finis; vel secundum partes, priorem & posteriorem, quæ sibi succedunt; vel secundum imperfectum & perfectum, cum quis prius remissè vult, post intense; vel secundum quod dicitur, initium habere à cogitatione, progressum in voluntate, consummationem in opere externo. Secundum hos omnes modos bonum, opus est à gratiâ Dei, illique vni totum principaliter, & potissimum est adscribendum.

cess. 6.  
S. 33.

PROPOSITIO SEPTIMA. Nemo potest, quantumvis iustificatus, in bono opere perseuerare vsque ad vitæ finem, absque speciali auxilio gratiæ Dei. Tridentinum definit perseuerantiam

rantia munus, de quo scriptum est; *Qui perseverauerit usque in finem, hic saluus erit;* aliundè haberi non posse; nili ab eo, qui potens est, cum qui stat statuere, vt perseveranter stet. Et canone 16. vocat illud magnum perseverantia donum. Et canone 22. Si quis lixerit iustificatum, vel sine speciali auxilio Dei in accepta iustitia perseverare posse, vel umeo non posse, anathema sit. citari solet Mileuit.can.3. & Araus.can.9.

S. August. in dono perseverantia commendo plurimus est, ac de eo specialem scripsit brum; in quo ex scriptura, tum ex Cypriano, & alijs SS. Patribus demonstrat, bonae ita perseverantiam, Dei donum esse; vocatue ipse c. 1. Magnum Dei donum. Atque colligitur ab oratione fidelium. Cur perseverantia poscitur à Deo, si non datur à Deo? gratiarum actione; gratias agunt Deo fideles, pro perseverantia completâ eorum, qui hac vitâ decesserunt: à gloriatione, nemo nimis gloriatur de perseverantia; nili ex Deo: victoriâ tentationum; quæ se offerunt, & ne speciali gratia non vincuntur; quamquam etsi nullæ tentationes occurrerent, tamen ad ipsum opus bonum continuandum, omnemque iustum in observatione mandatorum conservandum, opus foret speciali auxilio; Cum absque tentatione possit homo iustitiâ deficere, vt patuit in Angelo superno, & primo Parente, tot donis instructo, quanto magis in corruptione & infirmitate naturæ exprimi Parentis ortâ peccato, de qua frequenter lamentatur Apostolus.

l. de dono  
perf. c. 2.

N

Quare

a. Rom. 7.  
& 8.  
Ad Gal. 5.

Quare quamdiu durat hæc vita, semper egenus auxilio gratiæ sanantis, adiuuantis, dirigentis, & protegentis; quia semper hæret in nobis noxia concupiscentia, caro pugnans aduersus spiritum, præualet ignorantia, incogitantia; infirmitas agendi, cum quâ nati sumus. Quia sine te labitur humana mortalitas (ad Deum orat Ecclesia) tuis semper auxilijs & abstrahatur à noxijs, & ad salutaria dirigatur. Largire nobis, Domine, spiritum cogitandi quæ recta sunt, & agendi; vt qui sine te esse non possumus, secundum te vivere valeamus. Cuiusmodi & aliæ complures extant orationes publicæ, ac priuatę.

Postremum obseruandum, auxilium istud gratiæ Christi, non semper esse quoad substantiam ordinis diuini, & supernaturalis; cuius ordinis sunt eximia illa opera Theologicarum, & infusarum virtutum; sed sæpè dumtaxat esse ordinis naturalis, quoad substantiam; quoad finem tamen esse ordinis supernaturalis, quod ad salutem, & finem supernaturalem vitæ æternæ, beatificæ visionis, dirigatur.

Ac quemadmodum donum iustitiæ originalis, non consistebat solum in habitibus infusis, sed in Diuinâ maximè assistentiâ, & congruâ inspiratione Diuinâ, ita donum perseuerantiæ, & hoc auxilium gratiæ Christi, quo perseueramus, maximè consistit in protectione Diuinâ, in constanti & perseueranti vocatione, atque inspiratione congrua, per quam natura rationalis, quæ sui compos, & ex se indifferens est, ad bonum applicetur, & in eo conseruetur.

Ex

Ex beneficio creationis, & indultæ naturæ, non debetur nisi concursus generalis: Nam, ut habituali, ita & actuali omni gratiâ peccatum homo se priuauit. Si creatus esset in statu puræ naturæ, ad finem naturalem debita ei essent & assignata eiusmodi auxilia; sed cum ad finem supernaturalem sit conditus, & cumulatissimè donis gratiæ eiusdem ordinis instructus, non solum habitualibus, verum & actualibus, ipsæque sese priuarit admissio peccato; reliquum est, ut planè destitutus existat nullaque ei debeantur auxilia gratiæ, nisi quæ beneficio redemptionis, & intuitu meritorum Christi Domini conferuntur. Omnis igitur inspiratio, & primus motus piæ sanctæque cogitationis, atque affectionis immixtus mentibus nostris, in Christi Domini merita est referendus. Sed consultò de auxilijs gratiæ plura non dico.

*Ego dixi in abundantia meâ: Non mouebo in æternum, aiebat Rex Dauid de se confusus; sed experientiâ mox aliter edoctus: Auertisti faciem tuam à me, & factus sum conturbatus.* Hoc solo, quod Deus auertat faciem suam à nobis, fauore nos suo ac protectione destituat, quod nos minimè defendat, & permittat labi, conturbamur, & in peccatum miserrimè ruimus. Ille vnicus defensor, adiutor, & susceptor. *Impulsus euersus sum ut caderem & Dominus suscepit me. Fortitudo mea, & laus mea Dominus: & factus est mihi in salutem, factus est Dominus protector meus & eduxit me in latitudinem.* Saluum me fecit, quoniam voluit me.



## CAPVT XXVIII.

*Virtutum copiam ac bonorum operum,  
salutem, ac beatam vitam, à  
Christo Domino flagitandam.*

Serm. 22.  
in Cant.

**V**T de auxilijs gratiæ, sic & de virtutibus, pro hoc quidem instituto coarguendi Stoicos, perquam abundè, ac superflue dictum, quis existimauerit; sed tamen & hoc, ex S. Bernardo dicendum est. Quia frustrà huius sæculi sapientes, de quatuor virtutibus tam multa disputauerunt, quas apprehendere omnino nequiverunt; cum illum nescirent, qui factus est nobis à Deo sapientia, docens prudentiam; & iustitia, delicta donans; & sanctificatio in exemplum temperantiæ, continenter viuens & redemptio in exemplum patientiæ, fortiter moriens. Quid vobis cum virtutibus, qui Dei virtutem Christum ignoratis? Vbinam quæso vera prudentia, nisi in Christi doctrina? Vbi vera iustitia, nisi de Christi misericordia? Vbi vera temperantia, nisi in Christi vita? Vbi vera fortitudo, nisi in Christi passione? Soli ergo qui eius doctrinâ imbuti sunt, prudentes dicendi sunt; soli iusti, qui de eius misericordia veniam peccatorum consequuti sunt; soli temperantes, qui eius vitam imitari student; soli fortes, qui



qui eius patientiæ, documenta fortiter in aduersis tenent.

Horum in numero, vti censeamur, tibi supplicamus, ô Benignissime Saluator, neque enim aliunde, quam abs te, speramus has virtutes, Domine virtutum; cuius doctrina, seminarium prudentiæ est; cuius misericordia, opus iustitiæ; cuius vita, speculum temperantiæ; cuius mors, insigne est fortitudinis.

Tu nobis esto virtutum omnium vberri-  
mus fons, origo, radix, & causa primaria efficiens qua Deus, quâ homo etiam instrumentaria, eadem & meritoria, & exemplaris, & finalis; cum ad imitationem tuam, maioremque gloriam, omnia virtutum officia sint referenda.

Tu tanquam caput in corporis tui mystici membra, vitis in palmites, iugem influe virtutem inspirationis tuæ luminosissimæ, & fragrantissimæ charitatis. Fac vt innotescat quod latebat, & suaue fiat, quod non delectabat. Bonus es tu, suavis es tu, & in bonitate ac suauitate tua doce me iustificationes tuas. Da victricem delectationem tui sancti timoris, & amoris, quæ timores omnes, & amores, omnesque delectationes euincat, licitas, atque illicitas. Trahe nos post te, curremus in odorem vnguentorum tuorum.

De bonis operibus, eorumque peruiulgatis illis tribus generibus: Oratione, Ieiunio, & Eleemosynâ, mirum apud Stoicos ceteroque Philosophos silentium; de quibus Raphaël Archangelus vtrique Tobiaë, parenti & filio: Tob. 12. v. 8.  
*Bona est oratio cum ieiunio & eleemosynâ magis quam*

*quàm thesauros auri recondere.* Oratione Deum placamus, ac propitium reddimus: Ieiunio, corpus sensusque nostros edomamus, ac compescimus. Eleemosynâ proximum subleuamus, ac conciliamus. Triplicem concupiscentiam: carnis, oculorum, ac superbiam vitæ triplici hoc velut armorum genere conficimus; Luxuriam ieiunio; Auaritiam eleemosynâ; Superbiam atque arrogantiam oratione, atque humilitate prosternimus.

Tres sunt hostes nostri; Mundus, Caro, Dæmon, quos hæc veluti triplex acies bonorum operum, Diuinæ gratiæ præfidijs instructa, conficit, ac profligat; mundum eleemosynæ, carnem ieiunij, dæmonem orationis atque humilitatis telo prosternit.

Tria sunt bonorum genera. Externa, quæ dicuntur fortunæ, corporis, atque animi interna: hæc Deo in acceptionem sacrificium atque holocaustum offerimus; fortunas eleemosynâ, corpus ieiunio, animam oratione Diuino eius Numini consecramus.

In sent. 11

Tria sunt, inquit Bernardus, à quibus abstinere debent quicumque iustificari desiderant; Primò utique ab operibus prauis; Secundò à carnalibus desiderijs; Tertiò à seculi curis. Item tria sunt quibus debent insistere; quæ etiam continet sermo Domini in monte, eleemosyna, ieiunium, & oratio. Sic enim adimpletur iustitia; dum & interdictis vitijs abstinent, & bona, quæ præcepta sunt, exercent.

Opponantur ergo prauis operibus opera misericordiæ, contra carnalia desideria adhibeantur

beantur ieiunia; & pro curis sæculi, succedat amor Dei, & orationis frequentia. Iustitia hominis in hac vitâ est ieiunium, eleemosyna, & oratio. Vis eleemosynam tuam volare ad cælum, fac illi duas alas, ieiunium, orationem: nec minùs aptè orationi, quæ ascensus est & volatus quidam mentis in Deum, duæ tribuentur alæ, quibus sustollatur, eleemosyna atque ieiunium, vt monet ad finem ps. 42. Vis orationem tuam volare ad cælum; fac illa duas alas, ieiunium & eleemosynam.

D. Leo: Tria sunt, quæ maximè ad religiosas pertinent actiones, oratio, ieiunium, & eleemosyna, oratione Dei propitiatio quæritur, ieiunio concupiscentia carnis extinguitur, eleemosynâ peccata redimuntur; hæc triplex obseruantia, dilectissimi, virtutum omnium comprehendit effectus; hæc ad imaginem & similitudinem Dei peruenit, & in Spiritu Sancto inseparabiles facit; quia in oratione, permanet fides recta, in ieiunio, innocens vitâ, in eleemosynâ mens benigna.

Mirum de his apud Stoicos silentium, sed quid mirum cum gratiam Dei Saluatoris nostri penitus ignorarint, quæ vt ait Apostolus, apparuit omnibus hominibus erubescens nos, vt abnegantes impietatem, & secularia desideria, sibi, & iustis, & pater vivamus in hoc sæculo, expectantes beatam spem, & aduentum gloriæ magni Dei, & Saluatoris nostri Iesu Christi: qui deus semetipsum, pro nobis, vt nos redimeret ab omni iniquitate, & munda: et sibi populum acceptabilem, sectatorem bonorum operum.

Ad Tit. 1.  
11. 12. 13.  
14.

Huic vni virtutum, ac bonorum operum

N 4

Authori

Authori vota facienda; Huic vni supplican-  
dum, vt sua nos gratia cumulet ac præueniat  
ad bonorum operum copiam, virtutumque  
adeptionem, & exercitationem: huic gratiæ  
iuges referendæ, omnisque laus adscribenda;  
per eum vnicum Mediatorem Deo Patri con-  
ciliamur, nec non proximo nobisque ipsis be-  
ne conuenit, sobrietate, & continentia aduer-  
sus nos, iustitia ac beneficentia erga proxi-  
mum, pietate, humilitate, ac charitate ad-  
uersus Deum bene vtimur.

Io. 8. 12.  
Ioan. 10.

Ipse salus nostra est, dum nos à peccato  
transfert ad gratiam, à morte ad vitam, à mi-  
seria ad felicitatem, eripit nos ac liberat à malis  
omnibus bonis complet, ipse *Lux mundi, qui*  
*eum sequitur, non ambulat in tenebris, sed habet*  
*lumen vite.* Ipse Bonus Pastor, qui *animam*  
*suam dat pro ouibus suis;* idemque ostiū & ouile,  
& ostiarius ouilis, quem sequuntur & audiunt  
oues, & vitam æternam dat eis, & non peri-  
bunt in æternum. Ipse panis viuus, & vitæ, qui  
de cælo descendit, vt det vitam mundo.

Ioan. 6.

Io. 14. 6.

*Ipse Via, Veritas, & vita. Nemo venit ad*  
*Patrem, nisi per eum,* ipse via ad Patrem, ad  
cælum, ad beatam vitam, ipse veritas, que  
luce sua se signat ac demonstrat; fax veritatis,  
qua, via collustretur, ipse vita, terminus ac  
meta viæ, beata vita, idem Deus cum Patre,  
ac Spiritu Sancto, summum bonum, finis ex-  
tremus, quo sunt omnia referenda, ipse vera  
via ducens ad vitam; cuius si meritis innita-  
mur, doctrinam auscultemus, exempla mo-  
rum ac virtutum consequemur, si vestigia præ-  
mamus, certissime ad Deitatem, id est, beatæ  
vitæ

vitz fruitionem æternam pertingemus. Dux nobis erit ad Patrem, & ad seipsum spiritumque sanctum certissima via.

Sequamur te Domine Iesu, per te, ad te, qui es via, veritas, & vita; Via in exemplo, veritas in promisso, vita in præmio, vti Bernardus orabat: aut vti D. Leo: Qui es via sanctæ conuerſationis, veritas doctrinæ Diuinæ, vita beatitudinis sempiternæ. Tu es veritas, cui per fidem inhereamus; Via, per quam spe progrediamur; Vita, in qua Charitate tibi sociati permaneamus in æternum; Author Fidei, Spei, Charitatis, omniſque virtutis ac gratiæ largitor in hac vita; ea-que decursa, remunerator eiſdem, & effector gloriæ, ipſemet ampliffima merces ſempiternæ: vitæ beatiffimæ.

Ser. 2. de  
Aſcenſ.  
Serm. 111.  
de Reſur.



CA.



## CAPVT XXIX.

*Detegitur à S. Hieronymo virus latens  
superbiae in epistola Pelagij ad quan-  
dam viduam; Item à S. Augustino,  
in epistola eiusdem Pelagij ad De-  
metriadem Virginem.*

**A**D quam viduam scripserit Pelagius,  
non expressit S. Hieronymus; suspicio  
est ad Probam auiam, aut Iulianam matrem  
Demetriadis, aut potius ad Melaniam Ruf-  
fini patronam, cui comes fuit in peregrinatio-  
ne, quæ non Origenis modò, sed & Pelagij  
errorum tutelam ac patrocinium suscepisse  
videbatur.

De hoc superbiæ tumore, & illa orandi  
prorumpit audacia, qua scribens ad Viduam,  
quomodo Sancti debeant orare, pronuntias.  
“ Ille enim, inquis, merito ad Deum extollit  
“ manus, ille preces bona conscientia fundit,  
“ qui potest dicere: Tu enim nosti, Domine,  
“ quàm Sanctæ, quàm innocentes quàm puræ  
“ sint ab omni fraude & iniuria & rapina, quas  
“ ad te expando manus, quàm iusta, quàm  
“ immaculata labia, & ab omni mendacio li-  
“ bera, quibustibi, vt mihi miserearis, preces  
fundo

l. 3. con-  
tra Pelag.

Ba.to. 5.

fundo. Christiani hæc est, an Pharisei super-  
bientis oratio? qui etiam in Euangelio loque-  
batur; Deus gratias ago tibi, quia non sum  
sicut cæteri &c. David loquitur: *Lumbi mei* Ps. 17. 7.  
*impleti sunt illusionibus, & computraverunt cica-*  
*trices mea, à facie insipientia mea. Et non intres*  
*in iudicium cum sermo tuo: quia non iustificabitur* Ps. 142. 2.  
*in conspectu tuo omnis vivens; Tu sanctum, &*  
*innocentem, & purum te esse iactas, & mun-*  
*das ad Deum expandis manus; nec sufficit tibi*  
*in cunctis operibus gloriari, nisi ab omni ser-*  
*monis orisque peccato mundum te esse dicas,* Ps. 115.  
*inferens; quam iusta, quam immaculata labia,*  
*ab omni mendacio libera. Ille canit: Omnis*  
*homo mendax; & hoc ipsum confirmat Apo-*  
*stolica autoritas, ut sit Deus verax, omnis* Rom. 3.  
*autem homo mendax; & tu ab omni menda-*  
*cio immaculata, & iusta, & libera possides*  
*labia? Isaias plangit. Hei mihi misero, quia* Is. 6.  
*compunctus sum, qui cum sim homo, & im-*  
*munda labia habeam, in medio quoque populi*  
*immunda labia habentis ego habito: & postea*  
*Seraphim ignitum carbonem foraspe compre-*  
*henitum defert, ad Prophetæ labia purganda,*  
*non ut tu loqueris, arrogantis, sed sua vitia*  
*confitentis, iuxta illud quod in ps. dicitur.*  
*Quid detur tibi, aut quid apponatur tibi ad lip-* Ps. 119. 1.  
*quam dolosam? Sagi et potentis acutæ: cum carbo-*  
*nibus desolatorijs. Et post tantum tumorem,*  
*orationisque iactantiam, & confidentiam*  
*sanctitatis, quasi stultus stultis persuadere*  
*conaris, ut in extremo dicas; Quibus, tibi,*  
*ut mihi miserearis, preces fundo; si sanctis*  
*es, si*

116  
 117  
 118  
 119  
 120  
 121  
 122  
 123  
 124  
 125  
 126  
 127  
 128  
 129  
 130  
 131  
 132  
 133  
 134  
 135  
 136  
 137  
 138  
 139  
 140  
 141  
 142  
 143  
 144  
 145  
 146  
 147  
 148  
 149  
 150  
 151  
 152  
 153  
 154  
 155  
 156  
 157  
 158  
 159  
 160  
 161  
 162  
 163  
 164  
 165  
 166  
 167  
 168  
 169  
 170  
 171  
 172  
 173  
 174  
 175  
 176  
 177  
 178  
 179  
 180  
 181  
 182  
 183  
 184  
 185  
 186  
 187  
 188  
 189  
 190  
 191  
 192  
 193  
 194  
 195  
 196  
 197  
 198  
 199  
 200  
 201  
 202  
 203  
 204  
 205  
 206  
 207  
 208  
 209  
 210  
 211  
 212  
 213  
 214  
 215  
 216  
 217  
 218  
 219  
 220  
 221  
 222  
 223  
 224  
 225  
 226  
 227  
 228  
 229  
 230  
 231  
 232  
 233  
 234  
 235  
 236  
 237  
 238  
 239  
 240  
 241  
 242  
 243  
 244  
 245  
 246  
 247  
 248  
 249  
 250  
 251  
 252  
 253  
 254  
 255  
 256  
 257  
 258  
 259  
 260  
 261  
 262  
 263  
 264  
 265  
 266  
 267  
 268  
 269  
 270  
 271  
 272  
 273  
 274  
 275  
 276  
 277  
 278  
 279  
 280  
 281  
 282  
 283  
 284  
 285  
 286  
 287  
 288  
 289  
 290  
 291  
 292  
 293  
 294  
 295  
 296  
 297  
 298  
 299  
 300  
 301  
 302  
 303  
 304  
 305  
 306  
 307  
 308  
 309  
 310  
 311  
 312  
 313  
 314  
 315  
 316  
 317  
 318  
 319  
 320  
 321  
 322  
 323  
 324  
 325  
 326  
 327  
 328  
 329  
 330  
 331  
 332  
 333  
 334  
 335  
 336  
 337  
 338  
 339  
 340  
 341  
 342  
 343  
 344  
 345  
 346  
 347  
 348  
 349  
 350  
 351  
 352  
 353  
 354  
 355  
 356  
 357  
 358  
 359  
 360  
 361  
 362  
 363  
 364  
 365  
 366  
 367  
 368  
 369  
 370  
 371  
 372  
 373  
 374  
 375  
 376  
 377  
 378  
 379  
 380  
 381  
 382  
 383  
 384  
 385  
 386  
 387  
 388  
 389  
 390  
 391  
 392  
 393  
 394  
 395  
 396  
 397  
 398  
 399  
 400  
 401  
 402  
 403  
 404  
 405  
 406  
 407  
 408  
 409  
 410  
 411  
 412  
 413  
 414  
 415  
 416  
 417  
 418  
 419  
 420  
 421  
 422  
 423  
 424  
 425  
 426  
 427  
 428  
 429  
 430  
 431  
 432  
 433  
 434  
 435  
 436  
 437  
 438  
 439  
 440  
 441  
 442  
 443  
 444  
 445  
 446  
 447  
 448  
 449  
 450  
 451  
 452  
 453  
 454  
 455  
 456  
 457  
 458  
 459  
 460  
 461  
 462  
 463  
 464  
 465  
 466  
 467  
 468  
 469  
 470  
 471  
 472  
 473  
 474  
 475  
 476  
 477  
 478  
 479  
 480  
 481  
 482  
 483  
 484  
 485  
 486  
 487  
 488  
 489  
 490  
 491  
 492  
 493  
 494  
 495  
 496  
 497  
 498  
 499  
 500  
 501  
 502  
 503  
 504  
 505  
 506  
 507  
 508  
 509  
 510  
 511  
 512  
 513  
 514  
 515  
 516  
 517  
 518  
 519  
 520  
 521  
 522  
 523  
 524  
 525  
 526  
 527  
 528  
 529  
 530  
 531  
 532  
 533  
 534  
 535  
 536  
 537  
 538  
 539  
 540  
 541  
 542  
 543  
 544  
 545  
 546  
 547  
 548  
 549  
 550  
 551  
 552  
 553  
 554  
 555  
 556  
 557  
 558  
 559  
 560  
 561  
 562  
 563  
 564  
 565  
 566  
 567  
 568  
 569  
 570  
 571  
 572  
 573  
 574  
 575  
 576  
 577  
 578  
 579  
 580  
 581  
 582  
 583  
 584  
 585  
 586  
 587  
 588  
 589  
 590  
 591  
 592  
 593  
 594  
 595  
 596  
 597  
 598  
 599  
 600  
 601  
 602  
 603  
 604  
 605  
 606  
 607  
 608  
 609  
 610  
 611  
 612  
 613  
 614  
 615  
 616  
 617  
 618  
 619  
 620  
 621  
 622  
 623  
 624  
 625  
 626  
 627  
 628  
 629  
 630  
 631  
 632  
 633  
 634  
 635  
 636  
 637  
 638  
 639  
 640  
 641  
 642  
 643  
 644  
 645  
 646  
 647  
 648  
 649  
 650  
 651  
 652  
 653  
 654  
 655  
 656  
 657  
 658  
 659  
 660  
 661  
 662  
 663  
 664  
 665  
 666  
 667  
 668  
 669  
 670  
 671  
 672  
 673  
 674  
 675  
 676  
 677  
 678  
 679  
 680  
 681  
 682  
 683  
 684  
 685  
 686  
 687  
 688  
 689  
 690  
 691  
 692  
 693  
 694  
 695  
 696  
 697  
 698  
 699  
 700  
 701  
 702  
 703  
 704  
 705  
 706  
 707  
 708  
 709  
 710  
 711  
 712  
 713  
 714  
 715  
 716  
 717  
 718  
 719  
 720  
 721  
 722  
 723  
 724  
 725  
 726  
 727  
 728  
 729  
 730  
 731  
 732  
 733  
 734  
 735  
 736  
 737  
 738  
 739  
 740  
 741  
 742  
 743  
 744  
 745  
 746  
 747  
 748  
 749  
 750  
 751  
 752  
 753  
 754  
 755  
 756  
 757  
 758  
 759  
 760  
 761  
 762  
 763  
 764  
 765  
 766  
 767  
 768  
 769  
 770  
 771  
 772  
 773  
 774  
 775  
 776  
 777  
 778  
 779  
 780  
 781  
 782  
 783  
 784  
 785  
 786  
 787  
 788  
 789  
 790  
 791  
 792  
 793  
 794  
 795  
 796  
 797  
 798  
 799  
 800  
 801  
 802  
 803  
 804  
 805  
 806  
 807  
 808  
 809  
 810  
 811  
 812  
 813  
 814  
 815  
 816  
 817  
 818  
 819  
 820  
 821  
 822  
 823  
 824  
 825  
 826  
 827  
 828  
 829  
 830  
 831  
 832  
 833  
 834  
 835  
 836  
 837  
 838  
 839  
 840  
 841  
 842  
 843  
 844  
 845  
 846  
 847  
 848  
 849  
 850  
 851  
 852  
 853  
 854  
 855  
 856  
 857  
 858  
 859  
 860  
 861  
 862  
 863  
 864  
 865  
 866  
 867  
 868  
 869  
 870  
 871  
 872  
 873  
 874  
 875  
 876  
 877  
 878  
 879  
 880  
 881  
 882  
 883  
 884  
 885  
 886  
 887  
 888  
 889  
 890  
 891  
 892  
 893  
 894  
 895  
 896  
 897  
 898  
 899  
 900  
 901  
 902  
 903  
 904  
 905  
 906  
 907  
 908  
 909  
 910  
 911  
 912  
 913  
 914  
 915  
 916  
 917  
 918  
 919  
 920  
 921  
 922  
 923  
 924  
 925  
 926  
 927  
 928  
 929  
 930  
 931  
 932  
 933  
 934  
 935  
 936  
 937  
 938  
 939  
 940  
 941  
 942  
 943  
 944  
 945  
 946  
 947  
 948  
 949  
 950  
 951  
 952  
 953  
 954  
 955  
 956  
 957  
 958  
 959  
 960  
 961  
 962  
 963  
 964  
 965  
 966  
 967  
 968  
 969  
 970  
 971  
 972  
 973  
 974  
 975  
 976  
 977  
 978  
 979  
 980  
 981  
 982  
 983  
 984  
 985  
 986  
 987  
 988  
 989  
 990  
 991  
 992  
 993  
 994  
 995  
 996  
 997  
 998  
 999  
 1000

Quod Ezechias, ad iram Dei flectendam,  
 quâ morti videbatur adiudicatus; sua merita  
 commemorauit: *Obsecro Domine, memento  
 quæso quomodo ambulauerim coram te in veritate,  
 & in corde perfecto, & quod bonum est in oculis  
 tuis feci* non ita commemorauit, quia  
 Deum eorum authorem agnosceret, ac de eius  
 illa prouenire misericordiâ fateretur; neque  
 tamen si nihil Diuino cultui, atque amoris an-  
 teferret, ab omni mendacio, leuioreve pec-  
 cato purum, ac liberum se esse professus  
 est.

Sed ad Hieronymum redeamus. Pergit Pe-  
 lagium exagitare per singulas orationis Domi-  
 nicæ partes, erroris, cum coarguens, & ad ex-  
 tremum adiiciens. Eidem adulans Viduæ,  
 non erubescis dicere, pietatem, quæ nus-  
 quam reperitur in terra, & veritatem, quæ  
 vbiq; peregrina sit, in illa potissimum com-  
 morari; nec recordaris illius sententiæ: Popu-  
 lus meus, qui beatum te dicunt, seducunt te,  
 & semitam pedum tuorum supplantant: laudas-  
 que eam vocibus & dicis; ô te fœlicem ni-  
 mium! ô beatam ô si iustitia, quæ esse iam  
 non



non nisi in cælo creditur, apud te solamin-  
 ueniat in terris! Dicere est hoc, an occidere?  
 leuare de terrâ, an præcipitare de cælo?  
 id mulierculæ, tribuere, quod Angeli  
 non audeant vsurpare: Si autem Pietas,  
 Veritas, atque Iustitia non inueniatur in  
 terris, nisi in vnâ muliere, vbi erunt iu-  
 sti tui, quos absque peccato in terris esse  
 iactabas? quæ duo capitula orationis &  
 laudis, soles cum tuis iurare discipulis, non  
 esse tua; cum perspicue in eis styli tui splen-  
 dor eluceat, & tanta sit venustas eloquij  
 Tulliani, vt testudineo incedens gradu,  
 quæ in secreto doces, mittisq; venalia,  
 publice non audeas profiteri.

Non sunt igitur occulta admodum, hæc à  
 Pelagio propinata viduæ venena super-  
 biæ, quæ ipse quoque mox coactus est de-  
 testari. Illud occultius fuit virus, quod in  
 epistolâ ad Demetriadem Virginem, dete-  
 xit Sanctus Augustinus; Extat ea epistola  
 Pelagij inter opera Hieronymi & Augu-  
 stini, ad calcem reiecta, quod dissimulato  
 nomine Pelagius eam occultasset, sed S.  
 Augustinum latere non potuit.

Igitur Epistol. 143. ad Iulianam Deme-  
 triadis Matrem, hæc ex eâ excerpit, ac  
 tanquam pestifera designat. Habes ergo  
 hæc, per quæ meritò præponaris alijs; imò  
 hoc magis: nam corporalis nobilitas atque  
 opulencia, tuorum intelliguntur esse, non  
 tua; spirituales verò diuitias, nullus tibi præ-  
 ter te conferre potuit: in his ergo iure lau-  
 danda,

danda, in his meritò ceteris præferenda es,  
 quæ nisi ex te, & in te esse non possunt.  
 Cernis, ait Sanctus Augustinus, quanta in  
 his verbis cauenda perniciès: nam utique  
 quod dictum est: non possunt esse, ista  
 bona nisi in te; optimè ac verissimè dic-  
 tum est, iste planè cibus est; quod verò  
 ait: non nisi ex te; virus est. Absit, vt  
 hæc libenter audiat Virgo Christi, quæ piè  
 intelligat propriam paupertatem cordis hu-  
 mani, & ideo illa, nisi Sponsi sui donis no-  
 lit ornari. Audiat ergo potius Apostolum  
 dicentem: *Despondi enim vos uni viro Ec.*  
 De his quoque spiritualibus diuitijs: *Ha-*  
*bemus autem thesaurum istum in vasis fictili-*  
*buz: vt eminentia sit virtutis Dei, & non*  
*ex nobis.* De ipsâ quoque Continentiâ Vir-  
 ginali, quod non sit ex seipsa, sed Dei  
 donum: *Vnusquisque proprium donum ha-*  
*bet ex Deo. Non omnes capiunt verbum istud*  
*sed quibus datum est.* Dicat quidem: *In*  
*me sunt Deus vota tua, qua reddam lau-*  
*dationes tibi;* Sed addat: *Domine in vo-*  
*luntate tuâ prestuisti decari meo virtu-*  
*tem.*

Et nos quidem de S. Virginis discipli-  
 na, & humilitate Christiana, in qua nu-  
 trita & educata est, hoc existimamus; quod  
 illa verba cum legeret, si tamen legit,  
 ingemuit; & pectus humiliter tutudit, ac  
 fortassis & fleuit dominumque, cui di-  
 cata est, à quo sanctificata est, fidenter  
 orauit; vt quomodo illa non sunt verba  
 illius

illius, sed alterius; ita non sit talis & fides ipsius, quæ se aliquid habere credat, de quo in se, non in Domino gloriatur: nam gloria quidem eius in ipsa est, non in verbis alterius, sicut dicit Apostolus: *Opus autem suum probet unusquisque, & sic in semetipso tantum gloriam habebit, & non in altero*. Sed ablit, ut gloria sua ipsa sit, & non ille, cui dicitur: *Gloria mea, & exaltans caput meum*. In his quippe salubriter gloriaris, cum Dominus, qui in illa & ipse est gloria eius, à quo habet omnia bona, quibus est bona, & habebit omnia, quibus melior erit, in quantum in hac vita melior esse poterit, & quibus perfecta erit, quando futura digna Diuina gratia, non humana laude perfecta. In Domino laudabitur anima eius, qui iactauit in bonis desiderium eius, quia & hoc desiderium ipse inspirauit, ne virgo eius sic in aliquo bono gloriatur, quasi non acciperit.

Hæc eadem Sanctus Augustinus libro aduersum Pelagium & Cælestium, de gratia Christi, refellit: nec ipse Pelagius diffutetur eum librum à se scriptum rogante Virginis matre, quod tamen verisimile non est rogatu matris, aut auia factum; sed cum omnes, qui tum erant in ecclesia, celebres viri, ad Demetriadem gratulatorias darent de arrepto Virginitatis instituto, ausus est, & ipse graculus inter olores crocitare, ac tanquam serpens lubricus venenum superbię latentis ingerere. Consule de his Baron.

Gal. 6. 9.

P f. 1. 4.

l. 1. de gratia Christi.

ron. ad annum Christi 413.

Beda præf. in Canticum, agnouit illam Pelagij epistolam ad Demetriadem, & alteram quæ hætenus inter epistolas D. Ambrosij habetur, esse D. Prosperi: Nam tum è viuis excesserat Ambrosius. Extat & Innocentij Pontificis ad Iulianam breuis epistola, in qua perstringitur, & iugulatur Pelagius hac sententia: Summæ virtutis est, vicisse gloriam carnis; & magnæ est Christi gratiæ, nobilitatem moribus superasse.





## CAPVT XX X.

*De Ruffino & Melania, Origenis & Pelagij fautoribus, Marcella & Pammachio, ab eximiâ Fide & Humilitate collaudatis à S. Hieronymo.*

**C**ommiserandus sanè fuit casus Ruffini Aquiliensis Presbyteri, & Melaniæ clarissimæ fæminæ Romanæ, dum in Ægypto perigrinantur, ac cum Didymo, Eua-  
 grio, alijsque versantur Origenistis, Periar-  
 chon errores imbiberunt; & eos in Urbem  
 post quinquelustra reuertentes, induxerunt;  
 qui cum primùm Romam venissent, Stoicâ  
 quadam indolentiâ, perfectissimæ & ad om-  
 nes numeros absolutæ vitæ Christianæ speci-  
 men edentes, omnium in se oculos conuer-  
 terunt, parumque absuit, quin & fidem  
 Apostolico ore collaudatam, non admo-  
 dum inuigilante Siricio Pontifice commacu-  
 larint atque corruperint.

Ba. ad an.  
 Chri. 397.  
 fo. 30.  
 to. 3.

ad Ctes.

Pelagio quoque fauisse Melaniam, indicat  
 S. Hieronymus, cuius nomen nigredinis, te-  
 statur perfidiæ tenebras. Et quod addit:  
 Quid volunt miseræ mulierculæ onerata pec-  
 catis

catis, quæ circumferuntur omni vento doctrinæ, semper discentes & nunquam ad scientiam peruenientes, & cæteri muliercularum socij prurientes auribus & ignorantes quid audiant, quid loquantur. Credibile tamen est aliquando resipuisse Melaniam, cum recedens ab Urbe venit in Africam, ubi prolixius à S. Augustino potuit institui, atque erudiri; & iam ab Anastasio Papâ, & Italiæ Episcoporum Concilio damnatos compere-  
rat errores Origenis, atque Pelagij. Quare tum eos quoque damnassee existimatur, & si quæ nigredinis errorum istorum adhæserant ei maculæ, lacrymis penitentiae deterfisse. Cum ex Africâ Hierosolymam nauigasset, post dies quadraginta migravit ex hac vitâ, S. Hieronymo, ut verosimile est, antea reconciliata, quandoquidem ibi & peregrinationis eius socijs ac consanguineis familiariter est usus.

Ex Ep. 79.  
ad Aug.

ad ann.  
Chri. 416.  
præf. in 1.  
Ezech.

Magnis certè laudibus Melania à S. Aug. & Paulino celebratur. At Ruffinus cum Romam citatus ad causam dicendam ab Anastasio Pontifice non comparuisset, ab eodem damnatus, & in deterius semper prolapsus hæresis Pelagianæ præcursor extitisse videtur, & pestiferos, qui post eruperunt, aspides fouisse, in eaque pertinaciâ perseverans diem extremum obiit in Siciliâ, quò venerat Melaniam consecraturus. De quo Hieron. Scorpis, inter Enceladum & Porphyrium Trinacriæ humo premitur & hydra multorum capitum contra nos sibilare cessauit, datumque tempus, quo non Hæreticorum  
respon-

respondere insidijs, sed scripturarum, expositioni incumbere debeamus, Hieronymus hæc de Ruffino.

Verum dies isti Alcyonij, ab Hæreticorum bello feriat, per pauci fuere: Nam idem ipse: Putabam quod medio serpente confosso, non reuiuiscerent hydræ notella plantaria, & iuxta fabulas Poëtarum, Scyllâ mortuâ nequaquam in me Scyllæi sæuissent canes, qui latrare non cessant. Quænam huius hydræ nouella plantaria? qui Scyllæi canes? quinam inquam posteri isti Ruffini, nisi Pelagius atque Cælestius, de quibus, etsi tacito nomine idem Hieronym. Commentarios in Hieremiam, per interualla dictabam, ut quod deerat otio superesset industriæ, cum subito hæresis Pythagoræ, & Zenonis ἀπαθείας, & ἀναισθησίας id est impassibilitatis & impeccantiæ, quæ in Origene olim, ut discipulo eius Grunnio Euagrio quæ Pontico, & Iouiniano iugulata est, cæpit reuiuiscere, & non solum in occidentis, sed & orientis partibus sibilare, præcipue Siciliæ & Rhodi maculare plerosque, & crescere per dies singulos, dum secretò docent, & publicè negant: Cui respondere diu tacens, & dolorem silentio deuorans crebrâ fratrum expositulatione compulsus sum; nec tamen huc usque prorupi ut Authorum nomina ponerem, malens eos corrigi quam infamari; non enim hominum, sed erroris inimicus sum.

Nuper indoctus calumniator erupit, qui commentarios meos in epistolam Pauli ad Ephes. reprehendendos putat; quod non vi-

“ dens præcurſor eius Grunnius. Ex quo con-  
 “ ſtat intelligi de Pelagio, mortuo iam Ruſſino;  
 “ de quo eodem: Non recordatur ſtolidiſſi-  
 “ mus, Scotorum pultibus prægrauatus, &  
 “ alias, hic tacet, alibi criminatur, mittit in vni-  
 “ uerſum orbem epistoſas biblinas, prius auri-  
 “ feras ac maledicas, & patientiam noſtram de  
 “ Chriſti humilitate venientem, malæ conſcien-  
 “ tiæ ſignum interpretatur, ipſeque mutus la-  
 “ trat per Alpinum canem grandem & corpul-  
 “ lentum, qui calcibus magis poſſit ſequi quam  
 “ dentibus. Habet enim progeniem Scoticæ  
 “ Gentis, de Britanorum viciniâ, qui iuxta  
 “ fabulas Poëtarum, inſtar Cerberi, ſpiritu-  
 “ aliter percutiendus eſt clauâ, vt æterno cum ſuo  
 “ Magiſtro Plutone ſilentio conticeſcat. Atque  
 his egregiè perſtringit. Pelagium Cæle-  
 ſtiumque.

Non ſine cauſâ Pelagij præcurſorem di-  
 ctum à Sancto Hieronymo Ruſſinum, ab  
 huius morte patuit; Nam Cæleſtius Pelagij  
 diſcipulus & collega in Concilio Africano  
 coactus erroris ſui authorem edere, diſerte  
 dixit. S. Ruſſinus Presbyter Romæ qui man-  
 ſit cum S. Pammachio id dixit, ego enim au-  
 diui illum dicentem, quod tradux peccati non  
 fit.

Sed de libero arbitrio male præterea ſen-  
 ſiſſe Ruſſinum, ex hocque iure reprehenſum  
 à S. Hieronymo, indicat Gelafius Papa:  
 Quantum verò contulerit ad hæreſes Pelagij  
 proſeminandas Ruſſinus, inde perſpicitur,  
 quod præter Periarchon malè verſum, &  
 Euagrii Pontici libros virulentos latinitate  
 donatos



donatos, ausus est Xisti, seu Sexti Pythagorici commentarium à se translatum, sub titulo Xisti Martyris Romani Pontificis edere, vt illi S. Hieronym. obijcit; quòque magis falleret asperfit illi etiam testimonia ex Diuinis litteris, & in duos partitus est libros, quæ res valde suspensum aliquando tenuit S. Augustinum, authoritate Sixti Pontificis permotum, nec sine difficultate sententias quasdam, quibus erat vsus Pelagius, in rectum sensum inflectere est conatus, sed postea monitus, opinor à Hieronymo, de Rufini strophâ, retractauit.

de natura  
& gra. 61.  
l. 2. c. 42.

Edidit & aduersus Hieronymum tres libros, quos apologiæ honestauit titulo, cum essent acerrimæ inuectiue. Non te pudet accusationem tuam apologiam tuam vocare? inquit Hieronym. Apologeticos duos ipse composuit libros, vt venena sequeretur antidotum, quibus ita exagitatus est Rufinus, vt Hieronymo mortem comminaretur. Mortem minaris, quam & serpentes inferre possunt? Mors omnium est, homicidium pessimorum.

Baron. ad  
an. Chr.  
402.

Nemo Igitur Rufinum miretur à Sancto Hieronymo quibus dignus erat probrosis cognominibus exceptum fuisse ac derisum, dum illum tacito nomine appellat modo Grunnum, alludens ad Grunnum Caracottam, cuius testamentum Porcelli cachinantes pueri ridet, quod de rebus nullius pretij scriberet: Modo Alecô ob furem: modo Lucium Laupium, & Asinium Pol-

lionem; ob æmulationem illius in Terentium, alterius in Ciceronem: modò Calphurnium lanarium, ob dolos & fraudes.

ad finem  
post. Apo.

Quàm fuerit autem erecto aduersus hæreticos animo Diuus Hieronymus, quàmque vehementes spiritus attulerit in ijs coarguendis declarat ipse: Canes latrant pro Dominis suis, tu non vis me latrare pro Christo? In vno tibi consentire non potero, vt parcam Hæreticis, vel vt me Catholicum non probeam; si ista est causa discordiæ, mori possum, tacere non possum.

Ad Abig.  
Ep. 12.

Quâ tamen insigni præditus fuerit humilitate, tum eius gesta, tum scripta demonstrant. Quamuis mihi multorum sim conscius peccatorum, & quotidie in oratione flexis genibus loquar. Delicta iuuentutis meæ, & ignorantias meas ne memineris; tamen sciens scriptum esse ab Apostolo: Ne inflatus superbia incidat in iudicium diaboli; & in alio loco scriptum.

Pf. 24. 7.

Deus superbis resistit, humilibus autem dat gratiam; nihil ita à pueritiâ conatus sum vitare, quàm tumentem animum & ceruicem erectam, Dei contra se odium prouocantem: noui enim Magistrum, & Dominum, & Deum meum in carnis humilitate dixisse; *Discite à me quia mitis sum, & humilis corde,*

Iac. 4. 6.

Mat. 11. 29

Ep. 108.

Idem. Fateor enim, mi Domniom & Rogatiane carissimi, nunquam me in Diuini

uini

uinis voluminibus proprijs viribus credi-  
disse, ac habuisse opinionem meam, sed,  
ea etiam de quibus me scire arbitrabar,  
interrogare me solitum, quantò magis de,  
ipsis in quibus anceps eram. Aberat igitur  
longissimè ut esset hæresum ac no-  
uitatum inuentor, aut earum contumax  
propugnator, quarum erat hostis atque im-  
pugnator acerrimus.

Sed quod mihi dicere propositum erat  
de Marcellâ & Pammachio, præcipuâ quâ-  
dam consuetudine vitæ Hieronymo con-  
iunctis, quorum ope potissimum est usus  
in hæresibus profligandis, ipsis D. Hie-  
ronymi verbis exequar. Excitauit Deus Epist. ad  
Princip.  
spiritum nouæ Deborę, & aduersus Me-  
laniam opposuit illustrem æquè ac religio-  
sam fæminam Marcellam, quæ prima Ro-  
mæ Monasticum erat institutum amplexa,  
quod tum ignominiosum ac vile censeba-  
tur: Proseminatis erroribus Periarcon  
diu tamen illa se cohibuerat, ne per æmu-  
lationem quidpiam facere videretur; at  
postquam sentit fidem Apostoli ore lauda-  
tam in plerisque violari, ita ut Sacerdo-  
tes quoque & nonnullos, Monachorum,  
maximeque sæculi homines in assensum sui  
traheret, ac simplicitati illuderet Episcopi,  
qui de suo ingenio cæteros æstimabat, pu-  
blicè restitit malens Deo placere, quam ho-  
minibus. Cernentes Hæretici de paruâ  
scintillâ maxima incendia concitari, & sup-  
positam dudum flammam iam ad culmina  
perue-

«peruenisse, nec posse latere quod multos  
 «deceperat, petunt & impetrant Ecclesia-  
 «sticas epistolas, vt communicantes Eccle-  
 «siæ discessisse viderentur. Non multum  
 «tempus in medio: succedit in Pontificatu  
 «vir insignis Anastasius, quem diu Roma  
 «habere non potuit, ne orbis caput sub tali  
 «Episcopo truncaretur, &c. Dicas quid ad  
 «laudem Marcellæ? Damnationis Hæretico-  
 «rum hæc fuit principium, dum adducit  
 «tētes, qui prius ab eis eruditi, & postea  
 «ab hæretico fuerant, errore corrupti, dum  
 «ostendit multitudinem deceptorum, dum  
 «impia *ἐκείνων* ingerit volumina, quæ  
 «emendata manu Scorprij monstrabantur,  
 «dum acciti frequentibus litteris Hæretici,  
 «vt se defenderent, venire non sunt auli,  
 «tantæque vis conscientiæ fuit, vt absentes  
 «damnari, quàm præsentes coargui malue-  
 «rint, huius tam gloriôsæ victoriæ origo  
 «Marcella est, tuque caput horum & causa  
 «bonorum.

Rufinus eam Iezabelam vocare non est  
 veritus, cum esset tamen eximie sanctitatis  
 atque humilitatis fæmina, cuius vitam ele-  
 gantissime scripsit S. Hieronymus. Adiun-  
 gendus illi Pammachius Senator, gener  
 clarissimæ Paulæ, qui a Hieronymo petijt  
 de nouo verti Periarchon, plurimumque  
 Marcellam ac Hieronymum in coarguendis  
 ac profligandis Origenistis adiuuit; de quo  
 præclare Hieronymus.

Ep. 26.

Nobis post dormitionem somnumque  
 Pauli-

Paulinę, Pammachium Monachum Ecclesia peperit posthumum & Patris, & coniugis, nobilitate Patricium, eleemosynis diuitem, humilitate sublimem. Apostolus scribit ad Corinthios: Videte, fratres, vocationem vestram, quia non multi sapientes, non multi nobiles. Hęc nascentis Ecclesię rudimenta poscebant, vt granum synapis paulatim in arborem cresceret, vt sensim Euangelij fermentum totam Ecclesię massam altius eleuaret, nostris temporibus Roma possidet, quod mundus ante nesciuit; tunc rari sapientes, potentes, nobiles Christiani: nunc multi Monachi sapientes, potentes, nobiles, quibus omnibus Pammachius meus sapiētior, potentior, nobilior magnus in magnis, primus in primis, *ἀρχισυνάρχης* monachorum. Post nonnulla de Paulinę coniugis facultatibus in pauperes erogatis, dequę extructo ab eo xenodochio in littore Romano, aliaque eiusmodi interiecta.

Quod Patricij generis primus inter primos monachos esse cępisti, non sit tibi tumoris, sed humilitatis occasio; scienti filium Dei, factum filium hominis; Quantumcumque te deieceris, humilior Christo non eris. Esto incedas nudis pedibus, fuscā tunicā vestiariis, æqueris pauperibus, inopum cellulas dignanter introeas, cæcorum oculus sis, manus debiliū, pes claudorum, ipse aquam portes, ligna concidas, focum extruas, vbi vincula? vbi alapę? vbi sputa? vbi flagella? vbi patibulum? vbi mors?

Et

Et cum omnia quæ dixi feceris, ab Eustochio tuâ, Paulâque vinceris, si non opere, certe sexu. Præclarum hoc certamen humilitatis, nouumque vincendi genus, quò vincit qui vincitur; qui deijcitur, erigitur, qui humiliatur exaltatur, sed quod ab eo summo culmine, quod in Christo nobis propositum est, infinito semper distabit intervallo.





## CAPVT XXXI.

*Cur tantopere Deo sit exosa superbia,  
humilitas autem & Deo, & homi-  
nibus gratissima virtus.*

**N**emo est qui non oderit atque excretur  
superbiam, qui non humilitatem sum-  
mis efferat laudibus, superbos & arrogantes  
non odio & despectu dignoscenseat, humiles  
ac demissos maxime probet ac commendet;  
sed quod magnopere deplorandum est, &  
monstri prope simile; quam in alijs damnamus  
superbiam, in nobis ipsis (adeo cæci sumus)  
approbamus ac fouemus, humilitatem quam  
in alijs celebramus, in nobis desiderari ac deesse  
patimur. Nempe quod à D. Gregorio dictum  
est: Tumor mentis dum inflat obnubilat, &  
plerique non absimiles sumus posteris illis Noë, <sup>23. mor.</sup>  
de quibus est apud Eccles. Non exorauerunt <sup>16.</sup>  
pro peccatis suis antiqui gigantes qui destru- <sup>Ecc. 16. 3.</sup>  
cti sunt confidentes suæ virtuti. Cæterum  
peccati superbiæ grauitas atque enormitas ex  
quadruplici capite deduci potest: primum  
quod sese Deo directâ velut opponat fronte:  
deinde quod sit maximum peccatorum, deni-  
que quod origo cæterorum; postremo quod  
virtutes omnes interimat, bonorumque om-  
nium

Iac. 4. 6.  
1. Pet. 5. 6.

nium extinguat merita. Quòd sese Diuino numini velut ex aduerso opponat, docet ille locus Apostoli D. Iacobi, Deus superbis resistit; non enim resisteret superbis nisi ab eis impeteretur, non se aduersus eorum vim & insolentiam vt ita dicam tueretur, nili tam impudens foret vt aduersus Dei numen erigeret se atque attolleret. Duo sunt in quoque peccato spectanda auersio à Deo summo incommutabili bono, & conuersio ad creaturam, infimum & commutabile bonum, & hæc quidem habet se instar materiæ & subiecti, illa autem auersio rationem habet formæ & malitiæ peccati, hæc enim in eo sita est quod præ creatura deferatur creator, violetur eius lex & voluntas, vt creaturâ quis fruatur. Hæc igitur auersio à Deo longe expressior ac maiore quadam deliberatione, ac propensione voluntatis surrepit in peccato superbiæ, quàm in alio quocumque quod vel ex ignorantia, vel infirmitate, vel passione vehementi admittitur, ex immoderata cupiditate rei alicuius creatæ, cui veluti præter intentionem adiungitur auersio à Deo, quam sibi certe non proponunt qui vel avaritiæ vel luxuriæ vel gulæ quodam impetu peccant. Itaque præclare dictum est à Boëtio: Omnia vitia fugiunt Deum sola superbia Deo se opponit præsumptione quadam mentis, Diuinæ sese legi submittere renuens non affectu alicuius creaturæ, nisi fortè cæco suimet amore, quare in cæteris vitijs principem locum obtinet conuersio ad creaturam: in superbia præcipuum sibi locum vindicat auersio à Deo, aut quod æquè est execrandum



crandum conuersio ad seipsum tanquam ad ultimum finem, Deo secluso.

Hinc S. Thom. superbiam censet grauissimum omnium peccatorum, quod auersio à Deo quæ in cæteris consequenter & indirecte reperitur tanquam quid annexum; principaliter & formaliter in superbia conspiciatur. Initium superbiæ; apostatare à Deo; quare & antonomastice peccatum dicitur. Emundabor à delicto maximo, hoc est, à delicto superbiæ vt explicat Glossa. Capitale est radix & origo cæterorum, vt pluribus edisserit S. Gregorius non modò quòd primum, illà, peccatum extiterit tum in Angelo rebellium in primo parente, verùm quòd in omnibus peccatis insita sit quædam inobedientia ac denegatio submissionis Deo debitæ, primusque hic animæ peccantis motus, vt à Deo se auertat illique tergum obuertat, vt ad creaturam aut semetipsam, quæ etiam est creatura, se conuertat, quemadmodum (vt inquiunt philosophi) recessum à termino à quo priorem esse, quàm accessum ad terminum ad quem. Videtur igitur omni peccato velut aditum atque introitum præbere superbia, atque vbi semel animum ac cor occuparit, nulli non vitio præbet accessum. Quid enim timeat qui Deum conditorem suum non veretur? quò non dementiæ ac malitiæ prorumpat qui dicere ausit: quis est omnipotens vt seruiamus ei? Neque mirum si in flagitia quæquæ sceleratissima, naturæ ipsi repugnantia superbi prolabantur. Ecce hæc fuit iniquitas Sodomæ sororis tuæ, superbia, saturitas panis & abundantia, & otium ipsius & filiorum

2.2.q.162  
ar.6.

Ecccl.10;

Pf.18,24;

Ezech.16  
49.

liorum eius, & manum egeno & pauperi non porrigebant. Iam quod superbiacæteras omnes virtutes expugnet atque euertat, omnes omnino pessumdet opes animæ spiritualis tradit idem S. Gregorius. Superbia contra cuncta se animæ membra erigit, quasi generalis & pestifer morbus vno velut afflatu perimit. Ira quidem patientiam expugnare nititur, dissolutio temperantiam, luxuria continentiam, auaritia liberalitatem, inuidia charitatem, acedia deuotionem: at superbia vno velut impetu violento cunctas virtutes deijcit atque extinguit, vt prædo nequissimus animum omni copiâ bonorum operum ac meritorum exspoliât atque denudat. Etenim certum est omne virtutis opus ex fine potissimum & recta pendere intentione vt fiat ob honestatem, quæ in quaque virtute elucet, & ad Deum denique authorem omnis boni referatur: at superbia iugulum mox istud petit rectæ atque honeste intentionis, hîcque virtutem in sui præforat origine, dum prauo fine inficit inanis gloriæ, sui met complacentiæ, dum laudes captat & opinionem atque existimationem hominum aucupatur, ipsam negligit honestatem ac rectitudinem virtutis quâ in Deum denique referatur. Ac, quod magnopere reformidandum crebro monet S. August. ex ipsa quoque virtute ex ipsa perfectione ac sanctitate nascitur superbia, vt ex pretioso panno tinea quæ illum exedit ac consumit, quo magis detestandum est vitium, quod virtutis speciem ac laruam induit, & quod simulata æquitas duplex sit iniquitas. Humilitatis laus & præstantia ex ad-  
uerso,

uerso quadruplici capite non difficulter colligi potest, quod sese Deo imprimis submittat ac subijciat quam potest demississime, quare & eius gratiam ac beneuolentiam sibi conciliat. Humilibus autem dat gratiam; Quod charitati coniuncta, aut ex ea perfecta quæ demum Christiana est dicenda humilitas sit omnium præstantissima prima princepsque virtus, quod cæterarum virtutum sit parens, nutrix ac custos fidissima, fundamentum totius ædificij spiritualis, aut uti vult S. Dorotheus cæmentum quo lapides omnium virtutum in hoc edificio connectantur ac colliguntur aptissimè, si cum humilitatis arena, calx viva charitatis admisceatur. Quod denique sit animæ thesaurus bonorum operum & meritorum auctrix ac conseruatrice, quæ, si quæ alia virtus à Deo perseuerantiam præcipue promereatur ac consequatur. Etenim humiles spiritu Dominus saluabit. Populum humilem saluum facies. Et qui confidit in Domino (non in seipso) non minorabitur sed maiora semper virtutum ac meritorum capiet incrementa. Vt ex virtutibus superbia, sic ex peccatis tum proprijs, tum alienis enascitur humilitas: nam tum ex suo, tum ex aliorum lapsu verus humilis euadit cautiore circumspectiore, ac vigilantior, non immemor illius Apostolici dicti: Qui stat, videat ne cadat se: non suâ virtute, sed Dei gratiâ stare, quam si momento subtrahat grauissimè ruiturum non dubitat, aliorum errata cum potest excusat aut imminuit, nec à se aliena reputat, nisi Deo protegente ab ijs immunis existeret. Si quærat quispiam cur

Domi-

17.28.  
Ps. 39.29.  
Ec. 32.28.

Dominus cohortans nos ad iugum suæ legis tollendum, quod omnes virtutes amplectitur, mansuetudinis dumtaxat & humilitatis meminerit, non abstinentiæ, castitatis, & aliarum, immo nec charitatis quæ est plenitudo legis, à quâ pædet lex vniuersa, & prophetæ: cui similis est perquisitio de dicto cuiusdam senioris apud Dorotheum doctr. 2. quæ sanè lectu dignissima est: sed vt paucis absoluiamus expedita responsio est, per humilitatem cordis & mansuetudinem in animum nostrum cæteras mox induci virtutes, atque ipsam præcipuè charitatem: tolluntur enim eius omnia obstacula atque impedimenta præcipua, superbia, præsumptio & iracundia. Qui humilis est corde suamque agnoscit vilitatem & abiectionem totum se plane Deo subijcit, atque omni creaturæ propter Deum. Qui mitis est, iram facile cohibet, nec difficulter cæteris concedit, suam, præ aliorum voluntate negligens; est autem humilis idem & mitis. Vt iracundiam exsuscitare solet superbia (nam inter superbos semper iurgia) sic mansuetudinem gignit ac conseruat humilitas. Nihil arduum est humilibus, nihil asperum mitibus. Quare seminaria sunt cæterarum hæ virtutes, & verissimè dictum est à D. Basilio profectus in humilitate profectus est in omni virtute. Denique quanti Deus æstimarit hanc virtutem aduertere est ex publica Ecclesiæ collecta, quæ Dominicâ Palmarum prælegitur. Deus qui ad imitandum humilitatis exemplum, Saluatorem nostrum, carnem sumere & crucem subire fecisti; quali scopus Incarnationis & Passionis Christi Domini

D. Leo Ser  
3. de Epi.  
Serm. de  
adorat.  
regum.

mini non alius fuerit quam humilitatis expressio atque imitatio. Atque hæc abundè demonstrant, quas ob causas Deo sit inuita atque exosa superbia, grata verò & accepta humilitas; ad cumulum tamen alia potest adijci causa, quæ ex horum lectione librorum clarissimè perspicitur, quod Deo qui prima est summaque veritas, ignorantio sui, mendax falsaque existimatio superbiæ non possit non maximopere displicere; at sui cognitio veritate subnixa, & ex veritate profecta, sui diiudicatio humilitatis non illi esse acceptissima: non enim potest veritas non amare veritatem, & non odire mendacium; superbia tota mendacio constat, tota falsitas est atque deceptio. Humilitas ex veritate gignitur, illique tanquam matri, filia iungitur, illius solidissimo nititur fundamento; si columna est humilitas, basis eius est veritas; quod ex proximo Paradoxorum libro luculentius apparebit.

P

LIBER



# LIBER SECVNDVS

## CAPVT PRIMVM.

### DE PARADOXIS *Stoicorum.*



NIHIL est, inquit Tullius, tam incredibile, quod non dicendo fiat probabile; nihil tam horridum, tam incuitum, quod non splendescat oratione, & tanquam excolatur; quare hæc ipsa quæ vix in Gymnasijs, & in otio Stoici probant, quæ quia sunt admirabilia, contraque opinionem omnium, ab ipsis Paradoxa appellantur, in lucem & forum proferre, & oratione populari conatus est illustrare sex dumtaxat potissima, quæ visa sunt ei Socratica, longèq; verissima; quâquam alibi minimè ea probanda censet. Paradoxa, primâ specie, ait, admirationem, re explicatâ risum mouere; Magnificè primo dici, considerata minus probari; Vt lenia vina esse, quæ magis gustata, quam potata delectent. Confirmat Plutarchus, Stoicos appellasse Paradoxa  
spo nte

sponte, & vltro confessos absurditatem, & in  
 euanidorum ac frigidorum classem abijcienda,  
 & releganda. Atque non desunt, hodieque,  
 viri eruditi qui pleraque censeant verissima,  
 mirabilia, admiranda, & excelsa, supra Phi-  
 losophorum vulgus, nec vt leuia vina, sed acria  
 & generosa frigus ac languorem stomachi  
 mentis excitare, si non tantum gustentur sed  
 potentur & altius demittantur; quare & ple-  
 niori eadem numero, nullo quod sciam præter-  
 misso, diligenter explicant: quorum ordinem,  
 & ego persequar, atque ex ijs quædam verissi-  
 ma esse, sed Christianorum sensu, non Stoico-  
 rum, patefaciam; quædam, præter magnifi-  
 ca verba nihil eximium continere, quædam  
 toxica esse, & venena nocentissima veritati,  
 humilitati, ac virtuti Christianæ ex diametro  
 repugnantia demonstrabo. Sane, cum atten-  
 tius inspiciuntur, ex ijs plurima nucis instar  
 putridæ fracto cortice, qui fallebat aspectum,  
 nihil sani ac boni succi ad stomachum enu-  
 triendum, sed sordium & vermium pluri-  
 mum ad eum commouendum continere repe-  
 riuntur. In alijs plerisque nihil, nisi magnifi-  
 ca quædam verborum gloriatio, deprehendi-  
 tur: quod & Seneca videtur agnoscere, apud  
 quem ad Stoicos quispiam. Magna promittis,  
 & quæ ne optari quidem, nedum credi possint.  
 Deinde ingentia locuti, cum negastis paupe-  
 rem esse sapientem, non negatis solere illi &  
 seruum, & vestem, & tectum & cibum deesse:  
 cum sapientem negastis insanire; non negatis  
 & alienari, & parum sana verba emittere, &  
 quicquid vis morbi cogit, audire: cum sa-

De com-  
 notionib;  
 aduersus  
 Stoicos;

De consti-  
 sap. c. i.

De benef.

2. 35.

pientem negastis seruum esse, ijdem non itis inficias, & vñumiturum, & imperata facturum, & domino suo seruilia pręstiturum ministeria. Ita sublato alto supercilio, in eadem quę cęteri, descenditis, mutatis nominibus. Idem alio loco. A consuetudine quędam quę dicimus abhorrent, deinde aliā viā ad consuetudinem redeunt, negamus iniuriam accipere sapientem, & tamen qui illum pugno percusserit, iniurię damnabitur: insanire omnes stultos dicimus, nec tamen omnes curamus elleboro. Quamquam igitur vix operę pretium videatur bonas hic horas contetere, & verborum sæpe magis, quam rerum futura est contentio: tamen excutienda sunt studiosis humilitatis Stoicorum hæc superbe atque arroganter dicta Paradoxa; discussis verborum phaleris, errorum fontes aperienti, è quibus arrogantia manat, atque superbia. Et erit operę sanè pretium, cum per eam occasionem, præclarę SS. PP. Hieron. præsertim & Aug. sententię quę sunt ad animi tumorem sedandum, humilitatemque docendam, aptissima, saluberrima monita proferentur. Habet & schola nostra Paradoxa sua longè verissima, à Stoicorum toto cęlo diuersa, cęlestia, Diuina, Christianę Philosophię fundamenta, atque principia, quę Christus Dominus sermone habito in monte de perfectione legis Euangelicę octo Beatitudinibus est complexus. Ab his non efficimur duriores, asperiores, ac propemodum insensibiles, sine affectu vllō pietatis: sed gradum facimus ad præstantia dona spiritus sancti, tum & vberissimos eiusdem fructus ex hac Beatitudinum



arbore fortunatissimâ decerpandos. Continent hi septem octôve gradus Beatitudinum, summum totius Christiane sapientiæ, beatæque vitæ, si quæ potest hic obtineri, compendium: primi tres triplicem abdicationem, fortunarum seu bonorum externorum, voluptatis ac curæ corporis immoderatæ, denique proprii iudicii & voluntatis; tres illas Religiosorum hominum eximias virtutes, quæ voto nuncupatæ, religiosum statum formant atque stabiliunt: ad quas, qui in sæculo sunt, affectu, ac præparatione mentis adspirare debent, paupertatem, castitatem, obedientiam. Duo proximi gradus pertinent ad vitæ actiuae & charitatis in proximos officia; reliqui duo extremi ad apicem vitæ contemplatiuæ, ad eam quæ potest in terris obtineri mundo corde, visionem Dei, oculis fidei collustratis: tum ad pacem illam, quæ secundum Apostolum exsuperat omnem sensum, nosque reuocat in primum originale innocentie statum, dum animus Deo, & animo corpus perfecte subditur, nullaque propemodum existit reluctantis ac rebellantis concupiscentie perturbatio; quam pacem in proximos quoque derivare cum Dei gratiâ nitimur. Septem sunt quæ perficiunt, nam octaua clarificat, & quod perfectum est demonstrat, vti perfecti sunt qui persecutionem iustitiæ causâ patiuntur, quorum virtus velut aurum in fornace, maiorum perpeffione sit expurgata & expolita. Iubet Christus suos, abnegatâ propriâ voluntate ac quotidianâ mortificationis sublatâ cruce, se sequi atque imitari. *Si quis vult ve-*

Aug. l. 1.  
de Serm.  
Domini  
in monte.

Luc. 9. 23.

nit post me; abneget semetipsum, & tollat crucem  
 30. 12. 25. suam quotidie & sequatur me. Et iterum. Qui  
 amat animam suam, perdet eam, qui odit animam  
 suam in vitam aeternam custodit eam. Magna &  
 Aug. tract. 51. in 10. mira sententia quemadmodum sit hominis in  
 animam suam amor ut pereat, odium ne pereat;  
 si male amaueris, tunc odisti, si bene ode-  
 ris, tunc amasti, felices qui oderunt custo-  
 diendo, ne perdant amando. Qui amat  
 Ma. 10. 37. patrem aut matrem plusquam me, non est me di-  
 gnus, & qui amat filium, aut filiam super me non  
 est me dignus, & qui non accipit crucem suam, &  
 7. 39. sequitur me non est me dignus. Qui inuenit ani-  
 mam suam, perdet eam, & qui perdidit animam  
 suam, propter me, inueniet eam. Hæc sapientiæ  
 Christianæ, prima principia, paradoxa videan-  
 tur ijs necesse est, qui de futurâ vitâ nihil admo-  
 dum cogitent, omniaque ad hanc præsentem  
 referunt. Diuitias paupertate commutandas:  
 honorem sui contemptu comparandum: gau-  
 dium in luctu ac lacrymis situm: gloriam in-  
 famiâ, vitam morte pro Christo toleratâ, pa-  
 randam: quò te magis deieceris, ac humi-  
 miliaris, eò magis erigendû, atque extollendû,  
 & quo te magis extuleris eò magis deprimendû.  
 Præclarû est illud paradoxum Christi Domini;  
 Omnis qui se exaltat humiliabitur, & qui se hu-  
 14. de Ci- miliat, exaltabitur. Quod à S. Aug. ad præsens  
 11. 1. 3. quoque tempus, accommodatur in hûc modum.  
 Est igitur aliquid humilitatis miro modo, quòd  
 " sursum faciat cor: sic est aliquid elationis quòd  
 " deorsum faciat cor; Videntur hæc contraria esse  
 " ut elatio sit deorsum, humilitas sursum: sed pia hu-  
 " militas facit subditum superiori: nihil autem  
 superius

superius Deo, & ideo exaltat humilitas quæ facit subditū Deo. Elatio autem quæ in vitio est, eo ipso quo respuit subiectionem, cadit ab illo quo non est quidquam superius, & ex hoc erit inferius, & fit quod scriptū est: deiecisti eos dū extollerētur: ipsum quippe extolli dei jci est: Quod attinet ad Stoica paradoxa, Tullius duo prima collocat in fronte, quod solum bonum honestum, quod seipsā cōtenta virtus ad beatē viuendū, quæ sunt à nobis iam explicata; summū bonū beatæ obiectū finem vitæ, authorē atque effectorem esse Deum Opt. Max. cui nos virtus adiungat, quæ sit via, & ratio illius assequendi; neque posse honestē, & ex virtute vitā traduci, nisi tota referatur in authorem, à quo sic est instituta natura rationis cōpos; vt Dei sit honos ac gloria si secundū rectā rationem, Diuinamq; legē suam viuat, moresq; & actiones omnes suas cōponat. Est enim recta ratio diuinæ quædā legis & æternæ participatio, cui rectæ rationi congruere, ac consentire sit benè, rectè, honestè viuere; ab eā deficere ac discordare, male inhonestè ac turpiter. Cæterum quoddam est vtile, ac iucundū quoque bonum corporis, quod honesto semper sit postponendū; illiq; tamē subinde subseruiat, atque adminiculetur. At quādiu versamur hīc in terris si sola virtus ad viuendū ne quidē sufficit, ad beatē viuendū quī sufficiet? Cū sine cibo, potu, sōno, alijsq; subsidijs miserrima hæc vita traduci nequeat, tantū abest, vt beata esse queat omniū bonorū aggregatione cumulata, ac perfecta; quæ est omnium ærumnarum prope sētina; vitalis mors miserrima; nisi Christi gratiæ solatijs temperaretur, intoleranda.



## CAPVT II.

PRIMUM PARADOXVM;  
*Sapientes omnes pares esse.*

Sen. ep. 79  
 & 84.

4. de fini.

Ep. 71.

**O**Mnes non modò qui iam sunt, sed quicumque fuere, vel erunt deinceps sapientes, pares erunt, & æquales; nimirum adeptâ sapientiâ, ac perfectione quæ nec intendi, nec remitti potest, non secus atque regula, quâ rectum probari solet, inflexibilis est, hæc enim sapientia beata vita est; sapientes omnes summè beati sunt, inquit Tullius, qui vero statuit omnes in summo, statuit in æquali, quia quemadmodum summum, adiectionem non recipit, (quid enim supra summum erit) ita nec beata quidem vita, quæ sine summo bono non est. Idem esse dicebat Socrates veritatem & virtutem, quomodò illa non crescit, sic nec virtus quidem. Habet numeros suos; plena est. Si beatus est sapiens, ergo perfectè, & vt nihil desit: quid minùs probandum, quàm esse aliquem beatum, nec satis beatum? Quod autem satis est, cò quicquid accesserit, nimium est. At nemo nimium Beatus est, & nemo, Beato Beatior. Sunt isti paralogismi, nam & supra demonstratum est in ipsa quoque veritate, ac fallitate, seu mēdacio illi opposito, gradus esse;  
 Prima

Prima & summa veritas, Deus est, à quo deducitur, velut à fonte veritas omnis; à primâ luce veluti quædam scintillula dimanat omnis intelligentia, ac comprehensio veritatis, in quâ quanta sit claritatis, certitudinis præstantiæ ac dignitatis pro varietate argumenti diuersitas, apertissimum est. Quare, vt aliq̃ alijs excellunt veritates materiæ dignitate, certitudine, claritate, sic & inter virtutes, varius est ordo, & gradus; nec omnes sunt inter se pares, nec vna simplex perfectio impartibilis est; ac pluribus iam suprà disputatum est de sapientiæ ac perfectionis gradibus, charitatis, inquam, & humilitatis in quâ vera est sapientia, ac perfectio Christiana. Non sunt virtutes, earumque actiones ipsæ sibi regula, sed ex eò quòd conformentur regulæ, ac cum eâ conueniant, bonitatis moralis rationem & honestatis laudem consequuntur. Regula prima est Deus Opt. Max. prima ac summa veritas, bonitasque infinita, & inexhausta; aut si dicatur regula, recta ratio à Deo nobis insita, participatio legis æternæ, hæc sane varia esse potest, tum pro varietate materiæ, in quâ versatur, tum pro varietate claritatis, intensiōnis, rectitudinis, alteriusve conditionis quâ dimanat à Deo pro eius vnus beneplacito. Et si præscribat semper idem regula, cum idem est opus & argumentum; tamen opera inter se plurimum sunt diuersa, ratioque præscribens, aut conscientia dictans, in quibusdam intensior & explicatior est, maiore luce, ac firmitate nititur, voluntasque bonum opus exequens, alacritate, promptitudine contentioneque

neque maiore fertur. Vt inter virtutes earumque actiones, plurimum interesse sit necesse.

Sint igitur sapientes omnes summè beati idest summo bono, Deo Opt. Max. perfruentes, siue inchoatè hâc in vitâ per fidem illustrem & ardentem charitatem; siue in alterâ perfectè per claram visionem, consummatamque charitatem: non tamen qui statuit omnes in summo, statuit in æquali, quia non summe participatur nec omni modo. Abiectionem recipit non ipsum summum bonum, sed summi boni creata participatio: Obtinetur summum bonum idque perfectæ vt nihil desit, non ita tamen summo bono quin perfectius atque perfectius semper obtineri possit, qui beatus est, satis est beatus; nihilque amplius expetit; beatior tamen effici potest, & efficietur, vbi ex huius vitæ Beatitudine, quæ vix id nomen meretur, in alterius vitæ beatitudinem numeris omnibus absolutam translatus emigrarit. In illâ autem nullum erit desiderium maioris perfectionis, aut beatitudinis; quoniam naturalis omnis capacitas animæ virium, erit expleta. Est alia capacitas insuper omnipotentia Dei respondens, quam dicere possumus obedientialem, quæ nullo limite, nisi Diuinæ voluntatis coerceatur tantumque bonum est, tam infinitum, tam inexhaustum Deus noster, vt ab se solo comprehendi queat. à suis creaturis cum infinitâ quâdam distantia, & vario discrimine, ab alijs amplius, ab alijs minùs capiatur, magisque

gisque aut minùs clarâ visione possideatur: id satis est ad beatam vitam efficiendam, quòd expleat naturalem omnem appetitum, quo nihil vltra expectatur, sed si quid ampliùs accedat, ex Diuinâ munificentia; non est nimium, neque respuendum, cum vt Deus ipse infinitum est bonum, quod infinitè participari queat, ita sit in animis nostris infinita quâdam capacitas obedientialis, vti dixi, quod satis ad explendam naturalem appetitum, non est nimium ad supernaturalem & obedientialem, sed hæc omnem prophanæ philosophiæ subtilitatem longe transcendunt. Non importunè verò quæri posset à Stoicis, quos, hoc loco, sapientes intelligant? perfectos, consummatos, primæ notæ, hætenus irreptos? aut quitanquam Phænix anno sexcentesimo dumtaxat appareant? an in classe proficientium, secundæ notæ, quos & ipsi varijs gradibus, discriminant, quorum alij propiùs, alij remotius distent à culmine sapientiæ. Iterum quos beatos? huiusne ærumnosæ vitæ, dum adhuc in mortali corpore traducitur, an alterius immortalis dum animus corpore solutus, Deo summo bono suo perfruetur? Nam in hac quidem vita, vt loquar ex sententia Senecæ, generosos animos labor nutrit, sed non omnes pariter exercet, aut ad eundem virtutis apicem perducit; multiq̃ue sunt, quibus nihil vnquam contigit aduersi, de quo, ait ille, dii malè iudicauerunt. Indignus visus est, à quo vinceretur aliquando fortuna, quæ ignobilissimum quoque refugit, contumacissimum, id est, fortiter obuiantem

I. de Prov.  
c. 3.

o buiantem quemque & rectum aggreditur,  
aduersus quem, vim suam intendat: ignem  
experitur in Mutio, paupertatem in Fabricio,  
exilium in Rutilio, tormenta in Regulo, ve-  
nenum in Socrate, mortem in Catone.

Horat. l.  
1. Ep. 1.

Quis igitur in hac vita dicat omnes pares in  
tam diuersis animis, atque euentibus, tam di-  
spari studio, conatu, ac profectu Sapientiæ.

Non possis oculo quantū contédere Lynceus,  
Non tamen idcirco contemnās Lippus inungi;  
Nec quia desperes inuicti membra Glyconis  
Nodosa corpus nolis prohibere chiragra;  
Est quadam prodire tenus, si non datur ultra.

2. Cor. 9.

Iam in altera vita pares omnes esse; & alium  
alio beatiorē non esse, pridem damnatum est  
in hæresiarcha Iouiniano. Alia est claritas so-  
lis, alia lunæ, alia stellarum. *Qui parce seminat,  
parce & metis, & qui seminat in benedictionibus,  
de benedictionibus & metet;* pro meritis vnus-  
quisque mercedem recepturus est, vnusquis-  
que secundum opera sua. Extat decretum  
Conc. Florent. sessione vltima, quo Græcis  
consentientibus est definitum: inter beatos  
alium alio perfectiūs Deum, sicuti est visurum:  
damnatos quoque disparibus penis puniendos.  
Quodam sanè sensu Stoicorum hoc Parado-  
xum ad veritatem Christianam traduci queat,  
si dicantur sapientes ex Dei munere sapientiā  
ac virtute diuinitus illis impertitā valde esse  
disparēs ac differentes; cæterum ex nativā suā  
conditione, ex suoque nihilo, si spectentur vt  
Dei donorum expertes, sibi relictī, siue vt ex  
Adamo communi parente prognati, origi-  
naria infecti luc sic pares esse & nullam sup-  
petere



petere causam cur alter alteri se præponat. Aug. in  
Ps. 341.  
 Quid est homo, fratres, caro, & quid alter  
 homo, nisi altera caro? & tamen caro diues,  
 extendit se contra carnem pauperem, quasi ali-  
 quid illa caro attulerit, quando nata est, aut  
 aliquid auferatur quando moritur: ad hoc  
 plus habuit, vt plustumeret, & alibi. In vis-  
 ceribus matrum vestrarum, ambo, nudi fuistis. Aug. in  
Ps. 72.  
 Certè etiam cùm de istâ vitâ exieritis, & iste  
 carnes exutâ animâ fuerint putrefactæ, dignos-  
 cantur esse diuitis & pauperis. At verò sensu  
 Stoicorum, repugnat hoc paradoxum veritati  
 & virtuti humilitatis; quæ docet extremas  
 vnumquemque sibi debere desumere partes,  
 prioresque ac potiores alijs deferre: seu quod  
 monet Christus Dominus in nouissimo loco  
 recumbere, & Apostolus, *honore inuicem præ-* Rom. 12.  
19.  
*uenientes, in humilitate superiores sibi inuicem ar-* Ad Phil.  
2.4.  
*bitrantes*. Quare condemnant hoc paradoxum  
 sua nuncupatione integri Ordines Religiosi,  
 Fratrum Minorum S. Francisci Assisianis, &  
 Minimorum S. Francisci de Paula, tametsi  
 pietate, virtute, doctrinâ, rebus minimè in- Const. c. 1  
 feriores; & hæc quoque nostra, vt loquitur 9. 12.  
 S. Ignatius minima congregatio quæ à sede  
 Apostolicâ, primâ sui institutione societas  
 Iesv nominata est.

CA.



## CAPVT III.

*Aduersus idem Paradoxum ab exemplo  
Apostoli & Hieronymi potissi-  
mum authoritate.*

2. Cor.  
11. 5.

2. Corin.  
11. 23.

1. Cor. 13.  
8. 9.

Eph. 3. 8.

**Q**Uam Apostolus verbo docuit humilitatis virtutem ac sui infra cæteros omnes abiectionem, eandem quòque plenius conformauit exemplo. Nam tametsi verò existimaret nihil se minus fecisse à magnis Apostolis princeps & antonomasticè Apostolus; tametsi Euangelium non ab homine didicisset, sed per reuelationem IESV Christi, qui eum vocandi & Apostolatum conferendi causâ, de cælo voluit apparere: tametsi plus cæteris laborasset. *(Vt minus sapiens dico) plus ego: in laboribus plurimum in carceribus abundantius, in plagis supra modum, in mortibus frequenter &c.* tamen de se sentit & loquitur submississimè. *Novissimè aut in omni ut inquam abortiuo, visus est & mihi. Ego enim sum minimus Apostolorum, qui non sum dignus vocari Apostolus, noniam persequutus sum Ecclesiam Dei.* In posteriori autem ad Ephesios Epistolâ cum ait: *Mihi omnium sanctorum minimo data est gratia hæc, in Gentibus euangelizare inuestigabiles diuitias Christi.* Tot interea pro Christo atque Euangelio susceptis laboribus, haud mediocrem in  
humi,

humilitate profectum se fecisse demonstrat:  
nam illic ad Corinth. Apostolorum, hic ad  
Ephes. omnium Sanctorum. 1. Christiano-  
rum, quorum erat ea tum appellatio mini-  
mum proficitur, illic se minimum vocat: Græ-  
cè ελάχιστον: hic (vt ita dicam) minimissimum:  
nam Græcè est comparatiuus ex superlatiuo  
formatus ελαχιστερον ac si dicas mihi infirmio-  
ri omnium Sanctorum prioris ad Timoth.  
*Fidelis sermo, & omni acceptione dignus: quod*  
*Christus IESVS venit in hunc mundum pecca-*  
*tores saluos facere, meorum primus ego sum.* 1. 13.  
Primum non origine & tempore velut in Pau-  
lum Adami anima commigrasset (vt ineptè  
quidam somniant) sed magnitudine, grauitate,  
enormitate peccatorum, quorum sibi conscius  
erat nihil de alijs disquirens, aut diiudicans;  
quasi diceret Apostolus, vnus sum ex præci-  
pui & insignioribus peccatoribus, quantum  
quidem ego iudico, quantum mea fert opi-  
nio, nihil in aliorum inquirens conscientias,  
mihi conscius erratorum ac peccatorum meo-  
rum, quæ me in alijs inquirere charitas hu-  
militasque non patitur. Ad eum modum  
Illustrissimus Martyr S. Ignatius ad Smirnen-  
ses, saluto omnes sanctos quorum vltimus  
esse dignus non sum. D. Hieron. vltimum  
se Christianorum proficitur. Humilitatis est  
conferre mala sua, defectusque proprios,  
quos egregiè nouit, cum bonis ac virtutibus  
proximi, de quibus bene atque optimè sen-  
tire iubet charitas: sua cum inspicit bona  
virtutesque à Deo collatas memor dicti il-  
lius Apostoli: *Quid enim habes, quod non acce-*  
*pisti?* 1. Cor. 4. 7.

*psis*? magis etiam deprimitur, & ad animi gratitudinem aduersus Deum, salutaremque metum, quod de ijs reddendæ sint rationes, excitatur. Errata proximi prorsus ignorat, nihil enim ad illum pertinet, & virtutes opinionem suâ maiores meritò suspicatur. Quare non est illi difficile proximum in humilitate sibi superiorem existimare. Sed nos ad se D. Hieron. hoc idem argumentum pertractans inuitat.

Iouinianum qui ex Epicureo Stoicus euaserat, ac Christum Zenone commutarat, accuratè refellit ex scripturis veteris ac noui testamenti. Sed quale est; vt quia inter bonos & malos diuisio est, tu asseras inter ipsos bonos, vel è contrario malos nullam esse distantiam, nihilque referre vtrum in pecore aliquis aries sit, an ouicula? vtrum primam lanam habeat, an secundam? vtrum scabidum pecus sit, & morbidum, an vegetum atque subsultans? maximè cum Ezechiel

Ezec. 3. 4. oues rationabiles, & diuersitatem inter pecus & pecus suæ prophetiæ autoritate demonstrat; & cætera quæ per otium lector consulere poterit; hoc loco referam paucula ex ijs quæ habet aduersus Pelagianos, hoc in Paradoxo Stoicorum sectatores. Cæterum, inquit, alium differre ab alio, & diuersas esse in hominibus iustitias, nulli dubium est, & vel maiorem esse alium, vel minorem & tamen secundum statum & mensuram suam posse iustos nominari, qui aliorum comparatione

2. Ti. 4. 8. iusti non sunt. (Verbi gratia) Paulus Apostolus vas electionis, qui plus omnibus Apostolis

stolis laborauit vtique iustus erat, scribens ad  
 Timotheum: *Certamen bonum certavi, cursum  
 consummaui. Fidem seruavi, & cetero eposita  
 est mihi corona iustitia: quam reddet mihi Do-  
 minus in illa die iustus Iudex, non solum autem  
 mihi, sed & omnibus qui diligunt aduentum eius.*  
 Iustus erat & Timotheus discipulus eius, &  
 imitator, quem docet quid agere debeat, &  
 quem modum tenere virtutum. Putamus-ne  
 vnā & eandem in vtroque fuisse Iustitiam?  
 & non plus habere meritorum, cum qui plus  
 omnibus laborauit? Multæ mansiones sunt  
 apud Patrem quia & merita diuersa. Stella à  
 stella differt in claritate, & in vno Ecclesiæ  
 corpore membra diuersa sunt, habet sol ful-  
 gorem suum, luna quoque noctis tenebras  
 temperat, & quinque sidera alia, quæ vocantur  
 errantia, diuersis & cursibus & luminibus celū  
 peragrant: innumerabiles sunt aliæ stellæ, quas  
 micare in firmamento cernimus: In singulis di-  
 uersa sunt lumina, & tamen in suo vnaquæque  
 perfecta est, ita dūtaxat vt cōparatione maioris;  
 perfectione careat. In corpore quoque cuius  
 membra diuersa sunt, aliud oculus, aliud  
 manus, aliud pes agunt. Vnde & Apostolus  
 dicit: *Non potest oculus dicere manui, non es  
 mihi necessaria:* Aut iterum caput pedibus,  
 non desidero operam vestram.

Numquid omnes Apostoli? numquid om-  
 nes Prophetæ? numquid omnes Magistri?  
 numquid omnes cunctas habent virtutes?  
 numquid omnes donationes habent sanita-  
 tum? numquid omnes linguis loquuntur?  
 numquid omnes interpretantur? æmulamini

dona maiora. Omnia autem hæc operatur vnus atque idem spiritus, diuidens propria vnicuique prout vult: in quo diligenter attende, quod non dixerit, secundum quod vnum quodque membrum cupit, sed secundum quod ipse vult spiritus: neque enim dicere potest vas figulo suo, quare ita vel ita me fecisti? an non habet figulus potestatem de eodem luto, aliud vas facere in honorem, aliud in contumeliam? Vnde consequenter adiecit: æmulamini dona maiora: vt in fide & industriâ plus cæteris charismatibus habere mereamur, melioresque simus ijs qui comparatione nostri, in secundo vel tertio gradu positi sunt. In magnâ domo vasa diuersa sunt, alia aurea, alia argentea, ænea, ferrea ligneaque; & tamen secundum modulum suum, cum æneum vas perfectum sit, comparatione argentei vasis imperfectum dicitur, rursumque argenteum aurei collatione deterius est; atque hoc modo, dum sibi inuicem comparantur, imperfecta, & perfecta sunt omnia. In agro terræ bonæ, ex vnâ semente tricenarius & sexagenarius, & centenarius fructus exoritur: ipsi numeris indicatur impar esse, quod nascitur: & tamen in suo genere perfecta sunt singula. Elizabet & Zacharias, quo testimonio, quasi impenetrabili vteris clypeo, nos docere possunt, quanto inferiores sunt Beatæ Mariæ, Matris Domini, sanctitate, quæ conscientia in se habitantis Dei libere proclamat: *Ecce enim ex hoc beatam me dicent omnes generationes: &c.*

Ipse quoque Ioannes quo maior non fuit inter

Luc. 1. 48.

Mat. 11.

inter natos mulierum, parentibus suis melior est: non enim solum hominibus, sed & Angelis, testimonio Domini comparatur: & tamen qui cunctis hominibus erat maior in terra, minimo in regno cælorum minor fuisse perhibetur. Quid mirum in collatione sanctorum alios esse meliores, & alios inferiores; cum è contrario in collatione peccatorum hoc intelligi possit? ex corporalibus consideraremus spiritualia, alius velox est pedibus, sed non fortis manu, ille tardus incessu, sed stabilis in prælio est; hic pulchram habet faciem, sed raucae vocis est: alius tetram, sed dulci modulatione cantat; illum ingeniosum, sed obliuiosum, hunc memorem, sed tardi videmus ingenij; in ipsis controuersijs in quibus quondam pueri lusimus, non omnes similiter, vel in proæmij vel in narrationibus, vel in excessibus, vel in argumentis, aut exemplorum copiâ & epilogorum dulcedine se agunt, sed eloquentiæ suæ alia, atque alia in parte dissimiles sunt. De viris magis ecclesiasticis loquar. Multi super euangeliâ benè disserunt: sed in explanatione Apostoli impares sui sunt; Alij cum in testamento nouo optimè senserint, in psalmis & veteri testamento muti sunt. Hoc totum dico quod non omnia possumus omnes, rarusque aut nullus est diuitum, qui in omni substantiâ suâ paria vniuersa possideat.

Ad amplius coarguendos Stoïcos disputari hic possit de imparitate, & inæqualitate animarum; quæ tanta est vt in solam diuersitatem complexionis corporum referri non posse vi-

deatur; ita alius alium superat, vel acumine & subtilitate ingenij, vel facilitate ac maturitate iudicij, vel memoriæ viuacitate ac tenacitate, vel prudentiæ ac circumspeditionis laude; ita alius ad theoricās scientias, alius ad practicas naturæ propensione fertur, alius ad misericordiam, alius ad iustitiam, alius ad aliam virtutem propendet, atque adeo, vt plane sit probabilis S. Thomæ sententia, animas ex sua creatione impares esse, & inæquales; à quā sententia non videtur alienus S. Augustinus qui indicat eam diuersitatem propensionum in diuersitatem corporum, ac temperaturæ, à medicis referri, non tamen omnino probari; sed si tanta temperaturæ corporum potest esse disparitas intra eandem speciem, cur non & animarum? Certè neque corpus, neque animam sibi quispiam effinxit atque formauit, sed in Deum Authorem, omnis ista corporum, animorumque diuersitas est referenda.

1. q. 85.  
a. 7.

4. contra  
Iul. c. 3.

CA-





## CAPVT IV.

## SECUNDVM PARADOXVM;

*Virtutes pares, itemque indiui-  
duas esse.*

**V** Traque pars huius Paradoxi iam expli-  
cata est; sed vt apertius Stoici coarguan-  
tur, vtraque reuocetur ad incudem. S. Thom.  
1. 2. q. 66.

Prior, pares virtutes. quo sensu? omni quo  
dixeris virtutes, etiam diuersas, pares esse; vir-  
tutis eiusdem actiones omnes pares, denique  
diuersarum pares esse. Seneca: Virtutes inter Ep. 66.  
se pares sunt: & opera virtutum, & homines,  
quibus illæ contigere.

Triplex paritas, & triplex error; Diuersas  
virtutes specie distinctas, quis negare possit  
impares & inæquales, cum ipsa naturâ, siue præ-  
stantiâ obiecti aliæ alijs præcellant. De Cha-  
ritate constat ex Apostolo: *Maior horum* 1. Cor. 13.  
*est Caritas*, Fide, ac Spe excellentior. *Emu-  
lamini charismata meliora*. De Religione erga  
Deum, Pietate erga Parentes, Obseruantia  
erga maiores, Gratiitudine, Liberalitate,  
alijsque virtutibus facile confici potest. Pru-  
dentia, quæ in ratione, nobilissima mentis  
parte sita est, inter morales primum locum  
obtinet; sequitur Iustitia in voluntate Forti-  
tudo,

tudo in appetitu irascibili, Temperantia in concupiscibili.

Iam in diuersis hominibus easdem virtutes diuersas esse gradibus perfectionis; vti eas exercitio, aut potius Dei dono diuersimodè compararint, vel auxerint, non potest esse dubium. Nam esto virtutibus inducatur vna regula, recta & simplex ratio, eaque sit Diuina, aut Diuinæ regulæ creata quædam participatio; non sequitur in diuersis eam semper eadem claritate lucere, ac firmitate inhærescere, aut certè ad eam æquè omnes omnium virtutes accedere, eique se conformare. Ex quo patet nec eiusdem virtutis, multoque minus diuersarum actiones semper pares esse, cum & à diuerso mentis fidei, ac prudentiæ lumine dirigantur, diuersa formaliratione, motiuoque honestatis admodum diuerso nitantur & varia contentione, studio, ac proposito voluntatis exercentur.

Parad. 3.

Ep. 65.

Quod ait Tullius: Etenim si benefacta rectè facta sunt, & nihil recto rectius, certe ne bono quidem melius quidquam inueniri potest; negatur nihil recto rectius esse posse, & nihil bono melius. Item quod Seneca: Nihil inuenies rectius recto, non magis quàm verius, temperato temperatius. Omnis in modo est virtus; Modus certa mensura est. Constantia non habet quo procedat, non magis quàm fiducia, aut veritas, aut fides. Quid accedere perfecto potest? Nihil; Imò verò nihil tam perfectum, quin perfectius effici queat, semperque in immensum restat infinita quædam perfectionis series adijcienda

ijcienda, si maximè ad Deum omnis Authorem perfectionis, abyssumque inexhaustam bonitatis (quam æmulari nos par est) attendas: semper habet constantia quo procedat, quo in dies excreseat; fiducia, veritas, fides, incrementa semper capere possunt, maioris certè lucis, claritatis, intensioris ac firmitatis.

Modus certa mensura est, sed minimè consistens in indiuisibili; suam habet latitudinem in genere moris; ac esto sit indiuisibile velut signum sagittarijs propositum, vnus tamen quispiam promptius attingere potuit, quàm alius; sed non est necesse rectæ rationis medium in indiuisibili contingat, sufficit ad id accedere, vt rectè Philosophus admonet. 2. E: hi.

Posterior pars: Indiuiduas esse virtutes, aliunde iam pertractata est; & perfectas & imperfectas virtutes seiungi posse, cum nullo certo vinculo nec prudentiæ, nec charitatis colligentur; sed eas in idem vnum aggregari subiectum planè contingat: Vnaquæque enim virtus perfecta suam habet prudentiam, in eodem rerum genere perfectam, neque vlla necessitate consortium requirit cæterarum. Charitas sine alijs infusis esse non potest; at potest esse sine acquisitis, & hæc ac Theologicæ fides, & spes, non necessariò charitatem habent adiunctam.

Gloriosa illa magis quam vera Senecæ prædicatio; Cum semel animum virtus indurauit, vndiquè inuulnerabilem præstat, non enim singula vitia ratio, sed pariter omnia prosternt; in vniuersum semel vincit; sicut sol pariter oritur, & omnia illustrat. Verum

Q4

huic

huic dicto reclamation experientia, nec vno virtutis actu, aut crebrius etiam repetito, virtutem acquiri ac confirmari, multoque minus cum vna virtute ceteras omnes comparari; nec, si te diu multumque in vna virtute exercueris, in alijs continuo promptum te, & expeditum inueniri: Esto, perfectæ virtutes sint connexæ, quod ante negatum est; At quas hic obtinemus, imperfectæ sunt, & inchoatæ, quas idcirco iurum non est, si copulatæ non sunt inter se, parum firmas, & imbecillas esse.

aduersus  
Pelag.

Atticus apud Hieronymum. Quamdiu habemus thesaurum istum in vasis fictilibus, & fragili carne circumdamur, immo mortali & corruptibili, beatos esse non credamus, si in singulis virtutibus, partibusque virtutum Deo subiecti sumus; Cum autem mortale hoc indutum fuerit immortalitate, & corruptium hoc incorruptione vestitum, & absorpta, mors fuerit in Christi victoria; tunc Deus erit omnia in omnibus; vt non sit tantum in Salomone Sapientia, in Dauide animi mansuetudo, in Elia & Phinees Zelus; in Abraham fides; in Petro cui dictum est;

1. Cor. 15.  
4.

Ro. 11. 17.

*Simon Ioannis amas me?* Perfecta dilectio; In electionis vase studium prædicandi, & in cæteris vel bina vel trina, sed totus in cunctis, sit, & omni virtutum choro sanctorum numerus gloriatur; & sit Deus omnia in omnibus; Critobulus. Nullus ergo Sanctorum quamdiu in isto corpusculo est, cunctas potest habere virtutes? Atticus. Nullus; quia nunc ex parte prophetamus, & ex parte cognosci-

mus

1. Cor. 13.

mus, nec enim possunt omnia esse in omnibus hominibus; quia non est immortalis filius hominis. Si totum requiris ab omnibus tollis rerum diuersitatem, & gratiarum distantiam, & creatoris artificis varietatem, cuius sacro propheta sonat carmine. *Omnia in sapientia* Ps. 103. *fecisti.*

Aliud Paradoxum huic connexum, iure De com. carpit Plutarchus. Quod tempus bonum non notionib. augeat si accedit, sed si quis vel puncti spatio horæ prudens fuerit, nulli concessurum in felicitate, qui vel longissimum ætatem virtute sit fruitus, & beatè in eâ vixerit, qua de re Seneca.

Non ero beatior multos annos in possessione virtutis, quàm si dies aut pauculas horas. Summum bonum nec infringitur, nec augetur; in suo modo permanet, vtcumque fortuna se gessit, siue illi senectus longa contigit, siue citra senectutem finitum est, eadem mensura summi boni, quamuis ætas diuersa sit. Vtrum maiorem an minorem circulum scribas, ad spatium eius pertinet, non ad formam, licet alter diu manserit, alterum statim obduxeris, & in eum in quo scriptus est, puluerem solueris; in eadem vterque forma fuit. Denique quod rectum est, nec magnitudine estimatur, nec numero, nec tempore; non magis produci quàm retrahi potest; honestam vitam ex centum annorum numero, in quantum voles corripis, & in vnum diem cogis æquè honesta. Hæc verò Stoica Paradoxa falsa, & incredibilia, satis sit recitasse, & in apertam lucem protulisse; hoc enim est refutasse, quod aperuisse

aperuisse. Si summum bonum beatam vitam accipimus, quæ tanquam præmium rectè factorum rependetur, eam æternitatem includere & de æternitate securitatem, iam dictum est. Non erit beata vita, quæ æterna non erit, & de æternitate secura. Si de honestis actionibus huius vitæ, quibus illam sempiternam vitam promeremur, & velut prægustamus, quis negabit eas, pro numero, duratione & tempore, magnopere estimandas, & quò maior fuerit acervus meritorum, ac rectè factorum, eò quoque maiorem mercedem rependendam, Non sola forma spectanda est, sed operis quoque materies, & magnitudo, & circulum aureum, argenteumve, quis non prætulit ei qui in pulvere sit descriptus? Tum alius alio describi potest accuratius, atque perfectius: Esto circularis & orbicularis figura sit in omnibus; eadem tamen absolutior in quibusdam, quam in alijs existere potest, si à centro non sit omnium æquè partium distantia; Non enim mathematicè sed Physicè, aut potius morali quadam estimatione circulus hic æstimatur.

Vt circumstantiæ multæ numerantur culpam aggrauantes; sic multæ sunt augentes laudem ac dignitatem virtutis; Non ex obiecto solo, sed alijs quoque conditionibus personæ, loci, temporis, augefcit honestas & laus actionis. Quo maior cautio atque industria in bonorum malorumque delectu debet adhiberi, eò magis laudanda prudentia, quo labores grauiiores periculaque subeunda, eò magis de prædicanda fortitudo; quò voluptates

voluptates acriores, vehementiores, repudiandæ, aut moderandæ, eò præstantior habenda Temperantia; in quo denique latius patent officia suum cuique restituendi, iustitiæ laus amplianda. Chrysippi dictum iure Plutarcus irridet, parem esse virtutem, patriam fortiter seruasse, & muscæ morsum fortiter sustinuisse &c. Nescio quid diabolicæ fraudis, atque amentitiæ in Stoicoshoc dogmate latentis obseruare est. Nam vt alias impeccantiam, & apatheiam, ita hic perfectam æqualitatem, omnimodamque qualis inter personas tres Augustissimę Trinitatis existit, affectasse videntur, & tamen omni gradu atque ordine sublato, chaos quoddam immane atque Orci teterrimam confusionem induxisse; mox quoque videbimus eos diuinam immutabilitatem affectasse.

CA.



## CAPVT V.

## TERTIVM PARADOXVM;

*Sapientem sibi parem, & in  
Gaudio semper esse.*

**T**ertium Paradoxum etiam de paritate, atque æqualitate ipsius sapientis, hunc constare sibi, in eodem semper animi statu, ac tenore versari, eoque optimo, & optatissimo; quare in gaudio semper esse. Voluptatem (si ad nostrum album verba dirigimus) rem infamem esse, & gaudium nisi sapienti non contingere. Est enim elatio animi suis bonis viribusque fidentis; hæc Seneca. Sed quæ sit alia descriptio superbiæ? quam elatio animi suis bonis viribusque fidentis? hæc quibus delectatur vulgus, tenuem habent ac effusoriam voluptatem, & quodcumque inuectitium gaudium est, fundamento caret. At gaudium sapientis intus nascitur, in virtutis arce fundatum est, altum, & ex alto veniens ex se ortum; fidele, firmumque est, & crescit, & ad extremum usque prosequitur. Si ex Deo id oriretur, altum & ex alto veniens foret, idemque firmum, fidele fundatum, ac continuum, at ex seipso, omnis inconstantia ac perturbationis origine, vitiorumque scaturigine,

Ep. 67.

Ep. 23.

de vita  
beata c. 4.



torigine, qui potest esse fundatum, constans, atque perpetuum? *Quare posuisti me contrarium tibi?* aiebat Deo S. Iob, & *factus sum mihi meti ipsi gravis?* Nolo tibi vnquam deesse lætiti-  
 am, volo illam tibi domi nasci, nascetur si modo intra te ipsum sit; cæteræ hilaritates non implent pectus, sed frontem remittunt, leues sunt; nisi tu fortè iudicas illum gaudere, qui ridet; Animus debet esse alacer, & fidens, & super omnia erectus: rectè; modò ne arrogans, & superbus. Hoc gaudium, de quo loquor, solidum est, & quod plus pateat introrsus; aliquod potius bonum mansurum circumspice. Nullum autem est nisi quod animus ex se sibi inuenit; O si Deum in se & ex se requirat, authorem naturæ ac gratiæ, omnisque veræ lætitiæ, inueniat, ac teneat fontem, nam quid ipse sibi præstet animus, omniū egentissimus? Sola virtus præstat gaudium perpetuum, securum, nempe Christiana virtus, quæ sola potest esse salutaris, humilitas, charitas tum quæ se Deo, proximoque propter Deum subiiciat, atque annectat; etiam quid nubium modò interuenit, quæ infra feruntur, nec vnquam diem vincunt.

Talis est sapientis animus, qualis mundi status superlunam. Ep. 1.

Perpetuum nulla temeratus nube serenum.

Nam illa pars mundi superior, & ordinatior, nec in nubem cogitur, nec in tempestatem impellitur, nec versatur in turbinem, omni tumultu caret; eodem modo sublimis animus, quietus semper, & in statione tranquillâ collocatus, modestus, venerabilis, compositus;

Lucan.

positus; sed cui contingit hic animus in hâc  
 erumnosâ vita? quamquam multò magis pla-  
 cet animus modestus, venerabilis & compo-  
 situs, quam alacer, fidens, & super omnia  
 erectus; tamen, quæ nostra est imbecillitas,  
 nunquam sibi diu constare potest, nec in eo-  
 dem tramite, ac tenore constantiæ & virtu-  
 tis perseverare: Denique, ut nihil magnifico-  
 rum Senecæ verborum omittamus. Mihi cre-  
 de; res seuera est verum gaudium, quod nem-  
 pe beatam vitam efficiat, aut ex eâ, consequatur  
 quies interior pax & concordia, animi ma-  
 gnitudo cum mansuetudine. Quid est beata  
 vita? securitas, ac perpetua tranquillitas; cui  
 consonat illud Ambrosij, beatam vitam effi-  
 ciunt. Tranquillitas conscientiæ, & securitas  
 innocentiae; & illud Diuinæ Sapientiæ. Qui  
 me audiet habitabit in spe confidens, & quiet-  
 cet securè ab omni malo: Nempe qui Deum  
 audiet, qui sperabit & confidet in Deo, sibi-  
 met ipsi verò diffidet, non se audiet, non se  
 spectabit; sed ad Deum se suæque omnia re-  
 feret, ille quietus erit, ac securus, plenus con-  
 fidentiæ, ac lætitiæ. Gaudium Hypocritæ,  
 Stoici, Sapientis dissimulati, qui se fingit, ac  
 desipit, qualis reuera non est, plenum gaudio  
 ad instar puncti, quod caret omni dimensio-  
 ne, nec longum est, nec latum, nec altum,  
 nec profundum: non longum, quia nullam ferè  
 durationem obtinet, vix esse incipit cum desi-  
 nit, non latum, quia verè non dilatat cor, sed  
 coarctat, multisque amaritudinibus & per-  
 turbationibus oblitum est: non est altum;  
 sed humi repens, non est in cælum se attollens,  
 non

de beata  
vita 3.

Ep. 92.

3. off. c. 1.

Ex Bona.  
Iob. 20. 5.

• non de cælestibus & Diuinis, sed terrenis re-  
bus abiectissimis: non profundum, quod  
nullas intus habeat radices; totum exterius  
est, quod citissime euanescit.

Lætitia sæculi vanitas est, ait S. August.  
quæ magno cum desiderio speratur vt veniat,  
& cum venerit, retineri non potest, quia:  
Extrema gaudij luctus occupat. Septuaginta  
sic reddunt. Lætitia impiorum ruina insignis.  
& gaudium iniquorum perditio. Iusti verò  
hominis Christiani gaudium, non instar pun-  
cti, sed æui & æternitatis est, habet longitudi-  
nem sine fine, cum sit sempiternum: altitudi-  
nem vsque ad summum, de Dei ipsius ac sum-  
mi boni possessione: latitudinem immensam,  
quia in Deo qui est omne bonum, omne ge-  
nus boni comprehendit, cor dilatat: denique  
profundissimas agit radices in ipso Deo, qui  
ab inuito nequit auferri: Gaudium vestrum  
nemo tollet à vobis. Qui de Deo gaudet ha-  
bet ipsum fontem aquæ viuæ scaturientis in  
vitam æternam.

Totius huius Paradoxici cardo fere vertitur,  
quod à seipsis Stoici stabilitatem mentis se-  
curitatem, ac pacem, tranquillitatem ac læti-  
tiam peterent; summâ Deilaborantes ignora-  
tione, vel obliuione; nos vero Christiani  
totam spem in Deo collocandam indeque de-  
ducendam animi pacem, tranquillitatem, ac  
securitatem, si quæ possit hic obtineri, censea-  
mus; A nobis verò metipsis, nihil nisi per-  
turbationem, molestiam, rixam internam,  
instabilitatem, inconstantiam, dolorem cor-  
poris ac animi mærorum vberriam segetem  
nasci

2. Soliloq.

Proa. 14.

134

Ioan. 42

nasci experiamur. Quod si quandoque fursum  
 nitamur, & erigamur ad Deum ad exigui tem-  
 poris moram; si quandoque, velut è cælo ful-  
 gura, fulgetra Diuinæ lucis ac clementiæ nobis  
 affulgeant; mox tamen pondere nostro reci-  
 dimus in ima, & fragilitatis nostræ densis ve-  
 lut nubibus obscuramur, & varijs animi pas-  
 sionum tempestatibus agitamur. Homo sibi  
 mæstitiæ causa & omnis instabilitatis, ac per-  
 turbationis; Deus illi fons lætitiæ, tranquil-  
 litatis, securitatis. *Homo natus de muliere;*  
*aiebat S. Iob experimento suo bene doctus;*  
*breui viuens tempore, repletur multis miserijs,*  
*qui quasi flos creditur, & conteritur, & fugit*  
*velut umbra, & non uam in eodem statu per-*  
*manet & alias. Militia est vita hominis sup̄*  
*terram, & sicut dies mercenarij, dies eius. Pec-*  
*canti quid faciam tibi, o custos hominum? Quare*  
*posuisti me contrarij tibi? & lætus sum mihi me ipsi-*  
*grauis? Denique, Tradidit animam meam uite*  
*meæ, dimittam aduersum me eloquium meum;*  
*loquar in amaritudine anima mea; Contra fo-*  
*lium quod uento rapitur ostendis penitentiam tuam;*  
*& sis uiam siccam persequeris. Ad eundem quo-*  
*que modum Rex David sæpius ingemisce-*  
*bat ad Deum suum, conscius infirmitatis suæ;*  
*inconstantia ac miseriæ leuamentumque ali-*  
*quod ab eo totius boni fonte, misericordiæ*  
*Patre flagitabat; Miserere mei Domine, quon-*  
*iam infirmus sum, sana me Domine quoniam*  
*conturbata sunt ossa mea; Et anima mea turba-*  
*ta est valde sed tu Domine usquequæ? Fuerunt*  
*mibi lacryme meæ rantes de nocte: dum dicitur*  
*mibi quotidie: Ubi est Deus tuus? Quare tristis*  
*es anima*

Iob. 14.  
v. 1.

C. 7. v. 1.

C. 7. v. 20.

C. 10. v. 11

C. 13. v. 25

Ps. 6. v. 2.

Ps. 41. v. 3

*et anima mea & quare conturbas me. Spera in Deo quoniam adhuc confitebor illi, salutare vultus mei & Deus meus. Quos versus & in sequenti psalmo repetit. Quo loco S. Aug. Intellectus, inquit, noster alloquitur animam nostram. Ista in tribulationibus marcida est, fessa in angoribus, contracta in tentationibus, zgra in laboribus; Erigit eam mens desuper capiens veritatem, & dixit, vt quid tristis es anima mea, & conturbas me? Vide si non est illa allocutio, in illo conflictu Apostoli, in se præfigurantis quosdam, forte & nos, & dicentis: Conde-*

Rom. 7.  
v. 22.

*lector legi Dei, secundum interiorem hominem; video autem aliam legem in membris meis, id est motus quosdam carnales, & in quâdam luctâ; & quasi desperatione inuocat gratiam Dei: Miser ego homo, quis me liberabis de corpore mortis huius? Gratia Dei, per Iesum Christum Dominum nostrum.*

Qui sanè Diuinus Apostolus apertius Stoicos confutare non posset, quam cum ait, *Scimus enim quod omnis creatura ingemiscit, & parturit, vsque adhuc proximè supra dixerat; Vanitati enim creatura subiecta est; Vanitati mutabilitati, corruptioni. Non solum autem illa, sed & nos ipsi primitias spiritus habentes; & ipsi intra nos gemimus, ad optionem filiorum Dei expectantes, redemptionem corporis nostri, spe enim salui facti sumus: Inchoata est hæc adoptio filiorum Dei per spiritum sanctum iustificantem animam, sed nondum plene confirmata & consummata, quod fiet per alterius vitæ felicitatem;*

.R

& glo-

Hieron.  
dial. 3.  
aduersus  
Pelag.

& gloriosi corporis exsuscitationem. Interced  
gemimus; quia spes, quæ differtur, affligit  
animam. Egregie S. Hieron. à corpore ra-  
tiocinationem traducit ad animam; cuius  
authoritate ac sententijs caput hoc conclu-

demus. Ex anima & corpore compacti,  
vtriusque substantiæ naturam consequimur.  
Quomodo corpus sanum dicitur, si nullo  
languore vexetur, ita anima absque vitio si  
nulla perturbatione quatiatur; & tamen  
quantumuis, corpus sanum sit, integrumque,  
& vegetum, & cunctorum sensuum integri-  
tate robustum, aut crebris, aut raris infir-  
mitatibus condolefcit, & vt firmissimum sit,  
interdum pituitæ molestiam patitur: ita ani-  
ma cogitationum ac perturbationum, im-  
petus sustinens, vt superet naufragia, non  
absque periculo nauigat, consideransque  
fragilitatem suam semper de morte sollicita  
est, secundum illud quod scriptum est. *Quis*

26. 18.

*est homo qui viuet & non videbit mortem?* quæ  
cunctis intenta est mortalibus, non naturæ  
dissolutione, sed morte peccati, iuxta illud

Ezec. 18.  
v. 18.

Prophetæ. *Anima quæ peccauerit, ipsa mori-  
etur.* De qua spiritali mortis necessitate  
dictum est alias. Da mihi corpus quod nun-  
quam languerit, aut quod post languorem  
perpetuâ sanitate securum sit, & dabo tibi  
animam, quæ numquam peccauerit, nec  
post virtutes deinceps peccatura sit, præfer-  
tim cum vicina sint vitia virtutibus, etsi  
paululum declinaueris, aut errandum tibi  
sit, aut in præceps cadendum. Quantum  
enim inter se distant pertinacia & persecu-  
rantia,

rentia, parsimonia & frugalitas, liberalitas  
 & profusio, prudentia & calliditas, fortitu-  
 do & temeritas, cautela & timiditas, qua-  
 rum alia ad bona, alia referuntur ad mala;  
 quod quidem & in corporibus inuenitur, si  
 felli prouideris temperando, pituita succres-  
 cit, si humores siccare festines, inardescit  
 sanguis, tibi vitiatum, & liuidus color ora  
 profundit; Certè vt cunctam medicorum ad-  
 hibeamus diligentiam, & castigatis viuamus  
 cibis, & morborum fomitibus careamus, &  
 cruditate, occultis quibusdam, & soli Deo  
 cognitis causis, vel frigore inhorrescimus, vel  
 febris exardescimus, vel torminibus eiulamus,  
 & veri Medici Saluatoris imploramus auxi-  
 lium dicimusque cum Apostolis. *Magister* Mat. 9.  
*saluos nos fac, perimus.* Quod in morbis  
 animi tanto crebrius, & vehementius est  
 agendum, quò sunt illis plures, occultiores,  
 & periculosiores.

R 2

CA.



## CAPVT VI.

*Aduersus idem Paradoxum ex S. Augustino, hominem nec corpore, nec animo sibi parem esse; & in gemitu magis ac luctu, quàm gaudio esse debere.*

**S**Toicos diuinam immutabilitatem affectasse, suggerente ac præeunte superbix Principe Cacodemone, significat S. August. eosque præclare confutat, dum illud: *Cuius participatio in idipsum*, explicat. Quid est idipsum? quod semper eodem modo est, quod non modo aliud, modo aliud est. Quid est ergò idipsum, nisi quod est? Quid est quod est? quod æternum est. Nam quod semper aliter, atque aliter est, non est, quia non manet, non omnino non est, sed non summe est. Et quid est quod est, nisi ille, qui quando Moysen mittebat, dicebat: Ego sum qui sum; Qui est, misit me ad vos? Solus itaque Deus ipse sibi par, in eodem semper statu, sine vllâ varietate, *Pater lumen apud quem non est transmutatio, nec vicissitudinis obumbratio*, qui nos sue stabilis æternitatis aliquando participes efficiat.

Idipsum



Idipsum nemo habet ex se. Intendite fratres, corpus habes, non est idipsum, quia non in se stat, mutatur per ætates, mutatur per mutationes locorum, & temporum; mutatur per morbos, & defectus carnales. Non ergo in se stat, quid mirum, nec ipsa cælestia corpora sunt idipsum, vt ibidem explicat. Anima humana nec ipsa stat. Quantis enim mutationibus, & cogitationibus variatur? quantis voluptatibus immutatur, quantis cupiditatibus diuerberatur, atque discinditur? Mens ipsa hominis, quæ dicitur rationalis, mutabilis est, & non est idipsum. Modo vult, modò non vult, modo scit, modò non scit, modo meminit, modò obliuiscitur. Ergo nemo idipsum habet ex se. Qui voluit ex se habere id ipsum, vt quasi ipse sibi ipsi esset idipsum, lapsus est. Cecidit Angelus, factus est diabolus. Propinauit homini superbiam deiecit secum intuentiã eum qui stabat; Isti sibi voluerunt idipsum esse, sibi principari, sibi dominari voluerunt. Noluerunt habere verum Dominum, qui verè est idipsum, cui dictum est, *Mutabis ea & mutabuntur*, *Tu autem idem ipse es*; lam ergo post tantum languorem, post tantos morbos, difficultates, labores, redeat anima humana in idipsum hoc est sit in illâ ciuitate voto ac desiderio; cuius participatio in idipsum, æternæ stabilitatis aut stabilis æternitatis. A quâ quidem quamdiu absumus in hac mortali vita, volumur atque agitamur inslar rotæ, varijs desiderijs circumacti, languemus, ægrotamus, cum corruptione corporis, atque animæ col-

luctamur. Quamdiu peregrinamur à Domi-  
 no, tribulamur, & ipsa peregrinatio non  
 exigua tribulatio est; nec sine suspirijs, ac la-  
 crymis ingemiscimus, *Hei mihi quia incolatus meus prolongatus est, habitavi cum habitantibus Cedar, multum incola fuit anima mea. Hei mihi, vox est miserie, vox est calamitatis, & infelicitatis; sed tamen in spe quia iam vel gemere didicit. Multi enim & miseri sunt, & non gemunt, & peregrinantur & redire nolunt. Iste iam redire volens cognoscit infelicitatem peregrinationis suæ; Si quis huius argumenti præclare dicta S. Aug. colligere velit, iustum ei volumen conficiendum foret, nonnulla tamen adjiciam quæ grata lectori fore confido. Frequens est in describendâ duplici tribulatione, quarum altera nos inuenit, & sæpe opprimit imperatos; altera inuenitur à nobis, quæ est ipsa vita nostra, exul à cælo, à Deo peregrina.*

*Inuoca me in die tribulationis;* Et quædam fratres sunt tribulationes omnibus notæ, *Ecce iste, quæ abundant in genere humano; alius damno affectus plangit, alius orbi- tate percussus luget, alius patria exutatus mæret, & redire cupit, intolerabilem peregrinationem deputans; Alteri vinea grandinata est &c. Quis non potest contristari qui inimicum patitur ex amico? Inuocas Deum, potens est.*

*Adiutor in tribulationibus, quæ inuenerunt nos nimis.* Est quædam tribulatio quam nos debemus querere, & inuenire; quæ est ipsa? Ea ipsa in hoc mundo felicitas, affluentia rerum temporalium, non quidem ipsa tribulatio est; solatio

platia sunt tribulationis, cuius tribulationis? „  
 ostræ peregrinationis: hoc enim ipsum, quod „  
 um Deo non sumus, hoc ipsum quod inter „  
 entationes, molestiasque versamur, quod „  
 ine timore esse non possumus, tribulatio est. „  
 Non est illa securitas, quæ nobis promissa „  
 est, hanc tribulationem suæ peregrinatio- „  
 nis qui non inuenerit ad patriam redire non „  
 cogitat. Tribulatio illa est fratres. Certè „  
 nodo facimus bona opera, quando porrigi- Mat 25  
 mus panem esurienti: domum peregrino &c: „  
 Tribulatio est & hæc. Inuenimus enim mise- „  
 ros super quos misericordiam facimus. Et si „  
 miserorum miseria facit nos compatiētes: „  
 uanto melius ibi iam esses, vbi non inuenis „  
 surientem quem pascas: vbi non inuenis pere- „  
 rinum quem suscipias: non nudum quem „  
 estias, non ægrum quem visites: non liti- „  
 antem quem concordes. Omnia enim ibi „  
 imma sunt, vera sunt, sancta sunt æterna „  
 int. Panis noster ibi Iustitia est, potus no- „  
 er ibi sapientia est: vestis nostra ibi morta- „  
 tas est: domus nostra æterna in cælis: Firmi- „  
 is nostra immortalitas. Nunquid ægritu- „  
 o surrepit? nunquid lassitudo ad som- „  
 um trahit? nulla mors: nulla liti: ibi pax, „  
 uies, gaudium iustitia. Nullus intrat inimi- „  
 us, nullus labitur amicus. Quæ ibi quies? „  
 cogitemus, & attendamus vbi sumus: & vbi „  
 os futuros esse promisit, qui mentiri nescit: „  
 & ipsa eius promissione inueniemus in quâ su- „  
 ius tribulatione: hanc tribulationem nemo „  
 uenit, nisi qui quæsierit. Sanus es, vide si „  
 uiser es. Nam facile est qui ægrotat sentiat „

se miserum. Quando sanus es, vide si miser

Ps. 114. es: Quia cum Deo nondum es. *Tribulationem*

*& dolorem inueni: & nomen Domini inuocani.*

Ps. 123. Hic autem cum sumus inopes nos esse intelli-

gamus, & egentes non solum harum diuitia-

rum, quia non sunt vere diuitiae, sed & ipsius

salutis. Et quando sani sumus intelligamus

quia infirmamur. Quamdiu enim corpus hoc

esurit & sitit, quamdiu hoc corpus vigilando

fatigatur, amando fatigatur, sedendo fatiga-

tur, manducando fatigatur, quocumque se

verterit ad subsidium fatigationis, ibi inueniet

aliam fatigationem. Non est ergo perfecta,

nec in ipso corpore. Et infra: non est illa

vera corporis sanitas, quia portatur infirmitas

vbique defectiua, quocumque se verterit de-

ficit: In ipso adiutorio non inuenies firma-

mentum; Lassatur stando, sedere vult. Nun-

quid vel sedendo durauit. Quod sibi elegit

vt non fatigaretur, ibi habet deficere. Las-

satus est vigilando, dormiturus est: non quia

dormiuit, non deficit? Lassatus est ieiunan-

do, refecturus est: si plus refecerit? inde de-

ficit. Iustitia quid? Quanta iustitia est inter

tantas tentationes? Possumus continere ab

homicidio, ab adulterio, à furtis, & periurijs

à fraudibus. Numquid ab iniquis cogita-

tionibus? numquid & à suggestionibus ma-

larum cupiditatum? Quæ est ergo iustitia no-

stra? de qua eodem psalmo superius. Quan-

tacumque iustitia nostra in nobis fuerit, ros

est nescio quis ad illum fontem, ad saginam

illam tantam stillicidia quedam sunt, quæ vitam

nostram molliant & dura iniquitatem soluant.

Chri-

Christianus in ærumna & miseria semper  
 iqua versari se dolens & Diuinæ tamen vo-  
 untati sese conformans agnoscit, eiusque  
 opplex operam ac misericordiam deposcit,  
 uidque, Miserere mei, miserere mei frequen-  
 ter ingeminat quoniam in te confidit anima  
 ea. Et in vmbra alarum tuarum sperabo  
 nec transeat iniquitas vitæ huius sibi patum  
 quæ ac cohærentis, &c. *Adspice in me &*

Pf. 36. 1. 2.

*serere mei: quia unicus & pauper sum* (go.  
*tribulationes cordis mei multiplicat sunt: de ne-*  
*cessitatibus meis erue me. Vide humilitatem meam*  
*laborem meum: & dimitte vniuersa delicta mea.*

Pf. 24.

V. 16. 17.

18.

E. Stoicorum primoribus Seneca, ta-  
 men Epicuro Magistro frequenter vtitur  
 &que sententias laudat ac ratiocinationes,  
 quod Epicurum duo sunt ex quibus summum  
 id beatumque bonum componitur, vt  
 corpus sine dolore sit, animus sine perturba-  
 ne; hæc bona non crescunt si plena sunt:  
 non enim crescet, quod plenum est? dolore  
 corpus caret, quid ad hanc accedere indolen-  
 tem potest? Animus constat sibi & placidus  
 , quid accedere ad hanc tranquillitatem  
 potest. Quemadmodum serenitas cæli non  
 capit maiorem adhuc claritatem in serenissi-  
 mum nitorem repurgata; sic hominis cor-  
 pus animumque curantis & bonum suum ex  
 quoque metientis perfectus est status, & sum-  
 mi voti sui inuenit si mæstus animo est, nec  
 et corpori.

Sen. Ep. 66

Hæc Senecæ ab Epicuro deducta ratio-  
 tio quàm speciosis verborum phaleris  
 ornata, sed quàm inanitatis ac fallitatis sit  
 plena

plena, quàm ab omni veritate dissona, demonstrant hoc capite toto explicata: tum & ij perspiciunt qui negant in sola indolentia seu corporis, seu animi, in vacuitate doloris aut mæroris beatitudinem consistere. Et sanè possit ea vel lapidi, vel pecudi, vel homini sano, sed delirantitribui. Non potest vltimi finis consequutio in negatione, vel priuatione consistere: sed nec corpus omni molestiâ, quâdiu quidem mortalem vitam hanc agimus nec animus perturbatione, quâdiu Deo suo plene non fruitur, carere potest, vt toto hoc capite est explicatum. Falsum est non posse cæli serenitatem excrescere. Neque enim nitor aut claritas sola ex tenebrarum absentia, sed tenebræ ipsæ ex solis ac claritatis absentia gignuntur, omnisque vacuitas doloris ac perturbationis ex summi boni possessione proficiscatur oportet, quod in Philosophico prouerbio est. Negatio omnis ex affirmatione quapiam gignitur; quare verborum sunt inuolucra tota illa epistola Senecæ quibus veritas obscuratur & falsitas obtegatur, nec operæ pretium est in his diutius immorari.

CA.



## CAPVT VII,

*Sapientem Christianum etiam in mœ-  
rore & luctu semper sibi parem,  
& in gaudio esse.*

**H**Oc planè paradoxum Philosophis & hominibus huius sæculi videri possit: sed ex penitiorè Christiana Philosophia depromptum est & à Christo Domino assertum Beatitudine tertiâ. *Beati qui lugent, quoniam ipsi consolabuntur*; non tantùm in posterum tempus præterito luctu consolabuntur, sed perseverante ipso luctu in præsentia solatijs interioribus à Deo pro mensura luctus, eius causâ suscepti, cumulabuntur. Vt aiebat Deo Rex Dauid experientia doctus, *Secundum multum linem dolorum meorum in corde meo, consolationes tua laxificauerunt animam meam.* Iungitur, & ex æquo ferè respondet luctui consolatio: par est gaudium mœrori, qui virtutis ac Christi causâ toleratur, hæc enim ipsa est gaudij causa & origo, dolorem ac mœrorem, Christi, quem amas impensè, causâ perpeti: gaudium est amorem suum aduersus Christum aduersas res perferendo, testificari posse. Ibant Apostoli gaudentes à conspectu concilij quoniam digni habiti sunt

Pl. 93. 124

ad. 5. 44.

sunt pro nomine IESV contumeliam pati.

S. Aug. in  
Ps. 89.

Nihil accommodatius ad hoc ipsum, ac  
precedens caput illustrandum potest afferri  
testimonio S. Aug. Vtique regio ista scanda-  
lorum est, & tentationum & malorum om-  
nium, ut gemamus hic, & mereamur gau-  
dere ibi: hic tribulari, & consolari ibi, &  
dicere: quoniam ecce exemisti oculos meos  
à lacrymis, pedes meos à ruina. Quoniam pla-  
cebo Domino in regione viuorum. Ista re-  
gio mortuorum est. Transít regio mortuo-  
rum, venit regio viuorum. In regione mor-  
tuorum labor, dolor, timor, tribulatio, ten-  
tatio, gemitus, suspirium. Hic falso felices,  
vere infelices: quia falsa felicitas, vera mi-  
seria est. Qui vero se agnoscit in vera esse  
miseria, erit etiam in vera felicitate. Et ta-  
men nunc quia miser es, audi Dominum  
dicentem: Beati lugentes. O beati lugen-  
tes! nihil tam coniunctum miseriæ, quàm  
luctus: nihil tam remotum, & contrarium  
miseriæ, quàm beatitudo. Tu dicis lugentes,  
& tu dicis beatos? Intelligite, inquam, quod  
dico: Beatos dici lugentes: quare beati? in  
spe: quare lugentes? in re. Etenim lugent in  
morte ista, in tribulationibus istis, in peregrina-  
tione sua, & quia agnoscunt se esse in ista  
miseria, & gemunt, beati sunt. Quare lugent?  
Contristatus est B. Cyprianus in passione,  
modo consolatus est in corona. Sed quidni  
& in ipsa passione consolatum dicamus S.  
Cyprianum, qui tam prompto, lubenti,  
atque hilari animo mortem suscepit & para-  
tissimus audito ex tabella decreto. Thascium  
Cypria-



yprrianum gladio animaduerti placet, dixit:  
 gratias ago Deo omnipotenti, qui me à vin-  
 culis huius corporis dignatur absoluerè. Per-  
 uictus autem exiit se lacernum birrum de-  
 iit tunicam, & stans in linea expectauit spi-  
 culatorem, cui & viginti quinque aureos da-  
 ti præcepit. Hoc ipsum D. August. præclare  
 explicat exemplo alterius S. Martyris re & no-  
 mine Fælicis. Sæculi, inquit homines infæli-  
 citer fælices sunt: Martyres autem fæliciter  
 infælices erant. Erant enim ad tempus  
 infælices: sed in æternum fælices. & in eo ipso  
 quod erant ad tempus infælices, putabantur  
 magis infælices, quàm erant: quidenim dicit  
 Apostolus? quasi tristes, semper autem gau-  
 dentes, quare semper? & hic, & ibi prorsus  
 & hic & ibi. Hic enim vnde gaudemus? de spe.  
 Ibi vnde gaudebimus? de re. Magnum gau-  
 dium habet spes gaudentis. Et si spe gauden-  
 tes: videte quid sequitur: in tribulatione pa-  
 tientes. Martyres ergo ideo in tribulatione  
 patientes erant, quia spe gaudebant. Ergo  
 Fratres Felix Martyr & vere Felix & nomine  
 & corona, cuius hodie natalis est, contempsit  
 mundum, contempsit præsentia, vt acciperet  
 futura.

S. Aug. in.  
 Ps. 107.

8. Idus  
 Nouemb.

Labores fructuum tuorum manducabis.  
 Quasi peruersè videtur dicere non intelligen-  
 tibus. Debit enim dicere fructum laborum  
 tuorum manducabis. Multi enim manducant  
 fructum laborum suorum: Laborant in vinea:  
 ipsum laborem non manducant, sed quod de  
 labore ipsorum nascitur, manducant. Labo-  
 ravit circa arbores pomiferas: quis mandu-  
 cet

cet labores? nemo, inquam, sed quod illi labores attulerunt fructus laboris, & ipse iucundat Agricola. Quid sibi vult labores fructuum tuorum manducabis? Modo labores habemus, fructus postea erit. Sed quia & ipsi labores non sunt sine gaudio propter spem, de qua paulo ante diximus: spe gaudentes, in tribulatione patientes, modo nos ipsi labores nostri incendant, & lætos nos faciunt de spe. Si ergo labor noster potuit manducari, & potuit iucundare, manducatus fructus laboris ipsius qualis erit? Manducabant labores suos qui euntes ibant, & flebant mittentes semina sua; quanto iucundius manducabunt fructus laborum, qui venientes venient cum exultatione portantes manipulos suos? Ille est labor fructuum panis doloris, nisi enim manducaretur, non diceretur panis, nisi autem haberet suauitatem aliquam panis iste, nemo illum manducaret cum tanta suauitate. Plorat in gemitu qui orat: dulciores sunt lacrymæ orantium quam gaudia theatrorum. Labores fructuum tuorum manducabis, beatus es, & bene tibi erit. Beatus es, de præsentis est: & bene tibi erit, de futuro est. Cum manducas labores fructuum tuorum beatus es: cum perueneris ad fructum laborum tuorum bene tibi erit. Sed interest inter spem & rem: si spes tam dulcis est, quanto res dulcior erit?

Hac igitur spe & expectatione futuræ beatæ vitæ Christianus in quauis aduersa re tamē erit erectus animo & gaudens, semperque sibi par, ex Deo suspensus uti loquitur

idem

lem S. Aug. & quasi quadratus lapis fundamento cælestis ædificij superimponendus hoc agit artificiosa manus Dei etiam per linguam nostram, vt ad illius ædificij fabricam, inquadremini. Non enim frustra de lignis quadratis ædificata est arca Noë quæ nihilominus figuram gestabat Ecclesię. Quid est enim quadrati? attendite similitudinem quadrati lapidis, similis debet esse Christianus. In omni tentatione sua Christianus non cedit, & si impellitur, & si quâ vertitur, non cadit, nam quadratum lapidem quacumque arteris stat.

Aug. in  
Ps. 86.

Gen. 62

Quamobrem non sine causa fideles ad iudium animi iuge & perpetuum excitat apostolus ad Philippenses scribens: *Gaudete*

Ad Phil. 4

*Domino semper iterum dico, Gaudete:* eius iudij conditiones quatuor indicans, vt sit ætium de proprio hominis bono, cuiusmodi illa est res creata, sed vnus Deus eius tremus finis. *Mihi autem adhaerere vobis bonum est, & ponere in Deo spem meam.* Deinde continuum non interruptum villo certe grauiore peccato, quod & conuenit ad Thess. ult. *Semper gaudete; sine intermissione orate.* Continui gaudij materiam æbet oratio continua, nihil rerum terrenarum id gaudium mentis interturbare queat. Denique multiplex, ac copiosum ex sacratis mysterijs Verbi Incarnati, quæ sunt plane varia ac multiplicia, & præclaris virtutum officijs ac charitatis in proximos multiplicitate beneficentia, ex contemplationis studio, & regni cælestis. At igitur Apostolus *iterum*

Ps. 72  
v. 214

1. Thess. 5  
v. 174

*dico,*

*disco gaudere.* Postremo debet esse moderatum, hoc est Christiana modestia temperatum, de quo subditur: *modestia vestra nota sit omnibus hominibus.* Ne vertatur in dissolutionem, aut cuiusquam offensionem. *Populus incundus secundum faciem SS.* Gaudendi causa multiplex Dominus enim prope est per maiestatis presentiam, inhabitantis gratiam, exauditionis clementiam. *Nihil solli iti sitis, sed in omni oratione & obsequio ratione cum gratiarum actione petitiones vestre innotescant apud Deum, & pax Dei qua exuperat omnem sensum custodiat corda vestra & intelligentias vestras in Christo IESU.* Quæ suauitatis plenissima verba non explico, ne longiorem moram legentibus faciam.

Judith vlt

Phil. 4. 6.



CAPVT



## CAPVT VIII.

## PARADOXVM QVARTVM;

*Sapientem vel in tormentis*

*Beatum esse.*

**N**ihil mirum id Stoicos asseuerare cum & Epicurei voluptatis magistri pronuntient nullum Sapienti esse tempus, et si vratur, torqueatur, secetur, quin possit exclamare quam pro nihilo puto Beatam vitam in Phalaridis Taurum descensuram. Poteram respondere ait Seneca quod Epicurus ait Sapientem, si in Phalaridis Tauro peruratur exclamaturum. Dulce est, & ad me nihil pertinet. Quid porro non æquè incredibile videtur, aliquem in summis cruciatibus positum dicere, Beatus sum? atqui hæc vox in ipsa officina voluptatis est audita. Beatissimum, inquit, hunc & vltimum diem ago Epicurus; cum illum hinc vrinæ difficultas torqueret, hinc insanabilis exulcerati dolor ventris; Quare ergo incredibilia sunt ista apud eos qui virtutem colunt, cum apud eos quoque reperiantur apud quos voluptas imperat.

Verum non magnoperè laborandum quid vel Zeno, vel Epicurus, vel quiuis alius asseueret,

Tull.  
Tusc. 9.

Ep. 66.

Ep. 94.

seueret, sed quam verè, quam sincerè, quam non simulatè & principijs suis consentaneè; si nulla est beatitudo nisi quæ finibus huius vitæ mortalis includitur, si vel in suaui titillatione corporis aut vacuitate doloris est posita, si quadam inani ac stultâ sui confidentiâ nititur, si virtus animi magnitudo, aut stupor potius omnia ad se referentis, & nescio quàm apud homines gloriam captantis existimetur beatitudo. Si ad hæc Epicureorum aut Stoicorum principia, paradoxum hoc expendatur, exploratum erit illis nequaquam conuenire, nec eos verè, aut consentaneè suis dogmatibus Sapientem in tormentis Beatum pronuntiare, sed falsò, simulatè, gloriabundè, quod non intelligant iactare magnifico quodam strepitu verborum, ac nullâ veritatis cohærentiâ.

Christianorum id omne proprium est, & singulare paradoxum, quibus omnis beatitudo confertur in alteram vitam immortalē: quibus virtus in voluptatum corporis, honorum, sui quæ ipsius neglectu constituta, duris & aduersis rebus exercita: in dolorum, mortisque ipsius tolerantia gradum sibi facit atque aditum ad Beatam immortalitatem.

Id verisimè Christianus Sapiens dicet in summis cruciatibus ac tormentis corporis, animo Beatus sum certâ spe, & expectatione futuræ Beatitudinis: Beatus sum integrâ & sanâ conscientia minimè violatæ fidei, virtutis, & innocentia: Beatus sum gratia Dei mei, Fide, Spe, Charitate, hoc mihi sum-

mum

numin tormentis solatium & gaudium; Dei  
 mei causâ mortem me, & extrema subire tor-  
 menta, magnum id eius donum beneficium-  
 que reputo. Eximia plane est, ac singularis  
 prærogatiua martyrij, quæ quibus contingit  
 Dei munere, Beatitudinem omnino singula-  
 rem confert; *Beati qui persecutionem patientur* Matt. 5.  
*propter Iustitiam, quoniam ipsorum est Regnum*  
*Cælorum. Vobis donatum est pro Christo non* Phil. 1. 29  
*solum ut in eum credatis, sed ut etiam pro*  
*illo patiamini: idem certamen habentes quale*  
*& vidistis in m: & nunc audistis de me. Et de*  
*se ille non inaniter sed verissimè ad Corint.*  
*Multa mihi fiducia est apud vos, multa mihi* 1. Cor. 7. 4  
*gloriatio pro vobis, repletus sum consolatione,*  
*superabundo gaudio in omni tribulatione nostra.*  
 Cuius Apostoli persecutiones, ærumnas,  
 cruces quis dignè recenseat, *Omnem tribula-*  
*tionem passi sumus: foris pugna, intus timores,* v. 5.  
*sed qui consolatur humiles, consolatus est nos* v. 6.  
*Deus in aduentu Tui.* Hic vero Sapiens in  
 tormentis Beatus:

At Epicurus quâ Beatus in tormentis? qui  
 ne in summis quidem corporis voluptatibus  
 umquam beatus extitit: qui numquam animi  
 verâ pace, & tranquillitate potitus, qui num-  
 quam eupiditati suæ finem & modum impo-  
 fuerit: An non tormenta cum voluptate pu-  
 gnant? An non eam penitus intercludunt  
 atque extinguunt? Quod vesicæ & exulcerati  
 ventris cruciatibus par esse poterat gaudium,  
 ex memoria futilium rationum & inuento-  
 rum? Gloriarî magis possit Stoicus in tor-  
 mentis se beatum, solâ virtute contentum:

sed hæc ipsa virtus ac gloriola cui homini sanò videtur tot cruciatibus comparanda, aut præ illis æstimanda. Non tanti aiebat ille. Si ad nullum alium finem referatur perpessio dolorum ac cruciatuum, inanis sane & falsa est ea virtus: non est ea recta ratio, sed peruersa nullo fine, nullo commodo atque emolumento tot perferre cruciatus. In vanum ille accipit animam suam, & extremo mortis exponit supplicio qui nullum inde fructum consequatur, nisi suimet arrogantis complacentiæ, & fiduciæ.

Quod si virtus hæc qualiscunque Stoicorum, si concepta mentibus honestas etiam in rebus lætis & prosperis, etiam cum animi corporisque voluptates circumfluunt, tamen his explere nequit appetitum, nec efficere, ut nihil præterea desideret; an id efficient exquisita supplicia, & immani tormenta? quæ si nolint Stoici mala, certè aspera, toleratu difficilia, naturæ repugnantia dicant necesse est. Quid ad vitam beatam conferre possunt cruciatus, quibus uti careant, ipsâ sibi putant excedendum vitâ? O vitam beatam quæ mortis remedium quærit, quâ de re, dictum est alias. Ad hanc Stoici beatam vitam in tormentis vel illustrandam vel probandam Seneca multa profert magnifica, & gloriosa verba, sed veritatis inanissima. Animus intuens vera, peritus fugiendorum & petendorum, non ex opinione, sed ex naturâ, pretia rebus imponens, toti se inferens mundo, & in omnes eius actus contemplationem suam mittens, cogitationibus, actionibusque intentus

ex quo



ex æquo magnus, ac vehemens, asperis, blandisque pariter inuictus, neutri se fortunæ submittens, supra omnia quæ contingunt acciduntque eminens: pulcherrimus cum decore, cum viribus sanus, ac siccus, imperturbatus, intrepidus, quem nulla vis frangat, quem nec attollant fortuita nec deprimant. Talis animi virtus est: hæc eius facies, si sub vnum veniat aspectum, & semel tota se ostendat.

Traduci possunt hæc ad animum verâ virtute, humilitate & charitate exornatum, qui totum se Deo subijciat, eiusque numinis providentiæ totum committat, totus ex eo pendens. At cuiusmodi describitur à Senecâ prophani Sapientis animus, à se vno dependentis, se vnum spectantis, ad se vnum referentis, arrogantissimæ simul, ac stultissimæ superbix plenus describitur. Quem perinde est si beatum in tormentis dixeris animum; ac si iudicio, sensuque destitutum, phreneticum hominem in tormentis beatum esse dixeris. Sed quis non malit homini sano ploranti, quam ridenti plane similis existere, vt alibi ex August. Virtutem materia non mutat, nec peiorem facit dura, & difficilis, nec meliorem hilaris, & læta. Esto materia virtutem non mutet: ac certe mutat forma, ipsa ratio honesti, quæ nulla esse potest, vbi nulla est perferendi cruciatus iusta causa. Non est ille finis honesti, aut virtutis sibi placere, nec id optimum est, quod habet sed omnino pessimum.

Nec in Scipione nec in Numantinis veræ ullæ virtutes fuerunt, sed adumbratæ, non

secus atque in Catilinâ dolorum perpessio vera fortitudo, & constantia non fuit, sed per-  
uicacia & pertinacia. Virtus ex ipso fine mu-  
tuatur honestatem nec eadem est recta ratio  
semper inflexibilis, & indeclinabilis, vt priore  
libro est demonstratum.

Vulgatum illud. Martyrem non facit pœna,  
sed causa, fortem quoque, ac constantem non  
facit quæuis suppliciorum, sed pro iustitiâ  
atque æquitate perpessio, Et respondeo plu-  
rimum interesse inter gaudium & dolorem, si  
quærat electio alterum petam, alterum vita-  
bo: illud secundum naturam est, hoc contra.  
Quamdiu sic estimantur, magno inter se  
disident spatio: cum vt ad Senectutem ven-  
tum est, vtraque par est, & quæ per læta pro-  
cedit & quæ per tristia. Nullum habet mo-  
mentum vexatio, & dolor & quicquid aliud  
incommodi est: virtute enim obruitur. Quem-  
admodum minora lumina claritas solis obscu-  
rat: sic dolores, molestias, iniurias, virtus ma-  
gnitudine sui elidit atque opprimit, & quo-  
cumque affulsit, ibi quicquid sine illa apparet,  
extinguitur: nec magis vllam portionem ha-  
bent incommoda cum in virtutem inciderint,  
quam in mari nimbus. Hæc de Christianâ  
virtute dicuntur verissimè, quæ pro scopo sibi  
summum bonû propositum habet, Conditoris  
sui gloriam, salutem, vitam, & beatitudinem  
tum suam, tum proximi: quem ob finem glo-  
riosum est, & honestum nulli labori, dolori,  
cruciatui, ne mortis quidem extremo suc-  
cumbere supplicio; imo id ipsum expetere.  
Ac de Stoicivirtute quæ nullum habet alium  
scopum,

scopum, quam sibi inaniter placere, quis non videt ineptissimè & stultissimè prædicari? Quis eam virtutem ab arrogantia, & superbiâ, stultitiâque nihil discrepare non animaduertit. Hoc vt scias ita esse, ad omne pulchrum (quod quæso pulchrum sibi placere) vir bonus sine vllâ cruciatione procurret: stet illicet carnifex, stet tortor atque ignis: perseuerabit; nec quid passurus sed quid facturus aspiciet. Et quid passurus & quid facturus aspiciet, quorsum, quo fine, quo commodo, quo fructu, atque euentu. Id enim est hominis considerati, & ratione vtentis, quâ solâ discriminamur à belluis.

Sed hætenus & perquam abundè lectoribus ijs qui non solo verborum apparatu ducuntur, & ad solide virtutis vnguem rem examinant, cæteros grammatices dumtaxat peritos nihil moramur.

Concludam pulchro monito Apostolorum Principis Sancti Petri. *Charissimi, Nolite peregrinari in seruuore qui ad tentationem vobis fit, quasi noui aliquid vobis continet: sed communicantes Christi passionibus gaudete, vt & in reuelatione gloria eius gaudeatis exultantes. Sin exprobamini in nomine Christi, Beati eritis: quoniam quod est honoris, gloria, & virtutis Dei, & qui est eius Spiritus, super vos requiescit. Nemo autem vestrum patiatut vt homicida, aut fur, aut maledictus, aut alienorum appetitor. Si autem vt Christianus, non erubescat: glorificet autem Deum in isto nomine. Multas patiendi cum fructu pietatis & laudis merito conditiones, exprimit Apostolorum Princeps; perseueranter*

lubenter, fiducialiter, innocenter, glorianter humiliter, multasque gaudij causas, quas tribulatio suppeditat in eius loci commentario S. Thomas explicat, breuitatis causâ prætercundas.

Præterire tamen omnino non possum, quem nobis alter Apostolorum Princeps ob oculos ponit, *Auctorem fidei & consummatorem* *IESVM* qui proposito sibi gaudio sustinuit crucem, confusione contempta: Hic enim fuit in summis tormentis beatissimus omnium, pro veritate patientium Dux & princeps, omnis origo ac fons beatitudinis, cum eius anima Dei, cui & arctissimo hypostaseos nexu cohærebat clarissima visione ac beatifico potiretur gaudio: nec illo tantum verum & exuberantissimo quodam inferiore obedientiæ, & infusæ charitatis de Patris impleto mandato, hominumque procuratâ salute, ac redemptione. Huius ad imitationem, ac similitudinem aspirant omnes Christiani patientes in mœrore, simul & gaudio constituti, nam sine sensu doloris esse non possunt, cum sint homines, sed omnem mœroris acerbitatem detergit infusæ Christi gratiæ suauitas ac magnitudo.

CA-



## CAPVT IX.

*Confirmatur hoc Christianum Paradoxum ratione, SS. Iob. & Tobia,  
& Martyrum exemplis.*

**R**atio iam non semel à me prolata est, cum felicitas huius vitæ tota referatur ad felicitatem alterius immortalis, ex eâque dependeat, mensuram, gradum, statumque sortiatur; est enim non tam eius inchoatio, quam ad illam certissima, breuissimaque via, veluti manductio, & introductio, atque eò censenda est perfectior: quo ad alteram suos certius, breuiusque perducit; quò est illius adipiscendæ ratio compendiosior. At verò Christianorum nemo nescit hanc in afflictionibus, ærumnis, crucibus sitam esse.

Eâdem nobis gradiendum viâ SS. Crucis, quâ prior ipse Saluator antecessit: eius nobis premenda vestigia qui ait: *Qui vult venire post me abneget semetipsum, & tollat crucem suam & sequatur me.* Quod & Apostoli moment. *Omnes qui p<sup>r</sup> volunt viuere in Christo IESU persecutionem patientur. Per multas tribulationes oportet nos intrare in regnum Dei.* Beatus vir qui suffert tentationem quoniam cum probatus fuerit accipiet coronam vitæ. Omne gaudium

2. ad Tim.

3. 12.

A&amp; 14. 22

Iacob

1. 12.

V. 1.

*gaudium existimate fratres cum in varias tentationes incideritis . His enim aditur regnum cæleste , his beata vita comparatur . Hæc maximè certa & secunda viæ beatitudo , sicui contingat , pro Christi causâ , ac religione quamplurimas & grauissimas res aduersas ferre .*

Accedit quod Diuina clementia quâ est in homines liberali , ac munificâ verè Diuinâ beneficentiâ , quò quis plures illius causâ suffert aduersitates , cruces , & æumnas , eò & ipsa vicissim vberiore cælestium gratiarum , ac diuinorum donorum copia complet : eò profusiori manû thesauros omnes gratiarum ac solationum cælestium effundit : vt bene collocati dolores ac mærores videantur , qui tam exuberante cælestium gratiarum suauitate compensentur .

Pf. 30.

In Scripturâ Sacrà Iob & Tobias & Machabæi Martyres in tormentis beati commemorantur . De Iob S. August. Humiliatus videbatur Iob perditâ substantiâ suâ , perditis filiis suis , perditis quæ seruabat , perditis quibus seruabat , remansit sine hæreditate , & quid est tristius sine herede . Remansit ad solam vxorem , non suam consolatricem , sed diaboli potius adiutricem ; humiliatus videbatur ; Vide si miser factus est ; vide si non erat in abscondito vultus Dei . Nudus , ait , exi de vtero matris meæ , nudus reuertar in terram . Dominus dedit , Dominus abstulit , sicut Domino placuit , ita factum est ; sit nomen Domini benedictum . Istæ gemmæ laudis non exirent de eius ore nisi thesaurum haberet

Pf. 136

beret in corde. De quo eodem. Et ille Adam in stercore est cautior; quàm Adam in Para-  
diso. Nam Adam in paradiso consensit mulie-  
ri, vt de Paradiso emitteretur, Adam in  
stercore respuit mulierem vt in paradysum ad-  
mitteretur. Quid ergo Adam ille in stercore  
immortalitatem parturiens intrinsecus, ver-  
mibus scaturiens extrinsecus. Et alibi quid  
illo pauperius factum si domum eius conside-  
res? quid illo ditius si cor eius cogites? vide  
paupertatem domus, ablata sunt omnia. Vide  
diuitias cordis; Dominus dedit, Dominus ab-  
stulit. Nouerat rectorem suum, & tentato-  
rem suum, percussorem tentatoris sui noue-  
rat. Nihil sibi, inquit, diabolus tribuat, vo-  
luntatem habet nocendi, potestatem, nisi ac-  
ciperet, non haberet. Quantum ille accepit  
potestatis, tantum ego patior, non ergo ab  
illo patior, sed ab eo qui potestatem dedit,  
Contemnantur supplicia tentatoris mei, susti-  
neantur flagella Patris mei.

De S. Tobia oculis orbato S. Scriptura  
hæc inquit. *Hanc autem tentationem ideo per-*  
*misit Dominus euenire illi, vt posteris daretur*  
*exemplum patientia eius, sicut & Sancti Iob.*  
Nam cum ab infantiâ suâ semper Deum timue-  
rit, & mandata eius custodierit, non est con-  
tristatus contra Deum, quod plaga cecitatis eue-  
nerit ei, sed immobilis in Dei timore permansit,  
agens gratias Deo omnibus diebus viæ suæ Nam  
sicut Beato Iob insultabant reges, ita isti paren-  
tes, & cognati eius irridebant vitam eius, dicen-  
tes: Vbi est spes tua, pro quâ eleemosynas & se-  
pul. nras faciebas? Tobias vero increpabat eos di-  
cens

*cens: Nolite ita loqui: quoniam filij Sanctorum sumus, & vitam illam expectamus, quam Deus daturus est his qui fidem suam nunquam mutant ab eo.*

2. Macha.  
6.7.

De Machabæis Martyribus quâ fuerint animi magnitudine, quam insuperabili constantiâ, quam in Deum Conditorem, à quo sempiternæ vitæ mercedem certissima spe expectabant animi semper erecti; quam præclarus Senex Eleazarus gloriosissimam magis mortem, quam odibilem vitam complectens. Quam generosi septem fratres in supplicijs immanibus perferendis inuicti; quam supra modum Mater mirabilis, & bonorum memoriâ digna quæ pereuntes septem filios sub vnius diei tempore conspiciens bono animo ferebat, propter spem quam in Deum habebat: singulos illorum hortabatur voce patriâ fortitor, repleta sapientiâ, & femineæ cogitationi masculinum animum inferens. Historia sæpe repetita lectione dignissima.

SS. Martyrum nouæ legis Euangelicæ qui in summis tormentis patientes, fortes, humiles, constantes, perfecti ac beati claruerunt, exempla possint infinita proferri non ex antiquæ tantum historiæ monumentis; verum hoc ipso ac superiore sæculo recentissima quæ vel Anglia dedit proxima nutrix hæresum, ac in Orthodoxos Sacerdotes immanium suppliciorum inuentrix: vel vltima Iaponia infidelitatis adhuc tenebris obuoluta, Euangelij feruente Martyrum sanguine recens irrigata protulit. Quorum ego Martyrum eminentissimorum iure laudes celebrare debeam, plurimis



plurimis eorum vitæ mihi societate ac consuetudine coniunctis, quorum vti memoriâ vitæ sanctissimæ, morumque innocentissimorum mirificè recreor; ita confido precibus apud Deum, meritisque in eo qui superest vitæ cursu, felicique exitu non mediocriter adiuuandum. Sed copia ipsa martyriorumque prolixitas huius operis aduersa breuitati deterret, iustum illa volumen exigit, & aliquando forte consequetur.

Vt de veteribus pauca delibem primus se offert gloriosissimus Andreas Apostolus, cuius animi constantiam nullis vñquam, *Ægeas* *Achaiæ* Proconsul neque blânditijs, neque minis labefactare potuit, nec obiectâ cruce, sed eâ commemoratâ vehementius inflammavit. Quam cum eminus vidisset cœpit exclamare: ô bona crux quæ decorem ex membris Domini suscepisti, diu desiderata, sollicitè amata, sine intermissione quæ sita & aliquando cupienti animo præparata, accipe me ab hominibus, redde me magistro meo, vt per te me recipiat, qui per te me redemit. Itaque Cruci affixus est, in quâ biduum pendens, & Christi fidem prædicare nunquam intermittens ad eum migravit cuius mortis similitudinem concupierat. Quam fuit hic eminentissimus Martyr in tormentis Beatus, qui fuit eius ardor animi, quod in eius pectore Diuinæ charitatis exarserat incendium.

Quo Diuini amoris incendio conflagrabat S. Ignatius Martyr? Cum diceret Ignis, Crux, bestię, confractio ossium, membrorum diuisio, & totius corporis contritio, & tota tormenta

Serm. de  
S. Lauren.

menta diaboli in me veniant, tantum Christo fruar: frumentum Christi sum, dentibus bestiarum molar, vt panis mundus inueniari: His eisdem Diuini amoris flammis cor eius depascentibus, flammæ externas, & ardentem cratem ferream S. Laurentius extinxit, atque obtriuuit; de quò præclare D. Leo. superari charitatis Christi flamma non potuit, segnior fuit ignis, qui foris vsit, quam qui intus accendit.

Serius to.  
p. 11. Ian.

Ser. 111.  
de diuers.

An non ardentes carbones, quos nudo pede ac vestigio premebat S. Tiburtius, suauissimos flores æstimabat? Primus & Fælicianus in ipsâ tormentorum acerbitate, nunquam, inquebant, tam iucundè sumus epulati. At verò fructuosus Episcopus, quem egregio sermone celebravit S. August. certus & gaudens de coronâ, ad quam vocatus erat, orabat sine cessatione. Qui sciebant illum ad tantam gloriam pergere gaudebant potius, quam dolebant; cumque multi ex fraternâ charitate ei offerrent condimentum vti permixtum poculum sumeret, ait, nondum est hora soluendi ieiunij; siquidem 4. feriâ stationem in carcere solenniter celebrauerunt. Nec se ab aliò discalceari passus est, cum esset viuus flammis absumendus, nihil exterritus aiebat. Hoc quod videtur vnus horæ videtur infirmitas.

Agatha lætissimè, ac glorianter ibat ad carcerem, & quasi ad epulum inuitata nuptiarum agonem suum Domino commendabat. Sed quid Prisca? quid Martina? quid Agnes? quid aliæ innumerabiles quæ in primæuo ætatis flore

flore Virginitatem Martyrio consecrarunt, duplicemque ex hoste palmam retulerunt pudoris, ac religionis, quibus laudes eas, quas S. Agneti tribuit S. Ambros. Verissime accommodaueris; Non sic ad thalamum nupta properaret, vt ad supplicij locum læta successu, gradu festina, Virgo processit; flere omnes, ipsa sine fletu &c. Celebrat quoque S. August. SS. Martyres Perpetuam, & Felicitatem, quorum quo sexus infirmior eo fuit corona gloriosior. Tenentes nomen Christi in prælio suum inuenientes in præmio. Hoc erat ambarum nomen, quod merces est omnium: nam cur omnia Martyres perferunt nisi vt perpetuam felicitate glorientur. Perpetua lactabat infantem, Felicitas octauo iam mense prægnans erat, & ne à cæteris seiungeretur martyribus præmaturum partum à Deo precibus impetrauit. In quo cum Eux dolores ex communi maledicto pateretur, altiusque ingemisceret: quis tolerare poteris, aiebat custos carceris, tormenta, & acerbissimæ mortis cruciatus? nunc ait illa, patior ego, aut in me patitur Eua communis parens maledictionis, tum in me Christus patietur ipseque cruciatum omnem ac dolorem in se transferet omnis fons benedictionis. Quod plane accidit vt quasi nihil patiens absorpta in Christum constantissima, ac letissima moreretur.

Quod pertinet & illud B. Cypriani responsum, quod Flauiano in visione Martyr Martyri futuro dedit. Cum de extremo quaesiuisset icu, an doleret? Nulla caro patitur, cum

De Virgi.

Tract. de  
tempore  
Barbarico  
in psa. 47.

Baron. ad  
ann. Chri.  
262.

cum

cum animus in cælo est, & nequaquam corpus hoc sentit, si se Deo tota mente deuouit. Præclarum & illud quod ex epistolâ Viennensis, & Lugdunenlis Ecclesiæ commemoratur de Martyribus sub Marco Aurelio, suisque annalibus intexuit Baronius ex Eusebio.

An. 179.

Cum Apostatæ aliquot fidem inficiati, in eundem carcerem cum SS. Martyribus essent coniecti, carebant eo solatio, quo SS. Martyres, qui ob solum Christi nomen, quod se Christianos essent professi, ex causæ suæ bonitate se consolabantur, & in Domino lætabantur. Illi religionis, & fidei factâ iacturâ, nihil erant assequuti, nisi, ut tanquam homines scelerati, atque homicidæ, supplicio sese viderent extremo cum infamiâ mactandos. At Martyres subleuabat lætitia ex Martyrio percepta, spes promissorum Dei, Charitatis in Christum, sacer Patris spiritus; Illos graue pondus, atque vlcus conscientie dirè diuexabat, vsque adeo, ut dum pro hominum frequentiam palam gradiebantur, ipso vultu ab omnibus alijs facile internoscerentur. Martyres enim in publicum hilares progressi sunt, in quorum vultu decor quidam gratia & venustate multâ adpersus enituit, ut vincula etiam illis ornatum eximium adiecisse viderentur, tum & suauem ac fragantem ex ipso Christo egredientem efflarunt odorem, ut à nonnullis artificioso quodam vnguento delibuti viderentur: Apostatæ autem demissi, abiecti, aspectu horridi, turpi ignominie labe

labe deformati; à gentilibus, porro ignavi,  
effeminati; probris contumeliosis affecti,  
amisso Christiano nomine, quòd vnum est  
gloriosum ac salutare, tanquam homicidæ, &  
homines conscelerati iusto supplicio per-  
empti censebantur.

Commendat idem author Euf. eximiam  
Martyrum humilitatem; qui se Martyres ap-  
pellari non patiebantur, tenuesse & abiectos  
Christiani nominis confessores; & fratres cum  
lacrymis obsecrabant, vt pro se ad Deum pre-  
ces ardentè, & obnixè funderent; Martyris  
appellationem soli Christo, fidei, & vero  
Martyri, primogenito mortuorum deferen-  
dam, aut cum ijs certè communicandam;  
qui iam vita excessissent, quos ad se Christus  
vocare dignatus esset, qui confessionem suam  
ipso vitæ exitu, ipsa sanguinis extrema profu-  
sione velut sigillo certissimo obsignassent.  
Qua sanè modestæ humilitatis ac pietatis no-  
ta veri Martyres à Pseudo-Martyribus secer-  
ni solent. Qui nempe, vtar S. Aug. verbis,  
nihil habentes simulationis, compaginati iun-  
cturâ charitatis, confessi sunt Christum, ca-  
put quod præcesserat sequi concupierunt: sed  
qui concupierunt? In tormentis patientes  
in confessione fideles, in sermone veraces.  
sed hæc alterius sunt argumenti.

Baron. ad  
ann. Chri.  
171.

In Ps. 39.

Cæterum primam velut originem  
huius cælestis suauitatis, quæ in aduersis  
rebus tolerandis, adeoque tormentis dirisime  
mortis excipiendis degustatur ab hominibus  
Christianis attigisse videtur Caietanus, dum

T


obser-

obseruat généralitatem passionum à Christo susceptam & Deificatam vt vniuersum quo ad mala deificaret: non tantum bona deificauit assumpta humana natura; verùm & mala quæ sunt exosa, tristia, fugienda vt euaserint desiderabilia super aurum & lapidem pretiosum, cum non habentur, & dulciora super mel, & fauum cum habeantur. Non tantum eis ex Diuinæ personæ Societate Diuinum quendam honorem impertiens, verum & saporem ac dulcorem cælestis suauitatis adspargens.

Caiet. ad  
ar. 5. q. 46.  
3. p. S. Th.



CAPVT



## CAPVT X.

## QVINTVM PARADOXVM;

*Sapientem ἀπαρόν & ἴμπερ-  
τάβητον εἶναι.*

**E**Xplicationem huius Paradoxi mutuabi-  
mur à S. Augustino. Quas Græci appel-  
lant *ἐνταῖς*, Latine Cicero constantias  
nominavit. Stoici tres esse voluerunt, pro  
tribus perturbationibus, in animo sapientis,  
pro cupiditate voluntatem, pro lætitiâ gau-  
dium, pro metu cautionem, pro ægritu-  
dine vero, vel dolore, quem nos vitandæ am-  
biguitatis grãtia tristitiam maluimus dicere;  
negauerunt esse posse aliquid in animo sa-  
pientis. Voluntas quippe, inquit, appe-  
tit bonum, quod facit sapiens. Gaudium de  
bono adeptum est, quod ubique adipiscitur  
Sapiens. Cautio deuitat malum, quod debet  
sapiens deuitare. Tristitia porro quia de ma-  
lo est quod iam accidit: Nullum autem ma-  
lum existimant accidere posse sapienti, nihil  
in eius animo pro illa esse posse dixerunt;  
sic ergo illi loquuntur, vt velle, gaudere,  
cauere negent nisi Sapientem. Stultum au-  
tem non nisi cupere, lætari, metueri, con-  
tristari. Verum horum vocabulorum indife-

14. de Cíc  
uit. c. 8.

ferens & promiscuus est usus, apud externos quoque scriptores, & Philosophi isti non tam de rebus, quam de verbis disputantes, contentionis, quam veritatis cupidores existunt. Christiani philosophi, secundum Deum viuentes metuunt, cupiunt, dolent, gaudentque; Et quia rectus est amor eorum, omnes istas affectiones rectas habent. Metuunt pœnam æternam, cupiunt vitam æternam, dolent in re, quia ipsi in semetipsis adhuc ingemiscunt, adoptionem Dei perfectam expectantes, redemptionem corporis sui: Gaudent in spe, quia fiet sermo, qui scriptus est, absorpta est mors in victoria. Item metuunt peccare, cupiunt perseverare, dolent in peccatis, gaudent in operibus bonis. Item sicuti se habet infirmitas eorum, firmitasque habuerit, metuunt tentari, cupiunt tentari, dolent, gaudent, in tentationibus, quæ singula probat ex scriptura S. Augustinus.

Non solum propter seipsos his mouentur affectibus, verum etiam propter eos, quos liberari cupiunt. Exemplum proponit, optimum & fortissimum virum qui in suis infirmitatibus gloriatur, Doctorem gentium, Athelam Christi, doctum ab illo, vinctum de illo, crucifixum cum illo; gloriosum in illo, in theatro huius mundi, qui spectaculum factus est, Angelis, & hominibus, legitime, magno agone certantem, palmam supernæ vocationis in anteriora sectantem, gaudere cum gaudentibus, flere cum flentibus, foris habentem pugnas, intus timores, cupientem dissolui, & esse cum Christo; desiderantem videre Romanos, ut aliquem



aliquem in ijs fructū habeat: metuentem Corinthijs ne seducantur eorum mentes à castitate, quæ est in Christo; magnam tristitiam & continuum dolorem cordis de Israelitis habentem, nec solum dolorem, verum etiam luctum denuntiantem quibusdam, qui ante peccauerunt, & non egerunt pœnitentiam.

Hi motus, hi affectus de amore boni, de sancta Charitate venientes, si vitia vocanda sunt, sinemus; vt & quæ vera vitia sunt, virtutes vocentur: Sed cum rectam rationem sequuntur istæ affectiones, quando, vbi oportet, adhibentur, quis eas tunc morbidas, seu vitiosas passiones audeat dicere? Quas & ipse Dominus adhibuit, cum adhibendas putauit, super duritia cordis Iudæorum cum ira contristatus; gaudeo, ait, propter vos vt credatis. Lazarum resuscitaturus; etiam lacrymas fudit: concupiuit cum discipulis manducare Pascha, & propinquante passione, tristis fuit, eius anima vsquæ ad mortem. Sæpe nos illis affectibus intiti cedimus, & quamuis non culpabili cupiditate, sed laudabili charitate etiam dum nolumus flemus. Non autem ita Dominus Iesus, cuius & infirmitas fuit ex potestate: Habebat enim Christus Dominus omnes affectus in potestate, & pro rectæ rationis imperio concitabat eos, aut cohibebat. At in nobis, etsi quandoque præuertant rationem, minusque illi sint obsequentes, haud dubium tamen est quin ab eâ dirigi, ac temperari possint, ac plurimum ad virtutum exercitationem conferant. Nihil enim fit sine quodam eximio mentis ardore.

Crantor  
apud Tul.

Vituperabat Apostolus quosdam sine affectu, omnino non dolere dum sumus in hoc loco miseriæ, sicut quidam ait, non sine magnâ mercede contingit immanitatis in animo, stuporis in corpore. *ἀπάθεια* si intelligatur de affectionibus, quæ contra rationem contingunt, mentemque perturbant, bona, & optanda est; sed nec ipsa est huius vitæ. Nam & maximè piorum illa vox est; si dixerimus quod peccatum non habemus, nos ipsos seducimus, & veritas in nobis non est. Tum erit ista *ἀπάθεια*, quando peccatum nullum erit. Nunc verò satis bene vivitur, si sine crimine vivitur. Sine peccato qui se vivere existimat non id agit, ut peccatum non habeat, sed ut veniam non accipiat. Beatitudo erit sine stimulo timoris, & sine vilâ tristitiâ; sed futurus illic amor ardentissimus, & gaudium exuberantissimum.

Ang. in  
Psalm.,

Si *ἀπάθεια* de omnibus omnino affectibus accipiatur; quis hunc stuporem non omnibus vitijs iudicet esse peiorem? Stoici qui nullo flectuntur, aut inclinantur affectu, impietate superbi, elati, eò maiores tumores patiuntur, quo minores dolores. Humanitatem potius amittunt: quam veram tranquillitatem assequantur. Non enim quia durum aliquid, ideo rectum, aut quia stupidum, ideo sanum. Aliud est sanitas: aliud stupor, aliud immortalitas. Perfecta quidem sanitas, est immortalitas, sed dicitur etiam secundum quemdâmodum sanitas quam habemus in hac vitâ. Quando non infirmatur unusquisque, sanus vocatur, & cum inspexerit medicus

cus sanum renuntiat, & cum ægrotare cœ-  
 perit ipsa sanitas perturbatur, & quando  
 curatur ad ipsam sanitatem reditur. Sa-  
 nitas ægritudinem non habet; sed tamen  
 quando tangitur, & molestatur dolet; stu-  
 por autem non dolet; amisit enim sensum  
 doloris, tantò insensibilior, quantò pe-  
 ior. Rursum immortalitas non dolet, ab-  
 sumpta est enim omnis corruptio. Non se  
 putet stupidus iam immortalem; vicinior  
 est immortalitati sanitas dolentis, quam  
 stupor non sentientis. Inuenis ergo homi-  
 nem superbissimum typho arrogantissimo,  
 qui sibi persuaferit, nihil timere; fortio-  
 rem putas illo, qui ait, foris pugnae, in-  
 tus timores? fortio rem capite nostro, Do-  
 mino Deo nostro, qui dixit, *Tristis est*  
*anima mea usque ad mortem?* Non est  
 iste fortior: non te delectet stupor eius.  
 Non immortalitate indutus: sed sensu  
 exutus est. Tu verò habeto animum non  
 sine affectu. Reprehensi enim sunt homi-  
 nes sine affectu. Quamquam magis est  
 simulatio quædam furoris ac stuporis, cum  
 omni sensu hominem penitus exui sit im-  
 possibile.

Ad hæc confirmanda proferamus quo-  
 que Sancti Hieronymi testimonium ad  
 Saluiam de viduitate seruanda. Difficile est,  
 quin potius impossibile, perturbationis  
 initijs carere quempiam, quas significan-  
 tius Græci *νεμεσις* vocant: nos vt ver-  
 bũ vertamus ē verbo, antepassiones pos-  
 sumus

suppus dicere; eo quod incentiua vitio-  
rum, omnium titillant animos, & qua-  
si in meditullio nostrum iudicium sit,  
vel abijcere cogitata, vel recipere. Un-  
de & naturę Dominus in Euangelio lo-  
quebatur: *De corde exeunt cogitationes*  
*ma'le, homicidia, adulteria, fornicationes,*  
*furta, falsa testimonia, blasphemia.*

Matt. 15.  
v. 19.

Ex quo perspicuum est; iuxta alterius  
libri testimonium, procliuus esse cor ho-  
minis à pueritia ad malum: & inter opera  
carnis & spiritus, quę Apostolus enu-  
merat, mediam animam fluctuare, nunc  
hęc nunc illa cupientem. Nam sine vitij  
nemo nascitur: optimus ille est qui mi-  
nimis vrgetur. Velut si egregio inspersos  
reprehendas corpore næuos. Hoc est quod  
alijs verbis Propheta significat: *Turbatus*  
*sum, & non sum locusus,* & in eodem  
volumine: *Irascimini & nolite peccare.* Et  
illud Architę Tarentini ad villicum ne-  
gligentem: iam te verberibus enecassem,  
nisi iratus essem. Ira enim viri iustitiam  
Dei non operatur.

Quod de vna perturbatione dictum est,  
referamus ad cęteras. Sicut irasci homi-  
nis est, & iram non perficere Christiani:  
Sic omnis caro concupiscit quidem ea, quę  
carnis sunt, & quibusdam illecebris ad  
mortiferas animam voluptates trahit: sed  
nostrum est voluptatis ardorem maiore  
Christi amore restringere, & lasciuia  
iumentum fręnis inedia subjugare, vt  
non

non libidinem, sed cibos quærat, ac  
 desideret, & sessorem Spiritum Sanctum,  
 moderato atque composito portet inces-  
 su. Quorsum ista? vt hominem esse  
 te noueris, & passionibus humanis, ni-  
 si caueris subiacere. Quod ipsum quoti-  
 tidiana experientia nimio opere testatum red-  
 dit.



CA.



## CAPVT XI.

*Iterum de affectibus, maximè de  
affectu amoris, & tristitiæ.*

*Ex S. August.*

**C**Um homini Christiano præ oculis  
mentis obuersari semper debeat, futu-  
ra vita, hæc vero præsens haberi contem-  
ptui facile perspicitur quibus ille potissi-  
mum indulgere debeat affectibus: Non il-  
lam magnopere debent oblectare præsentis  
vitæ commoda, bonaque caduca; nec con-  
tristare, ac dolore afficere incommoda, &  
aduersa cum fluxa sint, accaduca, nihili præ  
æternis bonis, aut malis æstimanda; sed de-  
siderio accendi debet æternorum bonorum,  
ac metu malorum absterreri; eaque vnâ re  
plurimum gaudere, quæ illum Deo fini suo  
propius adiungat, & mærare ac dolere, si quæ  
re eum auocet, ac secludat à summo bono.  
Quæ res nulla alia omnino præter peccatum,  
esse potest quod Deus odit, & illius bonitati  
nos inuisos, exososque reddit.

Quoniam verò primarius affectus, om-  
niumque fons, & radix est amor, illi repur-  
gando, ac concitando potissimum opera-  
danda est; atque vt hic amor purus, sincer-  
us, feruens, constans, spiritalis, cælestis,  
Diuinus

Diuinus existat elaborandum est. Ipsa dilectio (inquit, S. August.) vacare non potest; Quid enim de quoque homine etiam mala operatur, nisi amor? Da mihi vacantem amorem, & nihil operantem? flagitia, adulteria, facinora, homicidia; luxurias omnes nonne amor operatur? Purga ergo amorem tuum, aquam fluentem in cloacam conuertere ad hortum. Quales impetus habebas ad mundum, tales habebas ad artificem mundi. Num vobis, dicitur, nihil ametis? Absit, pigri, mortui, detestandi, miseri eritis, si nihil ametis. Amate; sed quid ametis, videte. Amor Dei, Amor proximi charitas dicitur. Amor mundi, amor huius seculi cupiditas dicitur. Cupiditas refrænetur, charitas excitetur. Vt ad cognoscendum, ita & ad amandum instituta est, ac facta natura nostra, rationis compos, intellectu, ac liberâ voluntate prædita.

Nullum verò dignius est obiectum, in quod vim omnem suam cognoscendi, & amandi conferat, quam Deus eius Conditor, finis extremus, summum bonum, eiusque causa proximus amoris beneuolentiæ & ipse capax sed propter Deum; vt ea qua proximum prosequimur beneuolentia denique referatur in Deum, illius principium, ac finem. Optandum verò est vt vires omnes inferiores appetitus, ac corporis, huic amoris Diuino famulentur, eumque quoad licebit promoueant, atque adaugeant, vt cum Regio vate canimus. *Cor meum, & caro mea exultauerunt in Deum. vinum,*

Ceteræ

in pfa. 31.  
præfat.

Cæteræ res huius mundi rationis expertes, nec dignæ sunt, nec capaces amoris beneuolentiæ, sed concupiscentiæ dumtaxat, qui cum maximè proprius existat inferioris appetitus, præcipuo quodam studio moderandus est, & coercendus. Quia verò Stoici pro tristitia nullam putarunt constantiam, aut Eupathiam esse statuendam: præter ea quæ de gemitu, ac luctu piorum ex hac peregrinatione, & dilata felicitate protulimus; alteram continuæ, ac iugis mæstitiæ causam, tum ex proprijs, tum ex alienis peccatis; ex S. potissimùm Aug. deducimus adijciemus.

Nulla videtur pijs hominibus hæc in vita familiarior esse debere, ac crebrior affectio, quam sancta compunctio, qua sibi cor obtriuuerunt, qui Deo sacrificium offerunt spiritus contribulati, cordis contriti, & humiliati, quod pro sua bonitate Deus acceptum habet. Altus est Deus, non cum attingit elatus, sed ab humilibus contingitur. Scriptum est *Propè est Dominus his qui obtriuuerunt cor*; Tritura cordis, pietas, humilitas. Qui se conterit irascitur sibi: se habeat iratum vt illum habeat propitium. Se habeat iudicem, vt illum habeat defensorem. Et iterum qui sanat contritos corde, sanat ergo humiliatos corde, sanat confitentes sanat seipsos punientes, in se se verum iudicium exercentes, vt possint esse illius misericordiam sentientes.

Magnopere igitur confert ad humilitatem, diuinique Numinis propitiationem hæc de peccatis suis contritio, atque vt idem monet,

S. Pater

Aug. in  
Pl. 74. &  
825.



S. Pater si Deum volumus auertere faciem à peccatis nostris, oportet ut ipsi ab eis nostram non auertamus. Sit ante nos peccatum nostrum, ne sit ante Deum, iuxta illud Regij psaltis. *Quoniam iniquitatem meam ego cognosco, & peccatum meum contra me est semper. Delictum meum cognitum tibi feci, & in iustitiam meam non abscondi; Dixi confitebor tibi aduersum me iniustitiam meam.* Ps. 130.

Neque vero tantum nos sollicitos habere debent ac mæstos præterita peccata, quorum de remissione, atque indulgentia certò constare non potest. Verum & præsentia, & futura, quæ pro naturæ fragilitate, ac corruptione, etsi singula forte, non tamè omnia possumus euitare. Quoad perfectà sanitas eueniat à Deo, transactâ mortalitate, quando corruptibile hoc induerit incorruptionem, quando nihil erit, quod ex carnis labe sollicitet, non solum nihil, cui consentiamus, sed nihil, quod suggeratur, ex carne. Etenim modo, fratres mei, quantæ illicitæ delectationes animum tangunt? quamuis eis non consentiamus, ut membra iustitiæ seruiant, non iniquitati, tamen vel delectari talibus etsi non consentis, non est perfectà sanitas, &c. quæ pijsimè, prosequitur S. Aug.

Et quidem hic Stoici cautionem adhibendam non negarint pro metu, fatenturque sapientem suum timere; sed quod malum? si nullum sapienti potest euenire? nec sibi concordant si quod imminet sapienti timendum, aut cauendum, id si iam præsens adsit, atque euenierit, non dolendum. Verùm in potestate sapientis

sapientis est nullum eueniat. Quid ergo metuunt illud aut cauent? sanè vt summum aliquod est hominis bonum summè amandum, & summè prosequendum omni affectu, conatu, ac studio, ita necesse est oppositum aliquod esse malum, summo item affectu, & effectu vitandum, & metuendum: si summum bonum est assequi finem suum ob quem sis conditus, summum malum est ab eo penitus excidere. Summum bonum hominis est Deus, Deive fruitio. Summum malum auersio à Deo, peccatum quod eius assequutionem penitus intercludit. Id igitur & odio habendum, & toto affectu vitandum & ne accadat metuendum, si acciderit dolendum, vt contriti cordis dolore penitus aboleatur, ac Diuinà gratiā dispungatur. Noli erubescere, contere cor, tales sanat Deus. Confitere, age, dic quod sequitur, Infelix, ego homo quis me! hoc dicere Infelix ego homo, iam est cor conterere, vt respondeatur tibi, gratia Dei per Iesum Christum Dominum nostrum.

Cum peccatis circumsepti teneamur, & præteritis certò admissis, at incerto condonatis, & præsentibus, ac futuris imminetibus, ex huius ærurnosæ vitæ in tentatione atque hostium medio constituta conditione, ac naturæ ipsius nostræ corruptelâ, quid potius agamus, quam vt ad Deum clamemus. Miserere nostri Domine, miserere, vt sua multiplici misericordia nostram subleuet multiplicem miseriam, vt præterita indulgeat peccata, præsentia toleret, & à futuris ope suæ gratiæ præseruet; Vt miserorum propria est hæc

hæc precatio, ita & animi contriti, ac compuncti mæstitia, non est nisi miserorum. Ab erit à beata vita hæc precatio, timor omnis atque mæstitia, sed sola audietur laudatio, gratiarum actio, & lætissima Diuinæ Maiestatis adoratio, horum omnium vice sit in hac ærumnosa vita miserorum hæc vox repetita; Miserere Deus, misereatur nostri, sit propitius, ac placatus miseris peccatoribus. Iam de alienis peccatis quam ea iustos homines excrucient, quanto eos animi mærore compleant indicat Apostolorum Princeps, dum iustum Loth oppressum ait à nephandorum iniuria, ac luxuriosa conuersatione; 2. Petri 2. Aspectu enim & auditu iustus erat, habitans apud eos qui de die in diem animam iustam iniquis operibus cruciabant. Nec auditis, nec aspectis tot flagitiorum exemplis dimoueri potuit, a recto iustitiæ tramite; sed vehementer tamen eisdem flagitijs cruciabatur, quæ cum emendare vellet, haud poterat. Talis quoque erat Dauidis Regis, ac Prophetæ zelus ardens. *Tabescere me fecit zelus meus,* Ps. 119. *defectio tenet me pro peccatoribus delinquentibus legem tuam.*

Omnes mali persequuntur bonos, non ferro, aut lapidibus, sed vita, & moribus inquit S. Augustinus, qui plurimus est in hoc argumento. Illud Psal. 98. de Moyse, Aarone, & Samuële Prophetis eximijs vindicatis in omnes affectiones eorum, sic explicat. Quid est quod in illis vindicatum est, quæro, & secundum homines non inuenio, secundum autem quod scio pati seruos Dei quotidie, in illos

in illos vindicabatur. Legite & videte vindictas, sed qui proficitis; forte vindictas quotidie patiebantur, populos contradicentes, quotidie patiebantur inique viuentes, & inter illos viuere cogeabantur; quorum vitam quotidie reprehendebant, hæc erat vindicta. Non dum proficit cui parua est. Tantum enim te torquet iniustitia aliena quantum recesseris à tua. Cum fueris frumentum, id est; herba bona de semine bono: semine filius regni: cū cæperis fructum dare tunc & ibi apparebunt zizania. Ex sententia Domini necesse erit parcere zizanijs, & conditione serui necesse erit viuere inter zizania. Separare non potes; Tolerare tibi necesse est. Vide quantas plagas in corde patiaris, qui corpore, & corde integro inter malos versaris: probabitur quicumque profeceritis; probabitur quicumq; iam proficitis. Toleranda sunt ergo ista, & fortè hoc pertinet ad illud; seruus qui nouit voluntatem Domini sui, & non fecit digna, plagis vapulabit multis. In multis enim quantum nobis innotescit voluntas Dei, etiam reatus noster innotescit nobis. Et quantò ille nobis innotescit: tantò plus imus in fletus, in lacrymas. Videmus enim quam sit iustum, quod de nobis exigit Deus, in quanta adhuc imperfectione iaceamus, & fit in nobis quod dictum est: *Qui aponit scientiam aponit dolorem*. Ecce abundet in te charitas, & plus dolebis peccantem. Quantò in te maior charitas est: tantò amplius te torquet quem toleras. Non torquetur tanquam irascentem illi, sed tanquam dolentem pro illo. Vide Paulum Apostolum, quid patiebatur;

Mat. 13.

Ecc. 1.

iebatur. Vide quis quid patiebatur præter  
la quæ extrinsecus sunt. Vide qualis sol- 1. Cor. 12  
citus, quam paterna, quam materna.  
videte quomodo cædebatur, & vindica-  
tur in omnes affectiones eius.

Stoicos quos asperiores, atque horri-  
ores ipsa doctrina faciebat haud mirum  
lacrymas non probasse, & ab ijs tem-  
tasse: si tamen temperare, ac naturam om-  
no vincere potuerunt.

At Philosophis Christianis non sunt inde-  
re lacrymæ, nec instructuosa, quas ani-  
contritio, pietasque exprimit. De suis  
rymis vberimis non semel confitetur S.  
gust: & in exordio conuersionis animæ se-  
n luctantis oborta est procella ingens se-  
s ingentem imbrem lacrymarum: Dice- 1. 1. 1.  
hæc, & flebam amarissimâ contritione  
dis mei; se l erat eadem quoque contri-  
tissima; & à suscepto Baptismo. Quan-  
fleui in hymnis, & canticis tuis suauè 1. 9. c. 11  
ntis Ecclesiæ tuæ vocibus commotus,  
ter voces illæ influebant auribus meis, &  
abatur veritas tua in cor meum, & ex-  
estuabat affectus pietatis, & currebant  
mæ, & bene mihi erat cum eis. Deni-  
in Monicæ parentis suæ charissimæ  
te.

remebam oculos eius, & confluebat in 1. 9. c. 12  
ordia mea mæstitudo ingens, & trans-  
bat in lacrymas, ibidemque oculi mei  
nto animi imperio resorbent fontem  
1. Denique libuit flere in conspectu tuo  
V de illa

de illa , & pro illa , de me , & pro me . Et dimisi lacrymas quas continebam ; vt effluerent quantum vellent substernens eas cordi meo ; & requieuit in eis , quoniam ibi erant aures tuæ , non cuiusque hominis superbè interpretantis ploratum meum . Vt interpretati sunt quidam malignè lacrymas eius cum presbyter ordinaretur : de quibus , & postremis in lethali morbo , cum se ad mortem pia lectione psalmorum penitentia compararet , scriptor eius vitæ Possidius .





## CAPVT XII.

## SÉXTVM PARADOXVM;

*Sapientem non opinari; itemque  
non ignorare, non fallere,  
non mentiri.*

**E**St igitur Deus, Sapiens Stoicus? Om-  
niscius, quem nihil lateat, nihil subter-  
fugiat, cui nihil excidat, nullus unquam sur-  
repat error? qui nulla labore incogitantia, &  
improvidentia, qui nihil ignoret? Diuina, &  
humana sciat? Non inquit, omnia planè,  
sed quatenus opus est, & potest, ita omnia  
scit, & nihil ignorat, ut sciat semper, aut sci-  
re se aut ignorare, & hoc est satis, ut vindice-  
tur ab errore. Cum inquit non opinari,  
intelligunt rei incomprehensæ assensum non  
dare. Recte, inquit, Lactantius Zeno &  
Stoici opinionem repudiarunt. Opinari enim  
te scire, quod nescias, non est sapientis sed  
femerarij potius, ac stulti.

Verum bona cum Lactantij venia, non est  
illa opinio sed error, neque opinioni con-  
traria est scientia, sed errori. Ut argumen-  
ta Topica demonstrationibus subseruiunt,  
ita scientiæ famulatur opinio, quæ est imbe-

Cic. 1.  
Acade.

cillis assensus quodammodo; si quid esset ita comprehensum, ut conuelli ratione non posset, scientiam, finaliter inscientiam appellabant, ex qua existeret etiam opinio, quæ esset imbecilla, & cum falso incognitoque communis. Opinio non est semper de re falsâ, aut incognitâ, sed de re verâ tenuiter & non planè cognitâ aut imbecillis assensus in vnam partem. Necesse autem est in rebus incompertis, aut opinari, aut dubitare, suspensumque animo hære. Sapientem, quia res sunt eiusmodi, quæ certo comprehendi non queant; sed coniecturis, aut probabilibus dumtaxat rationibus colliguntur.

Iam verò Sapientem omnis erroris, & ignorantia proflus expertem facere, est omnis quoque peccati facere immunem, non eius solum, quod per ignorantiam admittitur, sed omnis omnino, quod ex infirmitate, vel malitia contrahitur. Necesse enim est, omnem

Prou. 14.  
12. & 11.  
2.  
1. Ecl. 1.  
Dio. c. 4.  
de diu.  
nom. 1.  
S. Tho. 2.  
q. 6. a. 8.

peccantem errare. *Errant, qui operantur malum. Omnis via viri, recta sibi videtur*; eaque fuit Aristotelis sententia. Omnis malus est ignorans. D. Dionisij, nemo respiciens ad malum, operatur, & S. Thomæ. Omnium humanorum operum principium in homine esse rationem; ignorantiam & errorem, causam esse electionis malæ, cum aliquis actu non considerat, quæ potest, & debet: & illud Socraticum scientiâ præsentem non peccatur, Verum esse si scientia extendatur ad vsum rectæ rationis in particulari eligibili. Ac denique, Socratem ponentem omnes virtutes esse scientias & omnia peccata ignorantias, cate-

q. 38. a. 2.  
q. 77. a. 2.

nus



nus rectè dixisse, quia, cum voluntas sit boni, vel apparentis boni, nusquam in malum moueretur, nisi id quod non est bonum aliqua ratione bonum appareret.

Idem alijs locis confirmat & probat Deum non posse peccatum velle, quia peccatum non fit sine errore circa obiectum saltem in particulari. Error autem in Deum cadere non potest. Hoc Stoici de Sapiente suo lubentes admiserint, nec errorem, nec peccatum in eum cadere posse; Quid ergo obstet quin Deus sit? At SS. PP. nihil æquè damnant, in Pelagio quàm hominem, absque peccato esse posse.

Ex professo quidem admitti possit, Sapientem nec fallere, nec mentiri; sed, quin ipse quandoque fallatur, & per imprudentiam nentiat, id admitti non potest; Esto prudens, sciens, volensque non nentiat, nec allat animo malo, ac doloso: quin tamen per incogitantiam, aut incuriam iam quandoque i subrepat error, & eius apud alios sit author, umanum non est. *Ego dixi in excessu meo, omnis homo mendax*; Humano sensu, & affectu loquens, non, ex S. Spiritu, ut tum loquebatur David, homo ex naturâ suâ obnoxius est errori, & falsitati, quod etiam confirmat Apostolus. *Est autem Deus verax; omnis autem homo mendax*; Solus Deus menti non potest, omnes homines quantumcunque Sapientes, mendacio sunt obnoxij; etsi non semper nentiantur, in hoc tamen ipso adoxo nentiantur Stoici.

Quis ita ambulat, ut nunquam labatur? Ne quod cito fit, vel in lingua? Etenim scri-

ptum est: *Si quis in verbo lingua non offendit, hic perfectus est Vir*; Quis autem auderet se perfectum dicere, aut reputare? ergo necesse est, ut aliquis labatur in linguâ, sed recurrit homo in cor suum, & inde recurrit ad Deum, & dicit; In Domino laudabo sermones suos. Quicquid verum dixi, Deo dixi, & de Deo dixi, quicquid forte aliud dixi, quod dicere non debui, homo dixi, sed sub Deo dixi qui confirmat ambulantes, minatur errantes, ignoscit agnoscanti reuocat linguam, reuocat lapsum.

Qui loquitur mendacium, de suo loquitur, id est qui peccat, de suo peccat: restat ut qui loquitur veritatem, de Deo loquatur; Ideo dicitur alio loco; Deus verax solus, omnis autem homo mendax. Et ut sis verax, bibe veritatem, ut de Deo ructes, & sis verax; quia de tuo illam non potes habere; restat ut inde illam bibas, unde fluit. Quomodo si à luce recesseris, in tenebris es. Quomodo lapis non de se feruet, sed vel à sole, vel ab igne, licum calori subtraxeris, frigeat; ibi apparet, quia quod feruebat, non erat ipsius, &c. Hæc præclare S. Aug.

Non erat ignarus huius veritatis omnium mortalium sapientissimus Salomon, qui præclare, & prolixè Stoicos coarguit, dum Sapientiam à Deo flagitat; *Da mihi sedium tuarum assisleri: em Sapienti m, & noli me reprobare à pueris tuis: quoniam seruus tuus sum ego, & filius ancilla tua, homo infirmus, & exigui temporis, & minor ad intellectum iudicii, & legum: Nam etsi quis erit co summatus inter filios hominum, si illa abfuerit*

abfuerit Sapientia tua. *nihilum computabitur.* v. 13.  
*Quis enim hominum scire poterit consilium Domini?*  
 aut quis poterit cogitare quid elis Dominus? Cogita-  
 tiones enim mortalium timida, & incerta p. omni-  
 dentia nostra: Corpus enim quod corrumpitur,  
 aggrauat animam, & terrena inhabitatio de ti-  
 mit sensum multa cogitantem. Et difficile aestima-  
 mus, quae in terra sunt: Et quae in prospectu sunt,  
 inuenimus cum labore. Quae autem in caelis sunt,  
 quis investigabit? sensum autem tuum quis sciet,  
 nisi tu cederis Sapientiam, & miseris Spiritum  
 Sanctum tuum de altissimi.

Nempe rerum omnium agendarum scientia,  
 ad Diuinæ voluntatis normam, & regulam ac-  
 commodanda est; ut id agamus, quod Deo gra-  
 tum est, & acceptum; quod ad eum aliquando  
 nos perducatur.

Ac tamen, non obscure, Deus suam nobis  
 voluntatem indicarit, atque in præceptis, con-  
 silijs, diuinisque litteris expresserit, nisi tamen  
 eo suggerente, ac commonente ad eam ani-  
 mum non aduertemus, non comprehendemus,  
 uti par est, aut præ cæteris omnibus rebus æsti-  
 mabimus. Ob eam causam, toties sibi dari pe-  
 tit intellectum Rex David, ad Diuinæ legis  
 perspicienda, atque exequenda mandata. *Da* Ps. 118.  
*mihi intellectum & scrutabor legem tuam, & custo-* v. 34.  
*diam illam in ore cordis meo. Manus tua fecerunt* v. 71.  
*me; Da mihi intellectum, ut discam mandata tua.* v. 144.  
*Æquitas testimonia tua ingerat in intellectum, da*  
*mihi in viam. Appropinquet deprecatus mea in* v. 29.  
*conspectu tuo Domine; iuxta eloquium tuum da*  
*mihi intellectum. In tenebris versari, nili Di-*  
*uina luce cælitus illustretur, in regione umbræ*

Pf. 37.  
v. 11.

mortis quæ proxima est peccato, nisi exorta Christi luce reuocetur ad vitam. *Cor meum conturbatum est, deueliquit me virtus mea, & lumen oculorum meorum, & ipsum non est mecum.*

Pf. 118.

Alioquin degenerantes in pecora, & sensibus rationem obscurantibus, ac pessundantibus; non vt homines rationales, sed animales vitam brutam exigimus. Ipsi nos regimus vt pecudes, & à Deo rectore duci, ac gubernari, non patimur; vult ipse nos regere rationis, & intelligentiæ capaces, suarum inspirationum suauiductu, ac persuasione, non necessario naturæ instinctu, atque impulsu. Cum ait, *Intellectum tibi dabo, & instrua te, in viâ hac, quâ gradiaris firmabo super te, oculos meos, sed ea lege, ac conditione ne pecorum vitam æmuletur. Nolite fieri sicut equus, & mulus, quibus, non est intellectus.*

Pf. 117. 12.

Inter omnia vitia, superbia præcipuè mentem obtenebrat, & excæcat: Humilitas, recipiendæ Diuinæ luci capacem idoneamque reddit, quod Rex quoque Dauid indicat suâ ad Deum precatone. *Quoniam, tu opulum humilem saluum facies, & oculos superborum humiliabis. Quoniam tu illuminas lucernam meam, Domine Deus meus, illumina tenebras meas.*

CA-



## CAPVT XIII.

## SEPTIMUM PARADOXVM;

*Sapienti nihil præter opinionem  
evenire.*

Præter opinionem, animi destinationē, ac  
propositū vt explicat Sen. Omnia illi fluūt  
cōsententia; nihil illi accidit non præmeditatū;  
unquam illum Pænitentia subit: quia nihil  
elius illo tempore fieri potuit, quàm, quod  
ctum est; nihil constitui, quàm, quod consti-  
tum est: Cæterum ad omnia cum exceptio-  
veniet, si nihil inciderit quod impediat. Ideo  
omnia illi succedere dicimus, & nihil contra  
opinionem accidere: quia præsumit animo,  
posse aliquid interuenire, quod destinata pro-  
beat. Imprudentium ista fiducia est, fortu-  
m sibi spondere.

Sen. de  
benef. 4.  
c. 34.

Nihil ei contra opinionem dicimus acci-  
dere; quia non illum casibus hominum exci-  
mus, sed erroribus; nec illi omnia, vt voluit,  
adunt, sed vt cogitauit. Imprimis autem co-  
gitauit aliquid posse propolitis suis resistere.  
hoc illud amputandum, Non putabam. Nes-  
ciebam hoc mihi restare. At Sapiens Stoicus  
it sibi omnia restare, & quicquid factum est,  
xit, sciebam.

Sen. de  
Tra. c. 13.

Non vlla laborum.

O Vir,

O Virgo, noua mi facies, inopinave surgit:

Omnia percepi, atque animo mecum ante peregi:

Sed mentita est iniquitas sibi; Quis enim præter Deum omnia præuidere queat? Vni Deo, nihil casu ac fortuito potest euenire. At hominem id sibi arrogare, temerarium sit, ut nihil præter spem, & expectationem sibi eueniat, cum plurima præter omnem cogitationem & suspicionem eueniant; Scimus quidem generatim aliquid interuenire posse, at non minus angimur, cum nostra spe excidimus, & expectatione frustrati sumus.

Ad Rom.

1. 13.

2. 1. 15.

3. 17.

1. 2. 13.

10. 2. 12.

Sen. ep. 76

Apostolus Paulus Romanis scribens ait. *Nolo vos ignorare fratres, quia sepe proposui venire ad vos, (& prohibitus sum usque adhuc) Et Corinthijs. Et hac confidentia volui prius venire ad vos, ut secundam gratiam, haberetis, & per vos, transire in Macedoniam. &c. Cum hoc ergo voluissim, nunquid lenitate usus sum? An qua cogito, secundum carnem cogito, ut sit apud me. Est, & Non? Denique ad Thessalonic. Quoniam volumus venire ad vos; ego quidem Paulus & semel, & iterum, sed impediuit nos Satan. Cum esses inuicior, aiebat Dominus Petro, cingebas te, & ambulabas, ubi volebas, cum autem senueris, extendes manus tuas, & alius te cinget, & ducet, quò tu non vis. Imo plurima præter voluntatem euentura nobis, Deo sic iubente, vel ad nos castigandos, vel exercendos, præcogitare nos oportet, ut ad humana omnia nos comparemus, & assuescamus futuris malis, quæ alij diu patiendo leuia faciunt, nos diu cogitando.*

Sæpe

Sæpe videmus in sæculo quosdam de alio  
 roposito, transire ad aliud, verbi gratia, ut  
 ui militiam male experti sunt, transeant ad  
 negotiationem; rursusque causidicos bello-  
 um arma corripere: mutant industriam, ut  
 nutent infelicitatem; & nihilominus dispensa-  
 tione Dei, his quos saluare dignatur, omnia  
 nitentibus euenire contraria, ut per inopiam  
 e miseras cogantur non in se, sed in Creatore  
 uo, habere fiduciam.

Rectè quidem homines sæculi redarguit S.  
 acobus. *Ecce nunc qui dicitis; hodie aut crasti-  
 o ibimus in illam ciuitatem; & faciemus ibi qui-  
 em annum, & mercabimur, & lucrum facie-  
 mus, qui ignoratis quid erit in crastino. Qua est  
 vira vestra? Vapor est ad modicum parens,  
 & deinceps exterminabitur. Pro eo ut dicatis; si  
 Dominus voluerit, & si uixerimus, faciemus hoc  
 ut illud. Si vita comes fuerit, quæ pendet ex  
 Dei voluntate, ita posterior hæc conditio in-  
 iudatur in priori, & si Dominus voluerit, ex-  
 ceptionem omnem Stoicorum complectitur.  
 Nisi quid interuenerit, non potest tamen hæc  
 ita mortalis, ab omni errore, euentu-ve for-  
 tuito immunis esse ac libera, ut nihil Sapien-  
 tiæ præ expectationem eueniat.*

Abraham de Sara coniuge, cuiuserat in se-  
 lectute species ad stuporem eximia; Isaac, de  
 Rebecca, ob eandem formæ pulchritudinem,  
 uasi de vita periclitarentur; docuerunt ali-  
 quid Sapien-  
 tiæ præ opinionem euenire posse,  
 & Diuinæ Providentiæ denique committen-  
 os rerum omnium euentus. Dicebat Abra-  
 am Saræ: *Noni quod pulchra sis mulier, &  
 quod*

Hiero. in  
 16. l. 7.  
 c. 23.

Iac. c. 4.  
 13.

Gen. 26. 2

Gen. 12.  
 12. 13.

a. Paral.  
29. 22.

*quod cum viderint te Egyptij, dicturi sunt, uxor  
ipfius est, & interficient me, dic obsecro quod soror  
mea sis, & benefice mihi propter te, & uiuat anima  
mea, ob gratiam tui. Iosaphat Ammonitis,  
Moabitis, & Syris aduersum se confurgenti-  
bus, prædicat ieiunium, supplex ad Deum  
confugit, eiusque precationis extrema hic  
clausula est: In nobis quidem non est tanta forsi-  
tudo, ut possimus huic multitudini resistere sed  
cum ignovemus quid agere debeamus, hoc solum  
habemus residui ut oculos nostros dirigamus ad te.*

Iob & Tobias ne suspicione quidē vnquam  
vllā præuiā, quæ sibi, Deo permittente infor-  
tunia euenirent, præmeditati fuerant, & ta-  
men vterque Deum in calamitate benedixit,  
cumque non ex quo tantum, ac pacato, sed  
lubenti & aduersus Deum grato pertulit ani-  
mo. An nihil, præter opinionem euenit vn-  
quam Regi Dauidi tot exercito casibus? tot  
infortunijs probato externis, ac domesticis,  
in tanta rerum omnium prosperarum atque  
aduersarum varietate, quam eius sacra nobis  
exibet historia? An Eliæ, Elisæo, alijsve Pro-  
phetis in omni semper euentu adfuit, omnia-  
que rexit, ac patefecit arcana Prophetiæ  
spiritus? cur ergo lamentatur Elias, *etiamne  
viduam, apud quam ego utcumque sustentor, af-  
flixisti? ut interficeres filium eius?*

5. Reg. 17.  
20.

Ang. 10.  
6006. 28.

Versatur mihi modo in manibus psalm. 43.  
quo piæ quærelæ ac lamentationes Marty-  
rum, seu Machabæorum, seu Christianorum,  
describuntur, quia nemo quod tolerat amat,  
etsi tolerare amat, quamuis gaudeat se tolera-  
re, tamen mauult non esse quod toleret. Ho-

minia



*minis est animam preparare: & Domini gubernare* PROV. 16.  
*linguam.* Vulgare Prouerbum, Homo pro-  
 ponit, Deus disponit. *Cor hominis disponit*  
*viam suam, sed Domini est dirigere gressus eius.*  
*Nescis homo finem suum: sed sicut pisces capiuntur* ECC. 9. 12.  
*lamo, & sicut aues, laqueo comprehenduntur,*  
*sic capiuntur homines in tempore malo: Cum eis*  
*ex templo superuenerit.* Hoc cauendum, ne  
 mors nobis inopina superueniat, quia nesci-  
 nus, neque diem, neque horam, omni die,  
 atque horâ vigilandum est.

Quam homini multa præter opinionem,  
 atque expectationem eueniant, luculente  
 locere potest vna Esther historia in Mardo-  
 chæo summis honoribus affecto, & Aman eius  
 ioste, suspenso in patibulo, quod ipse para-  
 uerat Mardochæo; Nempe canebat hoc quoq;  
 Virgo Deipara & in Israelitis liberatis demer-  
 oque Pharaone Dei potentiam deprædicabat,  
*ecce potentiam in brachio suo, dispersit superbos*  
*exaltante cordis sui; Deposuit Potentes de sedibus &* LUC. 18.  
*exaltauit humiles &c.* Hi sunt Diuini mores,  
 ut non se superbus exaltet, sed Deo humilis  
 subdat eiusque diuinam agnoscat manum, ac  
 in omnipotentia, cui nos in omnem partem  
 & sortem obtemperare est æquissimum.

CA:



## CAPVT XIV.

## OCTAVVM PARADOXVM;

*Sapientem sibi sufficere, siue se  
solo contentum esse.*

**N**ON eo dumtaxat hoc Paradoxum spectat, vt intelligamus Sapientem aliorum consuetudine non egere, ac viuere posse in solitudine, cum ipse sibi sit omnia nec ab vilo homine dependeat: Sed qui supremus est superbix gradus, quod nec ab ipso Deo, in paranda virtute, ac beatâ vitâ dependeat; sit ipse sibi Deus, se Deum faciat, à se iustus ac beatus existat, sibi met sufficiat. Fuerunt qui nos abducerent ab omni consortio, & amicitiâ, Stilpo, Tymon, & alij olores hominum. At Stoicis aliter visum. Nam illud quidem cum illis commune est, sapientem seipso contentum esse, sed tamen & amicum habere vult, & vicinum, & conturbernalem, quamuis ipse sibi sufficiat. Sociale animal homo est, & inter homines Sapiens, & tamen non viuet, si fuerit sine homine victurus, non modo sine amico, sed nihilo secius oportet & in hoc exerceat vt possit sibi ipse sufficere, possit secum esse, sicut Iupiter secum est, atque agit, & in se acquiescit, & gubernationem suam

uam mente agitat, & cogitationibus fruitur  
se dignis.

Quæ comparatio Epicteti, & Senecæ ma-  
gnifica videtur multisque vehementer arridet;  
sed vereor ne superbix sit & arrogantix ple-  
nissima, ne dicam blasphemix: Huc cogita-  
tiones tuæ tendant, hoc cura, hoc opta, om-  
nia alia vota Deo remissurus, vt contentus sis  
emetipso, & ex te nascentibus bonis. Quæ  
potest esse felicitas Deo proprior. Ep. 110.

Scipio, ad legatum Regis Anthiochi apud  
Liui. 137. Ex ijs quæ in Deorum immortalium  
potestate erant, ea habemus, quæ Dei dede-  
runt; Animos qui nostræ mentis sunt, eosdem  
in omni fortunâ gessimus, gerimusque; quo  
pertinet illud Poëtæ,

Sed satis est, orare Iouem qui donat & au-  
fert.

Det vitam, det opes, æquum mihi ani-  
mum ipse parabo.

Itaque Cotta apud Ciceronem. Quis, quod  
bonus vir esset, gratias Deo egit vnquam? At  
quod diues, quod honoratus, quod incolu-  
nis? Verum id per quàm iniquum, & absur-  
dum videtur. A Deo expectemus inferiora bo-  
na, quæ minimi sunt momenti, & ad beatam  
vitam parum aut omnino nihil conferant:  
Animi superiora, in quibus ipsa beata vita  
consistit virtutem, æquitatem, ac tranquilli-  
tatem non expectemus. s. de na-  
tura deor.

Habemus quidem à Deo liberum arbitrium;  
sed sine Diuinâ ope quid illud potest? Mentis  
nostræ compotes sumus, sed illa sine Dei præ-  
sidio languet infirmissima, est ad omne virtu-  
tis opus

tis opus impotens, in malum procliuus, sibi dux in præceptis ut euincunt quæ de gratiæ necessitate disputata sunt.

Si Sapiens sibi sufficit, se solo contentus est, sibi ergo Deus est, sibi author vitæ, ac naturæ, se condidit, seque conseruat, se regit, immortalis est, æternus est indeficiens, seipso beatus, & perfectus; Quod si vitam sibi ipse non tribuit, si continenter eam à Dei benignâ manu conseruatrice recipit, magisque ab eâ, quam à sole radij solares, dependet; si continuo in decursu versatur vita sapientis, suisque decrescit augmentis sine vlla quiete, donec ipsa morte finiatur, & clepsidræ instar exhauriatur, qui sibi potest sufficere Deo secluso? quomodo sine Deo, seipso erit contentus? Quanto verius rectiusque sapientem Christianum dixerimus Deo solo contentum esse, illi Deum vnum sufficere, cum id omni contentione mentis enitatur, ut à seipso deficiat, se ipso inquam, omni erroris, vitij, defectus, mali peccati, corruptionis origine, & in Deum profectus eius, atque omnis virtutis, bonique authorem ac largitorem transeat.

Multus est in hoc paradoxo refellendo S. August. pugnat enim ex diametro cum Diuinâ gratiâ, & quæ illi innititur, humilitatis virtute: pugnat cum aperta veritate, diuinis litteris sepissime consignata. Si Dei donum est. Ipsa vita, multo magis Dei donum erit Vita Bona, Iusta, Sancta, Beata; si lux quæ corporeis oculis cernitur, vna cum brutis animalibus nobis communis, è cælo delapsa venit; Quanto magis lux inuisibilis, quæ solâ  
mente

nente cernitur, & quæ pertinet ad Angelo-  
rum & Beatorum Societatem communio-  
nemque, non nisi de cælo diffusa veniet?

In ps. 33.  
Serm. 1.

Sed audiamus S. August. Fortitudinem  
neam ad te custodiam; quia si recedo, cado,  
i accedo, fortior fio; Videte enim quid est,  
fratres, in animâ humanâ. Non habet ex se  
umen, non habet ex se vires; Totum autem  
quod pulchrum est in animâ, virtus est,  
& sapientia: sed nec sapit sibi, nec valet  
sibi, nec ipsa sibi lux est, nec ipsa sibi  
irtus est. Est quædam origo, fonsque  
irtutis, est quædam radix sapientiæ, est  
uædam, ut ita dicam, & si hoc dicen-  
um est, regio incommutabilis veritatis.  
ab hac anima recedens tenebratur, ac-  
edens illuminatur. Nempe Deus Opt.  
lax. de quo dictum est. *Accedite ad eum,*  
*et illuminamini &c.* & alio loco. Ergo  
uisquis ita vult esse similis Deo, ut ad  
eum stet, fortitudinemque suam, sicut scri-  
tum est, ad illum custodiat, non ab illo  
dat, ei coherendo signetur, tanquam ex  
mulo cera, illi affixus habeat imaginem  
us, faciens quod dictum est. *Mihi autem*  
*habere Deo bonum est &c.*

Ps. 33. 6.

Ps. 70.  
Serm. 1.

Ps. 72. 17.

Porro autem si peruersè voluerit imi-  
ari Deum, ut quomodo Deus non ha-  
et à quo formetur, non habet à quo  
gatur; sic ipse velit suâ potestate uti,  
quomodo Deus nullo formante, nullo  
gente, vivat, quid restat fratres, nisi ut  
cedens, ab eo, quod summè atque in-

X

com-

Luc. 13. commutabiliter est, in deterius mutatus  
 „ deficiat? quod proximè supra comproba-  
 „ rat exemplo filij minoris, qui voluit in  
 „ suâ potestate habere substantiam suam,  
 „ quæ illi apud Patrem optimè seruabatur,  
 „ factus suę potestatis, profectus est in re-  
 „ gionem longinquam, hæsit principi malo,  
 „ porcos paut, fame correptus est, qui sa-  
 „ turitate superbus abscesserat. Vt homo sit  
 „ aliquid, conuertat se ad Deum, à quo crea-  
 „ tus est. Recedendo tenebrescit, acceden-  
 „ do clarescit. A quo enim habet vt sit,  
 „ apud illum habet, vt ei bene sit. Non  
 „ alius sanè potest esse author bonæ ac san-  
 „ ctæ vitæ, quàm qui author est vitæ.

Ipsos quoque iustificatos egere gratiâ Christi, ad quęuis opera salutis, ante demonstratum est; quare duplici egemus Dei gratiâ, iustificationis habituali, & insuper actuali Diuinæ charitatis inspiratione, quâ ad omne opus bonum excitemur, in eoque exercendo adiuuemur.

lib. 1. de  
 Diui. qu.  
 ad Simpl.

Appositè idem S. Augustin. Primò est gratia, consequenter sunt bona opera, non quæ gratiam pariant, sed quæ gratiâ pariantur: Non enim vt ferueat, calefacit ignis; sed quia feruet: Nec ideo bene currit rota, vt rotunda sit; sed quia rotunda est; sic nemo propterea bene operatur, vt accipiat gratiam, sed quia accipit. Quomodo enim potest iustè viuere, qui non fuerit iustificatus? quomodo sanctè viuere, qui non fuerit sanctifica-  
 tus?

tus? Vel omnino viuere, qui non fuerit uiuificatus?

Sed neque vita gratiæ habitualis sola sufficit, nisi velut influxus quidam actualis gratiæ in singula salutis opera deriuetur: ut quomodo per spiritus vitales animalesque à corde diffusos, à cerebro temperatos, vitam vegetans, tum sentiens in omnia corporis membra diffunditur; sic à Deo inspiratio- num diuinarum vita, mentis nostræ facultatibus omnibus communicetur; quod pertinet illa eiusdem S. Augustin. similitudo de oculo etiam perfectè sano, qui nisi luce illustretur, nihil tamen cernere potest; etsi licantur oculi lumina.





## CAPVT XV.

*Aduersus idem Paradoxum; bonorum  
viro-  
rum societatem, ac consuetudi-  
nem vehementer expetendam.*

Cicer. l. 3.  
de offic.

**Q**Uamquam non abhorrent Stoici ab omni hominum consortio, & conuictu, tamen nihil illo se egere demonstrant, ac veluti magnificant, magno viro, & sapiente dignam vocem illam celebrant Pub. Africani, quem dicere solitum scripsit Cato, qui fuit eius ferè æqualis; nunquam se minus otiosum esse, quam cum esset otiosus, nec minus solum, quàm cum solus esset.

Quæ duæ res languorem afferebant cæteris, illum acuebant, otium & solitudo; Et in otio de negotijs cogitabat, & in solitudine secum loqui solitus, alterius colloquio non indigebat. Sed valdè vereor, ne Stoicus, dum secum plurimum loquitur, cum homine stulto, ac nequam loquatur; otiumque eius sit omni negotio deterius; Quin quiduis aliud agere ei præstet, quàm omnino nihil agere. Nam, vt præclare dictum est à S. Augusto:

In ps. 121.

66 Omnis superbus se attendit, & magnus  
sibi videtur, quia sibi placet, sed qui sibi  
placet,



placet, stulto homini placet, quia ille ipse „  
 stultus est, cum sibi placet solus, solus securus „  
 placet, qui Deo placet, Et quis est, qui placet „  
 Deo? Cui placet Deus; displicere sibi Deus „  
 non potest; Placeat & tibi, vt placeas illi; „  
 sed tibi ille placere non poterit, nisi tu tibi „  
 displicueris; Si autem displices tibi, tolle a „  
 te oculum. Vt quid te enim attendis? Si „  
 enim verum te attendis, inuenis in te, quod „  
 tibi displiceat, & dicis Deo: Peccatum meum „  
 ante me est semper. Peccatum tuum sit ante „  
 te, vt non sit ante Deum. Atque, vt alio „  
 quodam loco ait idem S. Augustinus, tam- „  
 diu est aliquid homo, quamdiu hæret illi, à quo „  
 factus est homo; Nam recedens à Deo, nihil „  
 est homo.

Otium igitur, & solitudinem vehementer „  
 approbarunt Christiani Philosophi; si ad ver- „  
 andum cum Deo, orandum, ac contemplan- „  
 dum referatur; si ad desertum illud confugia- „  
 tur interius conscientie, vbi nemo tecum In pl. 14. „  
 est, vbi tu & Deus est, inquit S. August.

Celebratur illud Aristotelis; Qui solus se- „  
 cum vitam agat, aut Deum esse, aut pecu- „  
 lem; cuiusmodi & illud est Hieronymi, ad- „  
 uersus Apatheiam: Qui careat omni affectu, „  
 aut Deus est, aut saxum. Etenim homo ani- „  
 mal sociale est, atque vt plurimorum eget „  
 subsidijs, ab alijsque ad virtutem capessen- „  
 dam, & finem suum assequendum adiuuandus „  
 est, sic & ipse plurimis debet opitulari, & quod „  
 diuinitus accepit talentum, in aliorum salu- „  
 tem erogare: Nam nulli prodesse, impium & „  
 crudele. Quod vt probem, quo potius vtar

authore quam Sancto Augustin.

Nonne hoc docuit Dominus meus? Non enim damnauit seruum, qui interuertit, quod accepit, sed qui non erogauit. Intelligatur pœna interuersoris ex pœna pigri; serue nequam & piger, ait Dominus damnans; non ait; interuertisti pecuniam meam, non ait; Dedi tibi, & non mihi; quod dedi, integrum reddidisti. Quia non creuit, quia non erogasti, inde, inquit, te puniam. Auarus est Deus salutis nostræ. Nemo ita rerum cælestium ac diuinarum contemplationi debet esse addictus, quin & proximis subleuandis, cum se dat occasio, partem aliquam vitæ, atque otij debeat attribuere, Apostoli exemplo, cuius illud est charitatis elogium singulare; *Sine mente excedimus, Deo: siue sobrii sumus, vobis. Charitas Christi urget nos, estimantes hoc, quoniam si unus pro omnibus mortuus est. &c.*

4. Corin.  
5. 13.

Sapientes Christiani, qui maximè cæteris iuuandis opem suam conferunt, similes esse debent Angelis, quos Patriarcha Iacob conspicatus est in scala ad cælos è terris porrecta, gradientes ac commeantes; nunc ad Deum ascendentes, pro hominibus vota facturi; nunc ad homines, eius responsa, ac dona relaturi. Præclare scriptum est à Platone; non nobis solum nati sumus, sed ortus nostri partem patria, partem parentes vindicant, partem amici; Atque id quoque placet Stoicis, quæ in terris gignuntur, ad hominum vsum creari, homines autem hominum causâ esse generatos, vt ipsi inter se alijs prodesse possint; in  
hoc

oc debemus naturam ducem sequi, & communes vtilitates in medium afferre, mutatione officiorum, dando, accipiendo, tum artibus, tum opera, tum facultatibus deuincire hominum inter homines societatem.

Neque verò tantum expetenda est communis vitæ societas, aliorumque consuetudo, ut eos adiuues, & in eis operam tuam confers; sed multò maximè, ut adiuueris ab eis, quæ tum ad profectum virtutum, tum verò iam ad huius vitæ necessitates, præsidia opus habes, ab ijs opportunè mutueris. Per se enim homo omnium rerum egentissimus est, atque cò perductus infelicitatis, ut sine plurimorum ope saluus, atque incolumis esse non possit.

*Deus meus in te confido, non erubescam.*  
 ex eo enim, quod in me confidebam, verba sunt S. Aug. perductus sum ad istam infirmitatem carnis, qui deserto Deo, sicut Deus se volui, à minutissimâ bestiolâ mortem mens, de superbia mea irrisus erubui. Nam propter superbiam instituit Deus istam creaturam minimam & abiectissimam, ut ipsa nos torqueret; ut cum superbus fuerit homo, se iactauerit aduersus Deum; & cum sit mortalis, mortalem terruerit: & cum sit homo, proximum hominem non agnouerit, cum se exerit, pulicibus subdatur. Quid est, quod inflas humana superbia? Homo tibi dixit nuntium, & tremuisti, & iratus es; pulicibus siste, ut dormias. Cognosce, qui sis. Nam noueritis, fratres, propter superbiam no-

In Ps. 24.

Tract. 1.  
in Ioan.

stram domandam, creata ista quæ molesta essent. Populum Pharaonis superbum potuit Deus domare de vrsis, de leonibus, de serpentibus; Muscas, & ranas illis immisit, vt rebus vilissimis superbia domaretur. Sanè in Sciniphibus educendis victi sunt malefici Pharaonis, & dixerunt: *Digitus Dei est hic*.

Exod. 8.

v. 19.

Quod ad Stoicorum superbiam coarguendam, & deridendam pertinet. Cæterum & ipse Seneca, ad eruditionem, & institutionem, magnoperè requirendam virorum proborum societatem, ac consuetudinem non vno loco docet. Homines plus oculis, quàm auribus credunt, iuxta illud Horatij;

Ep. 6.

De arte  
pœtica.

Segnius irritant animos demissa per aurem,  
Quàm quæ sunt oculis subiecta fidelibus;

Ep. 11.

Deinde longum iter per præcepta; breue, & efficax per exempla: Aliquis vir bonus nobis eligendus est, ac semper ante oculos habendus, vt tanquàm illo spectante viuamus, & omnia tanquàm illo vidente faciamus. Hoc mi Lucili, Epicurus præcepit, custodem nobis & pedagogum dedit, nec immerito; Magna pars peccatorum tollitur, si peccaturis testis adsistat. Aliquem habeat animus, quem vereatur, cuius auctoritate secretum suum sanctius faciat. O fœlicem illum, qui non actus tantum, sed & cogitatus emendat! O fœlicem illum, qui sic aliquem vereri potest, vt ad memoriam quoque eius se componat, atque ordinet! Qui sic aliquem vereri potest, citò verendus erit. Elige itaque Catonem, si hic

hic tibi videtur nimis rigidus, elige relaxatioris animi virum, Læium: elige cum cuius tibi placuit & vita, & oratio, & ipsius munus ante te ferens & vultus, illum semper tibi ostende, vel custodem, vel exemplum. Opus aut aliquo, ad quem mores nostri se exigant: nisi ad regulam, prava non corriges.

Deus animo præsens circumferendus est, Deus oculis fidei semper intuearis: uti ad eius conspectum non actus modo, sed & cogitatus emendemus; sequemur illum, qui cum Elia dicere queat: *Vivis Dominus exercituum, ante cuius vultum sto*: & cum Davide; *Providebam Dominum in conspectu meo semper, quoniam à dextera est mihi ne commovear*. Cæterum, si Scæca virum aliquem demortuum, Catoem, aut Læium, memoria circumferendum existimat: Quando optabilius sit, si non unius modo, aut plurium viventium consuetudine perfruaris, quorum sermonibus erudiaris atque instituaris, quorum et tacitis exemplis ad omnem virtutem stimuleris, quorum vestigijs insistens quotidie maioris profectus incrementa capias?

Sed audiamus Hieron. de hoc uberius argumentum differentem. Mihi quidem placeat, ut habeas SS. contubernium, nec esse te doceas, & absque Doctore ingrediaris viam, quam nunquam ingressus es; statimque tibi in partem alteram declinandum.



## CAPVT XVI.

## NONVM PARADOXVM;

*Omnia Sapientis esse, & solum  
diuitem censendum.*

I. 2. de  
Abraham.  
cap. 8.

**P**aradoxum hoc ad Christianos verius,  
quam ad Stoicos pertinere, demonstrat  
S. Ambros. Sapientia omnium mater est, &  
« ipsa orbem terrarum possidet. Abrahamq-  
« data est omnis terra; sed quando? postquam  
« à Loth discesserat, à vitijs & deflectione mo-  
« rum. Salomon ait. Eius qui fidelis est, totus  
« mundus diuitiarum. Quàto prior Salomon,  
« quam Zenon Stoicorum Magister, atque  
« author sectę ipsius? Quis autem fidelis, nisi  
« sapiens? Imò verò quis sapiens, nisi fidelis?

Non rarò paupertatem laudibus cele-  
brant Epictetus, & Seneca, imò & ipse  
Epicurus; sed quem tamen in finem illa re-  
ferenda esset, ignorabant; nec contemptu  
magis, quam usu diuitias possideri, atque  
omne earum vitium in immoderata esse  
cupiditate, non perinde, vt nostri clarè ex-  
plicabant. Non improbanda tamen, quę ex  
ore gentilium philosophorum veritas expres-  
sit, sed benignè potius interpretanda. Stulta  
mortalium avaritia, possessionem proprie-  
tatemque

Sen. ep. 72

atemque discernit, nec quicquam suum cre-  
 lit esse, quod publicum est: Sapiens aliter,  
 qui publicis vt priuatis fruitur, priuatis vt  
 publicis. Quoniam ipsa natura dat illi sortem  
 omnium, etiamsi ipse nihil possideat, sua  
 putat naturæ munera, nec illis indiget; etiamsi  
 lesint ei ad vitam necessaria. Namque Mu-  
 sicus organa, & medicus medicamenta etiamsi  
 non habet, habet tamen eo ipso; quod pos-  
 sit his vt, etiamsi ad tempus eorum vsus non  
 appetat. Solus igitur diues Sapiens, & om-  
 nia sunt eius, quia virtutes possidet, thesau-  
 ris omnibus pretiosiores, quibus externis  
 diuitijs scit vt; quibus etli quandoque opus  
 habet, tamen non indiget, quia indigentia  
 est libido inexplebilis; Indigere est non ha-  
 bere, & velle, idque sine modo; Quare di-  
 uitemus maxime diuitijs frui, qui minime  
 diuitijs indiget, & eum minime frui, qui ma-  
 xime indiget, qui eas auidè cupit.

Tusc. 4.  
 Sen. ep. 14

Posterius videbimus, an Stoici virtutes  
 possideant, quibus externis bonis sciant vt;  
 illudque discriminis, si quod est egere inter,  
 & indigere; prætermitemus. Quid aliud  
 diues, ait Varro, nisi à diuo? quia vt Deus,  
 nihil indigere videatur. Nunc in eo Stoicis  
 repugnamus, quod sapientem nulla re tan-  
 quam priuata vt velimus, sed omnibus vt  
 publicis. Nam si priuatis suis vt debet tan-  
 quam publicis, & vt loquar apertius S. Au-  
 gustin. verbis, superflua diuitum necessaria  
 sunt pauperum; quantò minus debet vt  
 publicis, tanquam priuatis, nihilque in eis  
 sibi debet arrogare, quasi solus eis vt norit?

Aug. in  
 Ps. 147.

Nec



## CAPVT XIV.

## OCTAVVM PARADOXVM;

*Sapientem sibi sufficere, siue se  
solo contentum esse.*

**N**ON eo duntaxat hoc Paradoxum spectat, vt intelligamus Sapientem aliorum consuetudine non egere, ac viuere posse in solitudine, cum ipse sibi sit omnia nec ab vlllo homine dependeat: Sed qui supremus est superbix gradus, quod nec ab ipso Deo, in paranda virtute, ac beatâ vitâ dependeat; sit ipse sibi Deus, se Deum faciat, à se iustus ac beatus existat, sibi met sufficiat. Fuerunt qui nos abducerent ab omni consortio, & amicitiâ, Stilpo, Tymon, & alij osiores hominum: At Stoicis aliter visum. Nam illud quidem cum illis commune est, sapientem seipso contentum esse, sed tamen & amicum habere vult, & vicinum, & conturbernalem, quamuis ipse sibi sufficiat. Sociale animal homo est, & inter homines Sapiens, & tamen non viuet, si fuerit sine homine victurus, non modo sine amico, sed nihilo secius oportet & in hoc exerceri vt possit sibi ipse sufficere, possit secum esse, sicut Iupiter secum est, atque agit, & in se acquiescit, & gubernationem suam



suam mente agitat, & cogitationibus fruitur se dignis.

Quæ comparatio Epicteti, & Senecæ magnifica videtur multisque vehementer arridet; sed vereor ne superbix sit & arrogantix plenissima, ne dicam blasphemix: Huc cogitationes tuæ tendant, hoc cura, hoc opta, omnia alia vota Deo remissurus, ut contentus sis temetipso, & ex te nascentibus bonis. Quæ potest esse felicitas Deo proprior. Ep. 110.

Scipio, ad legatum Regis Anthiochi apud Liui. 137. Ex ijs quæ in Deorum immortalium potestate erant, ea habemus, quæ Dei dederunt; Animos qui nostræ mentis sunt, eosdem in omni fortunâ gessimus, gerimusque; quo pertinet illud Poëtæ,

Sed satis est, orare Iouem qui donat & auferit.

Det vitam, det opes, æquum mihi animum ipse parabo.

Itaque Cotta apud Ciceronem. Quis, quod bonus vir esset, gratias Deo egit vnquam? At quod diues, quod honoratus, quod incolunis? Verum id per quàm iniquum, & absurdum videtur. A Deo expectemus inferiora bona, quæ minimi sunt momenti, & ad beatam vitam parum aut omnino nihil conferant: Animi superiora, in quibus ipsa beata vita consistit virtutem, æquitatem, ac tranquillitatem non expectemus. 3. de natura deor.

Habemus quidem à Deo liberum arbitrium; sed sine Diuinâ ope quid illud potest? Mentis nostræ compotes sumus, sed illa sine Dei præidio languet infirmissima, est ad omne virtutis opus

tis opus impotens, in malum procliuus, sibi dux in præceptis ut evincunt quæ de gratiæ necessitate disputata sunt.

Si Sapiens sibi sufficit, se solo contentus est, sibi ergo Deus est, sibi author vitæ, ac naturæ, se condidit, seque conseruat, se regit, immortalis est, æternus est indeficiens, seipso beatus, & perfectus; Quod si vitam sibi ipse non tribuit, si continenter eam à Dei benignâ manu conseruatrice recipit, magisque ab eâ, quam à sole radij solares, dependet; si continuo in decursu versatur vita sapientis, suisque decrescit augmentis sine vlla quiete, donec ipsa morte finiatur, & clepsidra instar exhauriatur, qui sibi potest sufficere Deo secluso? quomodo sine Deo, seipso erit contentus? Quanto verius rectiusque sapientem Christianum dixerimus Deo solo contentum esse, illi Deum vnum sufficere, cum id omni contentione mentis enitatur, ut à seipso deficiat, se ipso inquam, omni erroris, vitij, defectus, mali peccati, corruptionis origine, & in Deum profectus eius, atque omnis virtutis, bonique authorem ac largitorem transeat.

Multus est in hoc paradoxo refellendo S. August. pugnat enim ex diametro cum Diuinâ gratiâ, & quæ illi innititur, humilitatis virtute: pugnat cum aperta veritate, diuinis litteris sepissime consignata. Si Dei donum est. Ipsa vita, multo magis Dei donum erit Vita Bona, Iusta, Sancta, Beata; si lux quæ corporeis oculis cernitur, vna cum brutis animalibus nobis communis, à cælo delapsa venit; Quanto magis lux inuisibilis, quæ solâ  
mente

nente cernitur, & quæ pertinet ad Angelo-  
um & Beatorum Societatem communio-  
nemque, non nisi de cælo diffusa veniet?

In pf. 38.  
Serm. 1.

Sed audiamus S. August. Fortitudinem  
meam ad te custodiam; quia si recedo, cado,  
accedo, fortior fio; Videte enim quid est,  
fratres, in animâ humanâ. Non habet exie-  
ritum, non habet ex se vires; Totum autem  
quod pulchrum est in animâ, virtus est,  
sapientia: sed nec sapit sibi, nec valet  
sibi, nec ipsa sibi lux est; nec ipsa sibi  
virtus est. Est quædam origo, fonsque  
veritatis; est quædam radix sapientiæ, est  
quædam, ut ita dicam, & si hoc dicen-  
tum est, regio incommutabilis veritatis.

Ab hac anima recedens tenebratur, ac-  
cedens illuminatur. Nempe Deus Opti-  
mus, de quo dictum est. *Accedite ad eum,*

Pf. 33. 6.

*illuminamini &c.* & alio loco. Ergo  
quisquis ita vult esse similis Deo; ut ad  
eum stet; fortitudinemque suam, sicut scri-  
ptum est, ad illum custodiat, non ab illo  
lat, ei coherendo signetur; tanquam ex  
auro cera; illi affixus habeat imaginem  
ipsius, faciens quod dictum est. *Mihi autem*

Pf. 70.  
Serm. 2.

*proximare Deo bonum est &c.*

Pf. 72. 18.

Porro autem si peruersè voluerit imi-  
tari Deum, ut quomodo Deus non ha-  
bit à quo formetur, non habet à quo  
formetur; sic ipse velit suâ potestate uti,  
quomodo Deus nullo formante; nullo  
ante, vivat, quid restat fratres, nisi ut  
cedens, ab eo, quod summè atque in-

X

com-

Luc. 15. commutabiliter est, in deterius mutatus  
 “deficiat? quod proximè supra comproba-  
 “rat exemplo filij minoris, qui voluit in  
 “suâ potestate habere substantiam suam,  
 “quæ illi apud Patrem optimè seruabatur,  
 “factus suæ potestatis, profectus est in re-  
 “gionem longinquam, hæsit principi malo,  
 “porcos pavit, fame correptus est, qui sa-  
 “turitate superbus abscesserat. Vt homo sit  
 “aliquid, conuertat se ad Deum, à quo crea-  
 “tus est. Recedendo tenebrescit, acceden-  
 “do clarescit. A quo enim habet vt sit,  
 “apud illum habet, vt ei bene sit. Non  
 “alius sanè potest esse author bonæ ac san-  
 “ctæ vitæ, quàm qui author est vitæ.

Ipsos quoque iustificatos egere gratiâ  
 Christi, ad quæuis opera salutis, ante de-  
 monstratum est; quare duplici egemus Dei  
 gratiâ, iustificationis habituali, & insuper  
 actuali Diuinæ charitatis inspiratione, quâ  
 ad omne opus bonum excitemur, in eoq̃ue  
 exercendo adiuuemur.

lib. 1. de  
 Diui. qu.  
 ad Simpl.

Appositè idem S. Augustin. Primò est  
 gratia, consequenter sunt bona opera, non  
 quæ gratiam pariant, sed quæ gratiâ pa-  
 riantur: Non enim vt ferueat, calefacit  
 ignis; sed quia feruet: Nec ideo bene  
 currit rota, vt rotunda sit; sed quia ro-  
 tunda est; sic nemo propterea bene ope-  
 ratur, vt accipiat gratiam, sed quia accep-  
 pit. Quomodo enim potest iustè viuere,  
 qui non fuerit iustificatus? quomodo san-  
 ctè viuere, qui non fuerit sanctifica-  
 tus?

us? Vel omnino viuere, qui non fuerit vi-  
uificatus?

Sed neque vita gratiæ habitualis sola suf-  
ficit, nisi velut influxus quidam actualis  
gratiæ in singula salutis opera deriuetur: vt  
quomodo per spiritus vitales animalesque  
corde diffusos, à cerebro temperatos, vita  
um vegetans, tum sentiens in omnia corpo-  
ris membra diffunditur; sic à Deo inspiratio-  
um diuinarum vita, mentis nostræ facul-  
tibus omnibus communicetur; quod per-  
tinet illa eiusdem S. Augustin. similitudo de  
culo etiam perfecte sano, qui nisi luce  
lustretur, nihil tamen cernere potest; et si  
cantur oculi lumina.



X 2

CAPVT



## CAP V T X V.

*Aduersus idem Paradoxum; bonorum  
virorum societatem, ac consuetudi-  
nem vehementer expetendam.*

**Q**Uamquam non abhorrent Stoici ab  
omni hominum consortio, & conuictu,  
tamen nihil illo se egere demonstrant, ac veluti  
magnificant, magno viro, & sapiente dignam  
vocem illam celebrant Pub. Africani, quem  
dicere solitum scripsit Cato, qui fuit eius ferè  
æqualis; nunquam se minus otiosum esse,  
quam cum esset otiosus, nec minus solum,  
quàm cum solus esset.

Cicer. l. 3.  
de offic.

Quæ duæ res languorem afferebant cæte-  
ris, illum acuebant, otium & solitudo; Et  
in otio de negotijs cogitabat, & in solitu-  
dine secum loqui solitus, alterius colloquio  
non indigebat. Sed valdè vereor, ne Stoicus,  
dum secum plurimum loquitur, cum homine  
stulto, ac nequam loquatur; otiumque eius  
sit omni negotio deterius; Quin quiduis  
aliud agere ei præstet, quàm omnino nihil  
agere. Nam, vt præclare dictum est à S. Au-  
gustino:

In ps. 121.

Omnis superbus se attendit, & magnus  
sibi videtur, quia sibi placet, sed qui sibi  
placet,

placet, stulto homini placet, quia ille ipse  
 cultus est, cum sibi placet solus, solus securus  
 placet, qui Deo placet, Et quis est, qui placet  
 Deo? Cui placet Deus; displicere sibi Deus  
 non potest; Placeat & tibi, ut placeas illi;  
 sed tibi ille placere non poterit, nisi tu tibi  
 displicueris; Si autem displices tibi, tolle a  
 te oculum. Ut quid te enim attendis? Si  
 enim verum te attendis, inuenis in te, quod  
 tibi displiceat, & dicis Deo: Peccatum meum  
 ante me est semper. Peccatum tuum sit ante  
 me, ut non sit ante Deum. Atque, ut alio  
 quodam loco ait idem S. Augustinus, tam-  
 iu est aliquid homo, quamdiu hæret illi, à quo  
 creatus est homo; Nam recedens à Deo, nihil  
 est homo.

Ortium igitur, & solitudinem vehementer  
 approbarunt Christiani Philosophi; si ad ver-  
 endum cum Deo, orandum, ac contemplan-  
 dum referatur; si ad desertum illud confugia-  
 ri interius conscientie, ubi nemo tecum In ps. 141.  
 est, ubi tu & Deus est, inquit S. August.

Celebratur illud Aristotelis; Qui solus se-  
 am vitam agat, aut Deum esse, aut pecu-  
 em; cuiusmodi & illud est Hieronymi, ad-  
 ersus Apatheiam: Qui careat omni affectu,  
 aut Deus est, aut saxum. Etenim homo ani-  
 mal sociale est, atque ut plurimorum eget  
 subsidij, ab alijsque ad virtutem capeffen-  
 um, & finem suum assequendum adiuuandus  
 sit, sic & ipse plurimis debet opitulari, & quod  
 iuinitus accepit talentum, in aliorum salu-  
 tem erogare: Nam nulli prodesse, impium &  
 indele. Quod ut probem, quo potius utar

authore quam Sancto Augustin.

Nonne hoc docuit Dominus meus? Non enim damnauit seruum, qui interuertit, quod accepit, sed qui non erogauit. Intelligatur pœna interuersoris ex pœna pigri; serue nequam & piger, ait Dominus damnans; non ait; interuertisti pecuniam meam, non ait; Dedi tibi, & non mihi; quod dedi, intergrum reddidisti. Quia non creuit, qui non erogasti, inde, inquit, te puniam. Auarus est Deus salutis nostræ. Nemo ita rerum cœlestium ac diuinarum contemplationi debet esse addictus, quin & proximis subleuandis, cum se dat occasio, partem aliquam vitæ, atque otij debeat attribuere, Apostoli exemplo, cuius illud est charitatis elogium singulare; *Sine mento excedimus, Deo: siue sobrii sumus, vobis. Charitas Christi urget nos, estimantes hoc, quoniam si unus pro omnibus mortuus est. &c.*

2. Corint.  
13.

Sapientes Christiani, qui maximè cæteris iuuandis opem suam conferunt, similes esse debent Angelis, quos Patriarcha Iacob conspicatus est in scala ad cœlos è terris porrecta, gradientes ac commeantes; nunc ad Deum ascendentes, pro hominibus vota facturi; nunc ad homines, eius responsa, ac dona relaturi, Præclare scriptum est à Platone; non nobis solum nati sumus, sed ortus nostri partem patria, partem parentes vindicant, partem amici; Atque id quoque placet Stoicis, quæ in terris gignuntur, ad hominum vsum creari, homines autem hominum causâ esse generatos, vt ipsi inter se alijs prodesse possint; in hoc



oc debemus naturam ducem sequi, & communes vtilitates in medium afferre, mutatione officiorum, dando, accipiendo, tum artibus, tum opera, tum facultatibus devincire hominum inter homines societatem.

Neque verò tantum expetenda est communis vitæ societas, aliorumque consuetudo, ut eos adiuues, & in eis operam tuam conferas; sed multò maximè, ut adiuueris ab eis, & quæ tum ad profectum virtutum, tum verò etiam ad huius vitæ necessitates, præsidia optineas, ab ijs opportunè mutueris. Per se enim homo omnium rerum egentissimus est, atque cò perductus infelicitatis, ut sine plurimorum ope saluus, atque incolumis esse non possit.

*Deus meus in te confido, non erubescam.*  
 Ex eo enim, quod in me confidebam, verba habent S. Aug. perductus sum ad istam infirmitatem carnis, qui deserto Deo, sicut Deus se volui, à minutissimâ bestiolâ mortem mens, de superbia mea irrisus erubui. Nam propter superbiam instituit Deus istam creaturam minimam & abiectissimam, ut ipsa nos torqueret; ut cum superbus fuerit homo, se iactauerit aduersus Deum; & cum sit mortalis, mortalem terruerit: & cum sit homo,roximum hominem non agnouerit, cum se rexerit, pulicibus subdatur. Quid est, quod inflas humana superbia? Homo tibi dixit conuiuium, & tremuisti, & iratus es; pulicibus assiste, ut dormias. Cognosce, qui sis. Nam noueritis, fratres, propter superbiam no-

In Ps. 24.

Tract. 1.  
in Ioan.

stram domandam, creata ista quæ molesta essent. Populum Pharaonis superbum potuit Deus domare de vris, de leonibus, de serpentibus; Muscas, & ranas illis immisit, ut rebus vilissimis superbia domaretur. Sanè in Sciniphibus educendis victi sunt malefici Pharaonis, & dixerunt: *Dignus Dei est hi*.

Exod. 8.

v. 19.

Quod ad Stoicorum superbiam coarguendam, & deridendam pertinet. Cæterum & ipse Seneca, ad eruditionem, & institutionem, magnoperè requirendam virorum proborum societatem, ac consuetudinem non vno loco docet. Homines plus oculis, quàm auribus credunt, iuxta illud Horatij;

Ep. 6.

De arte  
pœtica.

Segnius irritant animos demissa per aurem,  
Quàm quæ sunt oculis subiecta fidelibus;

Ep. 11.

Deinde longum iter per præcepta; breue, & efficax per exempla: Aliquis vir bonus nobis eligendus est, ac semper ante oculos habendus, ut tanquàm illo spectante viuamus, & omnia tanquàm illo vidente faciamus. Hoc mi Lucili, Epicurus præcepit, custodem nobis & pedagogum dedit, nec immerito; Magna pars peccatorum tollitur, si peccaturis testis adlisset. Aliquem habeat animus, quem vereatur, cuius auctoritate secretum suum sanctius faciat. O felicem illum, qui non actus tantum, sed & cogitatus emendat! O felicem illum, qui sic aliquem vereri potest, ut ad memoriam quoque eius se componat, atque ordinet! Qui sic aliquem vereri potest, citò verendus erit. Elige itaque Catonem;  
si hic

hic tibi videtur nimis rigidus, elige remissioris animi virum, Læium: elige cum uius tibi placuit & vita, & oratio, & ipse nimum ante te ferens & vultus, illum semper tibi ostende, vel custodem, vel exemplum. Opus aut aliquo, ad quem mores nostri se exigant: nisi ad regulam, praua non corriges.

Deus animo præsens circumferendus est, Deus oculis fidei semper intuentus: uti ad eius conspectus non actus modo, sed & cogitatus emendemus; scilicet illum, qui cum Elia dicere queat: *Vinit Dominus exercituum, ante cuius vultum sto*: & cum Dauid: *Providebam Dominum in conspectu meo semper, quoniam à dextera est mihi ne commovear*. Cæterum, si Seneca virum aliquem demortuum, Catoem, aut Læium, memoria circumferendum existimat: Quamto optabilius sit, si non unius modo, aut plurium viventium consuetudine perfruaris, quorum sermonibus erudiaris atque instituaris, quorum vel tacitis exemplis ad omnem virtutem extimuleris, quorum vestigijs insistens quotidie maioris profectus incrementa capias?

Reg. 12.

15.  
ps. 118.Ep. ad Rn.  
Mon.

Sed audiamus Hieron. de hoc vberius argumentum differentem. Mihi quidem placet, ut habeas SS. contubernium, nec ipse te doceas, & absque Doctore ingre-  
liaris viam, quam nunquam ingressus es; latimque tibi in partem alteram declinandum

" nandum sit; & errori patens, plus aut mi-  
 " nus ambules, quàm necesse est: ne aut  
 " currens lasseris, aut moram faciens ob-  
 " dormias. In solitudine citò surrepit super-  
 " bia; Et si parumper ieiunauerit, homi-  
 " nemque non viderit, putat se alicuius esse  
 " momenti, oblitusque sui, unde, & quò  
 " venerit, intus corde, linguâ foris vagatur.  
 " Iudicat contra Apostoli voluntatem, alie-  
 " nos seruos; quo voluerit gula, manum  
 " porrigit: Dormit quantum voluerit; nul-  
 " lum veretur; facit quod voluerit, omnes  
 " inferiores se putat, crebriusque in vrbi-  
 " bus, quàm in cellula est; & inter fratres  
 " simulat verecundiam, qui platearum turbis  
 " colliditur.

Rom. 14.


Quid igitur? solitariam vitam repre-  
 " hendimus? Minimè; quippe quam, sæpè  
 " laudauimus; sed de ludo monasteriorum  
 " huiusmodi volumus egredi milites, quos  
 " eremi dura rudimenta non terreant, qui  
 " specimen conuersionis suæ multo tem-  
 " pore dederint, qui omnium minimi fue-  
 " rint, vt omnium primi fierent, quos nec  
 " esuries aliquando, nec saturitas superauit,  
 " qui paupertate lætantur, quorum habitus,  
 " sermo, vultus, incessus, doctrina virtutum  
 " est. &c.

" Multis interpositis, de Græco adoles-  
 " cente, qui iussu Magistri exagitatus. Papæ  
 " aiebat, viuere mihi non licet, & fornicari  
 " libeat? hic si solus fuisset, quo adiutore su-  
 " perasset? alijsque compluribus in eandem  
 senten-

sententiam interieciſis. Nulla ars abſque  
 Magiſtro diſcitur, &c. Per hæc omnia ad  
 illud tenlit oratio, vt doceam te non tuo  
 arbitrio dimittendum, ſed viuere debere  
 in Monafterio, ſub vnius diſciplina Pa-  
 tris confortioque multorum, vt ab alio  
 diſcas humilitatem, ab alio patientiam, hic  
 te ſilentium, ille te doceat manſuetudi-  
 nem; Non facias quod vis, comedas quod  
 iuberis, veſtiare quod acceperis, operis  
 tui penſum perſoluas. Sed de laudibus obe-  
 dientię copioſius aliās, qua nulla poteſt  
 eſſe totius vitę noſtrę dux ac Magiſtra  
 certior, præſtantior, eadem honeſtiſſima,  
 vtiliſſima, iucundiſſima.



CA-



## CAPVT XVI.

## NONVM PARADOXVM;

*Omnia Sapientis esse, & solum  
diuitem censendum.*

l. 2. de  
Abraham.  
cap. 8.

**P**aradoxum hoc ad Christianos verius,  
quam ad Stoicos pertinere, demonstrat  
S. Ambros. Sapientia omnium mater est, &  
« ipsa orbem terrarum possidet. Abrahamo  
« data est omnis terra; sed quando? postquam  
« à Loth discesserat, à vitijs & deflectione mo-  
« rum. Salomon ait. Eius qui fidelis est, totus  
« mundus diuitiarum. Quantò prior Salomon,  
« quam Zenon Stoicorum Magister, atque  
« author sectæ ipsius? Quis autem fidelis, nisi  
« sapiens? Imò verò quis sapiens, nisi fidelis?

Non raro paupertatem laudibus cele-  
brant Epictetus, & Seneca, imò & ipse  
Epicurus; sed quem tamen in finem illa re-  
ferenda esset, ignorabant; nec contemptu  
magis, quam usu diuitias possideri, atque  
omne earum vitium in immoderata esse  
cupiditate, non perinde, vt nostri clarè ex-  
plicabant. Non improbanda tamen, quæ ex  
ore gentilium philosophorum veritas expres-  
sit, sed benignè potius interpretanda. Stulta  
« mortalium avaritia, possessionem proprie-  
tatemque

Sen. ep. 72

atemque discernit, nec quicquam suum cre-  
 it esse, quod publicum est: Sapiens aliter,  
 ui publicis vt priuatis fruatur, priuatis vt  
 ublicis. Quoniam ipsa natura dat illi sortem  
 mnium, etiamsi ipse nihil possideat, sua  
 utat naturæ munera, nec illis indiget; etiamsi  
 esint ei ad vitam necessaria. Namque Mu-  
 cus organa, & medicus medicamenta etiamsi  
 on habet, habet tamen eo ipso; quod pos-  
 t his vt, etiamsi ad tempus eorum vsus non  
 ppetat. Solus igitur diues Sapiens, & om-  
 ia sunt eius, quia virtutes possidet, thesau-  
 s omnibus pretiosiores, quibus externis  
 uitijs scit vt; quibus etli quandoque opus  
 abet, tamen non indiget, quia indigentia  
 t libido inexplibilis; Indigere est non ha-  
 ere, & velle, idque sine modo; Quare di-  
 museum maximè diuitijs frui, qui minimè  
 uitijs indiget, & eum minimè frui, qui ma-  
 mè indiget, qui eas auidè cupit.

Tusc. 4.  
 Sen. ep. 14

Posterius videbimus, an Stoici virtutes  
 ossideant, quibus externis bonis sciant vt;  
 udque discriminis, si quod est egere inter,  
 indigere; prætermitemus. Quid aliud  
 ues, ait Varro, nisi à diuo? quia vt Deus,  
 ihil indigere videatur. Nunc in eo Stoicis  
 epugnamus, quod sapientem nulla re tan-  
 uam priuata vti velimus, sed omnibus vt  
 ublicis. Nam si priuatis suis vti debet tan-  
 uam publicis, & vt loquar apertius S. Au-  
 ustin. verbis, superflua diuitum necessaria  
 int pauperum; quantò minùs debet vti  
 ublicis, tanquam priuatis, nihilque in eis  
 bi debet arrogare, quasi solus eis vti norit?

Aug. in  
 Ps. 147

Nec

Aug. in  
Pl. 111.

Nec publicis, nec priuatis affici debet, & si non potest à possessione rei priuatæ abstinere, debet certè ab amore & affectu. Priuata enim res ipsa, vbi homo acquiescit, superbos facit. In re quam priuatim quisquam possidet, necesse est vt superbus sit. Propter illa quæ singuli possident, existunt lites, inimicitiae, discordiae, bella, tumultus, dissensiones, non propter ea quæ communiter possident. Nec illud admittimus, sapientem non indigere, vel egere, si ad vitam necessaria non suppetunt; imò diuites quoque dicimus egere pane, & eum à Deo suppliciter emendicare. Egent illo certè pane vitæ, pane iustitiæ, qui dixit: *Ego sum panis viuus, qui de celo descendi.* &: *Beati qui esuriunt, & sitiunt iustitiam, quoniam ipsi saturabuntur.*

Io. 6. 51.  
Mat. 5. 6.

Aug. in  
pl. 29.

Quanto anima præstat corpori, tanto hoc animæ pabulum præstabilius, necessarium magis, & expetendum est, quam corporis. Sed & verum est, diuites quò plus habent, eò plus egere, quia plura semper acquirere volunt. Abundantia hominis quæ est? Ærumnæ, calamitas; sed diuitiæ habent abundantiam? Plus egent, quanto plus habent; desiderijs vastantur, cupiditatibus dissipantur, timoribus cruciantur, tristitia contabescunt. Nunquam enim expletur, nec satiatur cupiditatis sitis, nec solum ea quæ habent libidine augendi cruciantur, sed etiam amittendi metu. Diuitiarum acquisitio laboris, possessio timoris, amissio doloris plena reperitur. Nihil est tam angusti animi, tamque parui, quam amare diuitias; nihil honestius, magnificen-

Toll. Pa-  
radox. 1.



gnificentiusque, quàm pecuniam contemnere,  
 si non habeas; si habeas, ad beneficentiam,  
 liberalitatemque conferre. hæc verè Tullius,  
 quamquam pecunia semper est contemnenda,  
 siue habeas, siue non habeas, ne dum amatur  
 atque æstimatur, coinquinet animam, & dum  
 possidetur, inani multiplicique cura distendat,  
 & dum deperditur, pari mærore discruciet.

Multum interest inter eos qui amant, &  
 qui contemnunt diuitias; qui eas habent, &  
 estè vtuntur, cum se dat occasio, & qui ha-  
 bentur à diuitijs; qui possidentur, earum im-  
 plexi cupiditate; qui sunt viri diuitiarum. Ille  
 Dominus est diuitiarum & rerum suarum, &  
 qui non est irretitus cupiditate, qui autem  
 cupiditate tenetur, possessus est, non possessor;  
 indigens æquè est, cui quod est non sufficit, atque  
 indiget, qui nihil habet; Avaro tam deest quod ha-  
 bet, quàm quod non habet. Quod satis est,  
 si contingit, nihil amplius optet.

Morat.

Crescit indulgens sibi dirus hydrops.

Nec sitim pellit, nisi causa morbi

Fugerit venis, & aquosus albo

Corpore languor.

Diuitiæ ex eo genere sunt aquarum, quæ sitim  
 accendunt, non extinguunt; Quò plus sunt  
 sitis plus sitiuntur aquæ. Nec dubium quin  
 nulla sit vis auri, nulla copia argenti,  
 & possessionum, quæ cum virtute comparari  
 queat. Etenim si callidi isti rerum æstimato-  
 res, prata & areas quasdam magni æstima-  
 nt, quod ei generi possessionum minimè quali-  
 noceri potest, quanti æstimanda virtus, quæ  
 nec cripi, nec subripi potest vnquam, neque  
 naufragi-

Tull. Pa-  
rad. 6.

naufragio, neque incendio amittitur, nec tempestatum, nec temporum permutatione mutatur, qua, qui præditi sunt, soli sunt diuites, soli enim possident res & fructuosas, & sempiternas; soli quæ, quod est proprium diuitiarum, contenti sunt rebus suis, satis esse putant quod est, nihil appetunt, nulla re egent, nihil sibi decesse sentiunt, nihil requirunt.

Improbi autem & auari, quoniam incertas atque in casu positas possessiones habent, & plus semper appetunt, nec eorum quisquam adhuc inuentus est, cui quod haberet, esset satis, non modò non copiosi, ac diuites, sed etiam inopes ac pauperes existimandi sunt. Id sanè diuitiæ non præstant, ut quis eis contentus, cupiditati suæ modum ponat; sed quò magis excresecunt, eò quoque magis earum cupiditas excrecere solet; quare non sunt veræ diuitiæ, quæ non explent atque exsatiant animum. Animus hominis diues, non arca appellari solet, ait idem Tullius. Ex eo quantum cuique sat est, metiantur homines diuitiarum modum, diuitiarum fructus in copia est, copiam declarat satietas rerum atque abundantia.

Non æstimatione census, verùm victu atque cultu terminatur pecuniæ modus. Hic quidem quærendæ pecuniæ modus & scopus esse deberet, quem Apostolus perscribit. *Habentes autem alimenta, & quibus tegamur, his contenti sumus. Nam qui volunt diuites fieri, incidunt in tentationem, & in aqueum diaboli, & desideria multa inutilia, & nociva, quæ mergunt*

*gunt homines in interitum, & in perditionem. Radix enim omnium malorum est cupiditas, &c.* Quam quia non tollunt, nec imminuunt, verum etiam accendunt & augent diuitias, nunimè sunt eo nomine dignæ; fallaces sunt, & inanes, quæ quod spondent non exequuntur; spinæ sunt, quæ mentem ægram curis ac sollicitudinibus dilacerant, ac sæpe cruentant, cum ad peccati consensum trahunt. Difficile est, ait S. Aug. ut ad diuites plura peccata non pertineant; Cum enim plus agunt, & plus administrant, & plus ad eos pendet res familiaris ampla, difficile est, ut non plura peccata contrahant.

Itaque non tam laborandum in augendis facultatibus, quam in minuendis & extirpandis cupiditatibus. Grandes diuitiæ, parçè vivere. Naturales diuitiæ paratiles sunt, quia paruo natura contenta est. Magnum planè vectigal est parlimonia. Non esse cupidum, pecunia est; non esse emacem, vectigale est; contentum verò rebus suis esse, maximæ sunt certissimæque diuitiæ. Breuius, & accommodatius ad fidem nostram Apostolus. *Est autem* 1. Tim. 6. *quæstus magnus, pietas cum sufficientia. Nihil enim intulimus in hunc mundum; haud dubium, quod nec auferre quid possumus. Habentes autem alimenta, & quibus regamur, his contenti sumus.*

Triplices diuitias agnoscit S. Augustinus, cum Christum Deum ditissimum esse demonstrat, qui propter nos pauper factus est. Vnde enim homines sunt diuites puta auro, argento, familia, terra; sed omnia per ipsum facta sunt.

sunt; Quid ergo illo ditius, per quem factæ  
 sunt diuitiæ, illæ etiam, quæ non sunt veræ  
 diuitiæ? per illum enim & illæ diuitiæ, inge-  
 nium, memoria, mores, vita ipsius corporis,  
 sanitas, sensus, conformatioque membro-  
 rum: etenim cum hæc salua sunt, & pauperes  
 diuites sunt. Per illum & illæ maiores diuitiæ,  
 fides, pietas, iustitia, charitas, castitas, mo-  
 res boni; nemo eas habet nisi per eum, qui  
 iustificat impium.

Quare negaret S. August. Stoicos alienos  
 à iustitia Christiana, cæterisque virtutibus  
 eam comitantibus, habere veras diuitias, aut  
 diuitijs uti nosse; cum externæ diuitiæ, vel ad  
 animi, vel ad corporis diuitias comparandas  
 ac tuendas referantur, nec referri possint ab  
 ijs, qui virtutum omnium sunt egentissimi,  
 quæ diuitiarum solè moderantur vsum, &  
 quo sint habendæ loco ac modo, demonstrant.

Vt tria sunt bonorum genera, externa, cor-  
 poris, & animi: ita commodè triplices assi-  
 gnantur diuitiæ, quas inter hic sit ordo, ut  
 externæ ad corporis referantur diuitias, id est,  
 sanitatem, bonam valetudinem (quæ & pau-  
 perum patrimonium dicitur) membrorum  
 ac sensuum incolumitatem; hæc verò rursus  
 ad animi diuitias tuendas & augendas confe-  
 rantur, quæ duplicis sunt rationis, ordinis  
 naturæ, & gratiæ: nam virtutes aliæ acquisitæ,  
 aliæ infusæ & diuinæ; quæ sunt sanè potiores,  
 & solè à nobis æstimandæ diuitiæ; quibus cum  
 planè destituti forent Stoici. Non eos  
 diuites censeret Augustinus, quibus arro-  
 gantia ac superbia dominatur: imo diuites

eos diceret, & abundantes, sed nequitia, & superbia, quos in corda Dauidis verliculo notatos vult: *Opprobrium abundantibus, & despectus superbi.* Quem verliculum dum explicat, egregiè demonstrat nullas omnino diuitias, nec sanas externas, nec veras animi aut corporis, nec sanitatis, nec iustitiæ, quæ potest hac in vita haberi sufficere, vt se Christianus sapiens diuitem & abundantem optineatur; sed pauperem se debet cognoscere, inquit, & si habet diuitias, scire debet, quia non sunt veræ illæ diuitiæ, vt alias desideret: Qui enim diuitias falsas desiderat, veras non querit; qui autem veras querit, adhuc pauper est, & rectè dicit: pauper & dolens ego sum. Rursus ille qui pauper est, & nequitia plenus est, vnde dicitur abundare? quia displicet illi quia pauper est, & iustitia ipsa videtur abundare in corde suo aduersus iustitiam Dei. Et quæ est abundantia iustitiæ nostræ? quantumcunque iustitia nostra in nobis fuerit, ros est nescio quis ad illum fontem, &c. Modò desideremus de pleno iustitiæ fonte saginari &c. Hic autem cum sumus, inopes nos esse intelligamus, & egentes ipsius etiam salutis,

Non est ista salus corporis, paragonamur quotidie medicamento Dei, quia manducamus & bibimus &c. Non sunt illæ diuitiæ, sed mendicitas, quia quanto magis abundant, tanto crescit inopia & auaritia, plus augent cupiditatem eius, qui eas possidet. Non est illa vera corporis sanitas, quia portatur infirmitas vbi que defectiua. Quocunque se verterit, deficit. Iustitia quid? quanta iustitia est inter tantas

tentationes? possumus cōtinere ab homicidio,  
 ab adulterio, à furtis, à perurijs, à fraudibus?  
 nunquid ab iniquis cogitationibus? nunquid  
 & à suggestionibus malarum cupiditatum?  
 Quæ sunt veræ diuitiæ? cælestis illa man-  
 sio in Ierusalem. Quis enim dicitur diues  
 in hac terra? quando laudatur diues; quid  
 dicitur? multum diues est, nihil illi deest.  
 Attende si nihil deest; si nihil cupit, nihil  
 illi deest; si autem adhuc cupit maiora, quàm  
 quæ habet, ad hoc accesserunt diuitiæ, vt  
 egestas cresceret. In illa verò ciuitate veræ  
 frunt diuitiæ; quia ibi nihil deerit, quia  
 nec indigebimus aliqua re, & vera sanitas  
 est immortalitas, vera & perfecta iustitia.  
 Vt nihil mali, non solum facere, sed nec co-  
 gitare possimus. Modò autem inopes, pau-  
 peres, egentes, dolentes suspiramus, gemi-  
 mus, oramus, leuamus oculos ad Deum,  
 quoniam & illi qui felices sunt in hoc mun-  
 do, despiciunt nos. Abundant falsa iustitia,  
 & ideo ad veram non perueniunt; quia  
 repleti sunt falsa. Tu autem, vt peruenias ad  
 veram, esto egens & mendicus ipsius iustitiæ;  
 & audi Euangelium: *Beati qui esuriunt &c.*

Mat. 5. 6.

En quantopere discrepat Christianus  
 sapiens à Stoico, hic se solum diuitem  
 censet, qui solus diuitias habeat, & ijs  
 sciat uti; Christianus inopem, egentem,  
 mendicum proficitur; qui solas virtutum  
 ac iustitiæ veras diuitias agnoscat. Stoicus  
 abundantem se nulla re egere gloriatur;  
 Christianus à Deo, qui solus est diues, nul-  
 la re egens, quotidianam tum corporis, tum

animi

animi stipem emendicat. Externas diuitias Christianus ad corporis sanitatem parandam ac tuendam referre possit; Stoicus etiam ad voluptatem & oblectationem sensuum, quatenus ad cultiorem & sanctiorem tum victum, tum vestitum, pertinent; qui tamen sola necessitate definiendus fuerat.

Animi diuitiæ sunt virtutes, vti diximus, quibus Christiano, non tam parandis, quam exercendis, inserviunt: externæ diuitiæ, ad vsum liberalitatis, atque magnificentiæ, in opera misericordiæ & charitatis. Sed quædam sunt adumbratæ ac simulate virtutes, quibus animus præstare atque excellere vult, ad quas maxime refert Stoicus externas diuitias. Itaque dictum est ab eodem S. Augustin. diuitiarum vermem esse superbiam, & non tam ad luxuriam, quam ad superbiamque voluptatum, quam ad superbiam: eas referri, quæ de re proximo capite.

Y CA



## CAPVT XVII.

*Quem in finem diuitia sint referenda,  
& quo consilio Christiana pau-  
peritas amplexanda.*

**M**ultus est S. August. in Apostoli loco  
1. Tim. 6. 17. & 194. *hilo-producing & explicando. Diuiti-  
bus huius sæculi præcipe, non sublimè sapere, neque  
spargere in incerto dimittatur, sed in Deo vino  
(quæ præstat nobis omnia abunde ad fruendum)  
bene agere, diuites fieri in bonis operibus, facili-  
tribuere, communicare, thesaurizare sibi funda-  
mentum bonum in futurum, ut apprehendant  
veram vitam. Quod ait esse Canticum di-  
uitum, ex canticis Sion, ut illud alterum  
pauperum. Nihil in istum in hunc mundum &c.  
atque ex eo testimonio, diuites superbos, pau-  
peres humiles solet interpretari, illos diuites  
huius sæculi, pauperes Dei; hos verò paupe-  
res sæculi, diuites Dei, nuncupare.*

*Simul in unum diues & pauper. Diuites in-  
tellige superbos, pauperes humiles; habeat  
quis multas facultates pecuniarum, si in eis  
non extollitur, pauper est: non habeat ali-  
quid, & cupiat, & infletur; inter diuites &  
reprobos reputatum Deus; & diuites & pau-  
peres in corde interrogat Deus non in arca,*



& domo, Nonne pauperes sunt, qui accipiunt  
mandatum Apostoli dicentis Timotheo:  
*Præcipe diuitibus huius sæculi, non superbe sa-* Tim. 6.  
*pere.*

Quomodo eos qui diuites erant, fecit pau-  
peres? Tulit illis. Quare quærentur diuitiæ?  
Nemo enim vult esse diues, nisi vt infletur  
inter eos, inter quos vivit, & superior illis  
videatur. Cum autem dixit: *non superbe sapere,*  
æquales eos fecit non habentibus, vt fortas-  
sis pauculis numinis mendicis plus extollatur,  
quam ille diues, qui audit Apostolum. Vnde  
non superbe sapere? si faciant, quod sequitur:  
*neque sperare in incerto diuitiarum, sed in Deo*  
*vivo, qui præstat nobis omnia abundanter ad*  
*fruendum.* Non dixit, qui præstat illis; sed qui  
præstat nobis. Nunquid ipse Paulus non ha-  
bebat diuitias? habebat plane, de quibus alio  
loco scriptura: *Fideli hominis mundus totus di-*  
*uitiarum est.* Audi & ipsum continentem, *quasi*  
*nihil habentes, & omnia possidentes.* Qui vult  
ergo esse diues, non hæreat parti, & totum  
possidebit; illi hæreat, qui totum creauit.

Nec sic accipiat, fratres, quod dixi ad  
diuitem; non inclinat aurem suam: tanquam  
non exaudiat Deus eos, qui habent aurum,  
& argentum, & familiam, & fundos; si lic  
forte nati sunt, aut cum lucrum rerum hu-  
manarum tenent, tantum meminerunt quod  
ait Apostolus: *Præcipe diuitibus huius sæculi,* Tim. 6.  
*non superbe sapere.* Qui enim non superbe sa-  
piunt, in Deo pauperes sunt, & pauperibus  
genis inclinat aurem suam.  
non esse in

argento, neque in illis rebus, quibus ad tempus  
 circumfluere videntur, sufficit vt diuitiz non  
 illos perdant, vt non obsint satis est: nam pro-  
 desse nihil possunt. Planè prodest opus mise-  
 ricordiz, & in diuite, & in paupere. In diuite  
 ex voluntate & opere, in paupere ex sola vo-  
 luntate, Cum ergo talis est contempnens in se  
 quicquid superbia solet inflare, pauper Dei  
 est, inclinatur illi aurem suam: nouit enim con-  
 tribulatum cor eius. Ex historia Euangelica  
 confirmatur id de Lazaro mendico, ab Angelis  
 in Abraham sinum & gremium deportato. Erat  
 Abraham in diuitijs pauper, humilis, tremens,  
 & omnia præcepta obaudiens, Vsque adeo  
 autem pro nihilo habebat illas diuitias, vt  
 iussus à Domino, filium suum immolaret, cui  
 seruabat diuitias. Discite ergo esse inopes, &  
 pauperes, siue qui habetis aliquid in isto sæ-  
 culo, siue qui non habetis. Nam & hominem  
 mendicum inuenitis superbientem, & homi-  
 nem superabundantem diuitijs, inuenitis con-  
 fitentem. Resistit Deus superbis & holocri-  
 catis, & pannolis; humilibus autem dat gra-  
 tiam, & habentibus aliquam substantiam hu-  
 ius sæculi, & non habentibus, interior in-  
 spectator est Deus, ibi appendit, ibi exami-  
 nat.

Aug. in  
 ps. 144.

Docet nos psalmus ascendentes & leuantes  
 animas nostras ad Dominum Deum cum affe-  
 ctu charitatis atque pietatis, non intendere in  
 homines, qui prosperantur in hoc sæculo, feli-  
 citate falsa atque ventosa, & prorsus seducto-  
 ria; vbi nihil aliud nutriunt quam superbiam,  
 & cor eorum congelasit aduersus Deum, &

fit durum aduersus imbrem gratiæ ipsius, ne fructum ferat. Præsumentes enim sibi omnia abundare, quæ videntur hic vitæ necessaria, exolluntur, & cum sint homines per iniquitatem inferiores omnibus hominibus, per superbiam superiores se putant omnibus hominibus; Atque utinam vel sicut alios homines se esse deputarent! Habemus peruersum diuitiarum scopum superbiam: legitimus earum usus in beneficentia ac liberalitate aduersus egenos, in piarum operum sumptu positus est; ut temporalibus æternas nobis diuitias paremus, & amicos faciamus, qui nos recipiant in æterna tabernacula.

Bonum est diuiti, ut agnoscat se pauperem; si enim plenum se putat, tumor est illi, non plenitudo. Agnoscat se inanem, ut possit impleri. Quid habet? aurum; quid non habet? vitam æternam. Emit ex eo quod habet, illud quod non habet.

Sed ne digrediamur ab humilitate proposita: B. Pater S. Ignatius contemplationem habet huius sententiæ perquam accommodam de duobus vexillis; vno quidem Iesu Christi optimi nostri Imperatoris, ad urbem Ierosolymam; altero Luciferi hostis hominum capitalissimi, in Babyloniz campo; hunc inducit ad suos concionantem, ut correptis, iniectioneque laqueis, ac catenis, homines primum starent, quod ferè contingit, ad cupiditatem diuitiarum, unde postea facilius in mundani honoris ambitionem, ac demum in superbiam harathrum deturbari queant. Atque ita tres sunt præcipui, tentationum gradus in diuitijs, horro-

honoribus, & superbia fundati; ex quibus in alia omnia vitiorum genera præcepsit decursus. Ex opposito Christus Dominus Apostolos, seruosque suos in opus hoc destinatos, hortatur, ut quemlibet iuuare studeant, ac primò inducendum curent ad spiritalem affectum paupertatis & in super (si diuini obsequij ratio, & electio cælestis eò ferat) ad sectandam acturipso veram paupertatem; deinde ut ad opprobrij, contemptusque desiderium alliciant; vnde humilitatis virtus emascitur, & ita tres consurgunt perfectionis gradus: paupertas, abiectio sui; & humilitas, quæ ex diametro diuitijs, honoribus, & superbiæ opposuntur, ac vitutes omnes secum introducunt.


Apparet igitur nec Cynicos, nec Stoicos veræ paupertatis laudem ac virtutem agnouisse, nec quo illa virtus referenda, nec quorsum suscipienda; parumq; aberat eorū paupertas à miserabili, necessaria, ac coacta vulgarium pauperum egestate, ac mendicitate; cum Christianorum sit spiritalis impellente Dei spiritu suscepta, ad Christi Saluatoris imitationem, & ad pretiosissimum hunc humilitatis thesaurum assequendum instituta, & comparata.

Quid enim exteriores conferre possunt diuitiæ homini interiora mentis egestate, cæcitate ac nuditate laboranti, qui diuina gratia ac charitate sit destitutus, expers amicitie omnis ac benevolentie diuitiæ, secludendus a Regno Cælesti, si ad suo extremo in sempiternum

cum eorum superbie Principe Cacodæmo-  
ne relegandus; Adhibenda igitur omnis  
cura, industria, diligentia, contentio cum  
ope diuina, in veræ humilitatis, ac Diui-  
næ charitatis virtute comparanda; in ea  
tuenda, atque augenda, nulli unquam rei,  
nulli labori parcendum; eoque fide susci-  
pienda ad exemplum Christi Domini Salua-  
toris, aut re ipsa, si nos Deus vocet, aut  
affectu certè, & animi præparatione, sancta  
Paupertas; quia de re nos monet Aposto-  
lus: *Scitis enim gratiam Domini nostri IESU*  
*Christi, quoniam pro ser vos ego me feci, cum*  
*cum esset dives, ut illius inopia vos diuites ege-*  
*ris.* Beatus qui super hunc egenum, & pau-  
perem intelligit, Christum Dominum du-  
cem nostrum, ut interpretatur idem S. Au-  
gustinus.

1. Corint.  
1. 9.

CA.



## CAPVT XVIII.

## DECIMUM PARADOXVM:

*Solum Sapientem liberam, ceteros omnes seruos.*

**D**ictum est ab eruditissimis Viris; Nisi Sapientem, liberum esse neminem. Quid est enim libertas? Potestas viuendi vt velis. Quis igitur viuit vt vult, nisi qui recta sequitur, qui gaudet officio, cui viuendi via considerata atque protulsa est, qui legibus non propter metum paret, sed eas sequitur, atque colit, quia id salutare maximè esse iudicat; qui nihil dicit, nihil facit, nihil cogitat denique, nisi libenter, ac liberè; cuius omnia consilia, resq; omnes, quas gerit, ab ipso proficiuntur, eodemque referuntur: nec est vlla res, quæ plus apud eum polleat, quàm ipsius voluntas atque iudicium. Hæc Tullius.

Verùm hæc postrema, libertatem Stoicam planè conuincunt pessimam, & nequissimam esse seruitutem, quâ sui ipsius quisque est seruus, hominis nequam, & nequiter se amantis; qui se planè regere nequeat, sed in omnia vitiorum impellat præcipitia, atque infortunia. Vera libertas, seruitus est Dei: seruire Deo, regnare est, plus est quàm liberum esse, regem est

est esse. Quid est libertas? Potestas viuendi, non vt tu velis, qui velle soles & potes noxia, & peruersa; sed vt Deus vult, qui non nisi honesta & salutaria velle potest; cuius voluntas humanæ voluntatis norma est, ac regula; ad quam aptada sunt omnia dicta, facta, cogitata nostra, vt à Deo proficiantur, & in Deum referantur. Omni tempore benedic Deum; & pete ab eo, vt vias tuas dirigat, & omnia consilia tua in ipso permaneant, aiebat Tobias Pater filio. Neque apud te tua voluntas, iudiciumque quicquam polleat, sed vnâ Dei voluntas, ac lex omnibus anteponatur; ac scopus sit omnium studiorum, ac vitæ totius institutorum. Non est in eo libertas sapientis, vt nihil faciat inuitus, nihil dolens, nihil coactus, nihil nisi libenter, ac liberè; cum sæpe ratio parsque superior, inferiorem ad officium adigere debeat; neque gratia Diuina, quâ in veram libertatem vindicamur, omnem pugnam carnis ac spiritus auferat, sed in ea carne, licet renitente ac repugnante, spiritui victoriam asserat, ac transcribat. Liber est sui victor, suarum cupiditatum ac voluntatum dominator; qui nec sibi, nec alteri, sed vni Deo seruit, Nec obedientia fracti animi atque abiecti propter Deum (quâquam tum maxime corroboratur atque erigitur, cum Dei causa frangitur atque deiecitur) & arbitrio carentis suo, misera est seruitus; sed vera, & optanda maxime libertas.

Amicus suus esse defierit, oportet vt Dei esse incipiat, & totus in optimi domini possessionem transeat. Non sit ille liber, cui mu-

licet

lier imperat, cui leges imponit, præscribit, iubet, vetat quod videtur; Sed nec ille liber erit, cui superbia & philautia, suipius amor immoderatus, imperabit; ipso teste Tullio. Quid illa cupiditas, quæ videtur esse liberior, honoris, imperij, prouinciarum? quam dura est domina! quam imperiosa! quam vehemens! Quid, cum cupiditatum dominatus excelsit, & alius est Dominus exortus ex conscientia peccatorum timor, quam est illa misera, quam dura seruitus!

Amb. lib.  
1. de Iac.  
6. 12.

Seruit, quicumque vel metu frangitur, vel delectatione irretitur, vel cupiditatibus ducitur, vel indignatione exasperatur, vel mærore deiecitur; seruis est enim omnis passio.

4. de Ci-  
uit. 8.

In eandem sententiam August. Bonus etiam si feruiat, liber est; malus etiam si regnet, seruis est; nec vnius hominis, sed quod grauius est, tot dominorum, quot vitiorum, de quibus cum ageret scriptura Diuina; *A quo enim quis deuotus est, huic & seruus additus est.*

1. Petr. 1.

Extat elegans eiusdem sermo, cuius fragmentum iam dedimus, de duabus dominis, Auaritia, atque Luxuria; addi poterat tertia omnium impotentissima domina, Superbia, quæ seruare iubet, & erogare res planè pugnantes, in solius ambitionis, & inanis gloriæ fructum. Sed quid mirum, si de libertate, & seruitute congruenter Philosophi disputare nequiverint; cum & Deum nescierint, cui naturæ conditione subiectos nos esse oportet; cui dum subijcitur, veram libertatem assequimur: & Christum pariter ignorarint, Dominum, Saluatorem, per quem à grauissima captiuitate, & seruitudine pec-

cati



cati sumus liberati, & in amicorum & filiorum Dei libertatem vindicati; cui & proinde seruitutem omnem debeamus duplici nexu illi obstricti, duplicique nomine serui; Creationis & Redemptionis, naturæ & gratiæ, vernaculi & emptitij.

Nihil illi de hac seruitute peccati, seu origine, seu actione contracti; quæ prima dici potest: nihil de altera seruitute prauæ concupiscentiæ ex ea progenatæ, cum qua continenter nobis est dimicandum: nihil de redemptione ac liberatione per Christum, de quæ subsidijs gratiæ ab eo nobis continenter indultis, ne suspicione quidem sunt assequuti.

At S. August. frequens est in eo commemorando beneficio, quod nunquam satis deprecari potest. In hæc Psalmistæ verba: *Memorabor iniustitias meas solum.* Propter primum In Ps. 76.  
v. 16. hominem, primi captiui; propter secundum hominem, redempti. Nam & ipsa redemptio clamat captiuitatem nostram; Vnde enim redempti, si non antea captiui? quæ captiuitas ab Apostolo expressa est. *Videa enim aliam* Rom. 7.  
v. 23. *legem in membris meis captiuantem.* Ipsa est Gal. 3.  
v. 17. prima captiuitas, quæ concupiscit aduersus Spiritum Caro. Venit hæc de pænâ peccati, vt homo aduersus seipsum diuideretur, qui vni subditus esse noluit.

Idem in illud: *Pluviam voluntariam Es. gra-* Ps. 67.  
v. 10. *tiam interpretatur, quæ gratuito line meritis datur, per quam hereditatem tuam perfecisti, Deus, quæ infirmata est in se, vt perficeretur abste;* hæc est illa suauitas, de qua alias: Dominus dabit iuuinitatem, & terra nostra dabit fructum

fructum suum. Ut bonū opus fiat non timore, sed amore; nō formidine penę, sed delectatione iustitię. Ipsa est enim vera & sana libertas.

Ut Paucis rem omnem comprehendam. Peccatum, siue originis, siue actuale quodcumq; lethiferum, quo Dei gratia, & amicitia, ac filiorum libertatē priuamur, ipsa est teterissima seruitus, quā mortis rei omnium tyrānorū teterimo, dēmoni in captiuitatem, & morti eternę. ac carceri infernali, quę dēmonis & mortis sedes est, perpetuū adiudicamur. Quādiu in eo sumus statu miserissimo, caco dēmon in nos tyrannidē exercet, à bono opere prohibet, ad malum impellit, ac ex vno in aliud peccatum precipites agit. *Qui facit peccatum seruus est peccati.* Ab eā seruitute liberat nos vnus Christus Dominus, mediator, restituta Diuina gratia, quā in amicorum ac filiorum Dei libertatē asserimur, ac restituimur; & cuius beneficio gratię, aduersus concupiscentiam, quę nos denuo captiuos agere, ac dēmoni peccatoque subderatentat, assiduē repugnamus.

Per Christum itaque, diuinęque eius opem gratię, liberamur & ab illa quoque seruitute concupiscentię, & diuersarū affectionū, quę cum Diuina eius charitate pugnant, aut certē minūs illi obsequuntur ac famulantur; cuiusmodi sunt affectiones rerū sæculi, quę nos sub graui iugo seruitutis premunt, siue dum prospera appetuntur immodicē, siue dum aduersa formidantur. At verò dum nihil expetimus rerum terrenarum, nec earum spe, aut metu magnopere commouemur, liberi sumus; dum vni seruimus Christo Domino, humanę libertatis assertor,

quæ

Joan. 8.  
9. 36.

qui de se inquebat: *Si vos filius liberauerit, uere liberi eritis.* Quia dere monet etiam Apostolus: *Vos in libertatem locati estis, fratres: ita ut ne libertatem in occasionem detis carnis, sed per charitatem. Si iritis seruite inuicem.*

Ioan. 8.  
v. 36.

Ad Gal. 1.  
v. 13.

Quærit S. Thom. quicum libertate copuletur hæc seruitus? Charitas libera est, & ipsamet libertas; quæ tamen exigit, ut seruiamus inuicem. Liber est, qui est sui causâ, ait Philosophus: seruus, causâ alterius, vel mouentis, vel finis; quia seruus non mouetur à se, sed à Domino, nec ob suam, sed ob Domini utilitatem agit. Charitas est sui causâ, per se maximè expetenda, & à se operatur; Charitas Christi urget nos ob suam utilitatem: quia *plenitudo legis est dilectio*; Et nihilominus cum tota pendeat à Deo, totaq; referatur in Deum, & Dei causa in proximum tendat, seruitus est Dei, & proximi propter Deum: Cum postpositis proprijs utilitatibus, Dei gloriæ & proximorum commodis præcipue quis inseruit, operamque suam omnem lubens impendit: hoc est per charitatem seruire inuicem, & *alter alterius onera portare*, sibimet ad salutem opitulari, & ad miniculo esse.

Ad Rom.  
c. 13. v. 10

Ad Gal.  
6, v. 2.

Ipsa igitur Charitas atque Humilitas, seruitus Dei, & proximi, honoratissima est libertas; qua nemini, nisi cui debet, cui iure omni subiectus est, Deo suo, & Dei causa proximo Christianus inseruit.

Neque verò parum honoratum, aut à suâ dignitate alienum, serui titulum existimarunt ipsi summi Pontifices Christi Vicarij, quorum assuetudine in summam gloriam receptus

Ep. 107. " hic modo titulus est: Seruus seruorum Christi;  
 " quem & antea reperitur vsurpasse summus  
 " Ecclesiæ Doctor Augustin. Vitali scribens:  
 " Seruus IESV Christi, & per eum seruus seruo-  
 " rum eius. Et D. Gregorius ad Rusticianam  
 " Patriciam, propinquam suam, non ferens quod  
 " in suis illa crebrius iterasset: Ancilla vestra:  
 " Ego enim, qui per Episcopalem curam seruus  
 " sum omnium factus, qua ratione se illa mihi  
 " ancillam dicit, cuius ante susceptum Episco-  
 " patum proprius fui? Eximius Pontif. eximie  
 " humilitatis exemplis. Plura Baronius.

ad an. 401  
 item

ad an. 593

1. Cor. 9.

v. 19.

2. Corint.

4. v. 5.

Sed & ipsum Apostolum gloriatum esse,  
 non tantum se IESV Christi seruum, verum &  
 ipso- rum Christi fidelium, reperimus. *Nam*  
*cum liber essem ex omnibus, omnium me seruum*  
*feci, ut plures lucrificerem.* Item: *Non enim*  
*nosmetipsos predicamus, sed IESVM Christum*  
*Dominum nostrum; nos autem seruos vestros per*  
*IESVM.*

lib. 2. in  
 Lucam.

5. Reg. 25.

v. 41.

Neque te præterire possum, Sacratissima  
 " Dei Mater Domini mei, Domina mea, sine  
 " cuius appellatione atque inuocatione nulla  
 " mea potest elabi lucrubrati- o, quæ cum Dei  
 " mater esses electa, Ancillam te esse professa  
 " es. Vide humilitatem, vide deuotionem, ex-  
 " clamat Ambrosius: Ancillam se dicit Domi-  
 " ni, quæ mater eligitur, nec repentino exalta-  
 " ta promisso est. Ecce Ancilla Domini, con-  
 " tingat mihi secundum verbum tuum. Ac  
 " longè etiam quam Abigail expetita, profiteba-  
 " tur animo propensiore Dauidi Saluatori; *Ecce*  
*famula tua sit in ancillam, ut lauet pedes seruo-*  
*rum Domini mei.* Qui enim non æmularetur  
 filium

filium Deum Saluatorem, quem, ipsum tot annos seruilem agere personam conspicata, non semel audiit Apostolis suis dicentem: Mat. 20.  
v. 25. 26.  
27. 28.  
*Scitis quia Principes gentium dominantur eorum: & qui maiores sunt, potestatem exercent in eos. Non ita erit inter vos: sed quicumque voluerit inter vos maior fieri, sit vester minister: & qui voluerit inter vos primus esse, erit vester seruus. Sicut filius hominis non venit ministrari, sed ministrare, & dare animam suam, redemptionem pro multis.*

Addamus Deiparæ pedisequam honorariam S. Agatham V. M. cui cum Quintianus Siciliæ Prætor, infano eius amore captus, exprobraret: Nonne te pudet nobili genere natam, humilem & seruilem Christianorum vitam agere? Respondit verissimè sapientissimèque: Multò præstantior est Christiana humilitas & seruitus; Regum opibus & superbia.



## CAPVT. XIX.

*Ad decimum Paradoxum sententie  
aliquot Sancti Augustini.*

In Pf. 69. **D**ixi Domino, Deus meus es tu. Quare?  
quia bonorum meorum non eges. Ille  
“ non eget nostri: nos egemus ipsius. Ideo  
“ verus Dominus: Nam tu non valdè verus  
“ Dominus serui tui: ambo homines, ambo  
“ egentes Deo; si autem putas egere tui ser-  
“ uum tuum, vt des panem; eges & tu serui  
“ tui, vt adiuuet labores tuos: Vterque ve-  
“ strum altero vestrum indiget. Itaque nullus  
“ vestrum verè Dominus, nullus vestrum verè  
“ seruus. Audi verum Dominum, cuius verus  
“ es seruus: Dixi Domino, Deus meus es tu.  
“ Quare tu Dominus? quia bonorum meo-  
“ rum non eges. Quid autem tu? Ego verò  
“ egenus & pauper. Ecce egenus & pauper:  
“ pascit Deus, subueniat Deus, adiuuet Deus.  
“ Deus meus adiuua me. Ex quâ quidem au-  
thoritate colligitur, Christianum Sapientem  
maximè Dei seruum esse, qui suam agnos-  
cat seruitutem, de quâ sibi gratuletur, ac  
gaudeat.

Iam, tametsi propriè Deus solus sit Domi-  
nus, qui non egeat famulorum; tamen ordi-  
nem

nem hunc dominorum ac seruorum non sustulit Christus, sed maximè stabiliiuit, ac confirmauit; qua de re idem S. Augustinus: Ordinauit enim sic Deus Ecclesiam suam, vt omnis potestas ordinata in seculo habeat honorem, & aliquando à melioribus. Sed (exempli gratiâ) vnâ rem dico; hinc conijcite gradus omnium potestatum. Prima & quotidiana potestas hominis in hominem, Domini est in seruum. Prope omnes domus habent huiusmodi potestatem. Sunt Domini, sunt & serui. Diuersa sunt nomina: Dominus, seruus; sed homines, & homines, paria sunt nomina. Et quid dicit Apostolus, docens seruos Dominis suis subditos esse? *Serui obedite Dominis vestris secundum carnem*; quia est & Dominus secundum spiritum. Ille est verus Dominus, & æternus; illi autem temporales secundum tempus.

Tu cum ambulas in via (cum viuis in hac vita) non vult te facere superbum Christus. Contigit tibi vt Christianus efficereris, & haberes dominum hominem. Non ideo Christianus factus es, vt dedigneris seruire. Cum enim Christo iubente seruis homini, non illi seruis, sed illi qui iussit. Et hoc ait: *Obandite Dominis vestris secundum carnem, cum timore & tremore, & in simplicitate cordis: non ad oculum seruientes, quasi hominibus placentes: sed quasi serui Christi, facientes bonam voluntatem Dei ex animo, cum bona voluntate.*

Ecce non fecit de seruis liberos, sed de malis seruis bonos seruos. O quantum debent diuites Christo, qui illis componit domum; vt

si fuit seruus infidelis, conuertat illum Chri-  
 stus, & non ei dicat: Dimitte Dominum  
 tuum! Iam cognouisti eum, qui verus est  
 Dominus. Ille fortè impius est, & iniquus;  
 tu iam fidelis, & iustus. Indignum est, vt  
 iustus & fidelis seruiat iniquo & infideli? non  
 hoc ei dixit; sed magis, serui. Et vt corro-  
 boraret seruum, hoc dixit: exemplo meo ser-  
 ui, quia prior ego seruiui iniquis: Dominus  
 enim tanta in passione sustinens, à quibus  
 sustinuit, nisi Dominus à seruis? Et à quibus,  
 nisi à malis seruis? Nam si fuissent boni serui,  
 honorarent Dominum suum; Sed quia mali  
 serui erant, iniuriauerunt. Ille quid contra  
 reddidit? Dilectionem pro odio. Ait enim:

Lucas 23. *Pater ignosce illis, quia nesciunt quid faciunt.*

V. 34.

Si Dominus cæli & terræ, per quem facta  
 sunt omnia, seruiuit indignis; rogauit pro  
 saeuientibus, & furentibus; & tanquam me-  
 dicum se exhibuit adueniens (Nam & me-  
 dici, & arte, & sanitate meliores seruiunt  
 ægrotis) quantò magis non debet dedignari  
 homo, ex toto animo, & ex tota bona volun-  
 tate, cum tota dilectione seruire Domino,  
 etiam malo? Ecce seruit melior deteriori,  
 sed ad tempus.

Quod autem dixi de Domino & seruo, hoc  
 intelligite de potestatibus & regibus, & de  
 omnibus culminibus huius sæculi. Ali-  
 quando enim potestates bonæ sunt, & ti-  
 ment Deum; aliquando non timent Deum.  
 Iulianus extitit infidelis Imperator; nonne  
 Apostata, iniquus, idololatra? Milites  
 Christiani seruierunt Imperatori infideli.

Vbi



Vbi veniebatur ad causam Christi, non „  
 agnoscebant nisi illum, qui in cælo erat. „  
 Quando volebat vt idola colerent, vt thu- „  
 rificarent, præponebant illi Deum. Quan- „  
 do autem dicebat: producite aciem: ite „  
 contra illam gentem, statim obtempera- „  
 bant. Distinguebant Dominum æternum „  
 à Domino temporali, & tamen subditi „  
 erant propter Dominum æternum, etiam „  
 Domino temporali: Sed nunquid sic erit „  
 semper: vt iniqui imperent iustis? Non „  
 sic erit. Videte enim quid dicat iste psal- „  
 mus: *Quoniam non derelinquet Dominus vir-* Ps. 124.  
*gam peccatorum super sortem iustorum.* „

Sentitur ad tempus virga peccatorum „  
 super sortem iustorum, sed non ibi relin- „  
 quitur, non erit in æternum. Veniet „  
 tempus, quando vnus agnoscatur Deus; „  
 veniet tempus, quando vnus Christus in „  
 claritate suâ apparens congreget ante se „  
 omnes gentes, & diuidat eas sicut diuidit „  
 pastor hædos ab ovibus: oues ponet ad „  
 dexteram, hædos ad sinistram. Et vide- „  
 tis ibi multos seruos inter oues, & mul- „  
 tos Dominos inter hædos; & rursus, „  
 multos dominos inter oues, & multos „  
 seruos inter hædos. Non enim quia sic „  
 consolati sumus seruos, omnes serui boni „  
 sunt; aut quia sic reprehendimus super- „  
 biam Dominorum, omnes Domini mali „  
 sunt. Sunt boni & fideles Domini, & „  
 sunt mali. Sunt boni & fideles serui, & „  
 sunt mali. Sed quamdiu serui boni seruiunt „  
 malis Dominis, ferant ad tempus, quia „

"non derelinquet virgam peccatorum super  
 "sortem iustorum. Quare hoc? Vt non ex-  
 "tendant iusti ad iniquitatem manus suas,  
 "vt ad tempus ferant iusti iniquos dominan-  
 "tes, intelligant non esse hoc sempiternum,  
 "sed præparent se ad possidendam sempiter-  
 "nam hæreditatem; quam hæreditatem? vbi  
 "destruetur omnis potentatus, & omnis pote-  
 "stas: vt sit Deus omnia in omnibus.

Ps. 99.

Hac igitur spe animati, seruite Domino  
 "in iucunditate. Omnis seruitus amaritudine  
 "plena est. Omnes conditione serui obli-  
 "gati, & seruiunt, & murmurant. Nolite  
 "timere illius Domini seruitutem; non erit  
 "tibi gemitus, non murmur, non indignatio.  
 "Nemo se putet inde venalem, quia dulce est  
 "quod redempti omnes sumus. Magna fæli-  
 "citas est, fratres, esse in ista domo magna  
 "seruum, etsi cum compedibus. Noli timere,  
 "serue compedite; confitere Domino; meri-  
 "tis tuis attribue compedes tuos; confitere  
 "in compedibus tuis, si vis vt in ornamenta  
 vertantur.

Ps. 78.

Non frustra, nec sine exauditione dictum  
 "est: Intret in conspectu tuo gemitus com-  
 "peditorum. Seruite Domino in iucunditate.  
 "Libera seruitus est apud Dominum; libera  
 "seruitus, vbi non necessitas, sed charitas ser-  
 "uit. Vos, inquit, in libertatem vocati estis,  
 "fratres: tantum ne libertatem in occasionem  
 "carnis detis; sed per charitatem spiritus ser-  
 "uite inuicem.

Gal. 5.

"Seruum te charitas faciat, quia liberum  
 "te veritas fecit. Si manseritis, inquit, in  
 verbo

verbo meo, verè discipuli mei eritis, & <sup>Ioan. 8.</sup>  
 cognoscetis veritatem, & veritas liberabit”  
 vos. Simul es & seruus, & liber; seruus,”  
 quia factus es; liber, quia amaris à Deo,”  
 à quo factus es: imò etiam inde liber, quia”  
 amas eum, à quo factus es. Noli seruire”  
 cum murmure: non enim id agunt murmu-”  
 ra tua, vt non seruias; sed vt malus seruus”  
 seruias. Seruus es Domini, libertus es Do-”  
 mini: non te sic quæras manumitti, vt re-”  
 cedas de domo manumissoris tui. Seruite”  
 Domino in iucunditate. Plena erit illa & <sup>1. Cor. 13</sup>  
 perfecta iucunditas, cum corruptibile hoc”  
 induerit incorruptionem. ”



CAPVT

ut formosuli nostri, & thorosuli, & vix sum-  
mis pedibus adumbrantes vestigia; quorum  
verba in pugnis sunt, & syllogismi in calcibus;  
qui paupertatem Apostolorum, & crucis du-  
ritiam aut nesciunt, aut contemnunt, imi-  
tentur saltem Gentilium parvitatem. Ego  
verò ad superbiam eius coarguendam, quā &  
Alexandro Rege potentior, & naturæ victor  
humanæ videri voluit, humilitatemque docen-  
dam, eadem ex Hieronymo transcribam.  
Refert Satyrus, qui illustrium virorum scrip-  
psit historias, quod Diogenes palliolo duplici  
usus sit, propter frigus: peram pro cellario  
habuerit, secumque portarit clauam, in cor-  
pusculi fragilitatem, quā iam senex membra  
sustentare solitus erat; & *ἡμερόλης* vulgò ap-  
pellatus sit, in præsentem horam poicens à  
quolibet, & accipiens cibum. Habitabat au-  
tem in portarum vestibulis, & porticibus  
civitatum; Cumque se contorqueret in dolio,  
volubilem se habere domum iocabatur, & se  
cum temporibus volutantem; frigore enim  
os dolij vertebat in meridiem, æstate ad  
septemtrionem; & utcumque sol se inciina-  
rat, Diogenis simul prætorium vertebatur.  
Quodam verò tempore habens ad potandum  
cauum lignum, vidit puerum manu concavā  
bibere, & deiecisse illud ad terram fertur, di-  
cens: Nesciebam quod natura haberet pocu-  
lum. Virtutem eius & continentiam (dic bo-  
nā cum Hieronymi veniā, arrogantiam, &  
animi impotentiam) mors quoque indicat.  
Nam cum ad agonem Olympiacum, qui ma-  
gnā frequentiā Græciæ celebratur, iam senex  
pergeret,

pergeret, febrī in itinere dicitur apprehen-  
sus occubuisse, in crepidine viæ; volenti-  
busque eum amicis, aut in iumentum, aut in  
vehiculam tollere, non acquieuit: sed trans-  
iens ad arboris vmbra, locutus est: Ab-  
ite, quæso, & spectatum pergite: hæc nox,  
me victorem probabit, aut victum; si fe-  
brem vicero, ad agonem veniam; si me vi-  
cerit, ad inferna descendam. Itaque per  
mortem eliso gutture, non tam mori se  
ait, quàm febrem morte excludere. En,  
superbiæ, & Cacodæmonis Martyrem. An  
ille Sapiens, & Rex dicendus sit, qui sibi  
nequiret imperare, qui suimet tortor & car-  
nifex existeret, & non magis febrem, quàm  
animi sui impotentiam morte corporis ex-  
cluderet? quid æquius, quàm vt à se vin-  
dictam expetat, ac sumat arrogantia?

Poteram hic persequi comparisonem,  
quam instituit Chrysostomus, Monachi so-  
litarij, cum Regis potentiâ & opulentiâ,  
quam à se Latine versam edidit Ludouicus  
Blosius; quæque Hieronymus Platus, &  
alij eiusdem habent argumenti; sed ab ea  
comparatione & nuncupatione regia lubens  
abstinuerit Sapiens Christianus, cui sit opta-  
bilis obedire, quàm imperare: & qui se  
summi Regis Regum omnium, Christi Do-  
mini, vilem atque humilem seruulum pro-  
fiteatur; Et quoniam cæteras inter eius  
virtutes, humilitatem, & charitatem ad-  
amavit præcipuè; quia contemptus eius, &  
despectus nostri causa suscepti valde est stu-  
diosus, animo memori & grato circumfert  
eam

licet imperat, cui leges imponit, præscribit, iubet, vetat quod videtur; Sed nec ille liber erit, cui superbia & philautia, superbius amor immoderatus, imperabit; ipso teste Tullio. Quid illa cupiditas, quæ videtur esse liberior, honoris, imperij, prouinciarum? quam dura est domina! quam imperiosa! quam vehemens! Quid, cum cupiditatum dominatus excelsit, & alius est Dominus exortus ex conscientia peccatorum timor, quam est illa misera, quam dura seruitus!

Amb. lib.  
1. de Iac.  
8. 12.

Seruit, quicumque vel metu frangitur, vel delectatione irretitur, vel cupiditatibus ducitur, vel indignatione exasperatur, vel merore deiecitur; seruus est enim omnis palatio.

4. de Ci-  
uit. 8.

In eandem sententiam August. Bonus etiam si feruiat, liber est; malus etiam si regnet, seruus est; nec vnius hominis, sed quod grauius est, tot dominorum, quot vitiorum, de quibus cum ageret scriptura Diuina; *A quo enim in quo deus natus est, huic & seruus additus est.*

1. Petr. 1.

Extat elegans eiusdem sermo, cuius fragmentum iam dedimus, de duabus dominis, Auaritia, atque Luxuria; addi poterat tertia omnium impotentissima domina, Superbia, cui seruire iubet, & erogare; res planè pugnantes, in solius ambitionis, & inanis gloriæ fructum. Sed quid mirum, si de libertate, & seruitute congruenter Philosophi disputare nequiverint; cum & Deum nescierint, cui naturæ conditione subiectos nosse oportet; cui dum subijcitur, veram libertatem assequimur: & Christum pariter ignorarint, Dominum, Saluatorem, per quem à grauissima captiuitate, & seruitudine pec-

cati

cati sumus liberati, & in amicorum & filiorum Dei libertatem vindicati; cui & proinde seruitutem omnem debeamus duplici nexu illi obstricti, duplicique nomine serui, Creationis & Redemptionis, naturæ & gratiæ, vernaculi & emptitij.

Nihil illi de hac seruitute peccati, seu origine, seu actione contracti; quæ prima dici potest: nihil de altera seruitute prauæ concupiscentiæ ex ea progenatæ, cum qua continenter nobis est dimicandum: nihil de redemptione ac liberatione per Christum, de quæ subsidijs gratiæ ab eo nobis continenter indultis, ne suspicione quidem sunt assecuti.

At S. August. frequens est in eo commemorando beneficio, quod nunquam satis deprecari potest. In hæc Psalmistæ verba:

*Memorabor iustitia tuæ solius.* Propter primum In Ps. 76.  
v. 16.

hominem, primi captiui; propter secundum hominem, redempti: Nam & ipsa redemptio clamat captiuitatem nostram; Vnde enim redempti, si non antea captiui? quæ captiuitas ab Apostolo expressa est. *Videa enim aliam* Rom. 7.  
v. 23.

*legem in membris meis captiuantem.* Ipsa est Gal. 3.  
v. 17. prima captiuitas, quæ concupiscit aduersus Spiritum Caro. Venit hæc de pænâ peccati, vt homo aduersus seipsum diuideretur, qui vni subditus esse noluit.

Idem in illud: *Pluviam voluntariam esse gratiam* Ps. 67.  
v. 10. interpretatur, quæ gratuito sine meritis datur, per quam hereditatem tuam perfecisti, Deus, quæ infirmata est in se, vt perficeretur abste; hæc est illa suauitas, de qua alias: Dominus dabit iuauitatem, & terra nostra dabit fructum

fructum suum. Vt bonū opus fiat non timore, sed amore; nō formā sine pēnē, sed delectatione iustitię. Ipsa est enim vera & sana libertas.

Vt Paucis rem omnem comprehendam: Peccatum, siue originis, siue actuale quodcumq; lethiferum, quo Dei gratia, & amicitia, ac filiorum libertate priuamur, ipsa est teterima seruitus, quā mortis rei omniū tyrānorūt teterimo, dēmoni in captiuitatem, & morti eternę. ac carceri infernali, quę dāmonis & mortis sedes est, perpetuū adiudicamur. Quādiu in eo sumus statu miserrimo, caco dāmon in nos tyrannidē exercet, à bono opere prohibet, ad malum impellit, ac ex vno in aliud peccatum precipites agit. *Qui facit peccatum seruus est peccati.* Ab eā seruitute liberat nos vnus Christus Dominus, mediator, restituta Diuina gratia, quā in amicorum ac filiorum Dei libertatem asserimur, ac restituimur; & cuius beneficio gratię, aduersus concupiscentiam, quę nos denuo captiuos agere, ac dāmoni peccatoque subderatentat, assiduē repugnamus.

Per Christum itaque, diuinęque eius opem gratię, liberamur & ab illa quoque seruitute concupiscentię, & diuersarū affectionū, quę cum Diuina eius charitate pugnant, aut certē minūs illi obsequuntur ac famulantur; cuiusmodi sunt affectiones rerū sæculi, quę nos sub graui iugo seruitutis premunt, siue dum prospera appetuntur immodicē, siue dum aduersa formidantur. At verò dum nihil expetimus rerum terrenarum, nec earum spe, aut metu magnopere commouemur, liberi sumus; dum vni seruimus Christo Domino, humanę libertatis assertori,  
quicq;



qui de se inquitabat: *Si vos filius liberauerit, uere liberi eritis.* Quadere monet etiam Apostolus: *Vos in libertatem vocati estis, fratres: ita tamen ne libertatem in occasionem detis carnis, sed per charitatem. Spiritus seruite inuicem.*

Ioan. 8.  
v. 36.

Ad Gal. 5.  
v. 13.

Quærit S. Thom. quicquid libertate copuletur hæc seruitus? Charitas libera est, & ipsamet libertas; quæ tamen exigit, ut seruamus inuicem. Liber est, qui est sui causâ, ait Philosophus: seruus, causâ alterius, vel mouentis, vel finis; quia seruus non mouetur à se, sed à Domino, nec ob suam, sed ob Domini utilitatem agit. Charitas est sui causâ, per se maximè expetenda, & à se operatur; Charitas Christi vrget nos ob suam utilitatem: quia *plenitudo legis est dilectio*; Et nihilominus cum tota pendeat à Deo, tota quæ referatur in Deum, & Dei causa in proximum tendat, seruitus est Dei, & proximi propter Deum. Cum positis proprijs utilitatibus, Dei gloriæ & proximorum commodis præcipuè quis inseruit, operamque suam omnem libens impendit: hoc est per charitatem seruire inuicem, & alter alterius onera portare, sibi met ad salutem opitulari, & ad miniculo esse.

Ad Rom.  
c. 13. v. 10

Ad Gal.  
6, v. 2.

Ipsa igitur Charitas atque Humilitas, seruitus Dei, & proximi, honoratissima est libertas; qua nemini, nisi cui debet, cui iure omni subiectus est, Deo suo, & Dei causa proximo Christianus inseruit.

Neque verò parum honoratum, aut à suâ dignitate alienum, serui titulum existimarunt ipsi summi Pontifices Christi Vicarij, quorum assuetudine in summam gloriam receptus

Ep. 107. hic modò titulus est: Seruus seruorum Christi;  
 quem & antea reperitur vsurpasse summus  
 Ecclesiæ Doctor Augustin. Vitali scribens:  
 Seruus IESV Christi, & per eum seruus seruo-  
 rum eius. Et D. Gregorius ad Rusticianam  
 Patriciam, propinquam suam, non ferens quod  
 in suis illa crebrius iterasset: Ancilla vestra:  
 Ego enim, qui per Episcopalem curam seruus  
 sum omnium factus, qua ratione se illa mihi  
 ancillam dicit, cuius ante susceptum Episco-  
 patum proprius fui? Eximius Pontif. eximia  
 humilitatis exemplis. Plura Baronius.

ad an. 601  
 item

ad an. 593

1. Cor. 9.

v. 19.

2. Corint.

4. v. 5.

Sed & ipsum Apostolum gloriatum esse,  
 non tantum se IESV Christi seruum, verum &  
 ipsorum Christi fidelium, reperimus. *Nam*  
*cum liber essem ex omnibus, omnium me seruum*  
*feci, ut plures lucrifacerem.* Item: *Non enim*  
*nosmetipsos predicamus, sed IESVM Christum*  
*Dominum nostrum; nos autem seruos vestros per*  
*IESVM.*

lib. 2. in  
 Lucam.

3. Reg. 25.  
 v. 41.

Neque te præterire possum, Sacratissima  
 Dei Mater Domini mei, Domina mea, sine  
 cuius appellatione atque inuocatione nulla  
 mea potest elabi lucrubratio, quæ cum Dei  
 mater esses electa, Ancillam te esse professa  
 es. Vide humilitatem, vide deuotionem, ex-  
 clamat Ambrosius: Ancillam se dicit Domi-  
 ni, quæ mater eligitur, nec repentino exalta-  
 ta promisso est. Ecce Ancilla Domini, con-  
 tingat mihi secundum verbum tuum. Ac  
 longè etiam quam Abigail expetita, profiteba-  
 tur animo propensiore Dauidi Saluatori; *Ecce*  
*famula tua sit in ancillam, ut lauet pedes seruo-*  
*rum Domini mei.* Qui enim non æmularetur  
 filiam

um Deum Saluatorem, quem, ipsum tot  
 mos seruilem agere personam conspicata,  
 on semel audiit Apostolis suis dicentem: Mat. 20.  
v. 25. 26.  
27. 28.  
*itis quia Principes gentium dominantur eo-  
 um: & qui maiores sunt, potestatem exercent  
 eos. Non ita erit inter vos: sed quicumque  
 oluerit inter vos maior fieri, sit vester minister:  
 r qui voluerit inter vos primus esse, erit vester  
 tuus. Sicut filius hominis non venit ministra-  
 re, sed ministrare, & dare animam suam, re-  
 demptionem pro multis.*

Addamus Deiparæ pedisequam honora-  
 iam S. Agatham V. M. cui cum Quin-  
 ianus Siciliae Prætor, infano eius amore  
 captus, exprobraret: Nonne te pudet no-  
 bili genere natam, humilem & seruilem  
 Christianorum vitam agere? Respondit  
 verissimè sapientissimèque: Multò præstan-  
 tior est Christiana humilitas & seruitus;  
 Regum opibus & superbia.



## CAPVT. XIX.

*Ad decimum Paradoxum sententia  
aliquot Sancti Augustini.*

In Ps. 69.

**D**ixi Domino, Deus meus es tu. Quare?  
quia bonorum meorum non eges. Ille  
“ non eget nostri: nos egemus ipsius. Ideo  
“ verus Dominus: Nam tu non valdè verus  
“ Dominus serui tui: ambo homines, ambo  
“ egentes Deo; si autem putas egere tui ser-  
“ uum tuum, vt des panem; eges & tu serui  
“ tui, vt adiuuet labores tuos: Vterque ve-  
“ strum altero vestrum indiget. Itaque nullus  
“ vestrum verè Dominus, nullus vestrum verè  
“ seruus. Audi verum Dominum, cuius verus  
“ es seruus: Dixi Domino, Deus meus es tu.  
“ Quare tu Dominus? quia bonorum meo-  
“ rum non eges. Quid autem tu? Ego verò  
“ egenus & pauper. Ecce egenus & pauper:  
“ pascat Deus, subueniat Deus, adiuuet Deus.  
“ Deus meus adiuua me. Ex quâ quidem au-  
thoritate colligitur, Christianum Sapientem  
maximè Dei seruum esse, qui suam agnos-  
cat seruitutem, de quâ sibi gratuletur, ac  
gaudeat.

Iam, tametsi propriè Deus solus sit Domi-  
nus, qui non eget famulorum; tamen ordi-  
nem

em hunc dominorum ac seruorum non sustulit Christus, sed maximè stabiliiuit, ac confirmauit; qua de re idem S. Augustinus: Ordinauit enim sic Deus Ecclesiam, ut omnis potestas ordinata in saeculo habeat honorem, & aliquando à melioribus. Sed (exempli gratiâ) vnâ rem dico; hinc conijcite gradus omnium potestatum. Prima & quotidiana potestas hominis in hominem, Domini est in seruum. Prope omnes domus habent huiusmodi potestatem. Sunt Domini, sunt & serui. Diuersa sunt nomina: Dominus, seruus; sed homines, & homines, paria sunt nomina. Et quid dicit Apostolus, docens seruos Dominis suis subditos esse? *Serui obedite Dominis vestris secundum carnem*; quia est & Dominus secundum spiritum. Ille est verus Dominus, & æternus; illi autem temporales secundum tempus.

Tu cum ambulas in via (cum viuis in hac vita) non vult te facere superbum Christus. Contigit tibi vt Christianus efficereris, & haberes dominum hominem. Non ideo Christianus factus es, vt dedigneris seruire. Cum enim Christo iubente seruis homini, non illi seruis, sed illi qui iussit. Et hoc ait: *Obedite Dominis vestris secundum carnem, cum timore & tremore, & in simplicitate cordis: non ad oculum seruientes, quasi hominibus placentes: sed quasi serui Christi, facientes bonam voluntatem Dei ex animo, cum bona voluntate.*

Ecce non fecit de seruis liberos, sed de malis seruis bonos seruos. O quantum debent diuites Christo, qui illis componit domum; vt

si fuit seruus infidelis, conuertat illum Chri-  
 stus, & non ei dicat: Dimitte Dominum  
 tuum! Iam cognouisti eum, qui verus est  
 Dominus. Ille fortè impius est, & iniquus;  
 tu iam fidelis, & iustus. Indignum est, vt  
 iustus & fidelis seruiat iniquo & infideli? non  
 hoc ei dixit; sed magis, serui. Et vt corro-  
 boraret seruum, hoc dixit: exemplo meo ser-  
 ui, quia prior ego seruiui iniquis: Dominus  
 enim tanta in passione sustinens, à quibus  
 sustinuit, nisi Dominus à seruis? Et à quibus,  
 nisi à malis seruis? Nam si fuissent boni serui,  
 honorarent Dominum suum; Sed quia mali  
 serui erant, iniuriauerunt. Ille quid contra  
 reddidit? Dilectionem pro odio. Ait enim:  
*Pater ignosce illis, quia nesciunt quid faciunt.*

Lucæ 23.

v. 34.

Si Dominus cæli & terræ, per quem facta  
 sunt omnia, seruiuit indignis; rogauit pro  
 saeuientibus, & furentibus; & tanquam me-  
 dicum se exhibuit adueniens (Nam & me-  
 dici, & arte, & sanitate meliores seruiunt  
 ægrotis) quantò magis non debet dedignari  
 homo, ex toto animo, & ex tota bona volun-  
 tate, cum tota dilectione seruire Domino,  
 etiam malo? Ecce seruit melior deteriori,  
 sed ad tempus.

Quod autem dixi de Domino & seruo, hoc  
 intelligite de potestatibus & regibus, & de  
 omnibus culminibus huius sæculi. Ali-  
 quando enim potestates bonæ sunt, & ti-  
 ment Deum; aliquando non timent Deum.  
 Iulianus extitit infidelis Imperator; nonne  
 Apostata, iniquus, idololatra? Milites  
 Christiani seruierunt Imperatori infideli.

Vbi

Vbi veniebat ad causam Christi, non „  
 agnoscebant nisi illum, qui in cælo erat. „  
 Quando volebat vt idola colerent, vt thu- „  
 rificarent, præponebant illi Deum. Quan- „  
 do autem dicebat: producite aciem: ite „  
 contra illam gentem, statim obtempera- „  
 bant. Distinguebant Dominum æternum „  
 à Domino temporali, & tamen subditi „  
 erant propter Dominiũ æternum, etiam „  
 Domino temporali: Sed nunquid sic erit „  
 semper: vt iniqui imperent iustis? Non „  
 sic erit. Videte enim quid dicat iste psal- „  
 mus: *Quoniam non derelinquet Dominus vir-* Ps. 124.  
*gam peccatorum super sortem iustorum.* „

Sentitur ad tempus virga peccatorum „  
 super sortem iustorum, sed non ibi relin- „  
 quitur, non erit in æternum. Veniet „  
 tempus, quando vnus agnoscatur Deus; „  
 veniet tempus, quando vnus Christus in „  
 claritate suâ apparens congreget ante se „  
 omnes gentes, & diuidat eas sicut diuidit „  
 pastor hædos ab ovibus: oves ponet ad „  
 dexteram, hædos ad sinistram. Et vide- „  
 tis ibi multos seruos inter oves, & mul- Mat. 25.  
 tos Dominos inter hædos; & rursus, v. 32. 33.  
 multos dominos inter oves, & multos „  
 seruos inter hædos. Non enim quia sic „  
 consolati sumus seruos, omnes serui boni „  
 sunt; aut quia sic reprehendimus super- „  
 biam Dominorum, omnes Domini mali „  
 sunt. Sunt boni & fideles Domini, & „  
 sunt mali. Sunt boni & fideles serui, & „  
 sunt mali. Sed quamdiu serui boni seruiunt „  
 malis Dominis, ferant ad tempus, quia „



"non derelinquet virgam peccatorum super  
 "sortem iustorum. Quare hoc? Vt non ex-  
 "tendant iusti ad iniquitatem manus suas,  
 "vt ad tempus ferant iusti iniquos dominan-  
 "tes, intelligant non esse hoc sempiternum,  
 "sed præparent se ad possidendam sempiter-  
 "nam hæreditatem; quam hæreditatem? vbi  
 "destruetur omnis potentatus, & omnis pote-  
 "stas: vt sit Deus omnia in omnibus.

Ps. 99.

Hac igitur spe animati, seruite Domino  
 "in iucunditate. Omnis seruitus amaritudine  
 "plena est. Omnes conditione serui obli-  
 "gati, & seruiunt, & murmurant. Nolite  
 "timere illius Domini seruitutem; non erit  
 "tibi gemitus, non murmur, non indignatio.  
 "Nemo se putet inde venalem, quia dulce est  
 "quod redempti omnes sumus. Magna fæli-  
 "citas est, fratres, esse in ista domo magna  
 "seruum; et licet cum compedibus. Noli timere,  
 "serue compedite; confitere Domino; meri-  
 "tis tuis attribue compedes tuos; confitere  
 "in compedibus tuis, si vis vt in ornamenta  
 vertantur.

Ps. 78.

Non frustra, nec sine exauditione dictum  
 "est: Intret in conspectu tuo gemitus com-  
 "peditorum. Seruite Domino in iucunditate.  
 "Libera seruitus est apud Dominum; libera  
 "seruitus, vbi non necessitas, sed charitas ser-  
 "uit. Vos, inquit, in libertatem vocati estis,  
 Gal. 5.  
 "fratres: tantum ne libertatem in occasionem  
 "carnis detis, sed per charitatem spiritus ser-  
 "uite inuicem.

"Seruum te charitas faciat, quia liberum  
 "te veritas fecit. Si manseritis, inquit, in  
 verbo



verbo meo , verè discipuli mei eritis , & <sup>Ioan. 8.</sup>  
 cognoscetis veritatem , & veritas liberabit  
 vos. Simul es & seruus , & liber ; seruus ,  
 quia factus es ; liber , quia amaris à Deo ,  
 à quo factus es : imò etiam inde liber , quia  
 amas eum , à quo factus es. Noli seruire  
 cum murmure : non enim id agunt murmu-  
 ra tua , vt non seruias ; sed vt malus seruus  
 seruias. Seruus es Domini , libertus es Do-  
 mini : non te sic quæras manumitti , vt re-  
 cedas de domo manumissoris tui . Seruite  
 Domino in iucunditate . Plena erit illa & <sup>1. Cor. 13</sup>  
 perfecta iucunditas , cum corruptibile hoc  
 induerit incorruptionem .



CAPVT



## CAPVT XX.

## XI. PARADOXVM;

*Solum Sapientem Regem esse.*

**P**lutarchus iure Stoicos irridet; eos magis inopinata, quam Poetas fingere. Prodit ille à Porticu Sapiens, clamans altum, & intonans: Ego solus Rex sum; Ego solus diues: & conspicitur interim ad alienas fores musitans:

Da tegmen Hipponacti; namque figeo,  
Totusque contremisco.

Nempe opinione sua Rex est Sapiens:  
Sic se falso deiudit errore; vt ille Tragicus.

Rex est qui posuit metus,  
Et diri mala pectoris:

Qui tuto positus loco,  
Infra se videt omnia:

Occurritque suo libens

Fato, nec queritur mori.

Sit ille apud se delirus Rex, impotens sui,  
& sanæ mentis parum compos, qui falsò hæc  
sibi de se persuadeat. At ex S. Augustini mente,  
donatus est homo sibi, quia deseruit  
Deum placendo sibi; & non obediens Deo,  
non potuit obedire, nec sibi. Hinc euidentior  
miseria est, quia homo non viuit vt  
vult

ult: nam si vt vellet viueret, beatum se putaret; sed nec licet tamen esset, si turpiter viueret. Non in opinionibus consistit beata vita, vel regia potestas sed & re ipsa, & solida; non adumbrata felicitate, quam sibi quisque fingit.

An ille Rex erat, aut beatus, haud ignobilis Argus apud Horatium?

Qui se credebat miros audire tragædos.

In vacuo solus sessor, plausorq; theatro.

Sed prodeat in medium Rex Cynicus Diogenes; qui, vt quadam epistola gloriatur, palio pro abolla, aut paludamento; clauâ seu baculo pro sceptro, utebatur; aut instar Herculis, pro leonis exuvio, pallium triobolare gestabat, & clauâ bellum voluptatibus indicabat: Vñnum expositus à piratis, interrogatus; ecquid scire profiteretur? Hominibus, inquit, imperare. Fastuosum sanè responsum: nam quæ Philosophorum consensu ars difficilior, quàm hominibus imperare? Et mox, cum prætereuntem Xeniamdem vidisset, ingenuo vultu: Huic, inquit, me vendite: nam domino opus habet. Et ita se gessit, imperans toti familiæ. Ac cum amici cum redempturi, paulò post aduenissent: Abite, inquit: Non enim leones seruos esse nutriendum, sed nutrientes leonum; efferatum se leonem proficiens. De quo & quæ Hieron. habet 2. aduersus Iouinianum, huc transferam, duplici cum fructu lectoris, & quem Hieron. propositum habuit, & quem adijcere licebit, humilitatis.

Vñius, inquit, Philosophi exemplum posui,  
vt for-

Laert. in  
Diogen.

ut formosuli nostri, & thorosuli, & vix sum-  
 mis pedibus adumbrantes vestigia; quorum  
 verba in pugnis sunt, & syllogismi in calcibus;  
 qui paupertatem Apostolorum, & crucis du-  
 ritiam aut nesciunt, aut contemnunt, imi-  
 tentur saltem Gentilium parvitatem. Ego  
 verò ad superbiam eius coarguendam, quâ &  
 Alexandro Rege potentior, & naturæ victor  
 humanæ videri voluit, humilitatemque docen-  
 dam, eadem ex Hieronymo transcribam.  
 Refert Satyrus, qui illustrium virorum scrip-  
 sit historias, quod Diogenes palliolo duplici  
 usus sit, propter frigus; peram pro cellario  
 habuerit, secumque portarit clauam, in cor-  
 pusculi fragilitatem, quâ iam senex membra  
 sustentare solitus erat; & *ἡμερόεσι* vulgò ap-  
 pellatus sit, in præsentem horam poicens à  
 quolibet, & accipiens cibum. Habitabat au-  
 tem in portarum vestibulis, & porticibus  
 civitatum; Cumque se contorqueret in dolio,  
 volubilem se habere domum iocabatur, & se  
 cum temporibus volutantem; frigore enim  
 os dolij vertebat in meridiem, æstate ad  
 septemtrionem; & utcumque sol se inclina-  
 rat, Diogenis simul prætorium vertebatur.  
 Quodam verò tempore habens ad potandum  
 cauum lignum, vidit puerum manu concavâ  
 bibere, & deiecisse illud ad terram fertur, di-  
 cens: Nesciebam quod natura haberet pocu-  
 lum. Virtutem eius & continentiam (dicbo-  
 nâ cum Hieronymi veniâ, arrogantiam, &  
 animi impotentiam) mors quoque indicat.  
 Nam cum ad agonem Olympiacum, qui mi-  
 gnâ frequentiâ Græciæ celebratur, iam senex  
 pergeret,

ergeret, febri in itinere dicitur apprehen-  
 is occubuisse, in crepidine viæ; volenti-  
 usque eum amicis, aut in iumentum, aut in  
 chiculum tollere, non acquieuit: sed trans-  
 iens ad arboris vmbra, locutus est: Ab-  
 te, quæso, & spectatum pergite; hæc nox,  
 ne victorem probabit, aut victum; si fe-  
 rem vicero, ad agonem veniam; si me vi-  
 erit, ad inferna descendam. Itaque per  
 mortem eliso gutture, non tam mori se  
 it, quàm febrem morte excludere. En,  
 perbiæ, & Cacodæmonis Martyrem. An  
 le Sapiens, & Rex dicendus sit, qui sibi  
 equiret imperare, qui suimet tortor & car-  
 ifex existeret, & non magis febrem, quàm  
 nimi sui impotentiam morte corporis ex-  
 uderet? quid æquius, quàm vt à se vin-  
 ictam expetat, ac sumat arrogantia?

Poteram hic persequi comparationem,  
 quam instituit Chrysostomus, Monachi so-  
 tarij, cum Regis potentiâ & opulentiâ,  
 quam à se Latine versam edidit Ludouicus  
 dosius; quæque Hieronymus Platus, &  
 ij eiusdem habent argumenti; sed ab ea  
 omparatione & nuncupatione regia lubens  
 ostinuerit Sapiens Christianus, cui sit opta-  
 lius obedire, quàm imperare: & qui se  
 immi Regis Regum omnium, Christi Do-  
 mini, vilem atque humilem seruulum pro-  
 teatur; Et quoniam cæteras inter eius  
 irtutes, humilitatem, & charitatem ad-  
 nauit præcipuè; quia contemptus eius, &  
 espectus nostri causa suscepti valde est stu-  
 iosus, animo memori & grato circumfere-  
 cam

cam effigiem, quâ Dominus in Passione delusus est ac derisus, ut imitator Rex ac theatralis, cum eius diuino capiti impositum est spineum diadema, humeris iniectum paludamentum purpureum, dextrâ datum sceptrum arundineum; cum salutatus est à deridentibus Prætorianis militibus Rex Iudæorum, alapis, pugnis, & arundine percussus: cum ad Iudæorum plebem productus. Ecce Homo, Ecce Rex vester, planè denegatus est, & ad crucis mortem diris vocibus efflagitatus: cum in cruce moriens, affixo hic Regis titulo, nos sibi seruos comparauit, qui spiritu futuri eramus Iudæi, deitatem eius abditam confitentes. Nos sanè designabant hæc ornamenta regia, purpureæ vestis, coronæ spinæ, & arundinis, adiungendos illi aliquando in cœlo, instar vestis, coronæ, & sceptri regij. Ad nos maximè pertinebat titulus hic regius. Dicat igitur vnusquisque nostrum animo gratissimo cum Regio Vate: *Exaltabo te Deus meus Rex*. Tu es ipse Rex meus, & Deus meus. Rex est, qui regit, qui consulit, qui in Regnum perducit, qui paci ac tranquillitati suorum consulit Christus Dominus. Verissimè Nathanaël: *Rabbi, tu es filius Dei: tu es Rex Israel*; De quo & illud Apocalypsis: *Qui est testis fidelis, primogenitus mortuorum, & Princeps regum terra: qui dilexit nos, & lauit nos à peccatis nostris in sanguine suo, & fecit nos Regnum, & sacerdotes Deo & Patri: ipsi gloria, & imperium in sæcula sæculorum*. Iterum: *Et habet in vestimento, & in femore suo scriptum: Rex Regum, & Dominus dominantium*, ut ostendatur non solum quâ Deus,

verum

Ps. 144.  
v. 1.

Ioan. 1.  
v. 49.

1. v. 5.

10. v. 16.

verum & quā homo, Rex Regum.

Nullum par huic beneficio cælitus nobis obuenire potest, quā vti Christus Dominus nos regat, & sua gratia tueatur aduersus tentationes, victoriam largiatur, peccatorum occasionem amoliatur, ad omnia virtutum officia lucat atque impellat, Diuini sui verbi, Sacramentorum atque inspirationum vbere copia pascat, & in rectam viam salutis æternæ dirigat, eiūque concinamus cum Propheta Regio:

*Dominus regit me, & nihil mihi deerit: in loco*

*asculi ibi me collocabit; & quæ sequuntur. Et*

*verum: Dominus illuminatio mea, & salus mea,*

*nem timebo?* Sub hoc Rege quis nolit mili-

are? quis laborem vllum recuset? aut de vi-

ctoria, & triumpho non speret? Rex est, qui

os Reges est creaturus, æternoque Regno re-

muneraturus, si in eius famulatu atque obse-

quio perseuerantes fuerimus; Regnum habet

æternale, quod tanti valet, quantum habes. Non

io iustius pretio comparatur, quā obedienti-

æ & humilitatis; vt qui se impensius hūc Chri-

sti causa deiecerit, atque humiliarit, in Dei re-

gno tanto amplius exaltetur ac glorificetur.

In Ps. 124  
v. 1. 2.

Ps. 116. v. 1.

Aug. in  
Ps. 49.

CA.





## CAPVT XXI.

## XII. PARADOXVM;

*Sapientem Deo parem, plenum gaudio, hilarem & placidum, inconcussum, cum Dijs ex pari viuere.*

Ep. 31.

Luc. 16.  
18.

**H**Oc est summum bonum, inquit Seneca, quod si occupas, incipis Deorum socius esse, non supplex. O blasphemam vocem! *Videbam Satanam sicut fulgur de celo cadentem*, blasphemias hasce in Stoicis euomentem; ex quo tamen authore superbix discendum, quantopere vitium hoc elationis sit formidandum. Non enim alio vitio Lucifer, & omnis reproborum Angelorum coetus è cælo in barathrum præceps actus est.

Aug. in  
ps. 139  
Expos. 3.

Quæritis quàm magnum sit hoc delictum, quod deiecit Angelum, quod ex Angelo fecit diabolum, ei que in æternum interclusit Regnum Cælorum? Magnum hoc delictum, caput, & causa omnium delictorum. Ad eum modum & primus parens, cum infeliciter elatus Dei similitudinem peruerse affectasset, serpentis astutiâ de paradiso deiectus est, vniuersamque stirpem suam perdidit,  
ac morti



e morti adiudicauit æternæ.

*Potentiam tuam, & iustitiam tuam usque in* Pl. 70.  
Serm. 21.  
*ltissima, qua fecisti magnalia: Deus quis si-*

*milis tibi? Dicam omni generationi super-* "  
*enturæ: de captiuitate, venisti, ad Adam* "  
*ertinebas; Omni homini nascituro: nihil* "  
*s per te, Deum inuoca, tua peccata sunt,* "  
*Dei merita sunt &c. In altis cæli sunt, in* "  
*tis Angeli sunt, &c. Tibi debent quod* "  
*int, quod viuunt, quod iuste viuunt, quod* "  
*eatè viuunt; ne putes hominem tantum* "  
*ertinere ad gratiam Dei. Quid erat Ange-* "  
*is antequam fieret? Quid est Angelus, si* "  
*ferat qui creauit? Et homo se extollit, &* "  
*per teneat ad primam captiuitatem, audit* "  
*repentem suggerentem: Eritis sicut dij.* "  
*homines sunt dij? Domine, quis similis* "  
*tibi? Non in abyſſo, non in inferno, non* "  
*terra, non in cælo: omnia enim tu fe-* "  
*cti. Quid contendit opus cum artifice? Deus* "  
*quis similis tibi? Ego autem, ait Adam, miser,* "  
*in Adam omnis homo. Cum volo esse per-* "  
*uersè similis tibi; ecce, quid factus sum, vt* "  
*captiuitate ad te clamem? Cui bene erat* "  
*Rege bono, captiuis factus sub seductore* "  
*alo clamo ad te, quia cecidi abs te.*

Ex ignoratione planè Dei nascitur hic ma-  
nimè fatuus error Stoicorum. Non erat eo  
fectu Sanctus Abraham Patriarcha, cum Gen. 19.  
18.  
eum supplex precaretur: *Quia semel cap-*  
*tuus ad Dominum, cum sim pulvis & cinis.*

Moses: *Quis similis tui in fortibus Domine?* Exod. 15.  
*Quis similis tui, magnificus in sanctitate terribi-* 11.  
*, atque laudabilis, faciens mirabilia? Iterum.*

34.6.7.

*Dominator Domine Deus, misericors & clemens, patiens, & multa miserationis, ac verax, qui custodis misericordiam in millia: qui aufers iniquitatem & scelera, atque peccata, nullusque apud te per se innocens est.*

2. Reg. 7.  
18.

*Rex David: Quis ego sum Domine Deus, & qua domus mea, quia adduxisti me huc usque? Quid ergo addere poterit adhuc David, ut loquatur ad te? tu enim scis servum tuum Domine Deus. Idcirco magnificatus es Domine Deus, quia non est similis tui, neque est Deus extra te, in omnibus qua audimus auribus nostris.*

c. 9.

*Denique S. Iob, innocens ac patiens Prophetas: Verè scio quod ita sit, & quod non iustificetur homo compositus Deo. Si voluerit contendere cum eo, non poterit ei respondere unum promille. Si iustificare me volueris, os meum condemnabit me; Si innocentem ostenderis, prauum me comprobabit. Etiam si simplex fuero, hoc ipsam ignorabit anima mea, & tacebit me vita mea.*

c. 4. 17.

*Nec verò improbandum, quod apud eundem S. Iob ait Eliphaz Themanites: Nunquid homo Dei comparatione iustificabitur? aut factore suo purior erit vir? Ecce qui seruiunt ei, non sunt stabiles, & in Angelis suis reperis prauitatem; Quanto magis hi qui habitant domos luteas, qui terrenum habent fundamentum consumuntur velut à tinea? Et Baldad Suhites: Nunquid iustificari potest homo comparatus Deo? aut apparere mundus natus de muliere? Ecce luna etiam non splendens, & stellæ non sunt munda in conspectu eius; Quanto magis homo putredo, & filius hominis vermis?*

Iob. 25. 4.

Non modo fatua; sed impia, & blasphemica, hæc est hominis cum Deo comparatio; c ad superbiam modò pertinet, sed ad theismum vergit Stoicorum hoc Paradoxum. *Ecce gentes quasi stilla situla, & quasi mentum statera reputata sunt: ecce insula quasi pulvis exiguus. Omnes gentes quasi non sic sunt coram eo. & quasi nihilum, & inane reputata sunt ei. Cui ergo similem fecistis Deum? nini deliro atque amenti, qui tibi sapiens etur, & de suâ stultitiâ quasi sapientiâ iissimè gloriatur.*

Quid est singularis quisque homo, si cum cersâ hominum multitudine, quotquot t, fuerunt, & erunt, omnino componatur? Id hæc multitudo vel ad vnum Angelum nis infimi, sed in immensum naturæ tantiâ, atque dignitate præcellentem? Id porro omnes Angelorum chori, omque hierarchiæ, cum Deo, omnium supreauthore, moderatore, conseruatore, ice, ac remuneratore? Quid homo apus Deo? *Domine n d est homo, quia in-*  
*sti ei? aut filius hominis, quia reputatus*  
*Homo vanitati similis factus est: dies*  
*sicut umbra prætercunt; Imò ipsa vanitas*  
*tatum. Vniuersa vanitas, omnis homo*  
*is. In imagine pertransit homo: sed & frustra*  
*rbatur &c. Et nunc qua est expectata io mea?*  
*Dominus? & substantia mea apu'te est.*  
omo comparatione Dei potius non esse,  
esse, dicendus est. Non enim est à se,  
eidenter, sed à continuo Deiconseruanluxu, vt lux à sole, dependet; si Deus  
Aa 2 manum

manum suam subtrahat, mox in nihilum suum relapsurus. Sed neque est permanenter, cum in continuo sit fluxu, decursu ac transitu temporis, quod præteritum iam effluxit, futurum nondum est, & semper incertum pendet, præsens momentum vix consistit. Punctum est, quod vivimus, & puncto minus. Tum ultima est creaturarum ratione videntium, confusio corpore hoc corruptibili & animo admodum imbecilli. Abyssus ærumnarum & miseriæ, quæ ex originali primæuo peccato tum in corpus, tum in animam redundarunt; in continuâ mutatione & perturbatione, circumscriptus certo loco, & tempore per exiguo definitus, bulla mox evanescens; qui vix quicquam possit, vix quicquam sciat, nihil omnino sine Deo opitulante; natus, & malignus, ad vitia omnia proclivis, infirmus & imbecillius, in tenebris, in erroribus, in peccatis, in miserijs. At Deus summus à se semper est independens, simplex, immutabilis, increatus, infinitus, immensus, æternus, omnipotens, omniscius, omniperfectus & bonus, sanctus, iustus, clemens, misericors, benignus, ac beneficus, supremus omnium Dominus, finis ultimus, seipso beatus omnesque creaturas sui capaces beatificans; Unus, non diuisus; Trinus, non solitarius. O qui sese, & illum Deum suum nosset! Nouerim te, nouerim me, Domine Deus meus!

Beatus quidem Franciscus noctes exhauriebat integras in hac oratione: *Quis enim es tu Domine Deus meus? Et quis ego seruulus tuus, abiectissimus terræ vermiculus?*

niculus? Alter quoque Franciscus, vt In-  
liarum Apostolatu, sic humilitate præ-  
clarus, cum pio vbereque fletu dicere con-  
uerat: Quam bonum habemus Deum?  
quanto opinione nostrâ meliorem! melio-  
rem omnino, infinito prorsus intervallo po-  
torem, maiorem, potentior, sapientio-  
rem, sublimiorem.

Ponunt Stoici discrimen aliquod in po-  
entiâ seu opulentiâ; quia Iupiter plus po-  
est polletque. Quamquam Senecæ inter duos <sup>Ep. 73.</sup>  
bonos non est melior, qui locupletior; non  
nagis quam inter duos, quibus par scientia  
egendi gubernaculum est, meliorem dixeris,  
ui maius speciosiusque naufragium est. Dein-  
de in diuturnitate: Iupiter quo antecedit vi-  
um bonum, diutius bonus est; quemadmo-  
lum ex duobus sapientibus, qui senior deces-  
sit non est beatior eo, cuius intra paucos an-  
nos terminata virtus est; sic Deus non vincit  
sapientem fælicitate, etsi vincat ætate. O de-  
irum Stoicum? sed vis culmen stultitiæ? est  
liquid quo sapiens antecedit Deum? ille  
naturæ beneficio, non suo sapiens est. Ecce  
es magna, habere imbecillitatem hominis,  
securitatem Dei; imò securitatem menda-  
cissimam Cacodæmonis. Enquàm ad Atheis-  
mum hæc æterno silentio obruenda paradoxa  
leducant.

Est quidem diuinitus infusa gratia, par-  
icipatio quædam diuinæ naturæ, per quam  
lius consortes efficimur, amici, filij, hære-  
les, ac prope pares, ordinis diuini, quæ

& ipsa paritas ac similitudo perficietur, ac cedente lumine gloriæ, ac beatificâ visione, quamquam cum infinito quodam interuallo, vt homo etiam beatus componi non possit Deo. Per gratiam Christi Domini plurimum animi, confidentiæ, ac certissimæ spei nobis accedit. Si quæ potest esse pax, tranquillitas, hilaritas, constantia, fortitudo, gratiæ Christi Domini potissimum ope nititur; vt vero aliquo, & pio sensu possint hæc Paradoxa homini Christiano conuenire; sed cum ab eo longissime abfuerit cogitatio omnis ac suspicio Stoicorum, velut absona, blasphema, & impietatis plena, ne sunt audienda quidem, nec ore proferenda.



CA.



## CAPV T XXII.

*Aduersus idem Paradoxum, maximè  
ab Exemplis Sacræ Scripturæ, &  
recentiore quodam illustri.*

**V**itam hanc gaudii plenam traduci non posse, hilarem, placidam, tranquillam, inconcussam, dijsparem, satis est, opinor, superius demonstratum. Qui tamen plura desiderat, S. Augustinum 22. de Ciuit. c. 22. legat, le miserijs ac malis, quibus humanum genus merito primæ præuaricationis obnoxium est, & à quibus nemo nisi per Christi gratiam liberatur; sequens item 23. de his, quæ præter illa mala, quæ bonis malisque communia sunt, ad iustorum laborem specialiter pertinent; Comperiet lamentandam hanc vitam densis ignorantiae tenebris circumseptam, à quibus nemo sine labore, dolore, timore liberari possit; prauæ concupiscentiæ morbis, languoribus, perturbationibus, mæroribus, desiderijs, ac gaudijs insanis oblitam, atque obsessam vndique; immuneris curis, sollicitudinibus, ærumnis, incommodis, ac periculis omni ex parte expositam; in perpetuam quadam internâ pugnâ, ac rixâ secum dimicantem; de futuro exitu semper incertam; gemere potius ac suspirare

rare debere, ad Deumque supplices preces fundere, quàm gaudere, ac libide pace, quæ nondum parta est, ac tranquillitate gratulari.

Sed eâ parte omisâ paradoxî, prior n agis etiam impia ac blasphema, quâ sapiens Stoicus Deo se parem censet, aliquot è S. Scripturâ petitis exemplis coarguenda est. Atque imprimis offert se Pharao Tyrannus Ægypti, cuius illud fuit ad Mosem arrogantia plenum responsum: *Quis est Dominus, ut audiam vocem eius, & dimittam Israel? Nescio Dominum, & Israel non dimittam*; adeoque fuit corde obdurato, ut tot inflictis plagis, quot in Exodo legimus, non flecteretur, dum denique primogeniti sui, & omnium in Ægypto primogenitorum cæde compulsus, dimisit Hebræos; sed mox eosdem prosequutus, cum omni exercitu aquis maris rubri submersus, atque inuolutus miserrimè periit. De Pharaone, aut Nabuchodonosore, & sub eius typo volunt Isaiam de Lucifero, primo reproborum Angelorum, fuisse vaticinatum; *Et tu vulneratus es, sicut & nos, nostri similis effectus es. Detracta est ad inferos superbia tua, concidit cadaver tuum; sub te et sternetur tinea, & operimentum tuum erunt vermes. Quomodo cecidisti de calo Lucifer, qui mane oriebaris? & quæ sequuntur.*

Consimilis in superbia fuit Princeps Tyri, de quo apud Ezech. *Hæc dicit Dominus Deus; Eo quod eleuatum est cor tuum, & dixisti: Deus ego sum, & in cathedra Dei sedi, in corde maris; cum sis homo, & non Deus, & dedisti cor tuum quasi cor Dei. Quæ sunt voces, inquit, Hieron. insipientium dæmonum &c. Eo quod eleuatum*



lenatum est cor tuum, quasi cor Dei: idcirco ecce ego adducam super te alienos, robustissimos gentium, &c.

Nabuchodonosor Assyriorum Rex, de quo Judith, 1. & 2. præceperat Holoferni, ut omnes Deos terræ exterminaret, ut ipse solus Deus diceretur ab his regionibus, quæ potuissent Holofernis potestati subiugari. Alter Nabuchod. apud Daniele: *Nenne hac est Babylon magna, quam ego ædificaui?* &c. mox lemens effectus, in belluam se commutatum opinatus, septennium pænas luit, ac denique recognouit Regem cæli; *Quia omnia opera eius vera, & via eius iudicia, & gradientes in superbia potest humiliare.* Eandem pænam superbiæ dedit Baltassar eius, filius à Dario Rege Medorum, regno pulsus ac necatus.

Sed nullum illustrius exemplum est, quàm Antiochi: de quo 2. Mach. 9. *Cum superbiâ repletus, ignem spirans animo in Iudæos, & diaciens accelerari negotium, contigit illum impetu vultum de curru cadere, & graui corporis collisione membra vexari: Isque qui sibi videbatur, etiam Iudæis maris imperare, supra humanum modum superbiâ repletus, & montium altitudines è statera appendere, nunc humiliatus ad terram, in gestatorio portabatur, manifestam Dei virtutem in semetipso contestans; ita ut de corpore impij, vermes caturirent, odore etiam illius, & fatore exercitus grauaretur; & qui paulò ante sidera celi contingere se arbitrabatur cum nemo poterat propter incoerantiam factoris portare. Hinc igitur capit ex graui superbiâ deductus, ad agnitionem sui venire, Divina admonitus plaga, per momenta singula dolori-*

*doloribus suis augmenta capientibus; & cum nec ipse iam factorem suum ferre posset, ita ait: Iustum est subditum esse Deo, & mortalem non paria Deo sentire. Overè iustam, ab ipsa equitate & veritate vocem expressam.*

AA. 12. 12

Herodes, postremus Iudææ Tyrannus, cum ad populum concionans acclamari sibi passus esset Dei voces, & non hominis; confestim ab Angelo percussus est, eo quod non dedisset honorem Deo, & consumptus à vermibus exspiravit. Observatum est, ex quo Isaac Commenus Constantinopoli cæpit imperare, penitus imperium istud Orientis concidisse, aut in certam ruinam præcepit iuisse, quod primus ipse suæ monete verba hæc: *Mihi debeo*, curasset inscribi; & ab alterâ fronte manum armatam exerto gladio deletâ Salvatoris imagine, & verbis illis: *Dei gratiâ*; quibus eius prædecessor Iôannes Chimisques in aureâ suâ moneta fuerat usus.

2. Theff.

2. 4.

9. Dan. 7.

&amp; 11.

Pluribus hic agere possim de Antichristi superbiâ, quise & Messiam, & Deum iactabit adorandum; de quo Apostolus: *Qui aduersatur & extollitur supra omne quod dicitur Deus, aut quod colitur; ita ut in templo Dei sideas ostendens se tanquam sit Deus.* Sed sufficerit vnius illius discipuli superbiâ insaniissimam in medium protulisse.

1. 2. de

tempo no-

uilli. C. 11.

Narrat P. Iosephus A Costa. In Regno Peruensî fuisse magni nominis Theologum, & Theologiæ professorem doctrinâ, ac pietate pænè tunc eius orbis oraculum. Is familiaritate mulierculæ cuiusdam, quæ se ab Angelo de magnis mysterijs edoceri iactabat, &

extra

extra se interdum rapiebatur, aut rapi simulabatur, velut altera Philumena aut Maximilla Montani, ita deuinctus est, vt illam de summis Theologiæ quæstionibus consuleret, illam haberet pro oraculo, ac Deo plenam prædicaret; maxime quod de se magna ac mira audiret, & maiora etiam speraret, illi se discipulum addixit, cuius Patrè spiritalem agebat. Atque èo tandem adductus est, vt & miracula facere tentaret, & fieri sibi persuaderet, cuius rei ne tenue quidem vestigium extaret.

Ob hæc, & quod aliquot ab ea Prophetissæ propositiones accepisset ab Ecclesiæ sensu alienas, iussus est comprehendì ab Inquisitoribus ideì, ac per quinquenniū ferè toleratus, auditus, examinatus, & denique deprehensus homo omnium superbissimus, & insanissimus. Cum Angelum sibi diuinitus datum, à quo quærellet omnia disceret, ac deinde summâ Dei ipsius familiaritate, ac colloctione fruitum, pertinaciter assereret, in eas ineptias ac nugas relapsus est, quas non nisi ab homine prorsus motæ mentis dici, quisque sibi persuadeat; tñ foret integerrimo sensu. Aiebat se Regem futurum, & summum Pontificem, Apostolicæ sede in ea regna delatâ, concessam sibi sanctitatem supra choros omnes cælestes Angelorum, &que Apostolos omnes; quin etiam oblatam ibi à Deo vnionem hypostaticam, sed ab se epudiatam; se Redemptorem orbis esse quoad efficaciam, quod Christus fuisset solūm quoad efficientiam. Statum omnem Ecclesiasticum brogandum. Leges alias se editurum, faciles, & apertas, quibus Clericorum cælibatus tolleretur,

retur, vxorum multitudo permetteretur, necessitas confessionis excluderetur.

Prætereo cætera eius deliramenta, mentisque obstinatissimæ duritiem ac peruicaciam, Cum adhibitis Theologis in disputationem biduo nihil esset profectum, & ad publicum spectaculum cum cæteris esset productus, vt fit in Hispania, cælum semper intuebatur, ignem in Inquisitores, & omnes grassaturum cælitus expectans, vt illierat pollicitus diabolus; sed illum interea Regem, Pontificem, Redemptorem, & nouum legislatorem insanissimum ex imo flamma corripuit, & in cineres redegit.

Ecce quid superbia possit in homine. Rectè monet A Costa. Nulla vis est veneni, nulla meri copiosi, nulla febris phrenetica, quæ sic statum mentis euertat, nulla medicatissima potio ita in furorem rapit, vt animo semel humano imbibita; superbia. Ea quæ per furorem superbiæ loquimur, cogitamus, agimus; humilitate sani admiramur, & erubescimus. *Ubi fuerit superbia, ibi erit & contumelia; ubi autem est humilitas, ibi & sapientia.*

PROP. II.  
V. 2.

CAPVT



## CAPVT XXIII.

## XIII. PARADOXVM;

*Sapientem omnia rectè facere, etiam  
digitum exserendo; sine peccatis  
esse.*

**I**N extrema semper abeunt errores & vitia; medium locum obtinet virtus & veritas, hinc inde vitijs atque erroribus inter se pugnantibus circumsepta. Stoici, Sapientem omnia rectè facere, sine peccatis esse, contendunt; Sectarij, hominem iustum nihil rectè facere, sed continenter peccare, idque lethalius, qui nullum inter lethale ac veniale peccatum discrimen agnoscant. Veritas Christiana est, multum inter peccata interesse, nec omnia hominis iusti opera esse peccata, sed multa rectè facta, nonnulla media, atque indifferentia naturæ officia, quæ nisi in altiore finem referantur, bonitatis moralis formam non induant, nec fructum ferant; plurima mala, & perperam facta, vel quod recto fine destituantur, nec eo possint honestari; vel quod aliæ desint conditiones, ex quarum omnium aggregatione bonitas moralis exsurgit.

Sunt mala, sunt bona, sunt media & mediocria multa. Stoicorum illud est: Ni tibi concessit

cessit ratio, digitum exere peccas. Non semper ratio grauioribus occupata curis de digito exereendo consultat, aut si consultata non concedit, ideo peccatum est, vituperatione dignum; aut si concedit, opus virtutis est, in laude habendum; sed naturæ officium, pro suâ conditione indifferens, bonum in genere naturæ, non in genere moris, cum ad nulum virtutis finem referatur.

Mirum si Stoicus nunquam, nisi consultâ ratione, digitum exerat. Haud leue sanè peccatum est tantum sibi arrogantis, ac de se presumptis superbiæ. De legalium obseruatione disputatum est, an certo quodam tempore, quoad cum honore sepulta foret Synagoga, cernerentur indifferentia, libere quæ à Iudæis vel seruari, vel omitti potuissent, asseuerante S. Augustino, negante S. Hieronymo: neque enim, ait, indifferentia sunt inter bonum & malum, sicut Philosophi disputant. Bonum est continentia, malum est luxuria, inter vtrumque indifferens ambulare, egerere alui stercore, capitis naribus purgamenta projicere, sputis rheumata iacere; hoc nec bonum, nec malum est: siue enim feceris, siue non feceris, nec iustitiam habebis, nec iniustitiam.

Cæterum ab eodem Hieron. & Augustino concorditer, ac crebrò confutatum dogma Stoicorum, pridem damnatum in Ioviniano, & Pelagio. Legi potest Augustinus, qui asserit vitam nostram esse posse sine crimine, non sine peccato. Crimen definit peccatum graue, accusatione & damnatione dignissimum, sine quo multos viuere, sed non sine peccato. Sunt  
venialia

enialia, sine quibus hæc vita non est. Et alibi. Hieron. in Ierem. 17. & tribus libris aduersus Pelagium. Chrysoft. Hom. 16. in Matth. & liij.

*Quis potest dicere: mundum est cor meum, purum à peccato? Delicta quis intelligit?* ait Sapiens Pro. 20. 9.  
Ps. 18.

iofter, Rex Dauid, in textu Hebraico, Ignorantias quis intelligit? vt ignorantiam opponat intelligentiæ, & doceat, si vitari peccata possint, quæ velex malitiâ, vel infirmitate, vel maligni dæmonis suggestionem committuntur; et difficillimè vitari quæ ex ignorantia, inconsideratione, ac surreptione.

*Ab occultis meis munda me: & ab alienis parce seruo tuo.* Hieron. vertit: Ibid.

A peruersis, superbis amicis (quas planè Stoici, & Sectarij) quorum colloquia raua corrumpunt bonos mores, quibus conuersari sine peccatorum contagione, difficile est. *Si mei non fuerint dominati,* per familiaritatem, Ibid.

*tunc immaculatus ero: & emunabor à delicto maximo,* superbiæ. *Et erunt ut complacent eloquia oris mei, & meditatio cordis mei in conspectu tuo semper, Domine adiutor meus,*

*& redemptor meus.* Adiuter in bonis, redemptor à malis. Et alio Ps. *Si iniquitates obseruaueris Domine; Domine quis sustinebit?* S. August. 129. 3.

Si nobiscum seuerus Iudex agere volueris, & non misericors Pater, quis stabit ante oculos tuos? Vitare possum homicidia, adulteria, rapinas, periuria, maleficia, idolatriam; nunquid & peccata linguæ? nunquid & peccata cordis? Sed dicis: minora sunt, minuta sunt, sine quibus esse non potest vita.

“vita. Congere minuta, & faciunt ingen-  
 “tem æceruum. Nam & grana minuta sunt,  
 “& tamen massam faciunt; & guttæ minu-  
 “tæ sunt, & flumina implent, & moles  
 “trahunt.

9. Conf.  
 13.

Idem S. Augustinus orans pro peccatis de-  
 functæ Matris suæ, S. Monicæ. Væ etiam  
 laudabili vitæ, si remotâ misericordiâ dis-  
 discutias eam; Non quod omne peccatum  
 naturâ suâ sit mortale, & Dei dumtaxat in-  
 dulgentiâ veniale, sed quod sine gratiâ &  
 misericordiâ Dei condonari non possit, etsi  
 in homine iusto facilem veniam mereatur;  
 & quod non rarò disponat ad mortale,  
 aditumque ei, ac viam patefaciat, nisi Dei  
 misericordia subueniat, & anteuertat.

8. eff. 6.

Quamuis singulâ seorsum peccata vitari  
 possint; non tamen omnia simul, & coniun-  
 ctim. Id proprium est Dei, impeccabilem  
 esse, qui solus ipse sua est norma, & re-  
 gula actionum; à quâ deficere nequit;  
 at creatura omnis ex nihilo condita, non  
 potest non deficere aliquando à suâ regulâ,  
 nisi speciatim à Deo dirigatur. Probat idem  
 Hieronymus 2. aduersus Pelagian. Non  
 possum, ait, ego facere à meipso aliquid:  
 sed sicut audio, ita iudico. Ariani obji-  
 ciunt calumniam; sed respondet Ecclesia,  
 ex persona hominis hæc dici, qui assumptus  
 est. Tu è contra loqueris: Possum sine pec-  
 cato esse, si voluero. Ille nihil potest ex se  
 facere, vt hominis indicat veritatem; tu  
 potes omnia peccata vitare, vt adhuc in  
 corpore



corpore constitutus *ἀντίθεον* te esse doceas.  
 Tridentinum igitur anathemate damnat eum,  
 qui dixerit hominem posse in tota vita pecca-  
 a omnia; etiam venialia, vitare, nisi ex spe-  
 ciali Dei priuilegio, quemadmodum de Beata  
 Virgine tenet Ecclesia.

Quod contra potest obijci Symbolum Hie-  
 ron. ad Damasum, in quo detestatur errorem  
 eorum, qui cum Manicheo dicunt hominem  
 peccatum vitare non posse, ex certis coniectu-  
 ris colligitur id Symbolum esse Pelagij ad In-  
 nocentium, Damasi successorem. Qui reci-  
 pere velit illud vt catholicum, cum Magistro  
 dicat, intelligi de lethalibus, aut singulis seor-  
 lum venialibus, non de omnibus vniuersim  
 peccatis. Verum vt hoc Paradoxum plenius  
 confutetur, nec inutilis, nec ingrata me hic vti  
 digressione lector beneuolus patietur.



B b

GA



## CAPVT XXIV.

*Contentio inter Principes Apostolorum,  
Petrum & Paulum, de obseruatione  
legalium agitata inter Principes  
Doctorum, Hieronymum & Augu-  
stinum, quâ ratione sit definienda.*

Al ann.  
Cris. 31.

**I**llustrissimus Annalium scriptor Baronius, quem viri docti sequuntur; contentionem hanc percelebrem prolixè disputatam apud S. Hieron. epistola 86. vsque ad 97. & S. August. epistola 8. vsque ad 19. nec ab illis comprehensam, nec rectè definitam opinatur.

D. Hieronym. Authoribus Græcis, quos profert Origene, Didymo, Apollinari, &c. quibus adiungi possunt Chrysostomus, Theodoretus, & ex Latinis Cassianus, inquit eam contentionem & reprehensionem factam ex composito, ac simulatè, vt per eam occasionem vterque Apostolus suæ Gentis, ac nationis, cuius erat Apostolus, ac specialem curam susceperat, Petrus Iudæorum, Paulus Gentilium, utilitati consuleret.

At D. August. sequutus Cyprianum, atque Paulinum titulo Ambrosij, remiserit gestam, & verè Petrum à Paulo reprehensum,  
& verè

et verè quoque peccasse Petrum asseuerat, ne  
 icamus Apostolum fuisse mentitum, ac vera  
 non scripsisse. Neutram, ait Baronius, sen-  
 entiam sequimur; nec eam rem simulatè ex-  
 omposito gestam; nec Petrum vel minimùm  
 peccasse. Nam si peccasset Petrus, peccasset  
 & Paulus, qui Timotheum ex Gentili Patre,  
 Matre Iudæa circumcidit, capillum sibi in  
 Nazareorum morem totondit in Cenchris,  
 purificauit se ingressurus in templum, ex Ia-  
 cobi consilio, ad gratiam Iudæorum conci-  
 liandam. Opus igitur externum in Petro  
 non erat reprehensione dignum. Interior in-  
 tentio soli Deo cordium inspectori patebat,  
 & ab eo diiudicanda erat; Superest igitur, vt  
 quoad consequutum effectum, quem mini-  
 mè D. Petrus intenderat, ac spectarat, repre-  
 hendi eius factum posset, nempe quod eo ex-  
 emplo summi Principis Apostolorum Genti-  
 les ad Iudaicos ritus prouocari, atque impelli  
 viderentur; quando quidem Barnabas, & alij  
 iam illud exemplum sequuti fuissent. Quare  
 si verè reprehendit Petrum Paulus, id fuit ta-  
 men absque villo Petri peccato: nam pruden-  
 tissimo consilio, & cum merito Petrus accom-  
 modauit se tempori, quemadmodum & ipse  
 Paulus. Antequam venirent Iudæi, vescebatur  
 cum Gentilibus, sed post veritus ne offende-  
 rentur, abstinuit; erat autem specialis Apo-  
 stolus Iudæorum, eorumque salutis specialem  
 curam habebat. At D. Paulo, Gentilium Apo-  
 stolo, visa est noxia Gentilibus, apud quos  
 maxima erat autoritas Petri, & non ferenda  
 ista dissimulatio; quare illum palā reprehendit.

AA. 16.  
 18. 21.

Bellum hic utrimque iustum, quis dixerit intercessisse; dum uterque Princeps Apostolorum suis maximè, quorum erat specialis Apostolus, Iudæis Petrus, Gentibus Paulus consulere nititur, eorumque salutem quàm maximè promouere. Non dixerim sanè factam ex compolito, ac simulatè contentionem hanc omnem ac reprehensionem, nec commoda videtur istiusmodi scripturarum, quæ sine fuco maximè sinceræ sunt ac simplices, interpretatio; nec magnam haberet vim huius rei præteritæ narratio, si nihil, nisi fictum, ac simulatum contineret. Sed illud tamen etiam dixerim, verè reprehensum Petrum à Paulo, scripturâ teste, quia verè erat reprehensibilis, ac verè peccabat, non quidem grauiter, & ex animi proposito, sed per incogitantiam, & inconsiderationem, quod eum effectum, qui consequutus est, non præiuderat, ac præcæderat.

Fuerunt quidem Apostoli festo Pentecostes in gratia confirmati, ne lethaliter ac grauiter peccarent, sed à quotidianis leuibusque peccatis non fuerunt immunes. *Si dixerimus*, inquit D. Ioannes, *quoniam peccatum non habemus; ipsi nos seducimus, & veritas in nobis non est*. Atque ut apertiùs constet, hanc contentionem bene comprehensam à SS. Doctoribus, Hieronymo, & Augustino, rectèque à S. Augustino definitam, ex commentarijs S. Thomæ Aquinatis in epistolam ad Galat. eius explicationem breuiter mutuabor.

Hæc igitur inter SS. Doctores controuersia quatuor in capitibus versabatur, ut ex  
eorum

rum scriptis haud obscurè colligitur. Primum de tempore legalium, quo vigeant, aut elierant. D. Hieronymus duplex assignabat, nūm ante Christi Domini passionem, quo legalia viua erant, & habebant vim suam; terum post passionem, quo non tantum mortua, sed & mortifera euaserunt, ut quicumque verè illa seruaret post passionem, lethalem culpam admitteret; quare

Petrum, & Paulum simulatè dumtaxat seruasse contendit. At D. Augustinus duplex assignat tempus; vnum ante passionem, & tum vguisse legalia; alterum post passionem proximè, sed ante promulgationem Euangelij, temporibus Apostolorum, in legalia mortua fuisse, non tamen morera Iudæis ad fidem conuersis, dummodo in eis spem non collocarent, nec necessaria ducerent ad salutem; nimirum ut inter Iudæos & Gentes ad fidem conuersos esset crimen, nec pari passu viderentur incere, ne quemadmodum hi ab Idololatriâ, à suæ Religionis ritibus illi viderentur ocari; ut pateret obseruationem legalium non fuisse malam, vti erat Idololatria. Erat, quit S. August. Mater Synagoga cum honore ad tumulum deducenda. Atque hoc est primarium caput, ex quo cætera deduntur; cum diceret S. Paulus, S. Petrum iure se reprehensum, ac verè peccasse, quod contra Gentilibus Iudaicè viueret, quo exemplo Gentiles ad Iudaicos ritus inducissent; quod si fecisset clanculum, id ei iisset. Reprehendit id Hieron. velut ad-

uerfantem Catholicæ fidei sententiam, licere Christianis inter Iudæos Iudaicè viuere. August. epistolâ ultimâ id restringit certo quodam limite temporis, nimirum Apostolorum temporibus; postea mortiferos eos ritus euasisse. Fuit ergo tempus, quo essent legalia velut media, & indifferentia, mortua; non tamen mortifera, cum sine peccato possent vsurpari, & omitti.

Secundum caput discordiarum, fuit de hac legalium obseruatione factâ ab Apostolis. Hieron. vult non fuisse veram, sed simulatam ad scandalum vitandum, non quod in eis vllam vim aut obligationem inesse crederent, sed ob alias causas, vt qui sabbato quiesceret ipsius quietis causâ, non sabbati seruandi; ab immundis escis abstineret valetudinis causâ, aut eorum horrore ciborum, non ad legis obseruationem. S. Aug. vult verè, non simulatè seruasse legalia, tametsi spem in eis non ponerent, nec existimarent necessaria ad salutem, seruabant tamen, quia ex Iudæis erant orti; & vt comprobarent, ante Christi passionem bonam ac sanctam fuisse legem. Non negarit tamen S. Augustinus, nihil omnino virium in ijs legalibus vtrumque Apostolum collocasse, cum scirent iam esse mortua, imò nunquam ex sese viua fuisse, seu (vt loquuntur) ex opere operato; sed dumtaxat ratione fidei ex opere operantis vim habuisse. Quare potius dixerim cum Hieronymo, vtrumque Apostolum per simulationem obseruasse legalia, cum scirent esse mortua,

mortua, & breui euasura mortifera; facilius autem admittitur in factis, quam in verbis simulatio, quòd illa latius pateant, multiplicesque habeant vsus & fines; hæc ad mentis conceptus exprimendos sint dumtaxat instituta, nec ad alium finem referantur.

Tertium caput de hoc Petri facto, quod narrat ad Galatas, & ait Hieron. D. Petrum in ea simulatione non peccasse, quia hoc fecit ex charitate & non timore mundano. August. cum peccasse venialiter, ob indiscretionem; nimis inhærendo huic parti Iudæorum, ad vitandum eorum scandalum; quod nocuum Gentilium non præuidisset, ac præcauisset. Atque hæc præferenda videtur S. August. sententia, tanquam veritati & Apostolo conformior. Nam ex Authoribus, quos allegat S. Hieron. præcipui hæreseos nota sunt affecti, mendacijque propugnatores habentur, inter quos Cassianus apertè coll. 17. post Origenem. At Augustini sententiam, præter Cyprianum, & Ambrosium, seu Paulinum commentatorem, eius titulo, tenet etiam Tertullianus l. 5. contra Marcionem c. 3. quam & sequuti sunt Gregorius 28. moral. c. 12. & hom. 18. super Ezech. Agapetus Papa epistola ad Iustinianum Imperatorem, quæ extat apud Baronium anno 535. Si nefas dicere est, quidpiam falsum in scriptura contineri, nefas est dicere, Petrum non fuisse reprehensibilem, quod disertè asserit D. Paulus.

Quartum caput discordiæ de Pauli reprehensione

hensione, Hieron. vult fuisse simulatam, ex conditio, non veram: sicuti & in Petro simulatam fuisse legalium obseruationem. August. vult, & Petrum verè obseruasse legalia (quamquam in eis spem non poneret) & Paulum quoque verè eum reprehendisse, non simulatè; Petrum peccasse, quod non prauidisset consequuturum scandalum Gentilium. Ac tametsi Petro foret inferior Paulus, licet tamen quandoque subdito superiorem officij sui commonefacere, & publicè reprehendere, cum publicè peccat, idq; aliorum cõmunis utilitas exigit. Licebat Iudæis, aut Christianis ortis ex Iudæis, aliquantisper vsurpare ritus Iudaicos, quoad cum honore sepulta esset Synagoga; sed præcauendum erat, ne Gentiles ad eorum obseruationem induci viderentur; cum iam ab Apostolis decretum esset in Concilio Hierosolym. eos minimè teneri, eiusque decreti Princeps extitisset Apostolus Petrus. Neque verò Iudæos latere poterat, Petrum iam antea cum Gentilibus edisse: non enim id secretò factum erat; quare quod ab eorum conuictu post abstineret, id per imprudentiam, & inconsiderationem factum videbatur, ob eamque causam meritò reprehensus fuit à Paulo, qui Gentilium salutem magno zelo prosequabatur.

Iam verò Hieronymus admonet, se, quæ in commentarijs congerit, solere ex aliorum magis, quàm suâ sententiâ facere, & tamen hanc sententiâ, vti maximè probabilem tueretur, quod existimaret, mox à Christi passione legalia mortua, & mortifera euasisse; sed post  
in S.



in S. Augustini sententiam concessit, vt notat ipse Sanctus Augustinus epistolâ 260. ad Oceanum, & colligitur ex lib. 3. Hieronymi contra Pelagianos, capite 8. quo loco inter alia testimonia de scripturis, quibus docet, sanctos non caruisse peccatis, & nullum Episcopum esse prorsus irreprehensibilem, etiam de Petro profert exemplum; Si ipse Apostolus dicat de Petro, quod non recto pede incesse- rit in Euangelij veritate, & in tantum reprehensibilis fuerit, vt & Barnabas adductus fuerit in eandem simulationem; quis indignabitur id sibi denegari, quod Princeps Apostolorum non habuit?

Colligitur & ex libro 3. Apologiae aduersus Rufinum eodem tempore scriptæ, cum dixisset Apostolos saluis amicitijs inter se dissensisse, pro exemplis adducit, Paulum & Barnabam stomachatos, propter Ioannem cognomento Marcum; eundemque Paulum, qui in faciem Cephæ restitit, quod non recto pede incesse- rit in Euangelio, quem tamen precessorem suum, & columnam Ecclesiæ vocat; quod de verâ & seriâ reprehensione, ac contentione debet intelligi. Quâ in rem agnoscere nobis S. Hieronymi modestia, humilitas, animique demissio commendatur. Non enim contentiosè egit, aut pertinax fuit in suâ tuendâ sententiâ, quin in alteram S. Augustini manibus pedibusque concederet.

At verò D. Petri humilitas iure merito ab omnibus Ecclesiæ Doctoribus summis laudibus effertur; de qua D. Cyprianus ad Quintum. Ep. 71.

Gal. 2.

um. Nam nec Petrus, quem primum Dominus elegit, & super quem ædificauit Ecclesiam suam, cum secum Paulus de circumcissione postmodum disceptaret, vindicans sibi aliquid insolenter, aut arroganter, assumpsit ut diceret se primatum tenere, & obtemperarià nouellis, & posteris sibi potius oportere; nec respexit Paulum, quod Ecclesiæ prius persecutor fuisset, sed consilium veritatis admisit, & rationi legitimæ, quam Paulus vindicabat, facile consensit. Decuit ea summum Ecclesiæ Pastorem humilitas, pulchreque ait S. Augustinus in commentario; quod erat obiurgatore suo ipse qui obiurgabatur mirabilior, & ad imitandum difficilior; & epistolâ 19. ad Hieronymum: Multò mirabilius est, & laudabilius, lubenter accipere corrigentem, quàm audacter corrigere deuiantem. Et D. Gregorius hom. 18. in Ezech. inter alia, quæ forent hic adscribenda: Tacuit Petrus, ut qui primus erat in Apostolatus culmine, primus esset in humilitate. Hac igitur digressionem, confutatum aperte manet Stoicum paradoxum; Sapientem rectè omnia facere, sine peccato esse. Accedat tamen ad cumulum eximij Doctoris Ecclesiæ, S. Augustini singularis humilitas.



## CAPVT XXV.

*De S. Augustini, summi Ecclesiæ Doctoris, eximiâ humilitate.*

**P**Ræclarum illud est testimonium eximiæ <sup>Ep. 8. ad</sup> doctrinæ S. Augustini, quod à Celestino <sup>Ep. Gall.</sup> S. Pontif. perhibetur; Augustinum sanctæ recordationis virum, pro vitâ suâ atque meritis in nostrâ communione semper habuimus, neque vniquam hunc sinistrae suspicionis saltem rumor adpersit; quem tantæ scientiæ olim fuisse meminimus, vt inter magistros optimos, etiam ante à meis decessoribus, haberetur. Bene ergo de eo omnes in commune senserunt, vtpote qui vbique cunctis & amoris fuerit, & honori; vnde resistatur talibus &c.

Presbyteri quidam erant Galliæ, quos inter Ioannes Cassianus cognomine Collator, qui S. Augustini scriptis aduersus Pelagium detrahebant, dumque Pelagium ab Ecclesiâ damnatum tueri non auderent, eius tamen hæreses clam, adhibitâ, vt sibi videbatur, quâdam moderatione, propugnabant; qua de causâ semi-pelagiani sunt appellati; de quibus cum ad S. Augustinû scripsissent S. Prosper Aquitanus, & Hilarius Arelatensis; eorum impulsu S. Augustinus conscripsit celeberrimos illos libros,

broſ, quibus planè conficeretur hæreſis Pelagiana; quorum alterum inſcripſit de Prædeſtinatione Sanctorum, alterum de bono perfeuerantiæ; ad cuius calcem hæc habet: Qui legunt hæc, ſi intelligunt, agant Deo gratias; qui autem non intelligunt, orent ut ille ſit doctor interior, à cuius facie eſt ſcientia, & intellectus. Qui verò errare me exiſtimant, etiam atque etiam quæ ſunt dicta conſiderent, ne fortassis ipſi errent; ego autem, cum per eos, qui meos labores legunt, non ſolum doctior, verùm & emendatior ſio, propitium mihi Deum agnoſco, & hoc per Eccleſiæ Doctores magis expecto, ſi & in ipſorum manus veniant, dignenturque noſſe quæ ſcribo.

Ad ann.  
Chri. 426.

De qua conteſtatione Baronius: Digna quidem S. Auguſt. modèſtia, animique eius admirabili cum ſubmiſſione verecundia, ut planè, niſi aliundè, ex his ſaltem intelligere valeamus, aſſatum ipſum Diuino Spiritu illa ſcripſiſſe; cum non ſuper alium, quàm ſuper humilem requieſcat Dei Spiritus, & Sapientia Dei pudica ſit &c.

Apud eundem Baron. legere eſt, quanta modèſtia & obſeruantia D. Hieronymum conſuluerit S. Auguſtinus, de origine animarum, alijsve quæſtionibus, quantum illi detulerit, quàm de ſe ſubmiſſè ſenſerit præ illius, quam ſuſpiciebat, cruditione; quamquam & Hieronymus plurimum S. Auguſtino tribuerit, atque cum eo in hac ipſa modèſtia, atque humilitate certarit; quæ, ne longior ſim, referre prætermitto.

Illuſtriora demiſſionis animi, ac Chriſtianæ humili-

humilitatis S. Augustini testimonia proferri posse non arbitror, quàm libros Confessionum, ac Retractationum, ab eo summa cura elaboratos, in quibus & publicare peccata sua, & quæ minus accuratè aut rectè scripserat, palam reuocare, ac retractare non erubuit. Verosimile est libros Confessionum, rogante Sancto Paulino, aut alijs amicis, qui vitæ eius historiam expetierant, conscriptos fuisse; qua occasione peccatorum suorum publicam sibi putauit edendam confessionem, vt tantò magis Dei laus eluceret, peritissimè, & optimè Medici, qui eum à tam graui, & inueterata percurrasset ægritudine.

De his 2. Retract 6. Confessionum mearum, inquit, libri, & de bonis, & de malis meis Deū laudant iustum, & bonum, atque in eum excitant humanum intellectum, & affectum; interim, quod ad me attinet, hoc in me egerunt cum scriberentur, & agunt cum leguntur. Id sanè agunt & in me, & in alijs, quos hodieque proferre possim.

In libris Retractationum concinnandis complures annos posuit, & cum alia ex alijs orta impedimenta, laborem eum interturbarent, denique id cæpit consilij, vt Episcopatus administrationi renuntiaret, eamque curam omnem in Eradium Presbyterum, quem sibi successorem de consensu Cleri, populi que delegerat, publicis actis transmisit; quæ quidem acta publica etiãnum extant, eaque in suos transtulit annales Baronius. Nemo ergo inuideat otio meo, quod magnum habet negotium. Si mihi Deus, quod volo præstiterit,

Ad ann.  
Chr. 416.

vt om-

“ vt omnium librorum meorum, quæcumque  
 “ mihi rectissimè displicent, opere aliquo ad  
 “ hoc ipsum instituto, colligam, atque demon-  
 “ stre; tunc videbunt omnes, quàm non sim ac-  
 “ ceptator personæ meæ. Neque morum, ne-  
 que doctrinæ dissimulauit errata; sed eorum  
 publicam edidit confessionem, vt Dei sui laus  
 tantò esset illustrior, etsi cum aliquâ suâ con-  
 fusione coniuncta.

Proximus sanè in commendandâ Dei gra-  
 tiâ locus à S. Paulo Apostolo, debetur huic  
 summo Ecclesiæ Doctori, qui tot insignes  
 aduersus Pelagium libros conscripsit de gra-  
 tiæ Diuinæ necessitate. Atque eius illa re-  
 prehensa à Pelagio, summâ laude digna est  
 humilis precatio, quæ & decimo l. Confes-  
 sionum habetur c. 29. Et tota spes mea non  
 nisi in magnâ valde misericordiâ tuâ, Domi-  
 ne Deus. Da quod iubes, & iube quod vis.  
 Imperas nobis continentiam &c. De quâ pre-  
 catione D. Augustinus l. 2. de dono perseue-  
 rantiae c. 26. In ijs libris Confessionum certè  
 dixi Deo nostro, & sepe dixi: Da quod iubes,  
 & iube quod vis. Quæ mea verba Pelagius  
 Romæ, cum à quodam Coëpiscopo nostro  
 fuissent eo presente commemorata, ferre non  
 potuit, & contradicens aliquanto commotius,  
 pænè cum eo, qui illa commemorauerat, li-  
 tigauit.

Cum ab eo Donatistæ conuicti, causa relicta  
 ad priuatam eius accusationem & criminatio-  
 nem se conuerterent, quanta cum modestia,  
 reuocat eos ad causam! Loquantur aduersus  
 nos quicquid volunt, nos diligamus illos, &  
 nolentes.

volentes. Nouimus enim, fratres, nouimus, linguas eorum; propter quod eis non irascamur, patienter ferte nobiscum: vident enim in causâ se nihil habere, & linguas conuertunt in nos, & incipiunt de nobis dicere mala, multa, quæ sciunt, multa quæ nesciunt; quæ sciunt, præterita nostra sunt. Fuimus enim aliquando (sicut dicit Apostolus) stulti, & increduli, & ad omne opus bonum reprobî, in errore peruerso, desipientes, & insanientes fuimus, non negamus; & quantum præteritum nostrum non negamus, tantò magis Deum, qui nobis ignouit, laudamus.

In Ps. 36.  
tract. 3. im  
fine.

Ad Tit. 1.

Quid ergo, Hæretice, dimittis causam, & is ad hominem? Quid enim ego sum? Quid sum? Nunquid Ecclesia Catholica ego sum? &c. sufficit mihi, vt in ea sim. Vituperas mala mea præterita; quid magnum facis? Seuerior sum ego in malo meo, quàm tu. Quod tu vituperasti, ego damnaui. Vtinam velles imitari, vt error tuus fieret aliquando præteritus! Ista sunt mala præterita quæ nouerunt, maxime in ista ciuitate: hic enim malè viximus, quod ego confiteor; & quantum gaudeo de gratia Dei, tantum de meis præteritis timeo.

Quid dicam? dicam doleo? dolerem, si adhuc sic essem: sed quid dicam? Gaudeo? nec hoc possum dicere: vtinam enim nunquam fuisset; quicquid tamē fuit, in nomine Christi præteritum est. Quod autem modò reprehendunt, non norunt. Sunt adhuc, quæ in me reprehendant; sed tamen multum est ad illos, vt hoc nouerint: multa enim ago in cogitationibus

- „ tionibus meis, pugnans aduersus malas sugge-  
 „ stiones meas, & habens conflictationem diu-  
 „ turnam, & prope continuam vim cum tenta-  
 „ tionibus inimici subuertere me volentis. Ge-  
 „ mo ad Deum in infirmitate mea. Nouit quid  
 „ parturit cor meum ille, qui nouit partum  
 „ meum. Mihi autem minimum est, vt à vobis  
 „ diiudicer, aut ab humano die, ait Apostolus;  
 1. Cor. 4. sed neque ego me ipsum iudico: melius enim  
 „ me ego noui, quàm illi; sed melius Deus;  
 „ quàm ego. Quæ sequuntur ad eandem vir-  
 „ tutem humilitatis pertinent. Verùm & ex  
 „ alijs locis nonnulla delibemus.  
 „ Ad finem expositionis psalmi 66. ad popu-  
 „ li, opinor, acclamationes: Sæpe diximus Cha-  
 „ ritati vestræ: prædicare veritatem nihil est,  
 „ si cor à lingua dissentiat: & audire verita-  
 „ tem nihil est, si non auditionem fructus se-  
 „ quatur. De isto loco quasi sublimiore loqui-  
 „ mur ad vos; quàm simus autem timore sub  
 „ pedibus vestris, Deus nouerit, qui propitius  
 „ fit humilibus; quia non nos tam delectant  
 „ voces laudantium, quàm deuotio confiten-  
 „ tium, & facta fectorum. Et quàm non de-  
 „ lectemur, nisi profectibus vestris; in istis  
 „ autem laudibus quàm periclitemur, ille no-  
 „ uerit, qui nos ab omnibus periculis liberet,  
 „ & nos vobiscum ab omni tentatione saluatos  
 „ in regno suo cognoscere, & coronare dignetur.  
 1a P. 116 Ideo altior locus positus est Episcopis, vt  
 „ ipsi superintendant, &c. De isto vltimo loco  
 „ periculosè redditur ratio, nisi eo corde ste-  
 „ mus hîc, vt humilitate sub pedibus vestris  
 „ simus



simus, & pro vobis oremus, vt qui nouit  
mentes vestras, ipse custodiat.

Eia, Fratres, si volumus sub vmbra alarum  
Dei custodiri, simus Israel: custodimus enim  
vos ex officio dispensationis, sed  
custodiri volumus vobiscum. Tanquam  
vobis pastores sumus, sed sub illo pastore  
vobiscum oues sumus; tanquam vobis ex hoc  
loco Doctores sumus; sed sub illo vno Magi-  
stro, in hac schola vobiscum condiscipuli su-  
mus. Si volumus custo-  
diti ab illo, qui hu-  
miliatus est propter nos, & exaltatus ad cu-  
stodiendos nos, humiles simus. Nemo sibi ar-  
roget aliquid, nemo habet aliquid boni, nisi  
ab illo acceperit, qui solus bonus est. Qui  
autem sibi voluerit arrogare sapientiam, stul-  
tus est; sit humilis, vt veniat sapientia, & il-  
luminet illum. &c.

Ipse donet, vt dicam quod sentio; feliciores  
sunt qui audiunt, quam qui loquuntur: qui  
enim discit, humilis est; qui autem docet,  
laborat vt non sit superbus, ne malè placendi  
affectus irrepat, ne Deo displiceat, qui vult  
placere hominibus. Magnus tremor est in do-  
cente, fratres mei, magnus tremor est noster  
in his vocibus nostris. Credite cordi nostro,  
quod videre non potestis, scit ipse qui intes-  
cat nobis, qui propitius sit nobis, cum quan-  
to sub illo tremore ad vos loquimur, cum au-  
tem ipsum aliquid suggerentem, & docentem  
intus audiuius, securi sumus, securi gau-  
desamus: sub Magistro enim sumus, illius glo-  
riam quærimus, illum docentem laudamus,  
C c delectat

“ delectat nos veritas eius intus, vbi nemo fa-  
 “ cit, vel audit strepitum.

“ Explicans illud: *Super montes stabunt aquæ.*  
 “ An ad præteritum diluuium pertineat? Ani-  
 “ maduertimus sæpe Prophetas præterito tem-  
 “ pore verborum dicere, quæ futura sunt; in  
 “ figurâ autem futuri dicere præterita, non  
 “ facile occurrit legenti, non audeo dicere, non  
 “ est; sed certè studiosis earum litterarum in-  
 “ dixerim, quid quærant? si inuenerint, & ad  
 “ nos attulerint, gratulabimur adolescentium  
 “ studijs otiosorum occupatisenes, & ex eorum  
 “ ministerio & nos aliquid discimus: non enim  
 “ dedignabimur, quoniam Christus de omni-  
 “ bus docet.

24 q. 3.  
 si habes.  
 Ep. 73.  
 Aux. Ep.

“ Cui planè congruit, quod inter canones de  
 “ eodem refertur. En adsum senex, à iuvene  
 “ Episcopo, & Episcopus tot annorum, à  
 “ Collega nondum anniculo paratus sum dis-  
 “ cere. Vtinam me Dominus Deus meus inter  
 “ illas qualescumque nubes ministrare digne-  
 “ tur. Viderit quàm nebulosa nubes sim.  
 “ Nubes ista, quæ vobis loquitur, innalida  
 “ est ad omnia ista exponenda. Notum est  
 “ omnibus, quia de pane, quem accipimus,  
 “ & quem erogamus, reddituri sumus ratio-  
 “ nem; cogimur annuntiare eum, qui nemi-  
 “ nem timet: ipse Dei sermo neminem ti-  
 “ met.

l. 2. de bo-  
 no perfe-  
 uerantiæ.  
 c. 21.

“ Ad extremum, veluti sigillum apponam,  
 “ quod senex scripsit: Propterea nunc facio  
 “ libros, in quibus opuscula mea retractanda  
 “ suscepi, vt nec meipsum in omnibus securum  
 “ fuisse

uisse demonstrum; sed proficienter me ex-  
 timo, Deo miserante, scripsisse: non ta-  
 nen à perfectione cœpisse; quandoquidem  
 rogantiùs loquor, quàm veriùs, si vel  
 nunc dico me ad perfectionem sine vllò erro-  
 re scribendi, iam ista ætate, venisse; sed  
 interest quantum, & in quibus rebus &  
 erretur, & quàm faciliè quisque corrigat,  
 vel quantâ pertinaciâ suum quisque defen-  
 dere conetur errorem; bonæ quippe spei  
 est homo, si cum proficientem dies vlti-  
 mus vitæ huius inuenerit, vt adijciantur  
 ei, quæ proficienti defuerunt, & perficien-  
 dus quàm puniendus potius iudicetur. Hec  
 planè S. Doctore dignissima, & hisce Stoi-  
 corum superbis paradoxis, refutandis ac-  
 commodatissima.





## CAPVT XXVI.

## XIV. PARADOXVM;

*Sapientes soli inter se amici; soli  
amare gnari.*

Ep. 11.

**S**olus sapiens scit amare, solus sapiens amicus est, ait Seneca; quâ de re pluribus Epictetus dissertatione propriâ; & Quintilianus declam. 182. Iungit amicitias similitudo morum. Nescio quomodo inter se animorum lumina vident, & agnoscunt; nec quisquam amare in altero potest, nisi quod tacitus probat.

Lælius apud Ciceronem: Hoc primum sentio, nisi in bonis amicitiam esse non posse; neque id ad viuum rescio, ut illi qui hæc subtilius disserunt, fortasse verè, sed ad communem vtilitatem parum: negant enim quemquam virum bonum esse, nisi sapientem; sit ita sanè, sed eam sapientiam interpretantur, quam adhuc mortalis nemo est consequutus; nos autem ea quæ sunt in usu, vitaque communi, non ea quæ finguntur, aut optantur, sperare debemus. Si sibi congruere velint Stoici; ut nemo vir bonus, nemo sapiens adhuc repertus; nemo quoque verè amicus. At cum in multis celebretur amicitia, virtus quoque.

quoque ac sapientia multis inesse censenda est. Fundamentum amicitiae honestae ac laude dignae, communicatio virtutis & honestatis in pluribus qui eam possident, aut ad eam aspirant, esse debet. Inde mutui amor, mutuaeque benevolentia. Neque tantum amicitiae virtus conciliatrix & auctrix existit, sed & ipsa virtutum adiutrix est amicitia; ut quoniam solitaria non posset virtus ad ea quae summa sunt peruenire, coniuncta & consociata cum altera perueniret. Inde tantam habet vim ad coniungendas amicitias, morum ac studiorum similitudo; & (ut est in Proverbio) Pares cum paribus facillime congregantur; & aequalitate animorum constat amicitia, definiturque esse nihil aliud, nisi omnium diuinarum humanarumque rerum, cum benevolentia & charitate, consensio.

Pythagoras primus dixit, Amicorum omnia esse communia; & amicitiam aequalitatem esse; quod ultimum Isidorus Pelusiotus sic expressit, ἰσότης, φιλότης. Aristoteles interrogatus: Quid esset amicus? respondit; Vna anima duobus corporibus inclusa. Sidorius; Animae duae, animus vnus.

Verum, cum Philosophi nunquam attigerint, ne tenui quidem suspitione, vim Diuinæ & infusæ charitatis; nunquam item illis in mentem venire potuit caelestis amicitia, quæ nobis cum Deo, & propter Deum cum proximis intercedit, fundata in communicatione donorum gratiæ, & participatione quadam Diuinæ naturæ. Longissimè sanè abfuerant

ab hoc affectu Diuinæ charitatis, qui sine omni affectione esse studebant, ac sibi apatheiam pro scopo felicitatis ac sapientiæ, proposuerat.

Iam, an Sapiens plus seipsum, quam amicum, amare ac benevolentiam prosequi deberet; an tantumdem amicum, quantum seipsum; aut omnino quis ordo in charitate & amicitia seruandus foret, ignorarunt. Cato de Stoicis apud Tullium; Amicitiam autem adhibendam esse censent, quia sit ex eo genere, quæ profunt; quamquam in amicitia alij dicant æquæ charam esse Sapientiam rationem amici, ac suam; alij autem, sibi cuique chariorem suam: tamen hi quoque posteriores fatentur, alienum esse à iustitia, ad quam nati esse videamur, detrachere quid de aliquo, quod sibi assumat.

In ijs quæ pertinent ad animæ salutem, ac cum Deo coniunctionem, sua cuique debet esse potior ac charior ratio, quam amici; at si de temporali quopiam emolumento agitur, præferenda cuius nostro commodo proximi salus. Sed quæ Theologi de charitatis ordine documenta tradunt prolixiora, & passim obuia, persequi hic necesse non est.

Neque verò tantum bonos, & amicos benevolentiam prosequuntur boni; sed etiam propter Deum inimicos, qui sunt naturæ nobis communione coniuncti, fortè & religionis, aut aliâ speciali societate: sed illa diligendi causa iustissima est, quod Deus id imperarit ac commendarit, omnesque homines, quoad naturam & spiritualium donorum capacitatem, ad Deum pertineant; quod  
à Deo

à Deo creati, Christi Sanguine redempti, & illius per gratiam, si reconcilientur, compotes, amici, filij, & hæredes aliquando futuri.

Porro, quæ potest amicitia huic præponi aut conferri, quæ cum Deo nobis intercedit, summo eius beneficio, quando nos illâ non dedignatur immerentes? Quis amicior, quàm Christus Dominus, qui nobis seipsum tot modis est elargitus? Qui Deum habet amicum, omnes eius Aulicos, Sanctos Homines atque Angelos habet amicos. Quâ beneuolentiâ nos Deus absq; vîllo merito prosequitur, eâdem ac pari nos illi prosequuntur.

Iam, qui Deum amat in omnibus proximis, omnesq; in Deo germanâ charitate complectitur, quid alios vltra desideret amicos? Non ille quidem quemquam oderit, ablit; sed Deo, Deiq; beneuolentiâ & amicitia contentus, nihil magnopere amicorum præsidia, solatia, societatem, ac consuetudinem requirit, nisi ad eum ipsum finem, vt sese Deo suo arctius adiungat, atque obsequatur impensius.

Sanè ex Stoicorum disciplinâ, quid Sapienti opus est amicitia; cum sit se ipso contentus? cum nec eum amici bonis ac commodis exhilarari, nec incommodis & aduersis rebus commoueri patiantur? At Diuina charitas Deo contenta, Deiq; donorum innixa communicatione, neminem respuit amicum; sed omnes, inimicos etiam, beneuolentiâ suâ complectitur, omniumq; commodis studet, bonis exhilaratur, malis affligitur, omnesq; rerum euentus ad vnum denique

Deum refert, ad eius obsequium & gloriam, quæ ex hominum salute ac perfectione redundat: nam qui perfectè amat, non nisi vnum amare potest; & vt præclare S. August. Minus Domine te amat; qui tecum aliquid amat, & non propter te amat.

O qui flagraret hoc zelo Diuini amoris & honoris in omnibus proximis amplificandi! O qui nihil, nisi eorum salutem respiraret, agnitâ in ijs Diuinâ imagine, quam in primâ Deus formauit origine, quamque peccato deformatam Christus Dominus suo cruore reformauit! qui creatas ac redemptas à Christo animas sincerâ charitatē diligeret! quantos ille in dies in amicitia Diuinâ progressus faceret! quam eius eximijs fructibus potiretur! quantis solatijs, ac gaudijs cælestibus illi pectus exundaret!

De amore adolescentum, quo Philosophi tenebantur, & de quo tam sæpè differebant, vel meminisse ac cogitare turpe est. Hieronymus in illud Isaïæ: *Et pueris alienis adhaeserunt*. In tantum autem Græci, & Romani hoc quondam vitio laborauerunt, vt & clarissimi Philosophorum Græciæ haberent publicè concubinos; & Hadrianus Philosophiæ artibus eruditus, Antinoum consecrarit in Deum, templumque ei, & victimas, & sacerdotes instituerit, & ex eo Ægypticiuitas, ac religio nomen acceperit. Inter scorta quoque in fornicibus spectaculorum pueri steterunt publicæ libidini expositi, donec sub Constantino Imperatore, Christi Euangelio coruscante, & infidelitas vniuersarum Gentium



tium, & turpitudō deleta est.

De vulgari humanaque amicitia, rectè Lælius apud Tullium; nihil esse difficilius, quàm eam vsque ad extremum vitæ diem permanere: nam, vel vt non idem expediret vtrique, incidere sæpè; vel vt de Republicâ non idem sentirent; mutari item mores hominum, vel aduersis rebus, vel ætate ingrauescente; dirimi certè contentione commodi alicuius, quod idem adipisci vterque non posset, idque in optimis quibusque, si in honoris & gloriæ certamen incidissent.

Quamobrem, esto, optimos quosque Stoicos interpretemur; tamen inter eos diuturna nunquam ac firma coalescet amicitia, quos ipsa disciplina contentionis audaces, sententiæ suæ tenaces, peruiaciac, & obstinatæ sui fiduciæ plenos efficit; quos honoris & gloriæ summa quædam ambitio, non in vitio, sed in laude apud eos habita, diu noctuque æstimulat, vt nec parem, nec superiorem ferant, hæc eadem amicum constantem habere non sinit.

Quare non tam capitalis amicitia pestis est auaritia aut luxuria, quàm superbia, honoris ac gloriæ cupiditas, aut (vt à nostris definitur) excellentiæ ac præminentia appetitus, qui neminem sibi vel anteponi vel æquiparari patiatur.

*Inter superbos semper iurgia sunt.* Cum igitur tota superbiæ sit addicta Stoica disciplina, nulla magis, quàm illa, repugnat amicitia. Accedit, quod superbiæ comes inuidia est, vt pluribus edisserit S. August. Inde solum puni-

Prom. 135  
v. 10.

punica,

S. Aug. in  
ps. 38.  
cap. 2.

410

## DE CHRISTIANA

puniendus est diabolus, quia sola superbia lapsus est: & ideo inuidet stanti, quia comes superbix inuidentia. Adde, quod omnis superbus, fictus est & mendax.

Vt amicitiam conciliat charitas, adeoque ipsa charitas amicitia est, comes autem charitatis, est humilitas; ita discordix mater & odij progerminatrix, est superbia. Humilitas Dei comprimis ac Beatorum, tum ceterorum quoque mortalium conciliat animos, mutuaque benevolentiam prouocat, amicitiam ac beneficentiam confirmat. *Fili, in mansuetudine opera tua perfice, & super hominum gloriam diligeris. Quanto magnus es, humilia te in omnibus, & coram Deo inuenies gratiam: quoniam magna potentia Dei solius, & ab humilibus honoratur.*

Humilitas igitur eadem optima est tum Diuine, tum humane conciliatrix & conseruatrici amicitix, ut utrique insensissima est hostis, & capitalis, superbia, & quæ superbix semper adheret, inuidentia comes ac filia.

CAPVT



## CAPVT. XXVIII.

*Plura simul Paradoxa; Sapiensem solum  
pulchrum, Nobilem, Ciuem, Magistra-  
tum, Rhetorem, Vatem, & omnia esse.*

**O**Mnia rectè faciet Sapiens, etiam lenticu-  
lam condiet, Sartor & Sutor erit.

Non nosti, quid pater ille

Chrysippus dicat? Sapiens crepidas sibi  
nunquam

(Quò? Horat. l. 1.  
Satyr. 3.

Nec soleas fecit; Sutor tamen est Sapiens.

Vt quamuis tacet Hermogenes, Cantor ta-  
men, atque

Optimus est modulator; vt Alfenus vaser  
omni (berna,

Abiecto instrumento artis, clausaque ta-  
Sutor erat; Sapiens operis sic optimus omnis  
Est Opifex.

Ita homines gloriosi, quorū tamen dissimu-  
latio facilius hoc detegi, ac reprehendi possit,  
adhibitā ipsā experiētiā, quæ mox eos falsita-  
tis coarguat, quā dum sapientiā ac virtutē dissi-  
mulanter ementiuntur. Itaque quod aliās dixi,  
Sapientē ex professo non metiri, ex his gloriosis  
mendacijs retractandū censeo; & quod est apud  
S. Aug. valdè probo, superbū omnem, fictum  
esse, & mendacem; primū quidem ac præcipuè,  
quod hominis iusti ac sapientis effigiem præ-  
ferat, cum à iustitiā ac sapientiā absit longis-  
simè; simulatus hypocrita est, omnis superbus.

Hoc

- In Ps. 121. Hoc dico, fratres mei, necesse est vt omnis  
 " superbus velit videri quod non est; aliter non  
 " potest. Et, fratres mei, vtinam sic vellet su-  
 " perbus videri quod non est, vt vellet videri &  
 " quod est, verbi causâ, coraula, cum coraula  
 " non esset! citò enim probaretur, si diceretur  
 " ei: canta, videamus vtrum coraula sis: cum  
 " non posset, inueniretur falsò se videri voluif-  
 " se, quod non erat. Dicit se eloquentem esse,  
 " dicetur ei: loquere, & proba; si locutus non  
 " fuerit, inuenietur hoc non esse, quod pro-  
 " fessus est. Superbus. (quod peius est) iustum  
 " se vult videri, cum non sit; & quia iustitiam  
 " intelligere difficile est, superbum difficile est  
 " agnoscere. Deinde superbus omnis, fictus est &  
 " mendax, quod verborum ambagibus, ac mul-  
 " to circuitu mendaciù loco veritatis obtrudat.  
 " Caput circuitus eorum. Ipsa superbia.
- In Ps. 139. Quid est circuitus ipsorum? Vt circumeant,  
 " & non stent, in gyrum eant erroris, vbiter  
 " est sine fine: Qui enim in longum it, aliun-  
 " de incipit, alicubi finit; qui in gyrum it, nus-  
 " quam finit. Ipse est labor impiorum, qui in  
 " alio psalmo demonstratur enidentius, In  
 " circuitu impij ambulant. Si circuitus eorum  
 " caput, superbia est; Quia initium omnis  
 " peccati, superbia. Vade autem superbia, la-  
 " bor laborum ipsorum? Omnis enim super-  
 " bus, fictus est; omnis fictus, mendax. La-  
 " borant homines loqui mendaciam: nam ve-  
 " ritatem totâ facilitate loquerentur: Ille enim  
 " laborat, qui fingit quod dicit: nam qui ve-  
 " rum vult dicere, non laborat: ipsa enim ve-  
 " ritas sine labore loquitur. Mox adiicit S.
- August.

August. In omni opere malo labor est, & omne opus malum cogitatum mendacium, ducem habet: non enim est veritas, nisi in opere bono. Et propterea quia omnes laborant in mendacio, Veritas quid clamauit? *Venite ad me omnes qui laboratis & onerati estis, & ego reficiam vos.* Atque hæc generatim aduersus ista Paradoxa mendacia Stoicorum.

Iam, vt singula strictim percurramus; est quædam pulchritudo iustitiæ, quæ non cernatur oculis corporis, sed mentis; quam adamamus, ait S. August. in curuo sene, in seruo, si sit paruus staturâ, deformis facie, colore tetro, sed fidelis, parcus, sobrius; sed eam non verè sibi Stoici arrogarint, cum verâ iustitiâ careant, adumbratam dumtaxat eius imaginem gerant, de se præsumentes; à Deo iustitiæ fonte penitus alieni.

Est & vera, solaque nobilitas, virtus; quæ claros homines ac celebres efficiat; sed nec eam sibi Stoici iure vendicent, qui nec originem, nec finem veræ virtutis agnouerint, nec à quo esset illa expectanda, nec ad quem referenda; neque Deum Authorem suum, omnisque boni, virtutis, ac beatæ vitæ, quo par erat cultu, venerati sint; neque in cælum suspexerint; vt Diuinæ gratiæ flagitent opem, sed in terram atque idololatriam viles animas suas abiecerint.

Iam verò ciuitates duas, quas duo faciunt Amores, Diuinus ac Terrenus (in quas omne genus mortalium describitur, ac dispersitur; Hierosolymam cælestem, pacificam, quietam ac beatam; Babyloniam terrestrem,

aut

In Ps. 31.  
& 33.

aut infernalem magis, omnis inquietudinis, perturbationis, horrorisque domicilium) si à S. Aug. Doctore didicissent; ex eodem cuius ciuitatis ciues essent, pro eo, qui animis eorum insedisset ac dominaretur, Amore (quamquam earum ciues nunc variè permixti sint, varièque se exercent, atque, vt idem loquitur August. angariant) ediscere magno suo bono potuissent.

Magistratum quidem non tam virtus ac pietas facit, quàm authoritas ac potestas indulta legitimè; quamquam Magistratum rectè gerere, rectèque imperare perdifficile est illi, qui subesse non nouerit, & non antea superioribus quoque suis obedire didicerit. Qui certè Deo, à quo omnis est ordinata potestas, non se planè submiserit, à quo & rectæ omnis administrationis virtus, atque vsus expectari debet; qui illius opem assiduam non implorarit, haud ille vtiliter Magistratum geret, nec eo munere dignus erit.

Sed quid singula hæc Stoicorum parerga prosequamur? Illis glorientibus omnia se posse & esse, Christianus humilis opponet, se nihil esse à seipso, nec sapere, nec posse, multiplexque sui nihilum, & naturæ, & gratiæ, & bonæ honestæque actionis, & (quod omnium est teterrimum) peccati, quo infra nihilum quoque deijcitur, sincerè, candidè, ac minimè dissimulanter obijciet.

Dux sunt veritates certissimæ, quibus innititur atque enutritur humilitas, profligaturque superbia. Vna; hominem à se ipso nihil esse, nihil scire, nihil posse; cum à Deo naturam ipsam,

ipsam, atque existentiam habeat, quæ nisi continenter quoque à Deo conseruetur, vt de nihilo sumpta, sic in nihilū sit reditura. Altera; hominē quicquid habet boni naturæ superadditis; siue sit eiusdem ordinis, ad eius integritatem atque absolutionem pertinens; siue Diuini, supra naturæ leges ac terminos; id à Deo, Authore naturæ ac gratiæ, liberaliter accepisse de gratuitâ eius bonitate ac misericordiâ, nullo præcedente merito, quod non ex priorē gratuitâ gratiâ proueniret. Quæ duæ veritates nemini non theoricè sunt exploratæ, sed non æquè in animum & affectum demissæ.

Super his fundatur quadruplex nihilum, super quo appensa est, vt super nihilo terra, diuinitus humilitas. Primum, est naturæ, ac ipsius esse, quod creationem antecessit: nam ante mundum conditum quid eras? quid ante sexcentos, ante centum annos? ante parentes tuos, longâ serie ex protoplastis deductos? Anima de nihilo creata est, & diuinitus infusa corpori, nihil ad laborantibus, ac ne scientibus quidem parentibus, minimè ab ijs propagata. Corpus ab ijs acceptum, sed quàm de foetido spermate decisum! & ab ipso tamen Authore naturæ formatum, quod vt nihilum quoque sui agnoscat originē, recurre ad materiam primam, quæ de nihilo condita est. In hoc naturæ & esse nihilum recideremus, si vel momento Deus conseruatricē manum suam abstraheret.

Alterum nihilum, est gratiæ, & salubrium donorum, quæ ad amicitiam Dei, & vitam beatam consequendam pertinent. Absque vilo tuo præcedente merito, imò cū multa grauissimæque

simaque præcessissent demerita, gratiam suam tibi Deus indullit, cæteraque Diuini ordinis dona, quibus illi gratus & acceptus, & ad sempiternam felicitatem capessendam idoneus existeres. *Non ex ope ibus iustitia que fecimus, sed secundum suam misericordiam saluos nos fecit.*

Ad Tit. 3.  
v. 5.

Tertium nihilum, actionum bonarum & honestarum, seu naturalium, seu supernaturalium, quas, nisi concurrente Deo, non que adiuuante, imò præueniente & excitante, cooperante ac comitante, nunquam possemus efficere. Et quidem si sint actiones salutares, quæ ad vitam referantur æternam, præter Dei generalem concursum, opus est speciali gratiâ Christi, ex eius meritis partâ, quâ præueniamur, excitemur, & corroboremur, eiusdem ordinis, quoad finem certè supernaturalis. In cæteris opus est auxilio Dei, quo excitemur, & præmuniatur, ne bona hæc consilia & decreta interuertantur, eaque etiam ipse Aristoteles in bonam fortunam, Dei providentiam, referenda censuit. Initium omnis bonæ cogitationis à Deo est; omnis autem actio à bonâ cogitatione, ut à primâ suâ pendet origine.

Quartum nihilum; imò minus, & deterius nihilo, adijcitur nihilum peccati, ex interpretatione S. Augustini, in illum locum S. Ioan. *Et sine ipso factum est nihil*; quod propriè nostrum est nihilum, propriâ voluntate nostrâ susceptum, ad quod vitio naturæ corruptæ propendimus, in quod continuò prolaberemur, nisi nos benigna Dei manus cohiberet.

Ioan. 1.  
v. 3.



cohiberet. Nemo est, qui non experiatur in se legem peccati, contrariam legi mentis sue, formitem prauum concupiscentiæ, ex peccato natum, & ad peccatum inuitantem, aut magis impellentem, ac trahentem. *Sensus & cogitatio humani cordis in malum prona sunt ab adolescentiâ suâ.*

Gen. 8.  
v. 21.

Glorietur Stoicus Sapiens omnia se scire, posse, & esse: Nihilum hoc sui Christianus agnoscat, & sibimetipsi coram Deo vilescet.

*Tanquam nihilum ante te. Ego ad nihilum re-*

ps. 118. v. 6  
Ps. 72.  
v. 21.  
Serm. 16.  
in Cant.

*ductus sum:* Quomodo, inquit Bernardus, non humilietur anima in verâ cognitione sui, cum semet perceperit oneratam peccatis, mole huius mortalis corporis aggrauatam, terrenis intricatum curis, carnalium desideriorum facie infectam, cæcam, curuam, infirmam, implicitam multis erroribus, expositam mille periculis, mille timoribus trepidam, mille difficultatibus anxiam, mille suspicionibus obnoxiam, mille necessitatibus ærumnosam, procliuem ad vitia, inualidam ad virtutes? Vnde huic iam extollentia oculorum? vnde leuare caput? Nonne magis conuertetur in ærumna, dum configitur spina? *Ego dixi: Domine, miserere mei: sana animam meam, quia peccavi tibi.*

Ps. 31. v. 4  
Ps. 40. v. 5

D d

CA-



## CAPVT XXVIII.

PARADOXA ITEM MIXTA;  
*Sapientem non affici iniuriâ ,  
 non insaniâ , non ebrietate, non  
 ignoscere , non misereri.*

Sen. de  
 const. Sap.  
 c. 3.

Ep. 50.

**C**Um iniuria sit iniustitia quædam cum de-  
 decore, aut damno coniuncta, reperiri  
 potest sacrilegus, qui eam inferat sapienti; sed  
 hic eam spernit, ac reijcit, nihili infamiam  
 aut damnum illud æstimans. Inuulnerabile  
 est, non quod non feritur, sed quod non læ-  
 ditur. Chrysippus amitti virtutem posse ait  
 per ebrietatem, aut atrabiliosum morbum;  
 negat Cleanthes, ob constantes manentesque  
 comprehensiones; & quod, ait Seneca, semel  
 traditi boni perpetua possessio est.

Sapientem aiunt turbari vino posse, & fa-  
 cere ebrijs solita; non esse tamen ebrium,  
 quia mente non destinarat, & ea in recto  
 firma perseverat. Posidonius intelligit ebrio-  
 sum, quod non soleat, nec amet ebrius fieri;  
 quemadmodum sacre litteræ docent Noë  
 vino captum, vim eius hætenus inexpertum;  
 non tamen ebriosum.

Serm. 4.  
 de cōme-  
 animar.

Non desunt, qui ex sermone quodam S.  
 August. ebrietatem, nisi sit assidua, mortalis  
 culpæ

culpæ non damnent; si rara sit, aut vnica, venialis dumtaxat. Facilius sanè potest ignorantia & inaduertentia, vim vini nunquam aut rarius expertus excusari; qua non potest excusatione uti, qui assuevit ebrietati. Quæ ferè ratione sermonem cum explicat S. Thom.<sup>2.2.9. 150.2.2.</sup> qui quidem sermo non creditur esse S. August. sed Auctoris incerti. Vnica verò ebrietas si deliberata sit, haud dubiè culpam lethalem continet; cum iudicium rationis euertat, grauissimisque incommodis, animique ac corporis periculis hominem exponat: ut pluribus persequitur S. Ambrosius, exemplo Loth, qui inebriatus vino, quid ageret nesciebat.<sup>1.1. de Abrahamâ 6.</sup>

Ex quo sanè discimus vitandam ebrietatem; per quam crimina cauere non possumus. Nam quæ sobrii cauemus, per ebrietatem ignorantes committimus. Parum est, quod inflammet libidinem, accendat cupiditatem corporis: ipsam quoque mentem subruit, & animum capit &c. D. August. magnopere deplorat illud peccatum, per se adeo graue, quod ab Apostolo connumeretur ijs, quæ excommunicationem merentur, & à regno Dei secludunt; & tamen adeò in Africâ vulgare, ut vix peccatum crederetur. Qui plura volet, Apostoli legat interpretes. Releamus ad Stoicos, quorum hæc ferenda, nec magnopere digna reprehensione Paradoxa.<sup>Ep. 64. 1. Cor. 5. v. 11. Item 6. v. 10. Gal. 5.</sup>

At sequens Sapientem non ignoscere, non misereri, ferendum non est. Misericordiam, Stoicorum est, solere culpæ, inquit S. August.<sup>9. de Ciuit. 5.</sup> Sed longè melius, & humanius, & piorum sen-

libus accommodatus Cicero, in Cæsaris laude locutus est. Nulla de virtutibus tuis, nec admirabilior, nec gratior misericordiâ est. Quid est autem misericordia, nisi alienæ miseriæ quædam in nostro corde compassio? cui utique, si possumus, subuenire compellimur. Quamquam pietas sit Dei cultus; tamen more vulgi, ait Augustinus, hoc nomen etiam in operibus misericordiæ frequentatur, quod ideo arbitror euenisse, quia hæc fieri præcipuè Deus mandat, eaque sibi, vel pro sacrificijs, vel præ sacrificijs placere testatur. Apud veteres bonosque Scriptores, Pietas, & Pius, pro miti & miserante. Ex quâ loquendi consuetudine factum, ut & Deus ipse dicatur pius.

Ex his sanè pietatis, & misericordiæ operibus pendet extremi iudicij nouissima sententia; penes ea de beatâ, aut miserâ decernetur æternitate. Neque verò ferè quicquam impensius commendat Christus Dominus, quàm ut ignoscamus, & misereamur. Hâc præscribit formulam impetrandæ à Deo veniæ atque indulgentiæ peccatorum, si & nos proximo indulgeamus, & ignoscamus: Dimitte nobis debita nostra, rogamus, sicut & nos dimittimus debitoribus nostris.

Itaque sapiens afficitur iniuriâ, sed eam remittit, ac condonat, ultionem non expetit, malefacta benefactis repensat, non vincitur à malo, sed vincit in bono malum; tum verò proximi miserijs commouetur, & animi interiore sensu compatitur, &, cum potest, opæ ac beneficentiâ subuenit.

Tractat hoc argumentum S. August. quodam

dam sermone. Duo sunt enim opera miseri-  
cordiæ, quæ nos liberant, quæ breuiter ipse,  
Dominus posuit in Euangelio: Dimittite, & <sup>Luc. 6.</sup>  
dimittetur vobis; date, & dabitur vobis. Di-  
mittite, & dimittetur vobis, ad ignoscen-  
dum pertinet; date, & dabitur vobis, ad præ-  
standum beneficium pertinet. Ac prius illud  
exigitur, dimittere, vt cor sit paratum, sine  
amaritudine, ac felle vllius inimicitie, quæ  
charitati repugnet, sine qua nullum præstitum,  
beneficium prodesse potest. Quod ait de ignos-  
cendo: E tu vis tibi ignosci, quod peccas; &  
habes alium, cui tu possis ignoscere. Rursus,  
quod pertinet ad tribuendum beneficium;  
petit te mendicus, & tu es Dei mendicus &c.  
Quâ mensurâ mensi fueritis, remetientur vo-  
bis. Vt eris in proximū misericors, ita & Deus  
in te erit misericors: hanc enim tibi regulam,  
ac mensuram præscripsit.

Non est aliud vinclum charitatis, quo cum  
Deo, ac proximo colligemur arctius & fir-  
mius; non est aliud vehiculum, quo perducamur  
ex hac vitâ ad illam cælestem patriam ex-  
peditius, quam misericordia; de quâ sæpe mul-<sup>1<sup>a</sup> 2<sup>a</sup> Ps. 102</sup>  
tis agit S. August. Vnde procedite eleemosy-<sup>& 13.</sup>  
na? de corde; si enim manum porrigis, nec in  
corde miserearis, nihil fecisti; si autem in  
corde miserearis, etiamsi non habeas, quod  
porrigas manu, acceptat Deus eleemosynam  
tuam.

Sed nullus sit finis, si de misericordiæ lau-  
dibus agere hîc velim. Exemplum ignoscendi,  
& miserendi, luculentissimum habemus in  
Saluatore, qui pro suis crucifixoribus, vni-

uerſiſque mortalibus, quorum expiabat in Cruce ſcelera, Deum Patrem deprecatus eſt. Ipſeque eſt miſiſſimus Agnus Dei, pro peccatis noſtris immolatus, ſanguine ſuo ea expungens atque obliterans; qui, cum inter homines ageret, ac vitæ ſalutaris documenta traderet, non ſemel miſericordiâ commotus legitur: In funere adoleſcentis filij viduæ, ad portas Naim: Super multitudine eum in deſertum conſequuta; Super Hieruſalem, flens ſuper eam: In exſuſcitatione Lazari turbauit ſemetipſum, etiam lacrymatus Ieſus.

Moliſſima corda

Humano generi dare ſe natura fatetur  
Cum lacrymas dedit.

Stoici ſine affectione, duri, aſperi, fellei, immiſericordes. Ac quoniam ad exitum libelli propè deuenimus, oblectationi nobis erit, opinor, ex Cicerone perſpicere, quantum inter Stoicos, & Peripateticos interſit; ac quantum horum diſciplina ad humanitatem lenitatemque propenſior exiſtat, dum Catonem inſectatur, pro Muræna: Fuit quidam ſummo ingenio vir, Zeno, cuius inuentorum æmuli Stoici nominantur, huius ſententiæ ſunt, & præcepta eiſmodi: Sapientem gratia nunquam moueri, nunquam cuiuſquam delicto ignoſcere; Neminem miſericordem eſſe, niſi ſtultum & leuem: Viri non eſſe, neque exorari, neque placari: Solos Sapientes eſſe, ſi diſtortiliſſimi ſint, formoſos; ſi mendiciſſimi, diuites; ſi ſeruitutem ſeruiant, Reges: Nos autem, qui Sapientes non ſumus, fugitiuos, exules, hoſtes, inſanos denique eſſe dicunt.

Omnia

Omnia peccata esse paria: Omne delictum scelus esse nefarium; nec minus delinquere eum, qui gallum gallinacem, cum opus non fuerit, quam eum qui patrem suffocauerit: Sapientem nihil opinari, nullius rei poenitere, nulla in re falli, sententiam mutare nunquam.

Hæc homo ingeniosissimus. M. Cato, authoribus eruditissimis inductus arrepsit, neque disputandi causa, ut magna pars; sed ita viuendi, (atque adeo moriendi: Nam eiidem authoribus ipse sibi quoque mortem turpissimè consciuit, aut inuidens victoriæ Cæsaris, aut nescio quam infamiae notam animo conceptam ferre non sustinens.)

Petunt aliquid Publicani; caue quicquam habeat momenti gratia. Supplices aliqui veniunt miseri & calamitosi, sceleratus & nefarius fueris, si quicquam misericordiae adductus feceris. Fatetur aliquis se peccasse, & eius delicti veniam petit: nefarium est facinus, ignoscere. At leue delictum est: omnia peccata sunt paria. Dixisti quippiam: fixum & statutum est; non re ductus es, sed opinione: Sapiens nihil opinatur. Errasti aliqua in re: malè dici putat. Hac ex disciplina, nobis illa sunt: Dixi in senatu me nomen consularis candidati delaturum. Iratus dixisti. Nunquam, inquit, Sapiens irascitur. At temporis causa: improbi, inquit, hominis est mendacio fallere; mutare sententiam, turpe est; exorari, scelus; misereri, flagitium.

Nostri autem illi à Platone, & Aristote-

le moderati homines, & temperati aiunt, apud Sapientem valere aliquando gratiam: viri boni esse, misereri; distincta esse genera delictorum, & dispares pœnas; esse apud hominem constantem ignoscendi locum; ipsum Sapientem sæpè aliquid opinari, quod nesciat; irasci nonnunquam; exorari eundem & placari: quod dixerit interdum, si ita rectius sit, mutare; de sententiâ decedere aliquando; omnes virtutes mediocritate quadam esse moderatas. Quæ quidem haud obscure Peripateticos Stoicis, & Aristotelem Zenoni longissimè præferendum esse conuincunt; quod & sequentia proximè duo Paradoxa demonstrabunt,



CAPVT





## CAPVT XXIX.

PARADOXVM SINGVLARE;

*Omnes stultos insanire, & omnia  
vitia in omnibus,*

**Q**UOD pertinet Paradoxum istud singulare,  
nisi ad proximos omnes despiciendos,  
ac flocci habendos, vt cum Euangelico Pha-  
risæo dicat Sapiens Stoicus: *Non sum sicut* Luc. 11.  
*ceteri hominum*, stulti, insani, desipientes, v. 11.  
amentes?

Quid discriminis sit inter stultum, & insa-  
num, non est tanti, vt magnopere disquiramus.  
Aiunt stultitiam potestatem indicare,  
insaniam ætium. Stultus, qui imperitus, &  
scientiam non habet; insanus, qui ex imperitiâ,  
& imprudentiâ malè agit. Stoici sic differunt, Tusc. 4.  
omnes stultos insanire, vt malè olere omne  
cœnum; at non semper. Commoue, senties.  
S. Ambros. Stultus, qui nihil sapit, & stulta  
intelligit; insipiens, qui mala sapit. Stultus  
caret sapientiâ; insipiens, aut insanus, laborat  
errore, & prauæ dispositionis ignorantia.

Vt vt sit, Stoici volunt omnes ex æquo stultos  
esse, & pariter insanire, quia vitia omnia sunt  
in omnibus, & omnia vitia, & peccata sunt  
æqualia, ac inter se connexa, non secus ac  
virtutes

virtutes pares, & inter se copulatæ; quorum hoc dogma: Sapiens omnia rectè facit; Stultus omnia malè.

Perlsat. 9

Nullò thure litabis

Hæreat in stultis brevis vt semuncia recti,

Sen. de

benef. 5.

c. 15.

Ibid. c. 17.

Seneca: Vt vos dicitis: Omnes stulti mali sunt; quia autem habet vnum vitium, habet omnia. Et cupidi omnes, & maligni omnes, & timidi omnes; adijce, & ambitiosi omnes, & impij omnes.

Quem mala stultitia, & quæcumque in-  
scitia veri

Horat. l. 2.

Satyr. 3.

Cæcum agit, insanum hunc Chrysippi por-  
ticus, & grex

Autumat. Hæc populos, hæc magnos for-  
mula Reges

Excepto Sapiente tenet. Nunc accipe, quare  
Desipiant omnes & què, ac tu, qui tibi nomen  
Infano posuere: velut siluis, vbi passim  
Palantes error certo de tramite pellit:  
Ille sinistrorsum, hic dextrorsum abibit: vnus  
vtrique

Error, sed varijs illudit partibus: hoc te  
Crede modo insanum, nihilo vt sapientior  
ille,

Qui te deridet, caudam trahat.

Omnes insani, etiam qui hoc docent, Zeno,  
Cleanthes, Chrysippus, Seneca, Epictetus.  
Quis credat? Ego verò Christianum homi-  
nem, si non sapientem dixerim; neque tamen  
ideo insanum, ac stultum dixerim; sed sapientiæ  
studiosum, ac cultorem, qui ad eam adspiret;  
vt qui virginem procatur honestam, etsi mox  
eam non assequatur, sed diutius etiam in eius  
aucupandâ

aucupandâ gratiâ laboret, non continuo fœdis amoribus inquinatur. Qui in cursu est, etsi longiùs adhuc abest à meta, ac brauius; non adhuc hæret in carceribus, aut de cursu deiectus, aut collapsus omni spe intercidit. Qui nondum vicit, ac de hoste triumphat; cum eodem tamen configit, ac fortiter dimicat, non est ab eo superatus ac prostratus.

Datur inter virtutem, & malitiam; sapientiam, & insipientiam, medium quid profectus, dum quis sensim exuit malitiam, & insipientiam; sapientiamque, ac virtutem induit.

*Iustorum autem semita. quasi lux splendens, procedit & crescit usque ad perfectam diem. Quem* Prou. 4.  
v. 18.  
quidem fulgorem meridianum antequam iustus attingat, à tenebris tamen abest, & tætra noctis caligine. Sensim emergimus ex aquis, & respiraturi mox sumus, etsi nondum ad summam aquæ superficiem enatauerimus.

Non tam est animo cæcus Plato, quàm Phalaris; nec omne lignum æquè rectum, aut curuum, quod regulæ magis aut minus congruit; quæ sunt exempla Stoicorum. Sed & cætera ijs consimilia, eos planè coarguunt. Ut apud Tull. Histrion, si paulum se mouit extra Parad. 1. numerum, aut si versus pronuntiatus est syllabâ vnâ breuior, aut longior, exhibilatur & exploditur; in vitâ, quæ omni gestu moderatior, omni versu aptior esse debet, vt in syllabâ te peccare dices? Omnino, dicam me, vt Histrionem, grauius modò, leuius modò peccare, licet exhibilandum, & explodendum Diuino iudicio, si meo munere non ritè defungari; quamquam & Histrioni, & mihi peccanti poterit

poterit esse veniæ, & indulgentiæ locus.

Poëtam non audio in nugis; in vitæ societate audiam ciuem digitis peccata dimetientem sua? si visa sint breuiora, leuiora videantur quæ possint? cum quicquid peccatur, perturbatione peccetur rationis atque ordinis; perturbatâ autem ratione atque ordine, nihil possit addi, quo magis peccari posse videatur. At non vna simplex est rationis atque ordinis perturbatio: amplissimè illa patet, & varios gradus habet. Si breuiora, quidni & leuiora videantur peccata?

Et vtinam, non numerum dumtaxat, sed grauitatem, ceterasque conditiones suorum quisque excutiat, ac dimetiatur delictorum, vt parem censuram, pænitentiamque sponte subeat, & à Deo facilius obtineat indulgentiam! Si id, in quo peccatur, aliud alio maius, aut minus esse potest; cur ipsum quoque peccare non sit maius, aut minus? Auri nauem euertat gubernator, an palææ, si non multum in inscientiâ, certè in incuriâ ac negligentia gubernatoris plurimum interest; si ratio damni ducenda, ea quoque culpæ gubernatoris est adscribenda.

Lapsa est libido in muliere ignotâ, dolor ad pauciores pertinet, quàm si petulans fuisset in aliqua generosa ac nobili virgine; si dolor ad pauciores pertinet; ergo & iniuria, quæ dolorem creat; aliudque peccati genus est stuprum, aliud vulgaris fornicatio. Si quidem peccare est transilire lineas, quod cum feceris, culpa commissa est; quàm longè progrediare, cum semel transieris, ad augen dam transeundi cul-

di culpam non pertinet; Imò verò plurimum pertinet, cum ab honestate longius abscedatur, rectæque rationi amplius, ac Diuinæ legi repugnetur.

De virtutibus dictum est, eas neque pares, neque connexas esse, multoque minus paria, & connexa esse posse vitia, quæ virtutibus ex utroque latere, atque inter se repugnant. Iam ipsi quoque Stoici fatentur, nec omnes ad omnia pronos naturâ esse, atque assuetudine; nec singula in omnibus eminere.

Alius in avaritiam, alius in luxuriam, alius in petulantiam inclinatur, &c. Quomodo omnis homo omnes sensus habet, non ideo tamen omnes homines aciem habent lynceo similem; sic qui stultus est, non tam acris, & concitata habet omnia, quàm quidam quædam. Omnia in omnibus vitia sunt, sed non omnia in singulis extant. Quæ sanè non cohererent, si omnia, & paria, & connexa sunt.

Sen. 4. de  
benef. 26.  
& 27.

Sic & cum interrogantur: Nihil igitur interest patrem quis necet, an servum? Non cohæret responsum. Illud interest, quod in seruo necando semel peccatur, in patre multa. Violatur is, qui procreavit, qui aluit, qui erudiuit, is qui in sede, ac domo, ac Repub. collocavit; multitudine peccatorum præstat, eoque maiore pæna dignus est. Esto, plures etiam servos interemerit, aut plures gallos gallinaceos, non æquabitur vnquam homicidium multiplex, aut gallicidium vnico parricidio. Tum, si nutneri habetur ratio, cur non & cæterarum conditionum, quæ ad peccati speciem augendam, aut immutandam pertinent?

Parad. 3.

Præter

Baron. ad  
ann. 184.

Præter Iovinianum Hæresiarcham, ex hoc dogmate Nouatianus quoque ad schisma hærelim addidit, asserens lapsos Dei iudicio relinquendos, nec vllum eorum habendum esse discrimen, nullamque esse criminum distinctionem, ex Stoica disciplina, quam erat professus. Sunt tamen, qui hoc dogma credunt vtile ad cautionem. Nempe minima pro maximis quoque cauenda. Non citò ad maiora procedit, qui etiam parua formidat. Tullius ad Catonem: Misi videntur vestri Præceptores, & virtutis Magistri, fines officiorum paulò longius, quàm natura vellet, protulisse; vt cum ad vltimum animo contendissemus, ibi tamen, vbi oporteret, conlisteremus. At nihil opus errore ac falsitate ad veritatem virtutemque stabiliendam. Ad cautionem abundè est, quod tradit S. Augustinus. Quæ sint leuia, & quæ graua peccata, non humano, sed Diuino sunt pensanda iudicio.

In Enchi.  
78.

c. 79.

Sunt quædam, quæ leuissima putarentur, nisi in scripturis demonstrarentur opinione grauiora. Quo loco idem repetit, quod in comment. epistol. ad Galat. Væ peccatis hominum, quæ sola inusitata exhorrescimus; vitata verò, pro quibus abluendis Filij Dei Sanguis effusus est, quamlibet magna sint, & omnino claudi contra se faciant. regnum Dei, sæpe videndo omnia tolerare, sæpe tolerando nonnulla etiam facere cogimur. Atque vtinam, ô Domine! non omnia, quæ non potuerimus prohibere, faciamus!

Vide

Vide & 21. de Ciuit. cap. vlt. vbi illud Poëtæ refert : Quique sui memores alios fecere merendo ; quod frequentatur ore Christiano , cum se cuique Sanctorum humilis quisque commendat : Memor esto mei . Sed quis sit ille modus , & quæ peccata , quæ ita impediunt peruen- tionem ad regnum Dei , vt tamen SS. amicorum meritis impetrent indulgentiam , difficile est inuenire , periculosissimum de- finire . Ego certè vsque ad hoc tempus , etli inde satagerim , ad eam indaginem per- uenire non potui ; & fortassis propterea latent , ne studium proficiendi ad omnia peccata cauenda pigrescat .



CA.



## CAPVT XXX.

VLTIMVM PARADOXVM;  
*Sapientem sumere aliquando mortem  
 posse, decere, ac debere.*

**N**Atum planè videtur ex officinâ mali Dæmonis, qui homicida est ab initio; nihilque magis, quàm cædem ac perniciem hominum respirat, quam apud Gentiles vt sacrilegâ hominû immolatione, ita & hoc decreto Stoico persuadere conatus est. Hic apicem suæ sapientiæ, verius dixerim dementiæ, Stoici statuebant, vt mortem nihil metuerent, sed vtrò etiam appeterent, quasi certissimum in malis perfugium; quam semper haberent in potestate; itaque in animi corporisque dolore, in graui paupertate, in exilio, in morbo, in extremo senio, si cui displiceret vita, mortis exitum patere; neminem in vitâ nolentem, inuitumque retineri.

Nempe hic erat eorum arrogantis atque impotentis animi fastus, ne Deo quidem auctori, ac moderatori vitæ ac mortis subesse velle, sui iuris atque arbitrij tam in vitâ, quàm in morte esse velle, nemini parere, nullius decretum sequi, nullius iugum atque imperium ferre. Nullam in Stoicis causam consciscen-  
 dæ sibi



de sibi mortis fuisse, præter superbiam, demonstrat S. Aug. in Catone Uticensi, quod inuiderit gloriæ Cæsaris, cuius tamen victoriæ superstitem filium reseruauit. Et alibi; Vtrum obsecro, Cato ille patientia, an potius impatientia se peremit? Non enim hoc fecisset, nisi victoriam Cæsaris impatienter tulisset. Vbi est fortitudo? Nempe cessit, nempe succubuit, nempe usque adeo superata est, ut beatam vitam derelinqueret, desereret, fugeret. Cleon broti potius mors voluntaria, ad magnitudinem animi pertinisset; sed maior est animus ærûnosam ferre vitâ, quàm fugere.

Demonstrat & in Lucretia, aduersus quam iudicium, sententiamque postulat à legibus, iudicibusque Romanis, quod non solum indemnata; verum etiam innocentem, castam, vim perpeßam, Lucretia Lucretiam interemit. Si adultera, cur laudata? Si pudica, cur occisa? aut adulterium homicidio cumulauit, aut pudicam, innocentem interemit. Pudit eam turpitudinis alienæ in se admissæ; etiamsi non secum, iuxta illud: Duo fuerunt, & vnus adulterium admisit. Romanâ mulier laudis auida, nimium verita est, ne putaretur, quod violenter passa est cum viueret, libenter passa si viueret.

Non sic Christianæ feminae in se alienum crimen vltæ, ne aliorum sceleribus adderent sua; stupris non addiderunt homicidia. Nullus magnanimus, & pudicus in potestate habet, quid de sua carne fiat, sed tantum quid annuat mente, vel renuat, quò pertinet dictum illud S. Lucie: Si iusseris inuitam violari, castitas

mibi duplicabitur ad coronam.

c. 10.

Non frustra in sanctis, canonicisque libris nusquam nobis diuinitus præceptum, permiffumve reperiri potest, vt vel ipsius adipiscendæ immortalitatis, vel vilius carendi, cauendie mali causâ, mortem nobis ipsi inferamus: nam & prohibitos nos esse intelligendum est, vbi lex ait: Non occides; præsertim quia non addidit proximum tuum, sicut falsum testimonium cum vetaret; sed nimirum sibi quisque maximè proximus est. Et per sequentia aliquot capita confirmat, quod neque ad fugiendum molestias temporales, neque ad cauenda aliena peccata, neque ad vindicandum sua præterita, neque propter spem vitæ melioris post mortem, neque propter fugam & declinationem peccati à se committendi, cuique liceat interficere seipsum.

Exceptio illa, quam habet Hieronymus, in Ionæ c. primum, non probatur: Non est nostrum mortem arripere, sed illatam ab alijs libenter excipere, vnde & in persecutionibus non licet propriâ perire manu, absque eo vbi castitas periclitatur; sed percutienti colla submittere: Illa, inquam, exceptio non placet (vbi castitas periclitatur) nam Deo bene iuuante, negato consensu, non periclitabitur: non enim sunt facienda mala, vt eueniant bona, neque necesse est peccatum vllum incurrere, si quis sibi mortem non inferat; sed potest Deus opem ferre quacumque urgente tentatione, cum magnæ sit imprudentiæ pro incerto minoreque malo diuertendo, certum & extremum omnium malorum

rum subire. Nam mors, ait Philosophus, omnium malorum maximè est terribile; cui remedium affèrri nequeat, nullo ad pœnitendum spatio relicto. Nullum superest tempus mutandi consilij, & morte omnis spes pœnitentiæ ac salutis adimitur.

Hæc eadem habet S. Thomas; qui triplici ex capite concludit, illicitum suimet homicidium. Primò, quod res quælibet seipsam amet actueatur, & quoad potest sese conseruet, & corruptentibus obsistat; quare qui se interimit, aduersus naturalem sui conseruandi propensionem facit, & charitatem, quâ se prosequi debet. Secundò, quia quælibet pars id quod est, est totius, ac suum priuatum bonum ad publicum referre debet; quilibet homo pars est communitatis, ac Reipub. eiusque bono seruire debet; igitur iniuriam facit Reip. qui ciuem è medio tollit. Tertiò, quia vita eximium est Dei donum, eius vnus potestati subiectum; qui occidit, & viuere facit; vitæ ac mortis clauces habet, atque imperium; quare qui seipsum vitâ priuat, aduersus Deum peccat, non secus ac qui alienum seruum interimit, eius Domini ius violat.

Pythagoras, apud Tullium, vetat iniussu Imperatoris, id est Dei, de præsidio ac statione vitæ discedere. Platoni item visum, plis omnibus retinendum animum in custodiâ corporis, nec iniussu eius, à quo ille datus est, ex hominum vitâ migrandum, ne munus humanum, assignatum à Deo, defugisse videamur. Aristoteles, mortem subire, inquit, vt fugias inopiam, vel captiuitatem, vel quam-

cumque molestiam, non est viri fortis, sed timidi; nam laboriosa fugere, nec quia honestum est, id facere, sed ne malum patiaris, ignavia est.

Mihi sanè mirum videri solet, cur Epictetus tantopere semper deprædicans conformationem humanæ voluntatis cum Diuina, in hoc, quo nullum maius esse potest, vitæ ac mortis negotio, non eandem impensior cura commendarit. Semper magis volo, quod Deus

l. 3. diff. 7.

l. 2. differ.

16.

vult, quàm quod ego. Adiungar, & adhærebo illi, velut manu ductus & assecla; cum illo appeto, cum illo desidero. Simpliciter, atque vno verbo; Quod Deus vult, volo. Vtere me in reliquum, vbi lubet, & vt lubet; mente tecum consentio, æquanimus sum, nihil recuso omnium, quæ tibi videbuntur; quocumque me voles, ducito: quam vestem lubet, circumdato. Magistratum me gerere vis? priuatum esse? manere? fugere? in pauperie, in opibus agere? Ego non assentior tantum, sed in his omnibus apud alios te defendam, & tuebor. Cur non in vita, æquè ac morte, id consilij sequamur? & Diuinæ legi ac voluntati pareamus? Constitui, & conformaui voluntatem meam Diuinæ: vult me febricitare?

l. 3. differ.

16.

& ego volo: aliquid aggredi? volo: potiri? volo: non potiri? nolo: mori? volo: Adde & viuere? volo. Id sanè saluberrimum. Nouit ille tempus opportunum viuendi, ac moriendi; & vitæ & mortis arbiter, certas vtrique descripsit metas. *Breues dies hominis sunt, numerus mensium eius apud te est; constituisti terminos eius, qui præ eriri non poterunt.* Vt nos induxit in

Job. 14.

v. 3.

hanc

hanc vitam, sic educet, cum erit maturum, ad gloriam suam nostramque salutem. Ille verò ingratus est, qui vitæ sibi concessæ, ac prorogatæ beneficium non agnoscit, non de eo gratias agit quotidie Deo vitæ largitori.

Tum verò mirari quoque soleo Stoicos; cum de alterius vitæ post mortem statu nihil illis liqueret; cum de immortalitate, aut potius diuturnitate animorum variè differerent; & si quando beatam vitam à morte quibusdam euenire censerent, non nisi tamen probis & repurgatis animis ab omni terrena facie; cur mortem adeo contemnendam, nihilque timendam sibi duxerint; cur proæmodum omnibus indifferentem existimarint; nec interesse crediderint, quâ quis conditione moreretur, quove in statu, & quem in locum à morte commigrandum foret.

Mors inter illa est, ait Seneca, quæ mala Ep. 41. quidem non sunt, tamen habent mali speciem. Sui amor est, & permanendi conseruandique se insita voluntas, atque aspernatio dissolutionis, quia videtur multa nobis bona eripere, & nos ex hac, cui assuecimus, rerum copia educere. Illa quoque res morti nos alienat, quod hæc iam nouimus; illa, ad quæ transi-  
turi sumus, nescimus qualia sint, & horremus ignota. Naturalis præterea tenebrarum metus est, in quas adductura mors creditur. Hæc non ex Stoica disciplina, sed naturæ instinctu, & magisterio, Seneca. Quò pertinent & illi versiculi Hadriani Imperatoris.

Animula, vagula, blandula,  
 Hospes, comesque corporis.  
 Quæ nunc abibis in loca,  
 Pallidula, rigida, nudula?  
 Non ut soles iocos dabis.  
 Ex inferorum nouem circulis, tertius est,  
 in quo

Virg. 6.  
 Æneid.

Proxima deinde tenent mæsti loca, qui  
 sibi lethum

Infantes peperere manu, lucemque perosi  
 Proiecere animas, quam vellent æthere  
 in alto

Nunc & pauperiem, & duros perferre la-  
 bores!

Fata obstant, tristisque palus innabilis unda  
 Alligat, & nouies Styx interfusa coercet.

Quamquam hæc fabulis inuoluta, non  
 omnino tamen à veritate aliena suspicari  
 debuerunt.

Qui factum igitur est, ut non maiore stu-  
 dio requirerent, quis foret animarum status  
 post emigrationem, ac dissolutionem à cor-  
 pore? Quod pertinebat accurata illa de finibus  
 bonorum & malorum disputatio, nisi ad in-  
 uestigandam & comperiendam vitam ac mor-  
 tem, bonorum vitam, malorum mortem  
 æternam?

Ep. 14.

Primaria illa ratio, quam sæpius inculcat  
 Seneca, non metuendæ mortis, immortalita-  
 tem animæ tollit, & atheismum sapit: Mors,  
 inquit, est, non esse id, quod ante fuit, sed  
 quale sit, iam scio, hoc erit post me, quod ante  
 me fuit. Si quid in hac re tormenti est, necesse  
 est & fuisse antequam prodiremus in lucem:  
 atqui

atqui nullam sensimus tunc vexationem. Rogo, non stultissimum dicas, si quis existimet lucernæ peius esse cum extincta est, quàm antequam accenderetur? Nos quoque & accendimur, & extinguimur: medio illo tempore aliquid patimur; vtrimque verò alta securitas. Quasi verò sine sensu sit anima, ut est lucerna, aut animæ rationalis lux, & sensus omnis cum corpore simul extinguatur. Aliàs: Mors quid est? aut finis est, aut transitus; nec desinere timeo: idem est enim, quod non cæpisse; nec transire, quia nusquam tam angustè ero. Falleris, tam eris angustè, ac miserè, ut te nunquam fuisse, semper exoptes. Mors impijs transitus est in sceleratorum sedem & regionem, in Orcum damnatorum: pijs autem & iustis Christi Domini merito & beneficio, in cæleste Beatorum domicilium.

Ep. 65.

Non est sanè mors indifferens, sed in malis habenda, quam Deus non fecerit, nec instituerit, author naturæ; sed quæ profluxerit ab originario peccato, quæ Diaboli invidiâ intrauerit in orbem terrarum. Iustis tamen hominibus, Christi Domini Saluatoris beneficio, mors salutaris ac vitalis euasit, in optatis & bonis habenda, quæ ad vitam sempiternam aditum patefaciat, cui summum sit illud annexum perseverantiæ donum, quo nullum à Deo maius sperari potest. *Preciosa in conspectu Domini mors Sanctorum*

Sap. 1.  
v. 13.

Ps. 115.

v. 15.

*eius*; qua nempe comparatur æterna felicitas . At *mors peccatorum pessima*, quæ sempiternæ damnationis via est, ac ianua certissima; & inter pessimas, omnium pessima, quæ propria infertur manu, irreparabilis desperatio, mors secunda teterima.

Potuerant Stoici experientia docti percipere, beatam vitam hoc in mortali corpore nemini contingere, variosque vitæ huius mortalis euentus hominum virtutibus ac vitijis minimè respondere, cum probi plerumque degant in mæore atque ærumnis, inhonorati, despecti; inopes, destituti à bonis huius vitæ, morbis, alijsque malis affecti; contra, improbi ac flagitiosi bonis omnibus circumfluant, in delitijs, voluptate, & honoribus vitam traducant. Quamobrem colligere debuerant, aliam superesse vitam, in qua cuique à Deo, iustissimo rerum omnium moderatore, pro suis factis rependeretur sempiterna merces, aut pæna. Quam rem, cum nos certissima fide teneamus exploratissimam, æquissimum est, ad mortem quotidiana meditatione, ac virtutum exercitatione nos comparemus, eiusque pro-  
 rogationem, quoad erit necesse ad repurgandos & expiandos animos nostros, caelestique Regno parandos, ac Deo probandos, cum ea, qua par est, moderatione, atque in Diuinam voluntatem resignatione, postulemus. *Netum, fac mihi Dominus*



*Domine finem meum, & numerum dierum  
meorum quis est: ut sciam quid desit mihi.* v. 6.  
*Ecce mensurabiles posuisti dies meos: &*


*substantia mea tanquam nihilum ante te, &c.* Ps. 30.  
v. 15-16.

*Ego autem in te speravi Domine: Dixi: Deus  
meus es tu: In manibus tuis sortes mea,  
tempora mea. Tu vitæ meæ, & mortis  
arbiter. Non ante moriar, quam pecca-  
to, mundoque, ac mihi met mortuus, vni  
tibi viuam. Non ante moriar, quam te  
mihi contingat, lumen, & salutare meum,  
instar S. Simeonis senis, brachijs Fidei,  
& Charitatis amplecti. Tum tuben-  
ter in tuo complexu moriar, & dicam:*

*Nunc dimittis seruum tuum Domine, secun- Luc. 2.  
v. 29-30.  
dum verbum tuum in pace: Quia viderunt  
oculi mei salutare tuum. Amen.*



**CAPVT**



## CAPV T. XXXI.

*Quis sensus esse debeat hominis Christi-  
iani in appetendâ atque obeun-  
dâ morte.*

**O** Ptarit sibi fortè quispiam, constantiæ Stoicorum æmulus, cum animi sensum in appetendâ morte, qui fuit in Apostolo Paulo, cum diceret. *Ego autem iam delibor, & tempus resolutionis meæ instat. Bonum certamen certavi, cursum consummavi, fidem servavi. In reliquo reposita est mihi corona iustitiæ, quam reddet mihi Dominus in illâ die iustus iudex: non solum autem mihi, sed & ijs qui diligunt adventum eius.* Videte, ait S. August. quomodo exultat venturus ad passionem. Exultat, quia moriturus est; & Dominus eius, Imperator eius tristis est, quia moriturus est; ergo melior servus, quàm Dominus est? fortior miles, quàm Imperator? Nempe suscepit infirmitatem nostram, & nostri exempli ac solatij causâ hos tristiores sponte induit affectus; contristatus est, ut nos consolaretur; timuit, ut nos confortaret atque animaret.

Bene igitur, adeoque optimè agetur cum homine Christiano, si in illo is sit animi sensus,  
qui

1. Tim. 4.  
v. 6, 7. & 8

In Ps. 31.  
& 100.

qui fuit in optimo Duce nostro, Christo Domino, cum imminentem mortem exhorruit, quamquam sponte, ac volens exhorruit, vt nos in se transformaret, in suâ nostram omnium personam exprimens. Tantus fuit hic pavor, & horror proximæ mortis, in Oliuarum horto, tanta mæstitia, tam vehemens agonia, vt copiosum illi sanguinem ex omnibus membris corporis eliceret; non vicit tamen, nec imminuit eius animi fortitudinem ac constantiam, quin totum sese Saluator Diuinæ voluntati permetteret, ac consignaret, tertio ad Deum Patrem repetitâ precatone. *Non quod ego volo, sed quod tu. Non mea voluntas, sed tua fiat.*

Mar. 14.

v. 36.

Luc. 22.

v. 42.

Ad eum modum, cum mors sit extremum naturæ malum, horribile maximè; cum eius sit interitus ac dissolutio; cum vitæ sit priuatio; quæ velut vno fundamento, omnium bonorum, quibus hic fruimur, nititur copia; permittitur homini Christiano eam exhorrescere, & quoad potest refugere; dum tamen Diuinæ se Prouidentię, ac voluntati committat; nec eius summi Imperatoris, qui de vitæ eum statione iubet abscedere, imperio reluctetur.

Est & altera iustior timendi causa, quod mox à morte reddendæ sint totius antea vitæ rationes, de omnibus factis, dictis, cogitatis ad Dei tribunal exactissima sit habenda quæstio, Deique iustitiæ faciendum satis, cum aut sempiternæ mercedis pro rectè factis, aut pænæ ac mortis pro criminibus admissis, excipienda sit sententia, quæ sine tergiversatione ac morâ demandabitur executioni.

Hæc

Hæc cum ita sint, fieri non potest, quin apud intelligentes sola mortis recordatio ac mentio, metum haud vulgarem incutiat; quin, ubi nos morituros; & ad Dei tribunal sistendos à morte, & incertum an eo ipso die, cogitamus, si viget in nobis fides, si non planè delipimus, animo toto ac corpore contrémiscamus. Quare permittitur homini Christiano mortem timere, atque expauescere; & verò etiam consulitur illius cogitationem, metum, atque horrorem subinde in animum sponte suscipere, vt per eam in officio retineatur, ad eâque supremam horam maiore se curâ ac diligentia compareret.

Ita legimus Christum Dominum, iniectâ passionis ac mortis mentione, non semel, sponte cohorruisse, vt apud Ioannem: *Nunc anima mea turbata est. Et quid dicam? Pater, saluifica me ex hac hora. Sed propterea veni in horam hanc. Pater, clarifica nomen tuum.* Et aliàs: *Pater, venit hora; clarifica filium tuum, vt filius tuus clarificet te.* Quâ nos quoque precationis formulâ possumus vtî; sed prior illa accommodatissima est, quâ nos Diuinæ voluntati totos consignemus: *Pater, fiat voluntas tua. Non sicut ego volo, sed sicut tu vis. Para in cor meum Deum, paratum cor meum.*

Mortem in malis habendam, & pœnam esse primæui peccati; iam ante diximus: nam, si per peccatum anima non se abstraxisset à Deo, nec ab animâ corpus abiungeretur vllâ vi; sed quemadmodum anima Deo, sic corpus animæ cohæreret; atque insolubili nexu sociaretur; ipse primus Parens in innocentia statum nunquam mortem obuiisset, sed vbi se Deo probasset

Ioan. 12.  
v. 27. 28.

Ioan. 17.  
v. 1.

Ps. 107.  
v. 1.

basset constituto quodam interuallo temporis, ad diem condictam in alteram vitam immortalem translatus esset, non prius obitâ morte; eademque felix ac fausta fuisset posterorum eius omnium in Dei gratiâ perseuerantium conditio. Sed quâ die fuit inobediens Deo, vetiteque arboris fructum degustauit, mortem sibi, posterisque omnibus arcessiuit; duplicem, inquam, mortem; corporis, atque animi; naturę, ac peccati. Ex eâ die omnes ex eo prognati morimur, fuitque vnius culpa, mors omnium.

• Verum enimvero alterius, Adami, reparatoris nostri, merito ac beneficio, cum sine culpâ mortem ipse subiit acerbissimam, ex Dei Patris obedientiâ, mors morte deuicta est, ac sub iugum missa, detracto illi aculeo peccati venenato exarmata atque imbecillis propemodum effecta est; vt iam non modò non perhorrescenda; sed etiam expetenda, in bonis, ac votis habenda videatur; vitalis, ac salutaris redditâ; veluti partus nouę vitę, sempiternę, velut eius ostium, per quod in eam nobis aditus patefiat; vel certè velut vehiculum, quo in beatam vitam commodè deuehamur. Hoc illud est, quod morti exprobrat Apostolus.

1. Cor. 15.

*Absorpta est mors in victoria. Ubi est mors vi-*

v. 54. 55.

*etoria tua? ubi est mors stimulus tuus? Stimu-*

16.

*lus autem mortis peccatum est: virtus verò peccati lex; Sed extinctio atque abolitio peccati, gratia Diuina Saluatoris, quâ Deo reconciliati vitam speramus æternam. Duplicem mortem nostram, naturę, ac peccati, vnâ simplice suâ Christus Dominus superauit ac profligauit.*

Præclare

Serm. de  
mort.

Præclarè Cyprianus: Mori planè timeat;  
 “ sed qui ex aquâ & spiritu non renatus, gehennæ  
 “ ignibus mancipatur; mori timeat, qui non  
 Christi Cruce & passionè censetur; mori ti-  
 “ meat, qui ad secundam mortem de hac morte  
 “ transibit &c. Quod interim morimur, ad im-  
 “ mortalitatem morte transgredimur; nec potest  
 “ vita æterna succedere, nisi hinc contigerit ex-  
 “ ire. Non est exitus iste, sed transitus; & tem-  
 “ porali itinere decurso, ad æterna transgressus.  
 Quis non ad meliora festinet? Quis non mu-  
 “ tari, & reformari ad Christi speciem, & ad  
 cælestis gratiæ dignitatem venire citius exoptet?  
 Cum igitur naturæ mors vitali Christi morte  
 deuiçta sit, ac prostrata; cum per eam nobis  
 aditus pateat ad beatam eternitatem in Cælis  
 traducendam; cur eam tantopere reformide-  
 mus, ac refugiamus? cur non magis exopte-  
 mus?

Atque ut ex eodem S. Cypriano prosequa-  
 “ mur. Paulo Apostolo prædicante: Nostri au-  
 “ tem conuersatio in Cælis est, unde & Domi-  
 “ num expectamus &c. Eius est, in mundo diu  
 “ velle remanere, quem mundus oblectat, quem  
 “ sæculum blandiens, atque decipiens illecebris  
 “ terrenæ voluptatis inuitat. Porro cum mun-  
 “ dus oderit Christianum, quid amare eum; qui  
 “ te odit, & non magis sequeris Christum, qui  
 “ te & redemit, & diligit? Et sub finem: Quis  
 “ non, peregrinè constitutus, properet in patriam  
 “ regredi? Quis non, ad suos nauigare festinans,  
 “ ventum prosperum cupidius optaret, ut velo-  
 “ citer charos liceret amplecti? Patriam nostram  
 “ Paradisum computamus, parentes Patriarchas  
 habere

habere iam cœpimus, quid non properamus & currimus, vt patriam nostram videre, vt parentes salutare possimus? Magnus illic nos charorum numerus expectat, parentum, fratrum, filiorum frequens nos, & copiosa turba desiderat, iam de suâ immortalitate secura, & de nostrâ salute sollicita.

Mors naturæ vetustum est debitum, iam ab originario peccato contractum, nemini non exsoluendum; cui sese ipse Dei Filius, Saluator innocentissimus, nostræ redemptionis causâ submisit, & Parentem quoque suam sanctissimam, immunem ab omni peccato, subiaccere voluit, quod nemo non eius maiorum, aut volens, aut inuitus exsoluit. Si quid erat igitur acerbitatis atque amaritudinis in morte, degustatâ eâ à Christo Domino, sanctissimaque eius Matre, videtur abstersum. Si quid asperitatis ac molestiæ in eâ carnis vniuersæ viâ, tot eâ iam maiorum nostrorum vestigijs proculcatâ, detritum est. Horum omnium exemplis, atque imprimis Christi Domini præfidijs, mors iam videri potest expetenda, non perhorrescenda; non acerba, & amara; sed suavis atque in delitijs habenda. Nam peccati mortem planè confidimus Diuinâ Christi Domini gratiâ profligatam; sine quo quidem aculeo, quid mors efficere queat?

Quemadmodum triplex vita, naturæ, gratiæ, ac gloriæ; ita mors quoque triplex designari, ac spectari potest, corporis, animæ, ac gehennæ; aut quemadmodum præter eam vitam, quàm anima corpori tribuit, aliâ est ordinis Diuini vita,

vita, quam Deus animæ tribuit, hic primum inchoatè per gratiam, quæ participatio quædam est Deitatis; tum in alterâ vitâ perfectè & consummatè per gloriam, ipsius Deitatis claram visionem; ac fruitionem; ita præter mortem naturæ, & corporis, quâ seiungatur anima à corpore, alia est mors peccati & animæ, quâ Deus ab animâ seiungitur, eamque omni suâ gratiâ, ac benevolentia priuat; quæ denique definit in gehennæ, ac sempiternæ damnationis horribilissimam, & nullo vnquam fine terminandam mortem. Hæc est mors secunda, nunquam satis exhorrescenda, omni cura, diligentia, industria, ope ac contentione fugienda. Prior naturæ, ac corporis metuenda quidè; sed si vita gratiæ & gloriæ superest, per eamque naturæ corporisque mortem certa ac secunda redditur hæc altera gratiæ atque animæ vita (quod sanè magnum est mortis beneficium) plus in ea est vitæ, ac boni, quàm mali, ac mortis; quare non adeò fugienda.

Certissima mors est; imò nihil in rebus humanis certum, nisi mors, vti præclare obseruat S. August. sed tempus, locus, modus, incerta; quæ tamen ipsa sollicitos nos, & anxios habere non debent, dum in Dei gratia, & amicitia mors minimè imparatos offendat. Quocumque tempore, loco, modo mors obtingat, nihil obfutura est, si careat aculeo peccati, quo nos conficiat, atque æternū perimat. Si viuit anima, resistet morti: nam si mortua est, tum nullo resistente dirè grassabitur mors in corpus, animamque mortuam. Erit illi præda, non solum corpus putredine & vermibus absumen-



absumendum, verum & anima sempiternis ignibus à morte depascenda, Sed auertat Deus hanc diram à nobis peccati mortem, ne cum naturæ ac corporis morte confocietur mors secunda animæ & gehennæ.

Cæterum, *si ceciderit lignum ad Austrum, Ecc. 11. aut ad Aquilonem, in quocumque loco ceciderit, v. 3. ibi eris.* Quales mors nos repertura est, tales perpetuæ listet æternitati; tales adducet ad Dei tribunal, ex eius oré sempiterni præmij, aut supplicij sententiam excepturos. Qualem S. Cypria. de mort. te inuenerit Dominus, cum vocat, talem periter & iudicat. Cum igitur nesciat homo an amore, an odio dignus sit; nemoque sibi, neque de præsentis gratiâ, ac fide per charitatem informatâ, neque de perseverantiæ munere, certi aliquid absoluta certitudine promittere queat: inter spem metumque viuendum est; nec sine curâ, ac sollicitudine mors expectanda est, atque omnibus horis, omnibusque locis operienda, ne incautos atque imperatos opprimat.

Bene quidem de Diuinâ clementiâ, bonitate, ac misericordiâ sperare iubemur; tum & meritis Christi Domini Saluatoris, per Sacramenta nobis benignè communicatis, potissimum inniti nos oportet; tamen extra metum nos esse non patitur illius horæ summæ summi & ineuitabile discrimen. Tanti est Æternitas, summè aut Beata, aut Misera; quæ nos Deo, summo bono nostro, ac fini vltimo, adiunget in cælis, eo beandos, neque vnquam abiungendos; aut (quod absit) ab eo seiunget, atque in Orcum damnatorum de-

trudet sempiternis ignibus exurendos.

Accedit, quod in ipso exitu vitę, mortis-  
que articulo, Cacodæmon, hostis noster, om-  
nem vim suam atque industriam, vires omnes  
ac dolos sit explicaturus, & modò ad infide-  
litatem, modò ad desperationem, fortè & ad  
præsumptionem suggestionibus importunif-  
simis exagitaturus, &, ni Deus prohibeat, in  
peccati lapsum impulsurus; cui maturè nos  
crebris actibus fidei, ac spei, incensęque in  
Deum charitatis, obuiam ire par est, ac Ex-  
tremę Sacrę Vnctionis, quę ad eam luctam  
est instituta diuinitus, armatura nos commu-  
nire; tum verò & Sacratissimi Christi Cor-  
poris Viatico, quò reddamur inexpugnabiles,  
instruere nos oportet, vt non præualeat hostis  
aduersus nos, sed victores euadamus, gratias-  
que agamus immortales Deo, qui dedit no-  
bis victoriam, per Dominum Iesum Chri-  
stum.

Quamdiu durat hæc vita mortalis, assuevit  
malus Dæmon aduersus charitatem potissi-  
mum, Carne & Mundo ministris, volupta-  
te & honorum illecebris, aut aduersitatum  
incommodis; vel prosperę, vel aduersę fortu-  
næ telis dimicare; ab eaque nos Diuinā cha-  
ritate vel bonis ac blandimentis huius sæculi  
pellicere atque abstrahere, vel malis atque  
ærumnis deterrere nititur; sed, cum decursã  
vitã nihil magnopere supererit vel eorum bo-  
norum appetendum, vel malorum refugien-  
dum; cum præterita cuncta vanitatis arguen-  
tur, in ipso supremo morbo, ac mortis ar-  
ticulo, ipsa fidei, ac spei fundamenta concu-  
tere, ac

tere, ac omni vi ac fraude, quapoteſt, diſturbare conabitur. Quare tum eæ virtutes poſiſſimùm erunt exſulcitandæ atque exerendæ; ad eaſque impenſius Diuinæ gratiæ ſubſidia continuis precibus ac votis ardentibus imploranda.

Tum Angeli Tutelares, Patroni noſtriciſſi-  
lites, ipſa imprimis Benigniſſima Mater Dei,  
Mater gratiæ ac miſericordiæ, ſuppliciter  
erit inuocanda, ne deeſſe velit in hoc extre-  
mo diſcrimine: diſſipet omnes tartareas ad-  
uentu ſuo legiones, quietoſque ac pacatos  
reddat bonæ ſpei plenos, vt in eius Mater-  
num ſinum animas noſtras, fide, ſpe, chari-  
tate mandatas, atque animatas exhaſemus.

O beatam mortem, quàm Diua Mater ſua  
præſentia propugnare, ac cohoneſtare digna-  
ta fuerit! O beatam mortem Chriſtianorum,  
quæ & Oleo Sacræ Vnctionis, & Chriſti  
Corporis Diuino Viatico ſit communis  
Vita magis, quàm mors appellanda, cum bea-  
tæ vitæ natalis ſit, atque introitus. Non illa  
mors à Chriſti charitate ſeparabit: ſed æter-  
no nexu, atque indiſſolubili ſociabit. Erit ea  
mors oneris grauiffimi deſcriptio, carceris ac  
vinculorum diſruptio, militiæ ac pugnæ peri-  
culoſæ, atque ancipitis exitus felix, victoria,  
ac triumphus: longæ ac moleſtę peregrina-  
tionis terminus: ab exilio in patriam reuo-  
catio: nauigationis, ac iactationis in longa  
tempeſtate portus optatiſſimus, ſinis labo-  
rum, ac requies: ſecuritatis ingreſſus. Com-  
mutatio erit optatiſſima laboris in quietem,  
perturbationis in tranquillitatem, mæſtitię

in iucunditatem, timoris in securitatem, denique egestatis & inopię in abundantiam & satietatem.

Perinde euenit iusto in Dei gratia morienti, ac si ex equo furioso, quem regere sine molestia, ac periculo nequibat, itinere demum confecto, feliciter exscenderet; Ac si de domo omnibus iniurijs peruiā, iam iam minitante ruinam, proriperet se, atque in ædes commodissimas commigraret, nempe in domum æternam, non manu factam in cælis. Mors, omnium ægritudinum ac morborum vltima, ac præsentissima est medicina, omnium periculorum euasio, omnium ærumnarum consumptio. Ac, si corpus quidem spectes ab animā sciunctum, mors egregiè somno comparatur, quo veluti correptum tam diu iacebit in sepulchro, quoad nouissimo die, Angelicę tubę sonitu, exsuscitetur, & animę sociatum eternę vitę restituitur; si verò animam attendas, quę digreditur à corpore, mors peregrinatio est, iter & profectio longinqua; discessus in regionem valdè dissitam, in cæleste regnum & domicilium; aut potius, mors rheda ac vehiculum à Deo submissum haberi debet, quo felix anima in cælestem Beatorum aulam deuehatur.

Sed me vehementer absterret hoc Biuium æternitatis, ne pro rheda cælesti obueniat infernalis catena, quā præter opinionem in Tartarum anima infelicitissima pertrahatur. Terret me discrimen anceps consequuturæ innox æternitatis; hæreo suspensus expectatione

tione nouissimi iudicij, quod sanè scio ab humanis longè discrepare iudicijs. Non me mors ipsa terreret, nisi consequeretur à morte iudicium. Sine hoc timore salutari nec viuere, nec moricuiquam expedit.

Atque, vt in morte quoque nobis præluceat, qui in omni vitâ & doctrinâ præluxit, eximius Ecclesiæ Doctor, S. Augustinus; dicere consuevit inter familiaria colloquia, post perceptum Baptismum, etiam laudatos Christianos Sacerdotes absque dignâ, & competenti pænitentia exire de corpore non debere. Quod ipse fecit ultimâ, quâ defunctus est, ægritudine: nam sibi iusserat psalmos Dauidicos, qui sunt paucissimi de pænitentia scribi, ipsosque quaterniones iacens in lecto, contra parietem positos diebus suæ infirmitatis intuebatur, ac legebat iugiter, ac vbertim flebat.

O virum verè magnum atque humilem, qui quam animi demissionem in omni vitâ semper excoluerat, in morte quoque retinuit ac exhibuit! qui nobis exemplo præiuit, & viuendi, & moriendi in sancto Dei timore, in humilitate, & pænitentia homini saluberrimâ, Deoque acceptissimâ!

Non constat tamen ea pænitentia solo Diuini iudicij metu, neque eo præcipuè niti-  
tetur; sed Christi Domini meritorum, ac gratiæ certa spe, Sanctissimorumque eius Sacramentorum usurpatione confidit; ac tametsi minimè secura, ac præsumens; non

tamen desperabunda, neque nimium timida mortem expectat, atque excipit. Ut spem inter & metum traducenda nobis est vita; ita & mors excipienda. Secludat Dei metus præsumptionem, spes ex aduerso desperationem. Diffidamus de nobis ipsis, at in Christi Domini Passionis, ac mortis meritis, Sanctisque piè usurpatis Sacramentis, tum & D. Matris ope præcipuè confidamus.

Humilitatem & in ipsa morte conciliet, & tueatur in nobis præteritorum recordatio peccatorum, quæ Christi tamen indulta nobis, merito confidamus. Dicamus illi, quod est in Psalmo: *Miserere mei Domine quoniam infirmus sum: sana me Domine quoniam conturbata sunt ossa mea. Et anima mea turbata est valde: sed tu Domine usquequo?* Dixi: Confitebor aduersum me iniustitiam meam Domino: & tu remisisti impietatem peccati mei. Domine, ante te omne desiderium meum: & gemitus meus à te non est absconditus. Non auertas faciem tuam à me. Velociter exaudi me Domine: defecit spiritus meus. Non auertas faciem tuam à me: & similis ero descendentibus in lacum.

Ita nos contingat ex animo precari, aut in illis B. Stephani verbis emori: Domine IESU, suscipe spiritum meum, aut in tuis, ô Bone IESU: Pater, in manus tuas commendo spiritum meum: nam beneficium bonæ mortis, si cui obtingit, beneficio ac merito tuæ passionis, ac mortis obtingit.

Tu,

Ps. 6.  
v. 3. 4.

Ps. 31.  
v. 5.

Ps. 37.  
v. 10.

Ps. 101.  
v. 3.

Ps. 142.  
v. 7.

Act. 7.  
v. 58.  
Luc. 23.  
v. 46.

Tu, cum esses summi Dei Filius, ad mortem vsque Crucis horribilissimam abijcere te non es grauatius, ne nos æternum moreremur, vt tua morte mortem nostram profligares, & tua hac suprema humilia-  
 tione exaltationem nostram promerereris. Sit igitur tua mors vita nostra, tua humilia-  
 tio nostra exaltatio; tecum moriamur, te-  
 cum exsuscitemur; moriamur peccato,  
 mundo, nobismetipsis; exsuscitemur ad  
 gratiæ gloriæque vitam sempiternam. Hu-  
 miliemur tui causa, vt per te tandem exal-  
 temur, & glorificemur. Amen.



## ELENCHVS

## CAPITVLM

## LIBER PRIMVS.

Caput **D** *Isputatio Apostoli cum*  
*primum. Epicureis, & Stoicis, a*

*Sancto Augustino explicata. pag. i*

Cap. ii. *Stoicos vivere secundum carnem,*  
*ex Apostolo; & quales ab eo des-*  
*cripti sint. 9*

Cap. iii. *Seetam Stoicorum deteriozem esse*  
*seetam Epicureorum; hos Sadducais,*  
*illos Phariseis, equiparandos. 15*

Cap. iv. *Ex Stoicorum dogmatis ortas*  
*haereses; cur ea tamen eruditis non-*  
*nullis hodieque probentur. 21*

Cap. v. *Humilitatis virtutem ne de no-*  
*mine quidem Philosophis notam fuisse,*  
*& quid ea sit. 30*

Cap. vi. *Stoicos ignorasse duplex hoc ve-*  
*ritatis & humilitatis principium. 36*

Cap. vii. *De praestantia virtutis humi-*  
*litaris*



*litatis, eiusque necessitate.* 43

Cap. viii. *De summo bono, & fine ultimo, ad quem omnia referenda, ipse ad nullum; quis sit ex Christianorum & Stoicorum sententiâ?* 53

Cap. ix. *De duplici consecutione summi boni, ac finis ultimi; duplicique beatâ vitâ.* 61

Cap. x. *Quæ bona? quæ mala? quæ adiaphora? commoda, vel incommoda? producta? reiecta? quæ neutra?* 66

Cap. xi. *Principium, seu fundamentum Exercitiorum S. Ignatij; & de rebus, quibus fruendum, vel utendum.* 73

Cap. xii. *Sola virtus sufficit ad beatam vitam, satisque habet præsidij ad bene beateque viuendum sensu Christianorum, non Stoicorum.* 79

Cap. xiii. *An Deo seruendum sit mercedis intuitu?* 89

Cap. xiv. *Hactenus irreperitum sapientem Stoicum. De proficientibus, & de sapientia, Christianorum.* 94

Cap. xv. *Perfectis quoque, quamdiu durat hæc vita, proficiendum.* 101

Cap. xvi. *De gradibus humilitatis.* 108

Cap. xvii. *Amplius differitur de perfectione*

*Etione charitatis, & humilitatis.* 115

Cap. xviii. *De passionibus seu perturbationibus animi, siue de ἀπάθεια Stoicorum.* 120

Cap. xix. *De origine perturbationum animi, prauā concupiscentiā.* 126

Cap. xx. *De pugna carnis ac spiritus, & continuā mortificatione passionum.* 134

Cap. xxi. *Quæ sint in nobis seminaria virtutum? An virtus homini sit naturalis?* 141

Cap. xxii. *Quo sensu virtutes omnes sint inter se connexæ?* 147

Cap. xxiii. *Virtutes ex sua formali ratione, etiam perfectæ, & in heroico gradu, non sunt connexæ.* 153

Cap. xxiv. *Virtutes omnes non esse inter se pares; nec in eodem, nec in diuersis hominibus æquales.* 162

Cap. xxv. *Vitia omnia nec sunt connexa inter se, nec paria.* 168

Cap. xxvi. *Virtutes Stoicorum fuisse superba vitia, ex mente S. Augustini.* 175

Cap. xxvii. *Nec vitia posse vitari, nec virtutes acquiri, & exerceri sine auxilio gratiæ Dei.* 183

Cap.

Cap. xxviii. *Virtutum copiam ac bonorum operum, salutem, ac beatam vitam, à Christo Domino flagitandam.* 196

Cap. xxix. *Detegitur à S. Hieronymo virus latens superbiam in epistolâ Pelagij ad quandam viduam; item à S. Augustino in epistolâ eiusdem Pelagij ad Demetriadem virginem.* 202.

Cap. xxx. *De Ruffino & Melaniâ, Origenis & Pelagij fautoribus; Marcella & Pammachio, ab eximia fide & humilitate commendatis à S. Hieronymo.* 209

Cap. xxxi. *Cur tantopere Deo sit exosa superbia; humilitas autem & Deo, & hominibus gratissima virtus?* 219.

LIBER.



## LIBER SECVNDVS.

Cap. I. **D**E Paradoxis Stoicorum. 226

Cap. ii. **I.** Paradoxum; Sapientes omnes pares esse. 232

Cap. iii. **Aduersus idem Paradoxum, ab exemplo Apostoli, & Hieronymi potissimum auctoritate.** 238

Cap. iv. **II.** Paradoxum; Virtutes pares, itemque indiuiduas esse. 245

Cap. v. **III.** Paradoxum; Sapientem sibi parem, & in gaudio semper esse. 252

Cap. vi. **Aduersus idem Paradoxum, ex S. Augustino, hominem nec corpore, nec animo sibi parem esse; & in gemitu magis ac luctu, quam gaudio esse debere.** 260

Cap. vii. **Sapientem Christianum, etiam in mœrore & luctu, semper sibi parem, & in gaudio esse.** 267

Cap. viii. **IV.** Paradoxum; Sapientem vel in tormentis beatum esse. 273

Cap. ix. **Confirmatur hoc Christianum Paradoxum ratione Sanctorum Iob, Tobia, & Martyrum exemplis.** 281

Cap.

- Cap. x. V. Paradoxum; Sapientem  
ἀνυδov, & imperturbabilem esse. 291
- Cap. xi. Iterum de affectibus, maxime  
de affectu amoris, & tristitia, ex  
S. Augustino. 298
- Cap. xii. VI. Paradoxum; Sapientem  
non opinari; itemque non ignorare,  
non fallere, non mentiri. 307
- Cap. xiii. VII. Paradoxum; Sapientem  
nihil præter opinionem euenire. 313
- Cap. xiv. VIII. Paradoxum; Sapientem  
sibi sufficere, siue se solo conten-  
tum esse. 318
- Cap. xv. Aduersus idem Paradoxum;  
bonorum virorum societatem, & con-  
suetudinem vehementer expetendam. 324
- Cap. xvi. IX. Paradoxum; Omnia sa-  
pientis esse & solum diuitem censen-  
dum. 332
- Cap. xvii. Quem in finem diuitia sint re-  
ferenda? & quo consilio Christiana  
paupertas amplexanda? 342
- Cap. xviii. X. Paradoxum; Solum sapien-  
tem liberum, ceteros omnes seruos. 348
- Cap. xix. Ad X. Paradoxum sententia  
aliquot S. Augustini. 356
- Cap. xx. XI. Paradoxum; solum sapien-  
tem Regem esse. 362

- Cap. xxi. XII. Paradoxum; Sapientem Deo parem, plenum gaudio, bilarem & placidum, inconcussum, cum Dijs ex pari viuere. 368
- Cap. xxii. Aduersus idem Paradoxum, maxime ab exemplis S. Scripturae, & recentiore quodam illustri. 375
- Cap. xxiii. XIII. Paradoxum; Sapientem omnia rectè facere, etiam digitum exserendo; sine peccatis esse. 381
- Cap. xxiv. Contentio inter Principes Apostolorum, Petrum & Paulum, de obseruatione legalium, agitata inter Principes Doctorum, Hieronymum & Augustinum, quâ ratione sit definienda? 386
- Cap. xxv. De S. Augustini, summi Ecclesiae Doctoris, eximia humilitate. 395
- Cap. xxvi. XIV. Paradoxum; Sapientes soli inter se amici; soli amare gnari. 404
- Cap. xxvii. Plura simul Paradoxa: Sapientem solum pulchrum, Nobilem, Ciuem, Magistratum, Patrem, Rhetorem, & orania esse. 411
- Cap. xxviii. Paradoxa mixta; Sapientem non affici iniuriâ, non insaniâ, non ebrietate; non ignoscere, non misereri. 418

*sereri.*

Cap. xxix. *Paradoxum singulare; Omnes stultos insanire, & omnia vitia in omnibus.*

Cap. xxx. *Paradoxum ultimum; Sapientem sumere aliando mortem posse, decere, ac debere.*

Cap. xxxi. *Quis sensus esse debeat hominis Christiani in appetendâ, atque ob-eundâ morte?*

FINIS.

1. The first part of the report is a general  
introduction to the subject.

2. The second part is a description of the  
method used in the investigation.

3. The third part is a description of the  
results of the investigation.

4. The fourth part is a discussion of the  
results of the investigation.

5. The fifth part is a conclusion.